


**FRANCISCI  
TITELMANNI  
HASSELLENSIS  
NATURALIS  
PHILOSOPHIAE...**

---

Franz Titelmans






4

Titel  
de  
confid  
Natur

150







12-27-D-6  
FRANCISCI  
TITELMANNI  
HASSELENSIS NATV.  
RALIS PHILOSOPHIAE  
COMPENDIVM,

12  
29  
1  
6

SIVE  
*De Consideratione rerum Naturalium Libri xii.*



ANTVERPIAE,  
*Apud Martini Nutij Viduam,*  

---

*Anno M. D. LXI.*

*ex lib. Matthe*

12 6  
29 D

## ORDO, ET MATERIA LI- brorum duodecim sequentium.

Liber Primus tractat de principijs rerum naturalium.

Liber Secundus, de causis rerum naturalium.

Liber Tertius, de motu & accidentibus eius.

Liber Quartus, de infinito, loco, vacuo, & tempore.

Liber Quintus, de generatione & corruptione rerum  
naturalium.

Liber Sextus, de meteorologicis impressionibus.

Liber Septimus, de celo & mundo.

Liber Octavus, de anima in generali, & de potentijs  
vegetatiuis, deq; longitudine & breuitate vite.

Liber Nonus, de sensibus exterioribus, & eorum sen-  
sibilibus.

Liber Decimus, de sensibus interioribus, deq; somno  
& vigilia.

Liber Vndecimus, de intellectu & præcellentibus eius  
officijs.

Liber Duodecimus, de appetu sensitivo & voluntatis  
præcellentia.

# OPTIMÆ STUDIORVM

PARENTI, SEMPER VENERAN-

dæ artium liberalium Facultati, in præclara Lo-

uanienti Academia creditos alumnos fide-


lissimè educanti, Frater Franciscus

Titelmannus Hassellensis humi-

lis eiusdem discipulus cum

omni reuerentia humile

offert obsequium:



*Um ante annos aliquot, optima studiorum Pa-  
rens, è tuo gremio ad sacram Minorum Fratrum  
religionem me contulisses, ac non multò post su-  
periorum imperio ( quibus reluctari nec poterã,  
nec debebam ) compellerer ad eam doctrinam fra-  
tribus communicandam, quam è tuis suxeram be-  
nignissimi sæcundissimisque vberibus, id est, ad  
prælegendas Philosophicas disciplinas, vt mihi iniunctum obedientie  
mandatum pro fratrum simplicium veritate, quàm possem fidelissimè  
perficerem, visum fuit hoc mihi bonum consilium, vt ea que olim tuo  
insidens gremio, partim à doctissimis præceptoribus ( cuiusmodi sem-  
per plurimos alis ) viva vocis magisterio acceperam, partim ex muto-  
rum magistrorum scriptis, id est, eruditorum Philosophorù libris, pro-  
ingenioli mei tenuitate hauseram, succinctè breuiterque, velut in com-  
pendium colligerem, & nihilominus lucidè & ordinatè quantum pos-  
sem omnia disponens, nihil eorum quæ essent necessaria, omitterem.  
Sic enim simplicium fratrum conditioni iudicaui utilius, vtpote qui-  
bus bona diei noctisque pars diuinis hymnis decantandis, sacris per-  
agendis mysterijs, & circa proximos exercendis hierarchicis actibus  
foret impendenda, ita vt ad Philosophiæ studia minimum temporis  
superesset, neque vacaret eorum qui plenius illa tractarunt, proli-  
xos & difficiles commentarios enoluere. Ad Physicam autem disci-  
plinam in compendium contrahendam meum desiderium peculiari-  
ter etiam illud accendit, quòd hanc rem à nemine hætenus tentatam  
conspicerem. Nam in Dialecticis, vel vsque ad nauseam abundè  
multos inuenias, qui totam librorum seriem per ordinem sunt prose-  
quuti. Hætenus autem qui Physicæ disciplinæ amplitudinem compen-  
dio strinxisset ( quod ego quidem sciam ) extitit nemo. Ac prout de-  
bar operæ precium facturum, si tam comoda oblata occasione, quod ani-*



mo infederat, opere perficerem. Neque enim minimam præstare mihi videntur studiis utilitatem, qui ea quæ à prioribus multa prolixitate & obscuritate tractata fuere, sua industria atque diligentia in compendiosam ordinatamq; brevitatem laborat contrahere. Quos enim inuoluta prolixitas molestaq; difficultas deterrent, plerumque grata breuitas & compendiosa facilitas ad honesta studia mutant. Super hæc verò propositum nostrum vehementer adiuvat, animumq; addidit, quòd videbam Physicam disciplinam, si rectè & pro sua dignitate tractaretur, ad sacram Theologiam plurimum omnino habere momenti, & ad pleniorẽ cognitionem: neque ad Dei tantum cognitionem, verum etiam ad Dei excitandum amorem, mirum in modum conducere: quæ duo (nempe Dei cognitio & amor) omnium debent esse honestorum studiorum ultimus atque præcipuus finis. Et gestiebat animus, hac in parte aliquam tibi, optima mater, ostendere gratitudinem: videlicet demonstrando eas disciplinas, quibus tibi creditos alumnos instituis, non solum ad eruditionem absolutam esse omnino necessarias, verum etiam ad pietatem (quæ ad omnia utilis est) plurimum conducentes: ut merito sanxerint venerandi Theologorum Magistri, neminem illo Theologia titulo insigniendum, itidem & Medicinæ honorandi ex sacra pagina instructione professores, neminem ad suæ professionis ullum gradum admittendum, qui non prius in tuo gremio fatus, tuoq; saluberrimo lacte pastus fuerit, imò & ablactatus, videlicet hoc ipso suo iudicio manifestissimè attestantes, quòd nulla omnino disciplina (neque quæ ad corpus, neque quæ ad animam spectat) absque tuæ institutionis prædicto fundamento, solida possit consistere. Nunquam enim viri prudentissimi id statuti editis canisissent, nisi prorsus solido veritatis cibo ineptos indicassent, quos non tu prius tuo lacte potasses. Itaque, cum hos Physicæ considerationis libros Physicæ disciplina hoc compendium, multorum precibus importunis diu multumq; sollicitatus, tandem acquiescens amicis postulationibus in lucem edere decrevissem, post Deum omnis boni primum auctorem & omnis parentem veritatis, non inuenire potui in terris, cui hunc laborem iustus possem quàm tibi mea nutrix, mea soritrix, mea optima mater, dedicare ac nuncupare. Est enim hac Dei institutio, ut singula vnde effluunt, illuc & refluant. Ad locum (inquit sapientissimus ille rerum naturalium inuestigator Ecclesiastes) vnde exeunt flumina, reuertuntur, ut iterum fluant. Quæ nos ergo primum quidem à Deo omnis veritatis doctore, post hunc autem ex tuâ institutione accepimus, iustum est illi ut primario datori per gratiarum actionem accepta referri, ac deinde in te quoque vnde nobis effluerunt refluere. Si

3  
 re. Si verò hunc nostrum laborem tibi non ingratus, ac tuus alumnus non inutilem compererimus, quod nunc in Physica disciplina egimus, forsitan & in Dialecticis aliquando tentabimus. Puto enim & illic laborem superesse Christiano operario, hactenus à nemine susceptum, quo mirum in modum illius quoque disciplina dignitas possit exaltari. Qui te suorum puerorum nutricem instituit, ipse te quoque felici statu conseruet, & multa semper prole facundet, ut sis quasi vitis abundans in lateribus domus eius, sintq; filij tui sicut novella plantationes oliuarum, in circuitu delicatissimæ mensæ tuæ.

## PSALMVS NVNCVPA- TORIVS OMNIVM CREA- TORI, TRINO ET VNO DOMINO.



Idebam ego librum latum, pulcrum & magnum, & utrum eius quasi gravidatum & tanquā pręgnantem conspiciebam in visione mea.

Intendi mentis aciem, & vidi de utero eius enasces libros plurimos: & contemplantar si non imminueretur partu tam multiplici gravidatus uterus.

Non potui considerare imminutionem eius: quāto plures prodibant factus, eò magis videbatur intumescere.

Dimicabant secum intra me cogitationes meæ: & cogitabam varia, voluebamq; plurima, quoniam tenebar rei miraculo.

Mulierum partus me docuerant, factu egresso abscedere collem vteri: monticulus, quem gignit latens in occulto, cadere solet egresso ra-  
 gente.

Propterea tenebat me rei nouæ miraculum: & luctabar ego cum cogitationibus meis, neque inueniebam exitum.

Feci mihi scalas altas, ut introspicerem in uterum libri, erat enim excelsus & eleuatus longè supra paruitatem meam.

Datum est mihi post laborem multum introspicere à longè: contēplatus sum (sed plusquam caligantibus oculis) quid inhabitaret in utero, aut quæ esset huius causæ miraculi.

Contemplans video utrum velut abyssum: & qui sedebat in eo, nō poterat videri, neque mensura, neque erat finis magnitudinis eius.

Desij admirari postquam videram: dixi enim, quomodo minuetur



uterus, qui in se habet inhabitantem infinitum & immensurabilem?

Quid enim si egrediuntur ex illo fetus parvuli, quando manet intra uterus ipse de quo fetus procedunt, maximus & implens omnia?

Parabola hæc quam assumpsi, confitetur gloriam illi qui creator est & dominus omnium, tibi dominator domine, pater sancte, Rex caeli, terra, & marium:

Tuam gloriam eloquitur similitudo mirabilis libri huius: & ad te pertinet gloria inhabitantis in eo.

Tu fecisti librum magnum & latum: universam hanc mundi machinam spatiosam & speciosam valde tu creasti.

Scripsisti in eo mirabilia multa & magna; incerta quoque & occulta sapientie tue impressisti in eo.

Immensam potentiam tuam, & incomprehensibilem sapientiam descripsisti in eo: inastumabilem quoque bonitatem & perfectionem tuam.

Singula quæ sunt in eo creatura, singule sunt pagine libri, singuli sunt characteres, singula perfectiones, quæ inveniuntur in illis.

In oculis omnium legendum exposuisti librum istum: volumine hoc volui facis atque revolvam, ante conspectum omnium populorum.

Legunt in eo quibuscunque levare placuerit oculos: intellectum quoque das omnibus, qui pio corde abs te poposcerint.

Verumtamen intra uterus illius tu posuisti habitationem tibi: intus enim es & presentissimus machina quam creasti, quidquid est creatum penitus in habitans.

Considerauerunt librum hunc plurimi, & viderunt quoniam esset fecundus nimium: & de libro hoc ediderunt libros sine numero.

Viderunt quoniam ad intelligendum esset liber difficilis: sectatoribus suis multiplicatione verborum atque librorum conati sunt explanare illum.

Magi, Sophi, atque Philosophi innumeri, operam impenderunt in considerandis paginis libri huius: te quoque auctore inveniunt non pauca veritatis tue quam descripseras in illis.

Inuisibilia enim quæ de te cognosci poterant, per facturam tuam fecisti intellectu ab illis conspici, sempiternam potentiam, virtutem, & bonitatem tuam.

A te procedebat quidquid describebant veritatis tue, à te namque pater luminum est omnis veritas, & tu manifestasti illis.

Verumtamen vanitates multas immiscebant veritati modice, erroribus

ribus multis ac venis opinionibus nimium erant permixta eorum omnia.

Non enim lumen plenum erat in oculis eorum: & quasi sine lumine excacatis oculis legentes, non potuerunt quae descriptae erant penitus cognoscere.

Excacavit enim eos affectus non bonus: nequam oculus totum corpus fecit esse tenebrosus.

Dicentes enim se esse sapientes, stulti facti sunt, quia non dederunt gloriam Deo soli qui creauit omnia.

Cum adorare debuissent, populiq; adorabilem predicare, quem in lectione libri huius cognouerant, dissimulare maluerunt: seq; glorificare magis concupierunt, quam creatorem Deum.

Quomodo parua in libro formulis pulchris decore haerent in flosculus paginarum, neque perpendant, quae descripta est in eo, veritatem.

Ita aspiciabant isti in creaturarum pulcritudinem sumi q; oblectati in eis: veritati autem quae continebatur, quaeq; parata sese erat aperire legentibus, non intenderunt cultu debito.

Propterea non sunt inuenti digni ampliore lumine: quoniam acceptis male vsi deprehensi sunt.

At verò, ubi venit plenitudo temporis, ut sanaretur caecitas generis nostri: misisti tu domine lucem tuam, quae illuminat omnem hominem.

In hoc lumine salubriter iam legimus librum istum qui antè fuerat sterilis: docet enim nos scientia salutaris fidei, in vniuersa te venerari creatura tua.

Qui attentè in lumine spiritus tui considerauerit opera tua, delectabitur suavissime Deus, auctor omnium, in factura tua.

Inueniet in ea materiam laudis quam recitet tibi confessionis amoris, & sancti desiderij.

Qui enim opificè diligit, quomodo non oblectabitur in opere eius? quomodo non reficabit operis contemplatio memoriam artificis, & confirmabit desiderium eius?

Ita pater sancte, creator omnium, hoc animo descripsimus considerationem creaturae tuae, in adminiculum simplicium quibus placitum erit tuorum operum attentius aliquid perspicere.

Quae veteribus illis Philosophis qui ante lucem surrogerat manifestasti: ubi cōsentanea inuenimus veritati, vandeicabimus in usum nostrum.

Nihil enim immundum putamus, quod sanctificatur & purificatur

satur in fide tua: non sunt abominandi thesauri Aegypti, cum consecrantur tabernaculo tuo.

Quæ verò supra sensum sunt hominum, & quæ ratio monstrare non potuit ex viris quos sacer tuus illustrauit radius, desumpsimus ea.

Ita pater, collecta hæc labore nostro offerimus tibi: propter tuam gloriam descripsimus, tuæ quoque mancipamus gloria.

Confido enim, quod falsitas non inueniatur in opere isto, neque mendacium, omnis autem veritas tibi debet consecrari, qui es Deus veritatis.

In hoc autem potissimum tu nosti fuisse conatum nostrum: ut formulam præberemus philosophari cupientibus, qua te discerent regere omnem considerationem suam.

Non enim ignoras, quanta sit in te ista abusio: & quàm rarus sit qui sic doceat contemplari creaturam tuam, ut tibi accedat gloria, tu optime habes cognitum.

Praua curiositas in facies abducit multos, in profundum facit immergi, ut ad te non leuent oculos.

In spinis & vepribus hærent plurimi, & dilacerantur in cogitationibus & adinventionibus ingenij sui.

Qui autem te quæserint in horto creaturarum tuarum, inuenient fragrantiam flosculorum bonorum: & qui cognitioni tuæ maiestatis aptauerit omnia studia, ipse pascetur in delicijs tuis.

Suscipiat itaque dominus meus quæ offert tibi seruulus tuus: fertum de rosis horti tui suscipe de manibus pueri tui.

Fac prosit olfacientibus illud, & excitate odore creature tuæ, subrebe in amorem sanctum tuum.

Ego verò sperabo in misericordia tua: & adijciam semper super omnem laudem tuam.

Gloria patri, & filio, & spiritui sancto.

Sicut erat in principio, & nunc & semper, & in secula seculorum. Amen.

FINIT PSALMVS.

PRAE.



PRÆFATIO IN SEQUEN-  
TES DVODECIM LIBROS DE  
Consideratione rerum naturalium.



D omnipotentis Dei gloriā, patris, filij, & spiritus sancti, omnium & spiritualium, & corporaliū conditoris æterni, rerum naturalium cōsiderationē pertractare cupientes, cōgruū existimauimus, ea quæ à Philosophis naturæ inquisitoribus lōgè late- que disputata atq; modis varijs diffusè tractata sunt, succincte breuiterq; colligere, ac veluti in cōpendium redigere: vt qui ad creatoris meliorē pleniorēque notitiam creaturarū cōsiderationem fortè exquisierint, nostro hoc cōpendio præcauere valeant temporis omniū præciosisissimi damnosa dispendia. Neque enim dubium est, quin creaturarum visibiliū & rerum naturalium recta cognitio plurimū omnino habeat momenti, ad omnipotentis Dei pleniorē cognitionem, apud eum, qui fidei lumine illustratus interius, quæcunque oculis foris contemplatur, aut naturali etiam ratione ex eisdem venatur, in Deū studet creatorem regere, adque eius potentiam, sapientiam, & bonitatē contemplandam omnia referre. Siquidem inuisibilia dei (quem admodum Apostolus ait Romanis scribens) à creatura mūdi per ea que facta sunt intellecta conspiciuntur, sempiterna quoque eius virtus atque diuinitas: ita vt incusabiles sint, qui ex creaturarum cognitione non studuerint dignas creatori gratias referre, cultūque debito famulari. *A* magnitudine enim speciei & creaturæ (vt Sapiens alius attestatur) cognoscibiliter poterit creator operum mirabilium, quæ mundus iste habet, videri. Neque difficile erit ijs in quibus est scientia dei, cum specie delectantur mirabilium quæ habet mundus, virtutemque, opera & eorū mirati fuerint, intelligere ex his, quanto eorum dominator est speciosior, qui hæc omnia constituit, & quanto fortior est illis, qui de nihilo fecit omnia. Hunc ergo nostræ considerationis scopū habentes propositum, ex ijs quæ à naturalium tractatoribus fusius transeuntur, velut ex immensa sylua præcipua qualibet colligere curabimus: ea potissimū quæ nostro maxime de

*Roma. 1.*

*Sapient. 13.*

seruire queant instituto ijs reiectis, aut certe relictis, quæ minus videbuntur nostro proposito oportuna. Solent enim ex ijs qui naturalia tractant nonnulli acuta quidem & subtilia multa differere, quibus sua ingenia ostentando aliena exercitent, ea verò in quibus pietatis est quæstus vberior, vel negligere, vel sicco pede pertransire. Nos verò institutum contrarium animo propositum habentes, nemo columnietur, si quæ eiusmodi sunt nos videat vel prætermisisse, vel parcius attigisse. Ob quam etiam causam in libris sex posterioribus, multa verborum copia & similitudinum multiplicium adductione, conati sumus pro virili nostra, quàm lucidissimè plenissimeque omnia tractare: cū in libris prioribus (maxime autem in tertio, quarto, quinto, & sexto) breui plerumque sermone rem tantum perstringentes, potius eam indicemus, quàm penitus explicemus. Videmus enim ea quæ in posterioribus libris tractantur, multò magis ad Dei cognitionē & scientiā veritatis esse vtilia atque necessaria, quàm ea quæ in prioribus illis enumeratis libris traduntur. Proinde nemo nostrum calūniatur propositū, vbi præter quorundam consuetudinem (qui prioribus maxime inhaerent, posterius vel in totum, vel certè magna ex parte neglectis) nos viderit egisse. Siquidem non tam ad ingenij exercitationem, quàm ad pleniorē de Deo cognitionē & pietatis qualemcunq; venerationem, noster iste labor desudauit. In scribendo autem hac libertate vsi sum⁹, vt nullius scriptoris ordine nos pateremur constringi: sed nostro iudicio, vbi commodissimus visus est locus, singula locauimus, quæ prolixius dicta videbantur plurima abbreviantes, vt compendij scriptorem decebat, nonnulla contractius dicta, quantum vtile videbatur, latius explicantes, nonnunquā humanus diuina, temporalibus æterna, ex fidei illuminatione cōmiscētes, vt ne purus esset Philosophiæ hic tractatus, sed Philosophiæ pariter & theologiæ commistio. Nō est enim dignum vt ab vllius Christiani scriptoris operibus alicubi absit Deus, qui cælum & terram sua maiestate adimplens, sicut creauit, ita & cōtinet omnia, qui est benedictus in secula, Amen. De rebus igitur naturalibus hac ratione tractare volentes, ab ipsis earum principijs exordiemur determinationem, si prius quid res naturalis sit, quidque natura, breuiter explicauerimus.

# LIBER PRIMVS, QVI

## EST DE PRINCIPIIS RE-

### rum naturalium.

CAP. I. Quid sit res naturalis, & de quibus sit in pre-  
senti libro tractandum.



ES naturalis dicitur, qua ex naturis constat.

Hæc tra-  
ctat Arist.  
initio 2. lib.  
Physicorū

Quæ secundum Græcam appellationē, alio nomine corpus physicū siue res physica solet appellari. Siquidem Græcis φύσις, idem est quod Latinis natura. Res naturales sunt, omnia corpora quæcūq; ex materia & forma componūtur, ut cæli, elementa, & quæcūq; sub eis sunt mixta, siue animata siue inanimata. Angeli autem res naturales non sunt, eò quòd ex naturis nō cōponantur, sed puri actus sunt & formæ immateriales. Et de his quidem rebus quæ naturales non sunt, in his libris per se tractare non intendimus, sed de rebus tantum naturalibus, quæ sunt subiectæ sensibus. Nonnunquā tamen ubi se occasio obtulerit, si de illis quoque nonnihil dixerimus, non prorsus nostro instituto contrabimus, quandoquidem proximæ sunt deo mētes angelicæ, & corporeis omnibus illi accedunt vicinius. Atque ob hoc, cū à corporeis rebus ad Deū transire contendimus, cōmodius nonnūquā spiritualiū mentiū cōsiderationē velut mediā interijcimus, quo sic velut gradatim, ab imperfectioribus ad perfectiora, in Deum qui est perfectissimus, ordinatius dirigamur. Erit ergo rerū naturalium determinatio nostræ considerationis præcipua materia: Dei autem cognitio, considerationis ipsius primaria intentio: angelicæ verò naturæ sicubi admiscebitur mētio, ad priora nonnihil præstabit adiumenti.

CAP. II. Quid sit natura & quotuplex.

Natura est substantiale principiū, mutationū atque acci-  
dentaliū formarum rei conuenientium, vel effectiū  
vel susceptiū. In qua definitione posita distīctiua coniū-  
ctio, duplicem innuit naturā, quarū altera sit principiū effe-  
ctiū, nempe substantialis forma: altera vero susceptiū prin-  
cipium nempe materia. Omnes enim mutationes & disposi-  
tiones accidentariæ quæ formæ rebus naturalibus cōuenien-

Arist. 2.  
Physic.



res, effecluntur ab earum formis substantialibus, & cōseruatur ab eisdem, quēadmodū calor ignis, à forma substantiali est eius, & cum aqua violēter calefacta ad frigus redit, à forma substantiali frigus illud efficitur, similiter & cum ipsa nimium rarefacta, ad iustam densitatē se reducit. Ignis quoque per formam suam, se mouet sursum: lapis deorsum, item per suam formam. Non solū autē qualitates cōuenientes, & motus ad proprias perfecliones, à forma sunt, verum etiam operationes omnes & motus omnes illis naturaliter cōuenientes, quibus agunt in exteriora. Vt cū ignis agit in aquam, aut in aliam quamlibet materiam, calefaciendo, incendiō, sibi assimulando, à forma substantiali fiunt hæc omnia. Materia verō subiectum & receptaculū, in quo cōseruantur & permanent quēcunque rei conueniūt, ad actionē autem non concurrat. Propter quod passiuū tantum principiuū est, non etiā actiuū. Ceterū, quod in definitione dicebatur principium substantiale, excludit accidentia omnia, quo minus naturæ dici possint. Sunt enim quædam accidentia, quæ videntur quorundam mutationum rebus conuenientiū quædā esse effectiua principia: quemadmodū (exempli gratia) ipsa ignis leuitas, causa quodammodo est & principiuū quoddam motus eius sursum: & ipsa lapidis grauitas, principiuū quoddā est motus eius deorsum. Sunt enim quædā principia, & quædam causæ secundariæ horū motuū, & velut instrumenta, quibus mediantibus formæ ipsæ substantiales vt principia principia & causæ primariæ, motus eiusmodi efficiuntur. Non sunt autem naturæ, quoniam principia substantia nō sunt. Est enim principium substantiale, quod rem substantia-  
*principium nature* liter constituit atque componit, quemadmodū videlicet ex materia & forma componuntur res naturales tanquā ex suis partibus essentialibus atque substantialibus, à quibus naturis duabus, res naturales denominantur. Nō autem ex leuitate ignis constar, neque ex grauitate lapis. Quare neque naturæ rerum dicendæ sunt, sed potius entia secundū naturam, quemadmodū infrā plenius declarabitur. Ceterū Arist. in ii. lib. de Physico auditu, obscuriorem quidē verbis, sed in sententia æquiualentem ponit definitionem, quæ ex prædictis euadet facilior. Sic itaque naturam definit Aristot.

*Natura est principium quoddā et causa, vt id moueatur atque quiescat, in quo primo per se, et non per accidens inest.*

Quæ

Quæ quidem definitio, conformiter ad prædicta, sic debet intelligi: Natura est principium quoddam, id est, substantiale principium, siue effectiuum, siue susceptiuum: & causa, siue materialis, siue formalis, siue effectiua, siue cōseruatiua: principium (inquam) & causa, vt id moueatur atque quiescat, in quo ipsum tale principium inest, hoc est, motus vel quietis rei naturalis, in qua tale principium est: primò, id est, principaliter per se, id est, tanquam pars essentialis ipsius rei naturalis: & non per accidens, id est, non sicut aliquid accidentaliter inexistens, vel essentiae extraneum. Vbi hoc peculiariter notandum est, coniunctionem copulatiuam: Atque loco disiunctiue coniunctionis accipiendam esse, vt sit sensus, principium quoddam vt id moueatur vel quiescat, &c.

CAP. III. *Que dicantur habere naturam & entia*

*secundum naturam*

**N**aturam autem habent, quacunque tale principium habent.

Hoc est, Naturam dicuntur habere, quæ formam substantialem & materiam sub nomine naturæ prius definitas habent tanquam partes essentielles sui. Huiusmodi sunt omnes & solæ substantiæ corporales, quæ suprà dictæ sunt res naturales. Excluditur autem ab hac definitione materia (quæ formam in se videtur habere) eo quod ipsam non habeat tanquam partem essentialem sui, cum sit omnino simplex & incompressa, tamen si cum forma vnum tertium constituit, cuius pars existit. Definitio autem entium secundum naturam, hæc est.

*Secundum naturam sunt, & hæc ipsa, & etiam ea quæ hisce per se competunt.*

Quæ definitio sic intelligitur: Entia secundum naturam dicuntur hæc ipsa, id est, res habentes naturam, & ea quoque quæ rei secundum naturam cōueniunt, &c. quemadmodum accidentia & dispositiones & motus rebus naturalibus conuenientes, dicuntur esse eis secundum naturam: vt igni secundum naturam sunt calor, siccitas, raritas, leuitas, motus sursum, calefacere, exicare: aquæ secundum naturam sunt frigus, densitas, grauitas, humiditas, motus deorsum, frigefacere, atque ita in cæteris. Que verò naturæ rei non conueniunt, nō sunt entia secundum naturam, vt quæ ab extrinseco per violentiam, rei cuiuslibet imprimuntur, quemadmodum in aqua calor, & in lapide motus sursum, ignis percussio ad locum deorsum.

Et

# DE PRINCIPIIS RERVM

*Quid ensō* Et quidem si forma rei cōtranitēte, per violentiā prādo-  
*tra naturā.* minātis agentis hāc fiat impressio, dicūtur entia cōtra natu-  
 rā, quēadmodū exēplū est in ijs quæ statim posita sunt. Cō-  
 tranititur enim forma aquæ, ne calorem suscipiat, licet præ-  
 ualens ignis imprimat eū violenter: & lapidis forma, ne ipse  
 moueatur sursum contranititur, quærēs magis moueri de-  
 orsum. Itidem & forma ignis, motui deorsum reluctatur. Si  
*Quid sit*  
*præter na-*  
*turam.* vero id quod ab extrinseco imprimitur, nō repugnat nature,  
 neque introducatur cōtranitente natura, sed permittente (eo  
 quod sicut nō conuenit, ita ei nec aduersatur neque officit)  
 præter naturam id esse dicendum est, quemadmodū impres-  
 sus in lapidem impetus ad motū lateralē in loco plano. Hic  
 enim motus sicut lapidi secundū naturā nō conuenit, ita se-  
 cundum eam nec aduersatur, vnde præter naturā dicendus  
 est. Hæc vt magis clareant, ponit Arist. hanc diuisionem:

*Eorum quæ sunt, quædam sunt natura, quædam ob alias  
 causas.*

Cuius hic est sensus, Rerum productarum, quædam à na-  
 tura naturaliter agente produciuntur: aliæ alijs à causis, quip-  
 pe ab arte, à libera voluntate, casu aut fortuna, quorum ex-  
 empla ex sequentibus patebunt.

CAP. IIII. De rerum naturalium principijs in genere, atq;  
 tribus eorum conditionibus.

*enim natu-*  
*ra priuati-*  
*o priuati-*  
**D**E numero & assignatione principiorum rerum natu-  
 ralium varie admodū senserūt veteres Philosophi, quo-  
 rum vt non est admodum operæpretium, ita neque proposi-  
 tum singulas sig. statim sententias adducere, aut errores im-  
 pugnare. Si quem fortē oblectant eiusmodi, is Aristotelem  
 consulat 1. Physic. lib. quem de principijs rerum naturalium  
 scripsit, & abundē illi (ni fallor) forsitan & vsque ad nause-  
 am, erit satisfactum. Nos verò Aristotelis sententiam (qui ce-  
 teris certiora magisque consentanea in Philosophicis rebus  
 descripta reliquit) insequentes atque adeo veritatem ipsam  
 quam fidelium doctorum omnium vnanimis firmat consen-  
 sus, duo tantum rerum naturalium principia ponimus, nempe  
materiam & formam, quæ substantialiter (vti suprà dictū est)  
 re naturalē cōstituūt. Priuatio enim, tæcti (vt post dicetur)  
 principij transmutationis rerū naturalium admittitur, non  
 tamen principium rerum naturalium admitti debet, cū res na-  
 turales ex priuatione non componantur.



*Principia igitur prima rerum naturalium sunt quæ neque ex sese mutuo, neque ex alijs fiunt, & ex ipsis omnia esse oportet.*

Ex qua descriptione tres colliguntur eorum conditiones: *Tres cōditōes principiorū posita ab Arist.*  
quarum prima est, ut simplicia sint penitus, & ex alijs non composita. Quod intelligi debet de partibus alterius rationis, siue de partibus essentialibus. Nam materia omnis, ex partibus componitur tanquam integrantibus ipsam, non autem ex partibus alterius rationis siue essentialibus. Quælibet enim materiæ pars, eiusdem rationis & speciei est penitus cum tota ipsa materia. Non tamen componitur ex alijs partibus essentialibus, quasi ex alia ulterius materia ipsa compenentur: aliquid processus fieret in infinitum. Sic & formæ substantiales omnium rerum naturalium, præter animam rationalem, partes habent integrantes ex quibus componuntur. Sunt tamen etiam ipsæ rerum principia, neque ex ullis partibus essentialibus componuntur.

Secunda conditio est, ut non componentur ex se inuicem. Materia enim non est ex vlla forma composita, neque formam vllam in se habet ex qua componitur, neque item forma materiam habet pro parte sui. Ex quo patet, secundum eos qui formam corporeitatis distinctam ponunt in corporibus à formis ultimis, compositum illud ex materia prima & forma illa corporeitatis, non esse principium rei naturalis, tamen si pars sit ipsam componens, quoniam simplex non est, sed ex materia & forma compositum. Tertia verò conditio est, ut ex ipsis res omnes naturales substantialiter constituentur. Quam conditionem manifestum est materiæ, & formæ convenire. Omnis siquidem res naturalis, ex materia, & forma tanquam ex partibus essentialibus, atque substantialibus constituitur.

Huius autem conditionis defectu formæ artificiales (ut forma statuarum) principia non sunt, quoniam ex ipsis nulla res naturalis componitur, sed tantum artificialis, ut ex forma statuarum cum materia componitur statua, quæ est opus artis, non res naturales. Hic animaduertendum est, illud esse principium rei naturalis, ex quo videlicet ipsa res (tanquam parte essentiali) intrinseco componitur: iuxta interpretationem conditionum positarum, & principium transmutationis rei naturalis: quod videlicet ad rei naturalis generationem seu productionem requiritur: siue in generatio postmodum maneat siue non. Pri-

uatio siquidem formæ substantialis ad generationem requiritur: in productis tamen nequaquā manfura. Nihil enim potest generari substantiale, absque formæ præexistētis in materia expulsionē. Nam ex homine cadauer non fit nisi rationali anima migrante: nec ex aëre aqua, nisi aëris forma substantiali cedēte. Siquidem incompatibiles hæc formæ sunt, idē in cæteris videre est. sunt itaque tria transmutationis rerum naturalium principia, sed non item tria rerum naturalium principia. Duo enim sunt, & non plura.

CAP. V. De materia, ut est alterū principium rerū naturalium.

**A**duertendū est autem hoc loco, cum materiam dicimus rerum naturalium esse principium, eamq; alteram esse naturam, accipi debere non (ut vulgò solet) pro qualibet materia etiam artificiali, quemadmodum aurum, argentum, siue lignū statuae ex aliquo ipsorum factæ, dicitur esse materia. Pro quo est intelligendū duplicem distingui solere materiam, nempe primam, & secundam. Secunda materia dicitur, quæ ex alia vterius materia tanquam ex parte essentiali cōponitur neque pura potentia est, sed formam etiam in se includit, ut partem substantialem sui. Quemadmodum cū in exemplo supra adducto, aurū vel argentum dicitur materia statuae aureæ siue argenteæ, quoniam ex ipsa & forma per artem introducta, vna cōponitur res artificialis, quæ statua dicitur. Non est tamen aurū materia prima sed secunda tantū, quoniam priorem habet aliā, in quā ut in partem resoluitur, ex qua simul cum forma sua substantiali componitur. Sic item cōpositū ex materia prima & forma corporeitatis, materia prima non est, sed secunda tantum. Atque hanc quidem materiam secundam, nō est difficile ne rudibus quidem intelligere. Cæterum ad intelligendū secundum veritatem & proprietatem, quid sit prima materia, quæ hic natura esse dicitur, & principium alterum substantiale rerum naturalium, subtiliorem adhiberi oportet mentis contemplationē, & intelligentiæ aciem fixius intendere. Neque satis rectē potest intelligi, nisi per cōparationem ad formam, quemadmodum ait Aristoteles materiam per analogiam ad formam esse cognoscibilem, id est, per cōparationem & relationem ad formam, sicut & omne relatiuum per collationem cum suo correlatiuo melius atque perfectius intelligitur, neque satis vnum absque altero potest agnosci.

Quid

*quid Materia  
Secunda:*

*Natura. p.*

*Dictū Ari  
stotelis no-  
bā dignū*

CAP. VI. Quid sit materia prima, & quomodo cognosci debeat, quodq; non sit propriè ens nominanda.

**E**st igitur materia prima, primum uniuscuiusque subiectum, ex quo quippiam eo sit pacto, ut non per accidens insit: & si corrumpitur, ad hoc ultimum sanè proficietur.

Quorum verborum hæc est sententia, materia prima est subiectum primum & ultimum omnis formæ, tam substantialis quàm accidentalis, & velut nouissimum subalterniculū, quod in se formam substantialem recipit, formæque subalternitur, cum ea rem naturalem pariter componens, ita ut si quam rem naturalem per ablationem omnium formarum corrumpere contingeret, ad ipsam materiam nudam deveniendum esset. verum hoc impossibile, quemadmodum & ipsam materiam omni forma spoliari. Vbi cum dicitur subiectum primum & ultimum, excluditur omnis materia secunda. Ipsa enim tametsi alterius formæ subiectum sit, subiectum tamè primum siue ultimum non est, quod ex sua materia & sua forma tanquam ex partibus componitur, sed ulterius siue prius subiectū habet, illud formæ habitaculū & subalterniculum, quod in re formā nullam habet tanquā sui partem, sed tantū accidentaliter velut hospitē recipit formā substantialem, ut vnā cum ea non seipsam, sed rem naturalem componat. Materiam ergo primam intelligere volens, ad illud subalterniculum ultimum debes intellectū conuertere, in quo nō includatur tanquā pars eius vlla omnino forma. Donec enim formam simul intelligis ut partē, materiā primam non cōcipis.

Materia enim ex sese pura potentia est, & quali nihil per se, hoc est, nullam formam sibi habens intrinsecam, ex qua componatur, neq; ad aliquod particulare esse determinata, cum formam nullam habeat intrinsecam, cuius est dare esse determinatum, sed fieri ex ea potest quodlibet, secundum aduenientium formarum varietatem. Itaque per se quidem nihil esse videtur materia, nec simpliciter ens dicenda, neq; simpliciter res, neque bonum, sed quasi nihil. Est enim nihilo vicinissima, & inter omnia quæ a Deo creata sunt aut facta, imperfectissima. Quare inter omnia, ab optimo & summo & verissimo ente Deo domino, quàm longissime distat, cum ipse sit esse plenissimum & perfectissimum, actusque purissimus nihil habens potentiæ admixtum. Illa verò est mera potentia, nullam habens essentia stabilitatem, nullūq;

*Materia  
prima nihilo  
vicinissi-  
ma.*



proprium esse, sed à forma tantum quodammodo esse mutuat accidentale, vt quoties de forma in formam transit, toties suum quod habet accidentarium esse, commutet. Quæ admodum accidentium subiecta, quoties de accidente in accidens transeunt, prius esse accidentale, quod secundum formam abeuntem habebant, perdunt, & nouum esse accidentale, secundum qualitatem aduenientem, acquirunt. Veluti cum homo qui albus erat, fit niger, perdit esse album quod habebat, & acquirit esse nigrum quod non habebat. Ita cum materia prima de forma aquæ sub qua fuit, muratur vt sit sub forma ignis, desinit esse materia aquæ, & fit ignis.

CAP. VII. *Quemadmodum materia non sit actiua, & à*

*Deo longissime distet.*

**I**llud verò de materia diligenter considerandū est, quod mera potentia sit, nihil actus in se essentialiter habens, ac proinde susceptiua tantū est atque passiua, nulla autem ratione actiua. Forma enim à qua est esse, ipsa etiā est à qua omnis procedit actio atque motio, & omne quod agit, per formam agit: quemadmodum & omne quod est, per formā est hoc ipsum quod est. Vnde quantò formæ rerum sunt perfectiores, tantò res ipsæ quarum sunt formæ, nobiliores habent actiones, atque dispositiones perfectiores. Quemadmodum anima rationalis (quæ est omnium formarum nobilissima) nobilissimas dat homini præ omnibus creaturis operationes, quemadmodum & cælestes formæ, suis corporibus dant potentissimas. Vnde & formæ illæ immateriales (cælestes dico spiritus) quæ sunt formæ per se subsistētes, & actus puri, non potentes cum materia cōmisceri, potentia atque virtute longè superant cætera creata omnia, atque adeò rationālē ipsam animam, quatenus cū materia habet naturale commercium. Et super omnia benedictus Deus qui est forma perfectissima & actus purissimus, super omnes formas alias creatas, materiales & immateriales, nihil prorsus habens admixtum potentia, in infinitum potentia, virtute, sapientia, & omnibus perfectionibus supereminet creatis omnibus, quantumuis in suo genere præcellentibus. Qua in re meditatio sese offert non iniucunda, ei qui in materiam velit tanquam entium infimum & nouissimum ac nihilo proximum, cum Deo quæ est entium primum supremum atque perfectissimū, & à nihilo prorsus elongatissimum, velut ex opposito cōparare atque cō-

*Trāsfectio  
in conside-  
rationē di-  
uina per-  
fectionis.*

trā opponere. Quemadmodum enim materia, pura existens potentia, nihil habens in se actus intrinseci, omnium maxime passiva est, & tantum passiva, nulla verò ratione activa: sic ex aduerso Deus purus actus existens, & forma perfectissima, nihil omnino habens admixtū potentiae, maxime actiuus est super omnia (iuxta Apostoli dictū) in omnibus operans omnia, nulla tamen ratione passiuus, vt à quoquā quidquam possit suscipere. Et quemadmodum materia cum ab omni agente naturali passibilis sit, & ad quolibet suscipienda indifferens, quaecumq; à quolibet fuerint prae dominante agente impressa, nō potest tamen per se quidquam omnino agere: ita e contrario Deus cum ad quolibet agenda sit indifferens, & omnis actionis principium, omnia agens ac mouens pro suo libito, non potest tamen pati quippiā à quouis agente, imò nec à seipso, quemadmodum nec in seipsam aliquid agere potest materia. Et quemadmodū cum multa accipiat in se materia, nihil tamen ipsa cuiquam donat: ita e contrario, omnipotēs Deus cum omnia donet omnibus, omnibusq; rebus suum esse instillet, & ceteras perfectiones omnes dispenseret, nihil tamen ipse à quoquam accipit, neq; accipere potens est. Est ergo materia, omnium entium imperfectissima, à Deo quā longissimè distans, & nihilo atque nō enti vicinissima, neq; vicinius quidquam nihilo potest imaginari homo, aut Deus fabricare. Imò non ens simpliciter dicenda est, & non ens in actu, sed tantum ens in potentia, tali nimis diminutione determinatione adiecta.

CAP. VIII. Quomodo Deus materiam creare potuerit, & an dignū fuerit, tam imperfectissimam rem illum creare.

**C**um autem inter agens & effectum oporteat esse similitudinem, forsità mirum cuiquam videri poterit, quemadmodum Deus perfectissimus atq; purissimus actus & forma simplicissima, aut potuerit aut voluerit hanc impuram potentiam creare. Nam inter infinitam & puram formam, & finitam potentiam nihil actus habentem, nihil apparet similitudinis. Soluitur autem ista dubitatio hoc pacto, quoniam materia nō per se creauit Deus, quasi ens aliquod per se subsistens, aut quasi hoc aliquid: sed cōcreauit, potius cū re naturali, cuius in creatione erat materia, fecitq; eam Deus esse sub forma, quam in se recipit, sub qua quodammodo esse habet, atq; ita etiam quodammodo Deo assimilatur, quatenus

I. Corin. 12

Questio

Solutio  
quaestiones

## DE PRINCIPIIS RERVM

est sub forma ipsius rei naturalis, cui ipsa substernitur. Neq; simpliciter creatura dicenda videtur, neq; simpliciter creata, sed potius concreatura siue concreatum aliquid cum re naturali. Ex quo consequi videtur satis manifestè, quòd ab initio conditionis rerum Deus materiam non fecerit, neq; creauerit absq; formis substantialibus, sed omnem materiã sub aliqua certa forma produxit, cælestem quidem materiã sub forma calorũ, elementarem verò sub forma elementorum, tamen si formis vltioribus, per subsequentes sex dies diuinæ operationis, postmodum fuerit cõpleta. Ex hoc etiã patet, materiã non posse sine forma secundum naturam existere, neque esse possibile, vt materia omni prorsus forma sit nuda atq; spoliata, neq; vna vnquã posse spoliari, nisi adueniente altera. Imò neq; Deum hoc posse (vt materiam videlicet sine forma creet, aut concreatam per se seruet absq; omni forma) probabilis quorundam sententia est. Aiunt enim, à quo omnis forma aufertur, ab eodem similiter omne esse auferri, cùm forma sit, quæ dat esse rebus. Alijs contrã sentientibus, Deo non esse impossibile, quod naturæ possibile non est, sed potuisse Deum & ab initio sine forma esse materiam, & etiam nunc eam sine omni forma seruare, licet sub forma creatam. Vtra verò sententia sanior debeat haberi, nostro non stat iudicio: quapropter vtramq; in sua probabilitate relinquimus. Nemo verò existimet Deo perfectissimò indignum, quòd tam vilem rem creare voluerit, quæ sit nihilo vicinissima. Imò verò hac in re admodũ magnificauit potentiã suã qui est omnipotens, dum eã sic demonstrat validã, vt possit etiam in vltimum illud & imperfectissimũ, quod à sua essentia, quàm longissimè distat, attingens à fine vsque ad finem fortiter, id est, à perfectione naturæ angelicæ, vsque ad imperfectionem huius propè nihili.

CAP. IX. *Nulla creata virtute fieri posse materiam, sed in omni actione naturali eam presupponi.*

*Dictũ Aristotelis notandum.*

**N**Vlla verò est tam potens creatura, quæ possit creare vel minimã quantitã materiæ. Infinitæ enim hoc est virtutis tantũ, nempe diuinæ, facere aliquid ex nihilo, quemadmodum inquit Aristoteles, cùm ait, ex nihilo nihil posse fieri. Nam si creatura aliqua materiam primam faceret, necesse esset illam ex nihilo fieri, sicque creari. Non potest autem creatura creare, neque ex nihilo quippiam effi-  
cere.



**cere.** Potest enim creatura cum influxu Dei cooperâre, rem quæ aliqualis est in potentia, efficere vt talis sit actu: quem admodum ignis ex ligni materia, quæ est in potentia ad formam ignis, potest facere ignem actu, introducendo in eam, formam suæ formæ similem. Cæterum quod in potentia nō est, creatura facere non potest, vt potentia sit. Hæc ergo causa est, quare cum agens naturale aliam rem naturalem possit efficere, quemadmodū de igne alium ignem producente iā mōstrauimus: materiā tamen producere non potest, quoniā maioris potentia est hoc, q̄ illud. In omni itaq; actione quæ fit à re naturali, præsupponitur materia, in qua forma suscipiatur: quemadmodum & omnis artifex, non nisi ex materia quidquam efficit, neq; itē agens naturale quodcunq;. Quē admodum ignis nunquam nisi ex præiacenti materia ignem facit. Sicut autem diximus de creatione, ita & de annihilatione dicendum est. Rem enim quæ actu est aliquid, potest agens naturale efficere, vt talis actu nō sit: hoc est, potest formas rerum destruere atq; expellere, non potest autem efficere, vt res potentia talis non sit. Illud enim (nempe formam expellere ex materia) finitæ virtutis est. Hoc verò (scilicet materiā in nihilum redigere) infinitæ, quæ nulli competit creaturæ. Quin & illud probabilior tenet sententia, nō posse talem aliquam creaturam à Deo, licet potentissimo, creari, cui virtus illa cōperat creandi siue annihilandi: neq; virtutem hanc vlli creaturæ quantumuis nobilissimæ siue creatę, siue creandę, cōmunicari posse, sed eius solius omnipotentia conuenire. Solus est Deus in cælestibus sursum habitās, qui potuit vniuersam hanc mūdi machinam & molem permaximam, ex nihilo & materia nusquam præinuenta creare, & eandem potest, cūm voluerit, etiam tunc vsque in nihilum redigere. Subest enim illi, cūm voluerit, posse. Sap. 12.

CAP. X. *Ex materia ingenerabili & incorruptibili secundum sese, transitur ad diuinitatis considerationem.*

**M**editari hoc in loco possumus, q̄ sit stabilissimus in sua essentia Deus, actus purissimus & perfectissimus, ipsumq; suum esse infinitum existens, si sic permanet stabilis, quantum ad se attinet, imperfectissima ista materia, quæ à Deo est longissima, & nihilo vicinissima, sola sic eam cōseruantē diuina voluntate. Tamen si enim secundum formas tam substantiales q̄ accidentarias plurimū ipsa varietur acciden-

caliter, in se tamen essentiali mutatione & intrinseca ma nec prorsus inuariata, neque corruptioni est aut generationi, vt cetera corpora naturalia inferiora, subiecta, adeo vt ab initio creationis rerum, de immensa illa mole materia, sub qua creata fuerunt cælum & terra & quæ in eis sunt omnia, nulla materiae illius particula ne minima quidē deperierit, actione naturalis agentis, quemadmodum neq; minima particula adiecta est, eadem virtute. Idq; non ob aliud, nisi qd secundum suam existentiam vel non existentiam, soli subsit diuinæ voluntati: agentibus verò naturalibus, non nisi secundū formarum & accidentiū trāsmutationes, est subiecta. Quā- tumuis enim humana potentia sciat, quantumuis ad perditionem omnimodam conetur, nunquam vsque ad annihilationem pertinget. Poterit quidem efficere vt moriatur homo, & quæ materia erat hominis, iam esse incipiat materia cadaveris, deinde & hoc poterit, igne adhibito cadaver ipsum in cinerem atque puluerem redigere. Verū, etiam si mille sylvas in vnius consumptione cadaveris adhibeat, ad hoc nequaquam pertingere valebit, vt puluerem annihilaret. Dispergere quidem poterit in aërem, aut in aquam, aut in terram addere: facere autem vt aliquid materiae perdatur, in omni virtute sua & consilio non poterit. Atque hunc rursum ratio humana consideret, si omnis creata virtus aduersus ipsum quod est omnium vilissimum non possit præualere, quodque est nihilo proximum ad nihilum nō potest reducere is qui est actus purissimus, forma perfectissima, esse infinitum atque plenissimum, qui que est à nihilo in infinitum elongatus, Deus omnipotens, quā sit prorsus creatae omni virtuti substractus, & quā aduersus illū omnis creata virtus, etiam si millecuplo augmentetur, omnino nihil præualere possit.

*Alia contemplatio.*

CAP. XI. *Consurrectio in vniuersum Dei affectum, ex præcedentium contemplatione mirabilem.*

*Genes. I.*

*Luc. 21.*

**T**ibi ergo soli domine Deus, debetur creationis honor & gloria. Tu solus non egres quopiam, vt tibi præparet in tuo opere materiam. Nihil erat mūdus, & solo cum verbo suscitasti, prodijtque de nihilo hæc amplissima creatura. Sed nec quisquam est, qui nobis possit auferre vel pilulā de capite, vt in nihilum pereat, præter te qui solus es potestatem habens creandi & annihilandi. Quare ergo piissime

De-

Domine, timebimus vllā huius mundi potestatem? cū nec animam interimere, nec corpus annihilare valeant. Vpū hoc Math. 103  
 u Domine reliquisti impijs persecutoribus, vt possint animam te sitientem ab inimica fœdissimāq; carnis huius molestia separare. Quo quid possit homini te verē agnoscenti gratius euenire? Cæterum, neque corpus neque animā creata vlla potestas annihilare potest. Igitur in te Domine sperantes, tuoq; validissimo fulti auxilio, nullam omnino muniti huius pertimescimus quātumuis præcellentem potestatem, Tit. 25  
 illud firmissimē scientes, quoniam tua virtus superuincit inimmensum, sed confidenter in doctrina benedicti filij tui perstamus, expectātes beatā spem, & aduentū tuum gloriōsum; ō maximē decorum Deus, quem ipse, repromisit nobis.

CAP. XII. De forma vt est alterum principium rerum naturalium, & obiter de materia celestium atque inferiorum, an eiusdem sint speciei.

**Q**uod ad materiam pertinet, res omnes cognatę sunt, & secundum speciem aut genus penitus indistinctę. Si quidem in omnibus naturalibus, præcipuē inferioribus istis una est eademq; materia. Nam de materia celestium corporum, propter ipsorum incorruptibilitatem dubitari solet, ob hoc potissimū, quod non videatur celestium corporum materia esse alienarum impressionum susceptiua, neque videtur transire de forma in formam, sed perpetuō sub eadem forma, eisdem dispositionibus permānere: quod longē est à materia corporum horum inferiorum, elementariū atque mixtorum. Qua ratione permoti opinantur quidam, Contraria  
 distinctionem esse ponendam, specificam vel genericam, opiniones  
 inter materiam celestium, ingenerabilium & incorruptibili- de materia  
 lium, & inter materiam elementorum atq; cæterorū mixto- cali.  
 rum generabiliū & corruptibilium. Alius econtrario dicentibus, non esse ponendam distinctionem vllam talem, siue genericam, siue specificam: sed omnem materiam eiusdem esse rationis; alijs dicentibus, illam celestis materie intransmutabilitatē non ex ipsa sua natura prouenire, sed ex cōditione & virtute formarū in ipsis inhabitantiū, quibus tantū Deus naturę virtutē contulit, vt nullā extraneā impressionē patiātur materiā in qua creatę sunt, suscipere, neq; de forma in formam transire, quemadmodū in rebus quoq; naturalibus videmus, quasdam ex sua natura ad annorum centena-



rios perdurare secundū formam inuariatas, dum aliæ breuissimo intereant spatio, quod nō dubiū est ex formarū provenire varietate. Quanquam autem his modis de materia celestium & inferiorum diuersa sententia est, illud tamen vno ore astruunt omnes, rerum inferiorum omnium vnā eandemq; esse materiam, atq; ita quantum ad hanc, esse secundū speciem indistinctas. Ceterū, ipsa rerum abinuicem distinctio substantialis atq; specifica, à formis est substantialibus. Siquidem forma est, per quam res actu est, & in certam aliquam speciem redigitur, quæ ex materia prorsus indeterminata est, & in potentia ad quodlibet. Forma itaq; in materia suscepta & producta, cum ea pariter rem vnā substantialiter cōponit, & materiæ quodammodo esse cōmunicans accidentaliter, & cōposito dans esse substantialiter & essentialiter. Ab animā enim rationali habet homo, vt homo sit: materia verò prima, tantum hoc, vt materia humana sit.

CAP. XIII. *Ex massa ceræ & impressione sigilli per analogiam declaratur formæ officium.*

Analogia.

**V**T autē clarior fiat formæ cognitio, analogiā quandam & cōparationem assumimus ceræ & formæ sigilli, per quam utcunq; cōprehendi poterit formæ officium atq; natura. Sicut enim massa ceræ ex se nullam habet imaginem aut formam, sed iuxta sigilli variam sculpturam nata est suscipere diuersas formas, siue hominis siue leonis imaginē, siue alterius cuiuslibet animalis, dum tamen sub vna qualibet est, pariter nequit esse sub alia nisi prior abijciatur, vt cū in cera impressa est leonis imago, nō potest in eam introduci hominis imago, donec abijciatur prior leonis, successuē tamen indifferenter quamlibet suscipere potest impressionem. Ita sanē materia, ex sese ad omnem prorsus formam indifferens est & indeterminata: iuxta autē agentis supra ipsam dominium obtinentis naturam, impressionem recipit formæ. iuxta autem formæ varietatem esse varium suscipit. Forma verò esse accidentarium dat materiæ, & eius indifferentiam suo aduentu sic stringit, vt pariter secū aliam suscipere nequeat. Quod quidem de formis vltimis debet intelligi. Nam inconueniens nō est plures formas substantiales simul eidem inesse composito, cū ambæ non vltimæ fuerint, aut etiam cū altera fuerit non vltima. Quemadmodum forma corporeitatis, secundum eos qui eam distinctam

am ab vltima forma in omnibus corporibus ponūt, simul  
t cum anima rationali, & secundum eorum sententiam qui  
es animas distinctas reponunt in homine, simul sunt ani-  
a vegetatiua, sensitiua, & rationalis. Formas autem vlti-  
as, impossibile est eidem simul inesse, cuiusmodi sunt for-  
a hominis, equi & asini, forma ignis & aquæ. Successiue  
men potest qualibet formas quantumuis cōtrarias æquē  
cipere, modò adsit agens quod formam introducat, alia  
uā prius inerat expulsa.

CAP. XIIII. *Quomodo forma esse aut non esse dicenda sit.*

Vrsū & illud in proposita analogia aduertendum est,  
quod sicuti figura illa aut forma quæ in ceræ massa per  
gilli impressionem relinquitur, non apparet esse in sigilli  
nprimientis sculptura: ita forma cū det esse rei naturali,  
sa tamen non hoc esse dicitur, quod composito donat vt  
e. quemadmodum (exempli gratia) donat homini anima  
tionalis, vt homo sit, ipsa tamen homo non dicitur, neque  
t. Imò forma cū det esse rebus, ipsa tamen non tam  
te per se, quàm coexistere vel inesse dicenda videtur. Nō  
nim est forma, eo modo, quo hoc aliquid siue compositum  
aturale est, aut quasi per se subsistens, sed tanquam inexi-  
ens, quemadmodum de accidente dici solet, quod eius es-  
se sit inesse. Accidens enim quodlibet esse dicitur, non quia  
osum per aliquid est, quomodo res naturalis, per formam  
st: sed magis quia per ipsum, subiectum cui inest, aliquale  
st. Sic etiam substantialis forma, eatenus est, quatenus per  
osam res naturalis est, non quatenus ipsa per aliquid est, vt  
magis propriè dici debere videatur ipsa inesse rei, aut rem  
nformare, quàm simpliciter esse. Loquimur de formis pu-  
è naturalibus, & quæ nullam habent per se subsistentiam.  
tionalis etenim anima, quatenus per se subsistēs à corpo-  
e separatim potest permanere, eatenus per se ens non so-  
um inexistens rectè nominari potest. Et formæ illæ imma-  
eriales angelicæ, per se entia, & quidem nobilissima entia  
unt. Super omnia verò forma illa purissima, & actus per-  
ectissimus atque inæstimabilis, ens primum est atque su-  
remum, imò totius essentia plenitudo, non per se tan-  
um felicissimè subsistens, sed omnium insuper rerum es-  
sentias, in suo esse plenissimo, benignissimè continens at-  
que concludens.

## DE PRINCIPIIS RERVM

CAP. XV. *Comparatur forma aliquatenus cum Deo secundum similitudinem & vicinitatem.*

**Q**uemadmodum verò suprà diximus de materia, quod Deo quod longissime distet, & pene nihil habeat cum illo similitudinis, ita e contrariò de forma videtur eam nimium esse Deo adfinilem, Deoque vicinam, cum sit etiam ipse forma quædam perfectissima, & actus purissimus. Neque difficile fuerit ei qui rectè intellexerit suprà positam materię ad Deum comparationem, quæ secundum dissimilitudinem fiebat, formę quoque ad Deum per similitudinem applicare. In omnibus enim ijs comparari forma secundum similitudinem cum Deo poterit, in quibus materia dissimilis fuit declarata, tametsi in immensum semper excellat diuina perfectio, & in infinitum ab ea deficiat formę similitudo. Non fuerit autem inutile ad formę clariorem habendam notitiam, & potissimum ad Dei perfectiorem aliquanto habendam cognitionem, adinuicem ista comparare, & in quibus similitudo sit atque etiã dissimilitudo ostendere. Deus itaque sicuti actus purus est & simplicissimus, ex materia non compositus: ita & forma rei naturalis actus purus est & simplex, ex materia non compositus. In hoc tamen à Dei perfectione deficit, quoniã cum materia quę est potetia pura, communicat atque societatem habet in ea inhabitans, & cū ea pariter re naturalem cõponens, cum Deus nullã omnino potentia secū admittat, neque cõpositionem sciat. Rursum quẽadmodum Deus summè actiuus est, omnia operas in omnibus, quatenus actus purissimus & perfectissimus atque infinitus, ita forma omnis substantialis, virtutem habet agendi, operaturque in corpore omnia quę sunt rei quam cõstituit, conuenientia. Verum in hoc deficit, quod limitata sit eius actiuitas, vt non quẽlibet possit effectum indifferenter operari, sed tantum quę rei conueniunt, quã cõponit, cum Deus infinita & illimitata sua virtute operetur omnia in omnib⁹, & nulla omnino sit actio, quę ab eius non emanat immensa virtute. Iterum in hoc cum Deo conuenit, quoniam principium actiuũ existens, pati non potest, neque aliunde quidquam suscipere. Sic enim forma principium tantum actiuũ est, non autem passiuum, quomodo materia tantum passiuua est, non autem actiua. Neque ipsa alias nouit in se formas, potissimum corporeas suscipere, neque secundum eam res



naturales patitur. A diuina tamen perfectione adeò deficit, ut etiam ad corruptionē, contrariante virtute perueniat, cū eam prædominari cōtigerit. Amplius, quemadmodum Deus esse donans rebus, & omnia omnibus elargiens, nihil ipse recipit, neque recipere potens est: ita forma substantialis eū esse donet rebus, atque ipsi etiam materiæ, & omnia in eis quæ conueniunt operetur, atque elargiatur, ipsa tamen à materia vicissim nil recipit. In hoc tamen deficit, quoniam ille omnia largitur omnibus, hæc autem suo tantum composito atque etiam peculiariter, quantum ad materiam, nullum illi donat esse intrinsecum, cū Deus rebus omnibus hoc ipsum donet, quod substantialiter sunt. Et Deus quidem nec recipit aliquid ab ijs quibus benefacit, neque commodum ullum accipit. Forma verò in materia, ut in domo necessaria inhabitat, & ea utitur ut officina, extra quam prorsus nec existere possit, neque quidquam operari nihilò certè amplius quàm materia ipsa sine forma. Patet ergo, quemadmodum forma Deo sit adsimilis, ei quæ secundum quælibet similitudinem, tametsi deficientem, vicina possit demonstrari.

CAP. XVI. *Quemadmodum materia dicatur appetere formam, tam absentem quàm presentem.*

Superest nunc, de mutuo amore atque appetitu materiæ ad formā, & formæ vicissim ad materiam, ut aliquid dicamus. Neque enim nihil huius rei cognitio, Dei gloriā magnificabit. Aduertendum ergo est, quòd sicut rationalibus, creaturis Deus appetitum dedit rationalem, quæ voluntas nominatur, per quam ea quæ secundum rationem sibi cognoscunt utilia appetunt, absentia desiderando, præsentia amando, ea verò quæ inconuenientia fugiunt, absentia deestando, & de præsentibus tristando: brutis verò animalibus appetitum sensitiuum, quo ea quæ per sensum ut comoda apprehendunt, prosequerentur, itidem & incommoda fugerent: sic rebus naturalibus sensu atque ratione carentibus, naturæ auctor Deus naturalem quendam instillauit indiditque affectū siue appetitū, atque desiderium, quo res quælibet naturaliter suā perfectionem appetit, atque id quod sibi secundum naturam conueniens est, diligit, ita ut si absit, in eo complaceat, & velut oblectetur: si verò absit, desideret, atque ad ipsum acquirendum quantum ex se est,

*Appetitum  
naturale.*

ten-



tendat atque conetur. Quemadmodum aqua, naturaliter frigus desiderat, & locum deorsum. Et quidem ubi præsens ad-est frigiditas, oblectatur & gaudet in ea, eamq; quoad valet seruire conatur: Si forsitan abfuerit, ab extrinseco nimirum agente expulsa, non quiescit donec illam rursus in sese recuperet. Sic lapis si in naturali est loco, quiescit & oblectatur in eo sine violentia. Si verò extra illum alibi detineatur, desiderabit nihilominus eundem, & ad eum quantum ex se est conabitur ut tendat atque perueniat: moxque ubi fortè impedimentum ipsum detinens fuerit substractum, illuc motu festinabit, quò prius tendebat desiderio. Hoc modo imperfectum omne (ut diximus) suam amat perfectionem, & illud appetit, atq; desiderat, à quo habet perfici. Quapropter, cum ex supradictis euadat manifestum, materiam accipere suam quandam perfectionem à forma, per quam nimirum eius infinitas finitur, & indifferentia stringitur atque limitatur, & à qua esse accipit accidentarium & accidentarias alias dispositiones, quibus suo quodam modo perficitur, non est difficile intelligere, quo modo materia formam appetat ac diligat, ita ut absentem desideret atque ad eam tendat: præsentem verò amet, inque ea complaceat, nempe ut id, quod imperfectum est, suam appetit perfectionem.

CAP. XVII. *Quemadmodum forma appetat materiam.*

Cæterum, quomodo forma perfectior, materiam re imperfectissimam ac nihilo vicinissimam appetat, mirum forsitan cuiquam id videatur. Oritur autem hæc admiratio ex humani cordis peruersitate. Sic enim vani sunt filij hominum, ut non ament neq; desiderent, nisi eos à quibus emolumentum aliquid sperent. Neq; nisi vile hūc nouerunt & mercenarium amorem, quo materia formam & inuicem se filij huius seculi amant. Nimirum vilissimis rebus & infimis (materiæ, & crassis carnalibus) vilis eiusmodi & infimus competit amor. Cæterum, est præter illum alius amor longè nobilior, quo perfectum omne imperfectum amat atque desiderat, non ut ab ipso accipiat aliquid, sed in hoc magis, ut ipsum perficiat. Et sic sanè forma gaudet egenti atque nudæ materiæ, quod ab optimo creatore accipit gratis, libenter elargiri, quasi intelligat bonum quo communius, eò melius ac perfectius esse. In hoc enim diuinæ largitati multum assimilatur, quæ nos non ob nostra diligit (siquidem bonorum nostrorum

rum ipsa non indiget) sed ob seipsam potius diffundendam, *Psal. 135.* suamque immensam bonitatem in nobis communicandam. Quanquam ex supradictis constet, materiam etiam formæ esse necessariam, & maximo omnino vsui, vt in ea habiter, & quasi in officina omnem suam operationem operetur atq; seruet, vt hac quoque ratione ipsam meritò debeat expetere, quemadmodum non solum fœmina appetit virum, sed e conuerso vir etiam, licet perfectior, fœminam.

CAP. XVIII. *Proponitur quæstio de rationali anima, an etiam ipsa materiam appetat.*

**V**Erùm, quantum ad hanc rem attinet, peculiariis quædam dubitatio de rationali anima ( quæ forma substantialis est hominis) moueri irrationabiliter potest, nū etiam ipsa, vt ceteræ substantiales formæ, à materia inseparabiles, materiam appetat naturaliter. Videtur enim & ratione & auctoritate monstrari, quòd ipsa magis odio debeat erga corpus affici, in quo inhabitat. Ratione quidē sic. Omnis enim res, naturaliter in eo magis statu esse desiderat, in quo sibi melius esse sentit, & in quo operationes sibi cōuenienter magis debet, magisque ritè possit exercere. Rationalis autem anima per corporis huius crassitiem ita obuoluitur, vt operationes suas nobilissimas quas habet, nempe intelligere & velle, minus rectè possit exercere, quàm si ipsa à corpore foret separata. Sic enim anima rationalis corporis crassitie impeditur, quomodo oculus alioqui rectè dispositus, pellicula obuolutus clarè rem ipsam cernere nequit. Iuxta illud sapientis, Caro quæ corrumpitur, aggrauat animam, & deprimit terrena inhabitatio sensum multa cogitantem. Videtur ergo anima naturaliter desiderare magis, vt à nube carnis huius separatur, quàm vt ei coniungatur. Neque præsens corpori videtur in eo posse oblectari, neque absens ipsum desiderare, quod in præstantissimarum suarum operationum exercitio sibi no-uit præbere impedimentum. Rursum, videmus formas illas immateriales spiritus celestes materiam non appetere. Videtur ergo & anima rationalis, tametsi forsità in materia oblectetur, donec in ea inest, cū tamen fuerit separata, iam illis modo quodam per se subsistendi assimilata, non vltà ad materiam trahi desiderio. Accedit his, sanctarum scripturarum auctoritas, sanctorumq; patrum testimonia. Beatus enim *Philip. 1.* Paulus dissolui cupit, & corpore magis exui, vt Christo domino

*Quæst. de anima rationali immateriali.*

## DE PRINCIPIIS RERVM

Rom. 7.

2. Cor. 5,

mino possit cōiungi. Et idem ipse de corpore mortis huius alio loco quærit liberatorem: atque alio rursum, in hoc corpore grauatus ingemiscit, sciens quoniam si terrestris ista domus corporalis huius habitationis per mortem dissoluatur, domum habiturus sit à Deo non manu factam, id est, gloriæ æternæ accepturus mansionem. Sancti quoque patres, corpus istud quòd circumferimus, carcerem siue ergastulū & exilij locum, atque alijs huiusmodi varijs nominibus nominandum putauerunt. Nemo verò est, qui non de ergastulo & loco carceris libenter velit liberari, neque liberatus, quisquam ad locum eiusmodi quærit redire. Videtur ergo anima, que in corpore est vt in carcere, nec in eo debere oblectari, neque ipsum absens desiderare:

CAP. XIX. *Ponitur differentia inter formas materiales & immateriales, quantum ad appetitum materia.*

**P**RO solutione autem huius dubitationis sciendum est, diuersitatem esse (quantum ad hanc rem) inter formas prorsus immateriales, & quæ prorsus cum materia componi nō possunt, cuiusmodi sunt spiritus angelici, & inter animam rationalem, quæ tametsi non ita sit materialis vt cæteræ corporeæ, quæ extra materiam non possunt subsistere, est tamen eatenus materialis, quatenus ex sua natura habet, vt cum materia quid vnum (nempe rem naturalem) possit constituere. Quæ enim prorsus immateriales sunt, & cum materia componi non possunt, his proculdubio nullus inest ad materiam appetitus. Quorsum enim appetitus esset rebus à natura datus, qui nunquam posset impleri? Anilua tamen rationalis, quoniam ex sua natura hoc habet, vt cum materia simul rem possit componere, & quidem rem inter res omnes naturales, nobilissimam, nempe hominem, idcirco dubitandum non est, quin ad materiam habeat naturalem appetitum, ita vt & absentem desideret, & præsentē amet. Tametsi enim videatur anima rationalis separata aliquatenus cælestibus spiritibus similior, dum per se subsistat extra corpus, eò quòd tunc sine materia sit, atque ita forsitan perfectior in eo statu videri possit, separata existens, quia tamen ab optimo conditore non separatim ipsa, neque per se, neque propter se creata est, sed in corpore propter hominem ipsum totum, vt ipsa videlicet cum corpore hominem componeret (partes enim propter totum sunt, & non propter partes totum)

*Differentia  
anime ra-  
tionalis à  
formis alijs  
imateria-  
libus.*



idcirco suæ conditionis memor, semper corpus desiderat & amat. Longè verò diuersum est de formis illis cælestibus, quæ neque in materia creatæ sunt, neque ad simul cum eo rem aliquam componendam, sed vt per se subsisterent, conditæ sunt ab initio.

CAP. XX. *Soluitur proposita superius obiectio, & quomodo carnis corruptione odio habeat anima, nō corpus ipsum, declaratur.*

Ad ea verò quæ in contrarium obiecta videntur, responderi debet, ea procedere contra corruptæ carnis miseriam quæ non ex ipsa conditione primæ materiæ, neque ex corporis natura, sed per accidens exprimi parentis inobedientia, in ipsum corpus intrauit, & per propagationem in omnium posterorum corpora deriuatur. Vnde quoties contra carnem vel corpus, in scripturis aut in patrum scriptis fit exclamatio, non contra ipsam corporis naturam, neque aduersus corpus ipsum per sese, sed aduersus corruptionem & rueritatem & multimodam miseriam in carne humana est peccatum inhabitantem, intelligi debet indignatio. Non de non simpliciter corpus, sed corpus quod corrumpitur, loquens dicit, aggravare animam. Neque Paulus à corpore simpliciter vult liberari, vt ipsum nūquā recipiat: sed à corpore mortis huius, id est, à corpore, vt nūc est, hoc est, ab ista miseria multimoda, quæ in corpore adhuc inhabitet. Neque Paulus dissolui cupit à corpore, vt corpus nunquam velit relinquir: neque sic ingemiscit in hoc corpore, vt prorsus velet expoliari, & corpore omnino priuari: sed ad hoc vult liberari à corpore exui mortali & misero, eoquē ad tempus permanere priuatus, vt absorbeatur mortalitas à vita, & recipiat aliud corpus ex Dei munere gloriosum, quod fœtidum atque corruptum olim deposuerat. Sic etiam corpus istud, in eo stantem miseriam quo nunc est, obscurum, crassum, corruptibile, durum, rectè carcer nuncupatur, insuper & ergastulum, locus laboris atque exilij. Quia donec in eo secundum carnem in quo nunc est anima inhabitat, magni laboris opus est in prauis ipsius cupiditatibus refrænandis, atque exuandis, propter corruptionem quæ ex prima inobedientia in ipso inhabitat. Verùm hæc omnia nihil aliud proferunt, quàm animam merito carnis istam corruptionem, & miseriam quæ ex corruptione est miseriam, detestari. Non enim consequitur, quod per se corpus ipsum odio habere,

*Sapient. 9.  
Rom. 7.*

*Philip. 1.  
1. Cor. 5.*



## DE PRINCIPIIS RERVM

aut detestari debeat. Similiter & quod de impedimento dicebatur a corpore in animam veniente, ad corporis miseriam

**I. Cor. 11.** & crassitiem referri debet. Cum enim resurrexerit olim virtute diuina corpus hoc nostrum in incorruptione, in virtute, in subtilitate, in agilitate, ceterisque perfectionibus, omni crassitie atque imperfectione ex Dei dono deposita, nullum

**I. Cor. 13.** erit animæ rationali ab ipso impedimentum, quin in corpore posita ei que reunita glorificato possit beatifica visione Deum etiam facie ad faciem contemplari, & amore inextimabili eo dulcissimè perfrui. Et erit tunc quidem animæ plenum gaudium, cum ipsa carnem, qua dum viueret homo, velut ministra vĩa fuerat, ad hanc gloriam apud Deum bonis actionibus promerendam, sibi viderit in præmij quoque iucunditate consociatam, & gaudebit indubiè videre in consolatione lociam, quam in labore vitæ habuerat ministram atque adiutricem. Ex his ergò manifestum relinquitur, quæ admodum rationalis anima æquè atque ceteræ substantiales formæ, materiam appetat atque desideret.

CAP. XXI. *De priuatione, vt est principium quoddam transmutationis rerum naturalium.*

**Q**uoniam autem (licuti iam diximus) forma perficit materiam, & ad omnem formam est materia indifferens, penitus ex se indeterminata, adeò vt quælibet materia omnes omnium rerum formas suscipere per successionem nata sit, quanquam simul eas continere nequeat: hinc fit, vt materia indeterminatè quamlibet formam desideret & amet. Vnde & præsentem formam atque hospitatam materia amat & seruare eam absque fastidio cupit: & tamen quoniã indeterminata est, eas quas non habet, similiter desiderat, atque conatur habere, & genuino quodam natiuoque conatu ad eas tendit, cupitq; de forma transire in formã, quasi hac ratione suæ quærens imperfectioni mederi. Atque ita fit, vt colloboretur ad eius formæ quam habet destructionem, dum aliã quærit, quæ hanc est expulsura quam habet. Et licet non hoc per se intendat, consequens tamen est, vt adueniente forma alia, prior licet perfectior emigret, atque abscedat: atque ita per accidens, dum eam desiderat acquirere formam quã nō habet, se ipsam priuat ea quam habebat. Sanè materia omnes pariter formas, si id fieri posset, libens sustineret, optaretque (si fieri id posset) impleri simul omnibus: sed formæ plures

plures se pariter compatiuntur (de vltimis rerum formis loquimur) sicut nec plurium sigillorum impressiones, pariter in eadem massa coexistere valent. Atque ita adueniēte vna, necessariò pellitur altera. Atque ex his patet, quemadmodū priuatio formarum absentium in materia, earum videlicet quas ipsa nata sit habere, & actu non habet, causa quædam sit, quare res transmutentur, & materia rerum naturalium de forma transeat in formam. Quam ob causam dixit Philosophus, priuationem conari ad maleficium rei. Atque hinc est, quòd vulgò priuationem tertium principium ponunt transmutationis rerum naturalium. Quia enim materia formis alijs substantialibus caret, quas non habet, & nata est habere, hinc est, quòd ad eas tendit desiderio, quas nō habet, sicque per se ad nouæ formæ acquisitionem, ac proinde ad nouæ rei generationem tendit, per accidens verò ad prioris formæ amissionem, atque ex consequenti prioris rei maleficiū & corruptionem. Non debet tamen priuatio ista principium dici rerum naturalium, sed tantum principium transmutationis rerum naturalium. Non enim rem ipsam substantia ter componit, neque in re manet, postquam generata est: sed quoties res aliqua generatur, priuatio illa abiicitur, quæ ad prioris maleficium machinata fuit. Quemadmodū cum in subiectum quodlibet habitus introducit, priuatio ei cecidit, cum nequeant opposita simul inesse eidem. Vnde cum principia rerum naturalium) vt suprà patuit) res ipsas naturales debeant constituere atque substantialiter componere, manifestum est, priuationem non esse dicendam principium rerum naturalium. Transmutationis tamen earum principium priuatione supraposita poterit admitti.

CAP. XXII. *Quomodo intelligendum, priuationem esse transmutationis principium, & ad rei maleficium conari.*

Vm verò in præcedētibus diximus de priuatione, quòd ipsa ad maleficium rei machinetur: & de materia, quòd conetur atque laboret ad nouæ formæ acquisitionem, sicque per accidens ad veteris expulsionem, & rei perditionem. Non ita intelligat (quemadmodum verborum facies forsiprætendit) quasi priuationem dicamus vim aliquam habere agendi, per quam ipsa cohetur & operetur rei naturæ corruptionem, aut materiam virtutem aliquam actiuam ad illam habere, ratione priuationis, per quam ipsa aliquid

*Dictum  
Aristotelis  
notandum*

## DE PRINCIPIIS RERVM

efficiat ad formæ vnius expulsionem, & acquisitionem alterius. Quo enim pacto priuatio ipsa (quæ ens verum non est, sed entis potius priuatio, & non existentia tantum formæ in subiecto apto eam habere) poterit ullam habere actiuitatis efficaciam? Sed & de materia iam suprà declaratum est, agendi virtutem ei minimè competere, neque generare quicquam aut corrumpere, neque destruere posse, neque producere. Quòd ergo de priuatione dictum est, eam ad rei maleficium machinari, intelligendum est, secundum occasionem. Siquidem priuatio formæ substantialis in materia ipsa est occasio, ob quam corruptioni res est obnoxia. Quòd ex eius definitione facile intelligi potest, quæ est hæc.

*Forma priuatio est, non existentia eius in subiecto eam habere nato.*

Quemadmodum cæcitas, carentia est & non existentia visus in hominis oculo, qui aptus est potentiam talem in se esse habere. Hoc itaque modo, quoniam materia apta & nata est habere quamlibet formam, nõ tamèn habet nisi vnam sub qua existit, constat aliarum omnium formarum in ea esse priuationem. Et quoniam sic quamlibet aliarum equè habere apta est & nata, atque vnam hæc pro tempore inexistente, hinc fit occasionaliter, vt quacunque virtute agentis naturale superueniente, si ipsam prædominari contingat virtuti formæ ipsius quæ inhabitat, materia ipsa statim agentis prædominantis impressionem acceptet, nullo vtique formæ prioris odio, sed ratione inexistents priuationis, quoniam videlicet & formam istam quæ introducit non habebat, & habere apta erat æquè atque eam quam tenebat. Vnde propter hanc indifferentiam, iuxta virtutem prædominantis agentis, semper ipsa materia parata est de forma transire in formam. Quemadmodum ciuitas, quæ in medio duorum regno-

*Comparatio ad positam rem accõmoda.*

rum posita neutri est addicta, sed quasi media & neutra ad vtrumque est indifferens, propter suam hanc indifferetiam frequenter contrarios habet siue hospites siue dominos. Vtrumlibet enim regnorum illorum prædominari cõtigerit, non reluctatur ciuitas illa neutra. Sed & si alter Regibus in eam ingressus fuerit, superueniens autem alter virtute superauerit, victorem suscipiet, pulso altero, non vtique prioris odio, sed ratione indifferentiæ, quoniam prædominatus est

superuc-



superueniens. Et quomodo hac in re dici potest indifferentia illa, causa esse & occasio expulsionis regis prioris, non tamē quicquā efficit neq; egit illa indifferentia, siue ( vt ita dicam) neutralitas, ita & de priuatione dicendum videtur.

CAP. XXIII. *An in materia corporum celestium insit etiā supradicta priuatio.*

**D**E celestium verò corporum materia dubitari potest, num habeat etiā ipsa huiusmodi in se priuationē. Si enim similem habere dicatur, videbuntur celestia corpora corruptioni quoque subiecta, cum sit ista priuatio principiū transmutationis in rebus naturalibus. Vbi autem eadem est priuatio, idē videtur consequi effectus. Quod verò ista priuatio in celestium corporum materia ponenda sit, eorum maximē sententiā consequi videtur, qui materiam ponunt eandem specie in celestibus atque in his inferioribus. Nā si vnus eiusdemque speciei sit omnis materia, videbitur, quomodo inferiorum istorum materia ex sua natura est indeterminata & indifferens ad omnem formā, & quamlibet apta & nata habere, eam etiā quam nunquam habuit, neque est habitura: ita etiā celestium materiam aptam & tam habere quamlibet formā, atque ita cum alijs omnibus careat præter eam quam habet, omnium aliarum in ea esse priuationem. Quod si admittatur, quæstio deinde fiet, cur minus sint obnoxia corruptioni celestia corpora quam inferiora, & quomobrem illorū materia non ita de forma transire possit in formā, quemadmodū materia inferiorū istorū.

CAP. XXIII. *Soluitur quæstio proposita, & vnde celestibus corporibus sua sit incorruptibilitas, monstratur.*

**R**espositæ verò quæstioni responderi poterit, admittendo priuationem, qualem diximus etiā in celestium corporum inueniri materia, neque tamen consequi, vt materia sua ratione huius priuationis transire possit à formā in formā, ac proinde corpora ipsa celestia transmutationi, quæ fit secundum generationem & corruptionem, sint obnoxia. Formæ enim substantiales celestium corporum, cum sit perfectissimæ in informando suam materiam, sic eam a perfectione implent, & ( licet ex se indifferentem ) solidissimā dispositione, validissimisque qualitatibus stabiliunt: tamque potentes sunt ad se seruandum in ea, subiecta ab ipso creatæ sunt materia, vt nullum sit agens

## DE PRINCIPIIS RERVM

naturale creatum tantæ virtutis, quod aduersus ipsarum aliquam possit præualere. Neque patiuntur in suam quam inhabitant materiam, ullam omnino extraneam impressionem vel lo pacto repugnantem introduci: atque ita propter formæ perfectionem sit, ut de forma in formam transire non possit materia. Et quidem rectius videtur ac rationi magis consentaneum, ut calorū impassibilitatem & incorruptibilitatem assignemus ex parte formæ, quam ex ipsa natura materiæ. Quod ut intelligatur clarius, suprapositam libet analogiam resumere. Ciuitas enim illa indifferens & neutra, quam cap. xxi. proposuimus, duorum regnorum velut mediam, tametsi, ex se sit indifferens & neutra, & iuxta prædominantis regni virtutem, temporis successu, nunc huic, nunc illi subijcitur transiitque de domino in dominum: potest tamen, si præpotentem admodum Regem contigerit illam occupare, ita validissimis turribus, arcibus, castris, muris, vallis & firmissimo præsidio muniri, diligentissima quoque adhibita custodia fidelissimè obseruari, tam utique potenter, sapienter, & validè, ut spes ultra non videatur contrario domino aliquando se posse illius potentie præualere. Quod ubi fuerit, ciuitas illa quæ primum erat indifferens, & neutra, atque etiam nunc quantum ex se talis permanet, per virtutem nimiam & fortissimam munitionem occupantis & prædominantis, facta est modo quodam eius iam regno & potestati addicta. Neque poterit ultra de domino transire in dominum, aut de regno ad regnum, non utique ratione ipsius ciuitatis, sed ratione occupantis, cuius potentie nimie non videtur spes ut aliquando potestas contraria resistat. Sic sanè & de cælesti materia dicendum, propter perfectionem & potentiam formæ potentissimæ in informando, quæ illi data est ab initio, eam de forma in formam transire non posse: quoniam agens naturale deest, quod illi possit vel aliam imprimere, vel suam auferre.

CAP. XXV. *Soluitur superius obiecta ratio.*

**A** A rationem verò quæ in oppositum obijciebatur, proponentem, ubi eadem est causa, eundem etiam consequi effectum, respondebitur, non esse nisi occasionem similem in cælestibus & inferioribus, cum priuatio (ut supra dictum est) non sit vera causa per se effectiua ipsius transmutationis de forma in formam, sed tantum occasio, & causa sine



sine qua non. Nisi enim in materia esset priuatio formarum  
absentium, & nisi eas esset apta habere quas non habet, nun-  
quam de forma transmutaretur ad formam. Atque eatenus  
dicitur priuatio occasio esse, & caussa tantum sine qua non,  
ne consequenter principium quoddam transmutationis hu-  
iusmodi. Cæterum, huius transmutationis veram & efficien-  
tem causam diximus esse agens naturale, quod prædomi-  
nans impressiones formæ inexistenti contrarias, & formæ  
quam ipsum vult introducere conuenientes imprimit in ma-  
teriam, sicque eam de forma transire facit sua actiua virtute  
in formam. Quamuis ergo eadem admittatur occasio trans-  
mutationis in cælestibus atque inferioribus istis, non tamē  
est caussa eadem. Non est autem necesse, quotiescunque ea-  
dem occurrit occasio, siue eadem caussa, sine qua non, vt i-  
dem ponatur effectus, quemadmodum securis acuties occa-  
sio quardam est, & caussa sine qua non sectionis ligni. Non  
nim secaret securis nisi acuta. Non est tamen necesse, vt  
semper fiat sectio, donec est securis acuta, sed veram causam  
desse oportet, & sectionem efficientem (hoc est, ipsum se-  
cans) priusquam fiat sectio. Vbi autem defuerit secans,  
tantumuis acuta iaceat securis, non fiet ligni sectio. Ita &  
in proposito, quia agens inueniri nullum potest, quod effe-  
ctum eiusmodi producat in cælesti materia, nempe transmu-  
tationem in formam aliam, nihil proficit occasio sola. Ni-  
l enim prodesse valet præsentia causæ sine qua non, vbi  
defuerit caussa quæ effectum ipsum operetur.

CAP. XXVI. *Quomodo vim nullam patiantur corporum  
cælestium materiae, in eo quod de forma non transeant  
in formam.*

Ed videri forsitan poterit vim pati cælestium materia, & **Obiectio.**  
violenter cohiberi à formis, ne transeat in formas alias.  
Cum enim ex sua natura dicatur materia cupere transitum  
de formā in formam, si ab hoc cohibeatur atque impedia-  
tur, videtur id non carere violentia. Apparet autem incon-  
ueniēs admittere perpetuam talem in nobilissimis illis cor-  
poribus violentiam. Verum diligentius attendentes compe-  
temus cælestium corporum materiam prorsus nullam vim **Obiectio-  
nis solutio.**  
suis formis perpeti, imò quietem bonam & stabilitatem  
congruam sic eam accipere, id quod suprapositæ analogiæ  
consideratio, facile monstrat per similitudinem. Quomodo



## DE PRINCIPIIS RERVM

enim ciuitas illa ex se indifferens & neutra nullum patitur violentiæ incommodum, ex eo quòd potens ille Imperator sic eam sibi firmat munitionibus validis atque diligenti custodia, ad eum modum quem suprà expressimus, imò magis quietem dulcem & bona commoda consequitur, dū à perpetua illa instabilitate liberatur, & stabili mansione in ipsa habitantis Imperatoris ornatur, ditatur, perficiturque plurimum: Ita per omnem modum nulla fit materiæ celesti violentia, cum per nobilissimas formas stabili mansione in ipsa inhabitantes, ab instabilitate eiusmodi liberatur, perfectissimis qualitatibus & nobili dispositione semper plenissima, eò quòd nobilissimarum formarum sit habitaculum. Ex imperfectione enim est, quòd ita instabilis existens materia, semper querat de forma transire in formam. Neque male puerorum cupiditati, materiæ hoc desiderium potest comparari, quas videmus nonnunquam ea quæ in manibus habent, siue cibaria, siue alia quælibet proijcere, vt alia quæ fortè porriguntur, item apprehendant. Neque rarò panem aut carnes abijciunt è manibus, vt lapidem aut carbonem, aut aliud vile quippiam apprehendant. Quorum cupida instabilitati parentes benè consulunt, neque vim vllam eis faciunt, dum pro cibo quem tenent, aliud nihil apprehendere eos sinunt. Sic sanè & materiæ frequenter euenit, cum sua instabilitate semper transire gestiat, pro forma nobilissima & perfectioribus qualitatibus sub quibus stabat, formam imperfectiorem & viliores dispositiones yti recipiat, canis Aesopico non admodum dissimilis, qui pro carnis vmbra quæ videbatur in aqua maior, carnis substantiam sibi permisit dentibus excidere. Huic verò instabilitati dum forma celestis sua perfectione medetur, non solum vim non facit materiæ, verumetiam quiete bona eam perficit, & magno affici beneficio.

CAP. XXVII. *Quemadmodum corpora glorificata post resurrectionem sub suis formis sempiterna atque dulcissima quiete requiescent.*

**Q**Uod autem nunc de materia & formis celestium corporum diximus, idem etiam de materia in hominibus glorificatis post factam resurrectionem dicendum videtur, nulla videlicet violentia eam à suo illo transitu in varias formas cohiberi, neque violenter detineri, sed quiete summa atque

*Instabilitas  
ex imperfe-  
cto est.*

*Canis Aeso-  
picus.*

atque dulcissima ex immortalitatis dono sub suis quamque formis ita firmari atque stabiliri, vt nullo amplius transitu perdere valeant quam habent, vel quam non habent acquirere. In hoc tamen est consideranda diuersitas, quod in cælestibus corporibus, formæ ipsæ ex sua perfectione naturaliter ita materiam, quam informant, perficiunt atque stabiliunt, vt extraneam impressionem recipere non valeant. In hominibus autem post resurrectionem futuris gloriosus, non ipsa naturalis animæ virtus hoc prestabit, sed Dei voluntas & beneplacitum, ita vt in beatorum corporibus hoc sit præstitura gratia, & Dei bona voluntas, per immortalitatis donum gratuitum, quod cælestibus orbibus ipse naturæ auctor, secundum primam contulit institutionem. Et quidem quod ad damnatos attinet, quos etiam necesse erit (iuxta sacratissimæ catholicæ fidei confessionem) tuba canente, in suis corporibus ad iudicium & vltionem exurgere, si in eis ponamus violentiam perpetuam, nullum sempiternum videbitur inconueniens, illic  
I. Cor. 15.  
Iob. 10.  
nimirum, vbi horror & terror, nullus verò ordo inhabitat, vbi diuinæ voluntatis iustitia, violenta (quæ natura perpetuò non sustinet) suæ diuinitatis potentia ad vltionem eis in æternitate sustentabit. Cæterum, in corporibus beatorum gloriosissimo illo immortalitatis dono ex diuini conspectus consortio factis immortalibus, dulcissima vtique pace & quiete suauissima nihil dubium est quiescere pauperulam ex se & egenā illam materiam, cum sua hospita rationali anima, cui vt in peregrinatione laboris olim fuerat ministra, ita in patria dulcissimæ tunc beatitudinis erit socia. Stenim potest cælestis corporis forma ab institutione naturæ, suam quam inhabitat materiam in se stabilire, eamque in pace & quiete perpetuā possidere, poterit & hoc rationalis anima in Deum iam absorpta, cum plenitudinem acceperit inhabitantis in se diuinitatis, ex Dei voluntate, eam videlicet quæ illi restituetur habitationem, stabilem sibi atque perpetuam seruare, sicque sibi firmo cedere & solidissima colligatione connectere, vt vltra ab ea pelli non possit. Similiter & in impijs, ad æternam exercendam vindictam, colligationem hanc faciet iustus ille vltor, vt perpetuis tormentis & supplicijs inæstimabilibus, vltra corpore anima, quantuncunqne desiderauit, separari om-

## DE PRINCIPIIS RERVM

nino non possit: Illis quidem ad gloriam æternam, vt ab ea, ad quam semel admissi fuerant, beatitudine non possint excidere: His verò ad sempiterna supplicia, vt cruciatibus diabolo & ministris eius ab initio præparatis, nunquam valeant abesse. Et hactenus quidem, quæ de rerum naturalium principiis, ad omnipotentis Dei notitiam & gloriam cōducere videbantur, pro nostra paruitate tractauimus. Proximū est, vt ad earum causas vtrūq; explicandas altero libro, transeamus, si prius in ipso libri huius, termino, ex ijs quæ diximus, laudis qualescunq; canticū cecinerimus altissimo rerū omnium domino, qui super omnia viuit benedictus & in æter na secula.

Finit ad Dei omnipotentis gloriam Liber primus considerationis Physicæ.

## PSALMVVS LAVDIS, AD CONCLVSIONIS terminum, primo & optimo rerum omnium principio.

**C**onfitebor tibi domine in toto corde meo, meditabor in omnibus mirabilibus tuis.

Non est similis tui in dijs domine, & nō est secundum òpera tua.

Tu solus inhabitas aternitatem cum vnigenito tuo, in sancto spirā tu semper perfectus atque beatus.

Celo tibi opus non erat, vt sederes in eo: terra verò & vniuersa quæ sunt in ea, quem tibi vsum præbere poterunt, qui rebus nullis indiges?

Quia voluisti, quando voluisti, sicut voluisti, ita verbo dixisti, & surrexit vniuersa hac machina, magna nimis.

Ecce non est in omnibus gentibus vir industrius, aut potens artifex, vt suscitet de nihilo vel puluisculum terra.

Tu autem ex nihilo fecisti, quacunque nostris sunt obiecta sensibus, molem magnam valde.

Sub materia, non ex materia, constituisti hac omnia, suum cuique pondus librans.

Materiā quidem cognata erant, & iudiuisa, formarum autem varietate



rietate separasti ea.

Quam unico opere demonstrare nequisti infinitam pulcritudinem tuam, variatis sic rerum speciebus, ut manifestum faceres.

Ecce verò in hoc mirabilis dulcedo sapientia tua, dum sic diversis summa natio neculis amore.

Et quæ per sese inimica videntur, tuo iussu, in separabili sunt conglutinata dilectione.

Verè magnus es tu, & faciens mirabilia, tu es Deus solus creator omnium, creator cali & terra.

Tibi soli laus, honor, & gloria, tu es solus adorandus, domine deus noster.

Vt quid domine permittis alienus honorem tuum, & quare eum præripiunt tibi creatura tuæ, quæ adorantur in terris?


Intende ad visitandas omnes gentes, & agnoscatur gloria nominis tui super omnem terram, ut non deficiat laus tua de ore nostro in æmpiternum.

Gloria patri, & filio, & spiritui sancto.

Sicut erat in principio, & nunc, & semper, & in secula seculorum. Amen.

FINIT PSALMVS.


# IN LIBRVM SECVNDVM PHYSICAE CONSIDERATIONIS DE CAVSSIS RERVM NATVRALIVM PRAEFATIO.



Mne quod creatum est, aliquam necesse est suæ existentiae habeat causam, etiam angelica ipsa, licet nobilissima creatura. Omnia siquidem quæ creata sunt, manifestum est ab eo qui ipsa creauit atque effecit, suum esse accipere, & suum effectorem suæ existentiae causam habere, necesse ite-  
st, ad finem omnia ordinari, propter quem creata sunt, & ad quam singula existentiam perducta. Atque ita quidem efficiens & finalem causas, omnia quæ sunt creata & visibilia & inuisibilia, spiritus & corpora necessum est habere. Cæterum, res corporeæ, & naturales, præter supradicta duo causarum genera conspiciuntur, & alia duo require-

C 5

re.



vel non fierent, vel non ita commodè & facilè fierent. Quemadmodum non fieret, aut fieret, aut non facilè fieret ligni incensio, nisi esset in eo siccitas: neque facilè globus latera motu agitari possit, nisi rotundus: neque rectè scindere ulter, nisi acutus, atque ita in alijs. Causæ tamen veræ non sunt, sed tantum dispositiones quædam, quas necesse est adesse, si agens ipsum & præcipua causa debeat effectum operari, aut quæ ubi adfuerit, rectius ac facilius agens & præcipua causa suum effectum operetur.

CAP. II. *Quomodo in moralibus utile sit dignoscere causam ab occasione.*

Et verò in moralibus diligentissimè attendenda ista distinctio, ut non pro occasione causa, aut e contrario pro causa existimetur occasio. Multum enim hæc distinctio valet ad peccatorum discretionem. Quemadmodum (exempli gratia) in scandalo dato, quod est vera causa ipsius scandalizationis passivæ, & in scandalo non dato, sed accepto, ubi ipse ipsum ex quo scandalizatur alter (quod scandalum acceptum nominant) non est causa scandalizationis passivæ, sed tantum occasio: vera autem causa huius passivæ scandalizationis est, ipsa prava voluntas eius, qui ex eo scandalizatur sua prauitate, unde scandalizari meritò nec potuit, nec debuit. Sic & in consideratione finis, distinguenda frequenter venit occasio & vera causa. Quemadmodum (exempli gratia) propter temporale præmium, actum aliquem sacrum faciundo, si præmium istud temporale, tantum occasio quædam est, & finis quidem occasionalis, & occasionalem omnium: sic verò Deus finis verus & vera causa finalis, non est actus ille malus vel illicitus. Sin temporale illud præmium, vera est causa finalis, & motuum præcipuum, non autem Dei honor aut gloria, indubiè illicitus iudicabitur. Quapropter huius rei proderit exacta consideratio. Excluditur verò causa occasionalis, à definitione supraposita, per hoc quod non sic ad eam effectus consequatur, ut ipsi det aliquo modo esse. Nullo enim modo occasio dat esse effectui, sed tantum est dispositio quædam, qua mediante causa præcipua facit effectum esse. Quemadmodum ignis agens, dispositio est, & occasione siccitatis, facilè inflamat lignum, & manus reiicientis globi rotunditate dispositum, facilè agitat. Nemo autem dixerit siccitatem inflammare lignum, aut globum

## DE CAUSSIS RERVM

bum à sua rotunditate mouere.

CAP. III. *Alia ponitur caussa generalis definitio, ex qua speciales eliciuntur definitiones quatuor generum caussarum.*

*Causa alie  
re definitio.*

**S**olet etiam hoc modo caussa definiri:

*Causa est ex qua, aut per quam, aut à qua, aut propter quã, res quapiam efficitur, vel est.*

Quæ definitio, dum sub quadruplici datur disiunctione, quatuor indicat caussarum genera, id est, causssæ diuisionem in quatuor suble contentas species. Diuiditur enim caussa, in causssam materialem, causssam formalem, causssam efficientem, & causssam finalem. Nam ex qua, respicit causssam materialem: per quam, causssam formalem: à qua, efficientem: propter quam, finalem. Ex quibus facile colligi possunt singularum specierum harum definitiones.

*Causa ma  
terialis.*

*Causa enim materialis est, id ex quo quippiam fit eo pacto ut insit.*

Id est, principii naturale vel artificiale ex quo res naturalis vel artificialis fit, ita vt in ipsa maneat. Siquidem ex materia cum forma, res omnis componitur, res (inquam) siue naturalis, siue artis. Vt ex ligni materia, cum forma ignis in eam introducta, fit ignis: Ex auro per formam idoli infusam, fit idolum. Per quam, causssam formalem respicit, Per eam enim & secundum eam res dicitur esse substantialiter quod est, & in suo item peculiari esse per eam res conseruatur, vt per animam rationalem homo est homo: & per formam idoli, aliquod opus dicitur idolum. Quòd si forma aufertur, oportet & homini & idolo esse similiter, auferri, vt nõ amplius sit homo vel idolum, quod prius erat, donec inexistetet forma. Propter quod ab Aristotele dicitur, Forma est specis, exemplum, & ratio quidditatis, id est, essentia rei naturalis. Sic enim ille solet essentiam rei exprimere. Species quidem, quia per eam res in certam speciem constituitur, atque arctatur, quemadmodum in priore libro latius tractauimus. Exemplum, quoniam secundum formam, res sibi similia efficiunt, quemadmodum ignis per suam formam generat ignem alium sibi similem. Ratio autem dicitur, quoniam essentiam rei constituit, & secundum eam res accipit suæ essentia rationem, & secundum eam etiam res definitur, quemadmodum homo definitur esse animal rationale, & animal corpus animatum sensibile, vbi rationale & sensibile, ani-

*Aristot.*

mam



am rationalem & animam sensitivam (ex quibus essen-  
 tia hominis ac bruti est) respiciunt. Tertia autem disjunc-  
 tionis particula, nempe à qua ad causam efficientem spe-  
 tat. Ab ea enim primum fit motio exterior, ut opus fiat, &  
 materia ipsa habet suo motu & actione formam intro-  
 ducere: idque tam in rebus artis, quam naturæ, licet prius  
 motus interior à causa finali procedat. Quemadmodum in  
 domo construenda, quæ est opus artis non seipsos lapides co-  
 nunt, sed est edificans, qui manum admolitur operi, qui  
 suo motu & actione materiam componens, & debito  
 modo coaptans, formam domus efficit. Item non seipsum  
 ignis gignit, neque materia seipsam accendit, sed ab alio agē-  
 te succenditur materia ad formam ignis: Definatur autem  
 ab Aristot. hoc pacto:

*Causa efficiens est id unde primum principium muta-  
 tionis & quietis.*

Cuius est hic sensus, causa efficiens principalis, est primum  
 principium, à quo motus & quies exterius procedit, vel effe-  
 ctus positivus aut privativus producit, quod tam ad artē  
 quam ad naturā applicari potest. Ultima verò particula pro-  
 pter quam vel cuius gratia, finem signat, qui mente quidem  
 conceptus, tacite intrinsecus, efficientē movet causam & ve-  
 ri in exterius opus mittit, quemadmodum propter inhabi-  
 tationem homines domos edificant, propter defensionē  
 & tutelam ab hostium incursibus ciues muros, valla, turres,  
 & que fortalitia construunt: Mouet enim mentem finis iste  
 conceptus, & ad opus procedere facit exterius. In natura-  
 bus verò agentibus, in quibus nō est ratio, finis ipse ut na-  
 turaliter intentus & desideratus, hoc est, quatenus res agens  
 ad finē naturaliter inclinatur ac fertur, movet ad rē operan-  
 tam effectum tali finī congruum. Quemadmodum forma  
 lapidis movet ipsum deorsum, propter finem ad quem natu-  
 raliter inclinatur, id est, propter quietem in loco naturali.  
 Definatur hoc modo:

*Causa finalis est cuius gratia omnia fiunt.*

Id est, finis est principium ad quod diriguntur & desti-  
 nantur omnia media, eidem congruentia, veluti in scopum  
 uendam.

CAP. IIII. Quomodo & causa efficiens & finalis utra-  
 que dici possit causarum prima.

**E**X quibus patet vtranque causam, nempe & efficien-  
tem & finalem, rectè dici posse causarum primam: sed  
differentem, aliaque, & alia ratione. Finis enim est prima cau-  
sa secundum intentionem, quatenus agentis virtutem effecti-  
uam (in rationalibus, per rationem intentus, siue in naturali-  
bus per naturalem inclinationem desideratis atque natura-  
liter propositus) sollicitat interius, ad operationem exteri-  
orem cuiuslibet effectus. Quemadmodum aues, tempore coi-  
tus & procreationis, ipsa suæ speciei multiplicatio, & con-  
seruatio (vt naturaliter intenta atque desiderata) extimulat  
& mouet ad coeundum, nidos construendum, & quæcun-  
que sunt oportuna tali fini operandum. Cæterum, efficiens  
primum est in exteriori operatione & motione materiæ.  
Vnde sicut finis semper est intentione prior efficiente, inte-  
rius mouendo & sollicitando efficiens, ita econtrariò, effi-  
ciens secundum tempus prior est fine. Quemadmodum sa-  
nitas ipsa atque sanatio, tempore est posterior ipsa potione  
siue balneatione, ad sanitatem ordinatis, tanquam ad finem:  
& operatio bona Deo dignæ conuersationis, antecedere de-  
bet æternæ fœlicitatis retributionem, quæ est illius finis;  
cum hæc sit illa intentione prior.

CAP. V. De effectus definitione & diuisione per oppo-  
situm ad causam.

**Q**Uæ autem de causa dicta sunt, eadem effectui possunt  
omnia per oppositum aptari. Sunt enim causa & effectus  
relatiua, quemadmodum pater & filius. Vnde ex suprapositis  
causæ definitionibus effectus potest hoc modo definiri:

*Quid effe-  
ctus.*

*Effectus est, id quod sequitur ad esse alterius.*

Hoc est, quod quoquo modo ab alio accipit, vt sit: hoc  
est, quod ex aliquo est, aut per aliquid, aut ab aliquo, aut  
propter aliquid: Est autem effectus nomen generale, non qui-  
dem oppositum relatiuè causæ efficienti in particulari (quæ  
admodum ex nominis ratione videri poterat, eò quod inter  
efficiens & effectum secundum nominationem & termina-  
tionem videatur interuenire relatio) sed generaliter causæ  
opponitur secundum relationem. Vnde quemadmodum su-  
perius causa quadruplex distincta fuit, sic ex opposito qua-  
druplex item effectus venit distinguendus. Sed quia propria  
nomina non habentur, idcirco adiecta causarum distin-  
ctione, necesse est circumloqui. Est enim effectus cau-  
sæ ma-

erialis, est effectus causæ formalis, est effectus causæ effici-  
entis, & est effectus causæ finalis.

*Effectus causæ materialis est, quod est ex ali-  
quo.*

*Quadru-  
plex effectus.*

Vt homo hoc modo est effectus suæ materiæ, quoniā ex  
ua materia componitur: & idolum, effectus auri vel argen-  
i est, tanquam materialis causæ.

*Effectus causæ formalis est, quod per aliquid  
est.*

Vt homo per formam, quapropter homo respectu suæ for-  
mæ, & idolum respectu suæ formæ artificialis, effectus dicitur  
causæ formalis.

*Effectus autem causæ efficientis, qui fit ab  
aliqua.*

Vt domus à domificante, ignis genitus ab igne ipsum ge-  
erante, filius à suo patre. Vnde domus, ignis genitus, & fili-  
s respectu domificantis, ignis generantis, & patris gignē-  
s, effectus dicuntur causæ efficientis.

*Effectus deinde causæ finalis est, quod est aut fit pro-  
pter aliquid siue alicuius gratia.*

Vt ambulatio quæ fit propter sanitatem consequendam,  
& bona operatio quæ exercetur propter vitam æternam. Et  
regulariter medium ipsum quod ad finem ordinatur, & quo  
ad finem peruenitur, effectus dicitur causæ finalis, respectu  
us ad quod ordinatur, & ad quod perducit, quemadmo-  
um bona operatio ad æternæ vitæ consecutionem ordina-  
r, & ad ipsam perducit operantem similiter, & ambulatio,  
sanitatem. Videtur tamen difficilè hoc intelligere quē-  
modum medium causæ finalis siue ad finem, dicatur  
fectus illius, eò quod plerunque, vt potest latius declara-  
rur, sit verum efficiens illius. Sed facilè vitatur difficul-  
s, si attendatur, effectum generale esse vocabulum, & in v-  
quoque causalitatis genere causæ relatiuè opponi. Vn-  
consequitur manifestè, si sanitas respectu ambulationis  
finalis causa, econtrariò quoque ambulationem effectū  
e causæ finalis respectu sanitatis, similiter & de bona o-  
ratione, respectu felicitatis.

CAP. VI. *Quemadmodum eiusdem rei possunt esse plu-  
res causæ.*

Ad maiorem autem prædictorum cognitionem, tres  
poni



*Prima pro-* poni solent caussarum conditiones. Quarum prima est,  
*prietas caus-* *Eiusdem rei plures possunt esse caussa.*  
*sarum.*

*Homo ge-* Quod si de diuersis generibus caussarum intelligatur, e-  
*nerat homi-* tiam sensui est manifestum: Siquidem omne agens naturale  
*nē & sol,* causas materialem, formalem, efficientem, & finalem habet.  
*ut habet A-* Si verò in eodem generē causę accipiat, etiam sic verum  
*rist. 2. Phy-* est. Nam idem homo filius existens, causas efficientes ha-  
*sico.* bet, patrem, matrem, corpora cælestia, & super omnia Deū.  
 Homo enim non generat hominem sine concursu causa-  
 rum vniuersalium, id est, corporum cælestium, & causę vni-  
 uersalissimę, quę est Deus. Sic plures esse possunt eiusdem  
 rei fines, vt corpus est propter animam, propter hominem;  
 propter Deum. Terrę gramina & herbę sunt propter iumē-  
 torum pascuum, propter ipsius terrę ornatum, & propter ho-  
 minum consolationem, atque in Deum ex ornatu illo pro-  
 uocationem. In genere autem causę materialis istud absur-  
 dum videtur, si de materia totali sermo fiat. Omne enim ens  
 naturale non nisi ex vna materia totali cōponitur. Et simili-  
 ter nullum opus artis vnū, duas totales habet materias. Ne-  
 que enim simul eadem statua, & tota aurea, & tota argentea  
 esse potest. Possunt tamen commisceri aurum & argentum,  
 sed tunc non nisi pro vna totali materia reputabitur. Simi-  
 liter & de caussa formali dicendum, maximē si de forma sub-  
 stantiali, & vltima sermo fiat. Quemadmodum enim ex pri-  
 mo Libro patet, nulla res naturalis plures substantiales for-  
 mas habere potest. Neque item res quęcunque artificialis  
 plures simul totales formas artificiales habere valet: Nequit  
 enim statua leonis imaginem habere simul & bouis. Quod  
 si formarum fiat cōmixtio, velut cū humano capiti cerui-  
 cem equinē pictori iungere libuerit, non plures sunt for-  
 mę artis totales, sed vnica tantū. Si tamen causam formalem  
 largē acciperemus, vt etiam ad formas accidentarias se ex-  
 tenderet, sic dubium non esset, plures etiam formalis caus-  
 sas simul posse existere. Plurimas enim accidentarias formas  
 idem simul in se continet homo.

*Horat. de*  
*arte poēti-*  
*ca.*

*Secunda cō-*  
*ditio caus-*  
*sarum.*

**S** CAP. VII. *Causas posse sibi esse inuicem causas*  
 Secunda conditio est.

*Causa possunt sibi inuicem esse caussa.*

Quod quidem in diuersis caussarum generibus est indu-  
 bitatum, plerunque enim quod in genere causę finalis est  
 caus-

causa, hoc ipsum in genere causæ efficientis est effectus: quod in genere causæ efficientis est efficiens, hoc est in genere causæ finalis effectus. Veluti cum non rectè quisdam valens, propter acquirendam sanitatem deambulat, aut medicinam bibit amaram, deambulatio ista in generæ causæ efficientis causa est sanitatis, quæ per ipsam & ab ipsa efficitur. Similiter & amaræ medicinæ potio causa est sanitatis quam efficit, atque ita ex consequenti sanitas ipsa admittebatur in hoc causalitatis genere ipsius ambulationis atque potionis effectus. Econtrariò autem, in genere causæ finalis causa est, sanitas ut intèta & desiderata. Ipsa enim est, quæ non rectè valentem movit ad ambulationem atque amaræ potionem. Atque per consequens, in hoc causalitatis genere, ambulatio effecta, & potio illa amarioris medicinæ propter sanitatem, admitti debent effectus. Est autem in genere causæ finalis effectus ipsum medium quod est propter finem, & quo ad finem pervenitur, quemadmodum in proposito est; de ambulatione & potione respectu sanitatis. Pater ergo, quemadmodum in diuersis causarum generibus causæ sibi inuicem possint esse causæ. Amplius verò, etiam in eodem genere causæ inuenire possunt causas esse sibi inuicem causas. Nam habitus ex actibus generantur, quemadmodum virtutes habituales ex actibus virtutum frequenter iteratis, & nihilominus habitus cum generati fuerint, actus vicissim faciunt. Faciunt enim habitus, eos quos habent secundum ipsos operari, & delectabiliter operari. Verùm istud secundum speciem est tantum. Nam actus qui præcedunt habitum, eumque efficiunt, numero diuersi sunt, ab ijs qui sequuntur & efficiuntur ab eo. Profundius autem considerando, inuenire poterimus, ubi causæ eadem secundum numerum, sibi inuicem sint causæ. Eadem enim caliditas, quæ in manu à calido quod tenetur manibus producit, vicissim conseruat in ipso quod tenetur manibus, calorem. In eodem autem genere causæ efficientis sunt, causa produçens & causa conseruans. Vtraque enim causa & produçens & cōseruans, dicitur efficiens. Similiter etiā dicendū videtur in cōtemplatione rei iucundæ, quæ audiū atque lætitiā in animo producit, à qua vicissim cōseruari ipsa rei iucundæ contemplatio videtur. Conseruat enim cōtemplationis actū absque fastidio, & permanere faci-

*Causæ  
sunt sibi  
mutuò causæ.*

cit in animo, lætitia interior, quæ in eo inde exoritur.

CAP. VIII. Eandem posse esse causam contrariorum effectuum.

Tertiam conditionem caussarum ponunt hanc:

*Tertia* Eadem potest esse causa contrariorum effectuum.

*proprietas* Quod quidem ad oculum promptum est videre in Solis  
*causarum.* actione, qui vnus & idem mediante calore, quædam facit li-  
quescere, alia indurans. Ceram enim, & butyrū, glaciem, at-  
que similia, liquefacit. Lutum verò & lutea vasa, hisq; simi-  
lia, facit indurescere. Et eadem potio in quibusdam efficit sa-  
nitatem, in alijs ægritudinem, imò etiam in eodem successi-  
uè. Huius autè ratio est, varia dispositio subiecti in quo reci-  
pitur actio. Quemadmodū ea quæ pro homine complexio-  
nis sanguineæ bona est potio, & sanitatis effectiua, fieri po-  
test vt homini complexionis contrariæ (nempe melancho-  
licæ) sit noxia, atque ægritudinis effectiua. Et frequenter po-  
tio quæ distemperatam complexionem ad temperamentum  
reducit, eadem distemperamentū facit in eo qui recta est va-  
letudine. Sic eadem præmissæ in vno generant scientiā, in  
alio generant tantū opinionem, iuxta quod vel circa præ-  
missas vel circa consequentiæ rectitudinem variè fuerint af-  
fecti. Ita seculi scientia aliquo modo perficit intellectum,  
quoniam omnis veritatis cognitio, quantum ex se est, intel-  
lectum perficit. Imperficit tamen affectum, cō quòd infla-  
tum reddat. Et quidem in rebus naturalibus hæc contrario-  
rum causalitas prouenit, vt diximus, ex parte variæ disposi-  
tionis subiecti, in quo fit actio. In voluntarijs autem, ex va-  
ria dispositione agentis pro sua libertate. Idem enim homo  
vult & non vult, non solū ratione rei mutatæ, sed pro sua  
etiam libertate absque rei vlla mutatione.

CAP. IX. De causæ diuisione in vniuersalem & particula-  
rem, propinquam & remotam.

Solent quoque de causis nonnullæ assignari diuisiones:  
Causarum enim quedam sunt vniuersales, quedam parti-  
culares, quedam remotæ, quedam propinquæ.

*Causa vni-  
uersalis &  
particula-  
ris.*

Et considerantur hæc rursus, vel secundum nominationē,  
vel secundum rem. Secundum nominationem quidem, quā-  
do causa & effectus nomine vniuersali vel particulari assi-  
gnantur, vt cū dico, Bonum est finis rerum: Ex materia, fit  
res: Forma, facit esse rem: Res est, per formam: Artifex, effi-  
cit opus: Finis, mouit operantem. In his, & causæ & effectus



vniuersaliter nominantur seu generaliter. Cùm autem dico  
 ex auro facta est hæc statua, particularis causa & effectus  
 exprimitur. Item cùm dico, artificem fecisse hanc domũ,  
 ut viuentem aliquem esse patrem, huius pueri, nominatio-  
 ne causas remotas ab effectibus dico. Causas enim nomine  
 vniuersali designans, effectũ particularem demonstro. Cùm  
 erò huius pueri hũc hominem dico esse parentem, aut hũc  
 artificem causam huius rei, aut domificatorem domus es-  
 se causam, & statuariũ statuæ, propinquius nomino & ex-  
 primo causalitatem. Interdum verò nuncupamus causas  
 vniuersales vel particulares secundum rem, ob rei genera-  
 rem videlicet aut particularem, remotam vel propinquam  
 causalitatem. Hoc autem pacto causa vniuersalis dicitur,  
 vel generalis, quæ plurimos habet diuersorum generum ef-  
 fectus, quemadmodum Sol, & cælestia corpora, & super om-  
 nia Deus benedictus. Habent enim effectus plurimos di-  
 versorum generum, cùm omnis creatura corporalis sine il-  
 lorum concursu non efficiatur. Non est autem necesse ad  
 hoc vt causæ dicantur vniuersales seu generales, vt pro-  
 prius nullus sit effectus, cuius ipsæ non sint causæ. Sic enim  
 Sol & cælestia corpora non dicerentur causæ vniuersales,  
 si non sint causæ spirituum, neque spiritualium rerum:  
 sed sufficit, quòd multos valde habeant diuersorum gene-  
 rum & diuersarum rationum effectus. Quanquam Deus su-  
 per omnia benedictus, ob hoc vniuersalissima & generalis-  
 sima causa per superlacionẽ rectè dicitur, quòd proprius ni-  
 l neque corporale neq; spirituale eius causalitati sit sub-  
 tractum. Videtur etiã homo secundum genus causæ finalis  
 esse causa vniuersalis, eò quod plurimos videatur habere diuer-  
 sorum rationum secundũ hoc genus effectus, id est, plurima ad  
 sum ordinata. Cùm omnia hæc inferiora, imò & cælestia,  
 hominẽ vt finẽ referantur. Causa autẽ particularis, dici-  
 tur, quæ non plurimos habet diuersorum generum effectus, vt  
 homo, causa particularis est respectu filij quem gignit, etiã  
 mille genuisset numero filios. Oportet enim causã vni-  
 versalem siue generalem, multos admodũ habere effectus  
 diuersorum generum atque diuersarum rationum. Indiu-  
 iduorum autem quantacunque multitudo, non sufficit ad fa-  
 ciendã causam vniuersalem. Causa verò propinqua secun-  
 denti nominatur, illa quæ effectui prope est, & per se effe-

*Deus caus-  
 sa est vni-  
 uersalissi-  
 ma.*

*Quid caus-  
 sa particu-  
 laris.*

## DE CAUSSIS RERVM

*Causa propinqua & remota.* Etum attingit: quemadmodū pater, causa propinqua est sui filij, quem per seminis decisionem gignit. Causa verò remota est, quæ ab effectu est elongata, neque ad effectum nisi

alia causa priore mediāte attingit, quomodo auus causa est remota nepotis, eò quòd ad eius causalitatem non attingit, nisi mediante efficientia filij sui qui est pater nepotis illius, & causa propinquior. Magis autē remotæ causæ sunt proauus, atauus, tritauus, atque ita consequenter. Similiter si ignis aliquis secundum produxerit, atque hic rursus tertium, ille quartum, qui deinde quintum: primus omnium, causa est propinqua secundi, & secundus tertij, atque ita consequenter, sed omnium aliorum præterquam secundi, est ignis primus causa mediata, & secundus causa mediata est quarti & quinti. Sunt autem causæ vniuersales etiam causæ propinquæ æquæ atque particulares. Sol enim & corpora cælestia, effectibus prope sunt, & secundum causalitatem effectum attingunt per se, non tantum mediante alijs particularibus agentibus. In omni enim effectu naturali, immediate per se Deus concurrit, similiter & corpora cælestia.

CAP. X. De causa per se & per accidens secundū nominationē.

*Causa per se & per accidens.* Terum autem diuiditur causa, in causam per se, & causam per accidens. Idq; rursus vel secundum nominationem, vel secundum realem considerationem.

*Quid causa per se secundū nominationē.* Secundum nominationem est causa per se, quando causa exprimitur sub ratione causalitatis, id est, sub ea ratione secundum quam talis ei effectus competit. Quemadmodū dicimus lucidum per se esse causam luminis vel illuminationis, calidum per se esse causam calefactionis, iugulationem esse per se causam interitus, summū quoque bonū per se finem esse omnium. Atque ita cū dicimus lucidū illuminare, calidum calefacere, iugulatum interire vel interiisse, summum bonum appeti vel desiderari, causa per se exprimitur secundū nominationem. Lucidum enim quatenus lu-

*Quid causa per accidens ex nominatione.* cidū, illuminat: & calidum quatenus calidū, calefacit, atq; ita in cæteris. Per accidens verò dicitur causa secundū nominationem, quando causa non exprimitur secundū rationem causalitatis, neq; sub ea ratione secundum quam ei effectus talis conuenit, sed sub ratione aliqua extranea & impertinēti. Quemadmodū (exempli gratia) si quis dixerit calidū causam luminis, aut lucidū causam caloris, dicatq; lucidū calefacere,



facere, & calidum illuminare, percussum interiisse, omnia creatorem appetere & desiderare. In his enim ratio causalitatis non exprimitur, sed aliquid impertinēs effectui. Non enim lucidum quatenus lucidum calefacit, sed quatenus calidum: neque percussum quatenus percussum interijt, sed quatenus iugulatum: neque creator quatenus creator, sed quatenus summum bonum & finis omnium vltimus, ab omnibus appetitur ac desideratur, quasi ordinatis ad ipsum.

CAP. XI. De causa per se & per accidens secundum rem.

Secundum realem verò considerationē dicitur causa per se, quæ ad effectū aliquē ordinatur, siue secundū naturalem inclinationem, siue secundum rationis propositum. Per accidens verò, quæ ad certum effectum non ordinatur, sed accidit ei effectus præter intentionē & ordinationem. Quæ admodū (exempli gratia) forma lapidis aut ligni per se mouet lignum ipsum aut lapidem deorsum. Ad talem enim effectum est secundum naturam determinata, atque ob hoc ipsa est causa per se motus talis deorsum. Cæterum si cadens lignum in ignem corrumpatur, & inflammetur, per accidens talis effectus. Non enim intendeatur à forma deorsum mouente rei corruptio, sed accidit hoc præter inclinationē naturæ, item si cadens lapis frangat vas terreum, per accidens hoc euenit. Item cum propter sanitatem recuperandā quis deambulat, hoc ipsum intendens, ipsa ambulatio causa per se est sanitatis, ad quam ordinatur, ex ratione & proposito ambulantis. Cæterum, si inter ambulandum contingat pedem offendere, aut aurum reperire in via, aut simile aliquid præter intentionem, effectus eiusmodi per accidens est. Sunt præterea causæ quædam potentiales, vt ædificator, creator, iugulus, pistor, faber, inflammatorium, illuminatorium. Et significant huiusmodi plerunque habitus, siue potētias. Aliæ actuales, vt ædificans, creans, fingens, fabricans, inflammans, illuminans, & ita in alijs, quæ actum significant vel actionē ipsius efficientis, quemadmodum priora habitus vel potētias.

*Quid causa per se ex re ipsa. Quid per accidens causa ex re.*

*Causa potentialis et actualis.*

CAP. XII. De causa materiali, & duplici relatione nominis, materia.

Quantum autem ad causam materiale atque formale attinet, aduertendum est, non prorsus eodem modo accipi materiā & formā, quo in libro priore diximus si-



## DE CAUSSIS RERV M

gnificare. Latius enim hic sumitur causa materialis & formalis, quam ibi forma & materia. Vnde hic etiam materia artis, quæ secunda solet nominari, eò quod ex alia priori componitur, est causa materialis, ut ex toto ligno fit idolum, & ipsa forma idoli hic formalis causa dicitur, cum illic nec lignum admittatur materia idoli, neq; idoli species forma, quemadmodum latius fuit præcedenti libro declaratum.

Præterea quod ad nominis materię rationem attinet, sciendum est, materiam dupliciter posse comparari. Primò, ad formam quācunque quam recipit, vel in se habet. Atque ita solet vocari materia in qua, vel materia subiectiva. Nam hæc est materię conditio, formam ipsam substantialem & alias omnes accidentales recipere, atque in se quodammodo sustinere. Secundò comparatur ad rem quam componit, vel naturalem vel artificialem. Atque hac comparatione nominatur materia ex qua. Similiter & de forma dicendum. Potest enim primò referri ad materiam cui inest, siue quam informat, quomodo dicitur hæc anima esse huius corporis, quasi ipsum informans: Secundò, ad rem quam componit, quomodo dicitur hæc anima huius esse hominis, eò quod hunc hominem constituat. Iuxta primam considerationem, materia & forma sunt ad inuicem relatiua, & ad inuicem referuntur. Est enim materia, formę materia, tanquam informantis eam: & vicissim forma, est materię forma, quasi ab ea informata. Et est relatio secundum superpositionem, eò quod dignius sit formam esse quàm materiam. Iuxta verò secundam considerationem, & materia & forma referuntur ad rem naturalem, ut quæ ex ipsa & per ipsam componatur. Nomen tamen naturę, non nisi compositum respicit. Nunquam enim dicitur forma esse natura materię, aut econtrariò, sed vtrique & forma & materia, sunt naturę compositi siue rei naturalis.

### CAP. XIII. De triplici causa formali.

*Forma substantialis, artificialis, et accidentalis.*

Sciendum autem est, præter formas substantiales, quæ propriissimè causę formales dicuntur, item & præter formas artificiales, quæ minus propriè, cetera etiam accidentia quæ qualecūque esse accidentarium donant rei cui insunt, nonnunquam causas formales nominari: quemadmodum albedo & scientia atq; virtutes, formę quædam sunt, & quędam formales causę eorum in quibus sunt, eò quod esse quod-

quoddam eis dare videantur. Dat enim homini albedo, ut sit albus, dat scientia, ut sciens sit ac doctus: virtus, ut bonus sit ac probus. Sed cum forma, propria & vera definitione dicatur, quæ rei dat esse, videtur sola forma substantialis propriè atque simpliciter dicenda forma siue causa formalis, cum ipsa sola det esse simpliciter rei quam componit. Cæterum, neque artificialis forma neque alia quælibet accidentaria, ulli rei propriè & simpliciter esse donat, sed tantum æqualiter esse, ut puta accidentarium, nempe esse album, vel nigrum, bonum aut malum. Vnde nec simpliciter formales causæ, neque propriæ dicendæ sunt, sed tantum improprie, & cum diminutione quædam formales causæ quatenus esse quoddam (secundum diminutionem loquendo) donat, non autem esse simpliciter. Relinquitur ergo, solas substantiales formas propriè atque simpliciter causas formales nominandas: cæteras autem, non simpliciter, sed cum diminutione, adijciendo accidentales vel artificiales. Est autem forma accidentalis, quæ subiecto donat esse qualecunque accidentarium; id est, esse aliquale. Forma verò artificialis, quæ donat esse artificiale, id est, quæ esse quippiam facit opus artis. Quæ admodum, formæ idoli, facit, ut idolum dicatur, & facit lecticæ forma, ut lectica sit, quod ex materia facit artifex, atque ita in cæteris. Aut artificialis forma dicatur ab artifice, nimirum quod artificis operatione, secundum eius artem introducatur in materiam.

*Quid accidentalis forma.*  
*Quid artificialis.*

CAP. XIII. De causa efficiente principali & minus principali producente, corruptente, & conservante.

Inter efficientes causas, sunt quædam coadiuvantes tantum & disponentes sua actione siue operatione, suntque ministeriales & minus principales causæ. quædam autem sunt principales, quæ formam in materiam introducunt, etiā si minus videantur operari exterius, aut operi atque materiæ exteriori minus insudare. Nam constat, multo amplius in agendo res naturales sollicitari circa effectum quam Deum, qui tamen principalissimus in omnia efficiendo est: non nisi quia vicinior formam in materiam inducit, & esse donat. Sic & de architecto dicendum est, qui in efficiendo rem ipsam artis præcipua est efficiens causa, tametsi plerunque ministri inferiores, operi ipsi exteriori, atque preparandæ materiæ & disponendæ ad formam artis, multo amplius insudent. Est

*Causarum efficientium quædam principalis, quædam minus principalis.*



quoque illud in proposito loco aduertendum per efficien-  
tem causſam, non ſolū intelligi eam quæ rerū aliquam  
*Cauſſa pro* producit aut eſſe facit. Cauſſa enim efficiens, ſub ſe habet  
*ducens, cō-* cauſſam producentem, conſeruātem, & corruptentem. Nā  
*ſeruans &* & accidentia formæ conuenientia, quæ ipſam in materia cō-  
*corruptent.* ſeruant, eius quædam efficiētia ſunt. Vt in igne, calor, ſic-  
citas, raritas, leuitas, quamuis formam non produxerint, ta-  
men conſeruando progenitū, quodammodo efficiunt. Agē-  
tia quoque naturalia cum ſua virtute aliquid corrumpunt,  
eatenus in proposito efficiētia ſunt. Vt cū ignis corrup-  
pit aquā ac deſtruit, efficiens eſt corruptionis illius: & aquæ  
deſtructio, effectus eſt virtutis ignis agentis.

CAP. XV. De cauſſa duplici, ſecundum eſſe & ſecundum fieri.

**O**Mni autem diligentia eſt attendenda, quæ ſequitur in-  
ter efficiētia ſiue effectus diſtinctio.

*Quædam ſunt cauſſæ ſuorum effectuum ſecundum eſſe,  
quædam tantum ſecundum fieri.*

*Quæ ſequi-  
tur nota  
quā dili-  
genti ſimē.*

Quædam enim rerū tantummodo dū ſiunt cauſſæ ſunt,  
vt domificās, cauſſa eſt domus quamdiu domus ſit, & ignis  
cauſſa eſt caloris quamdiu calor ipſe ſit in ſubiecto. Vbi ve-  
rō domus iam facta eſt, & calor introductus in ſubiectum,  
& in ſuo eſſe ſunt effectus completi, ceſſant eſſe effectus,  
neque ultra accipiunt eſſe ab illis à quibus primitus eis da-  
tum eſt. Quare nec illæ cauſſæ ultra ſunt nominandæ. Do-  
mus enim poſtquā facta eſt, & ſemel vt domus ſit acce-  
pit, non opus habet perpetua efficiētia aut conſeruatione  
domificantis. Manet enim ſemel extructa domus, moriente  
domificatore, quemadmodum & filius, patre moriente, non  
moritur. Sic eſt de omni effectū, qui permanet abſque cauſſæ conſeruatione.

*Quid cauſſa ſecundū  
eſſe.*

Quædam verō cauſſæ rem quā diu eſt  
efficiunt, ſiue producendo, ſiue cōſeruando, vt lucidū cauſſa  
eſt luminis, non ſolū vt fiat, ſed etiam vt conſeruetur at-  
que vt ſit. Mox enim ſubtracta luce, aut corpore lucem ha-  
bente, lumen deficit, nec abſque ſua cauſſa habere poteſt eſ-  
ſe ſubſiſtens. Illi ergo effectus qui quādiu ſunt, cauſſam ha-  
bent ſui eſſe, effectus ſecundum ſuum eſſe dicuntur, & ea à  
quibus ſiunt, cauſſæ eorum efficiētes ſecundum eſſe, nun-  
cupantur. Quæ verō tantū dum ſiunt cauſſam habent, effe-  
ctus in fieri vel dum ſiunt nominantur, & eorum cauſſæ, cauſſæ  
in fieri ſiue ſecundū fieri poſſunt appellari. Et priori qui-  
dem



in modo causalitatis, constat Deum esse causam secundū *Quomodo*  
 e creatorem omnium, & caelestia corpora omnium corpo- *Deus est*  
 rum. Non enim Deus est causa rerum solum dum fiunt, *omnium*  
 sed ut fiant, quasi postquam facta fuerint ipsius causalitate *caussa.*  
 terra non habeant opus: sed quemadmodū dum fiunt ipsis ef-  
 primitus ab eo datur, ita ut sint, utque in suo quod acceper-  
 unt, esse permaneant, conseruatione perpetua opus habēt.  
 Si enim vel ad momentum se subtraheret manus omnipo-  
 tentis, & virtus efficientiae eius quam rebus in conuerlan-  
 do impendit, in nihilum subito conciderent vniuersa, neque  
 nulla omnino vel nobilissima permaneret subsistens crea-  
 tura, neque humana, neque angelica.

CAP. XVI. *Ex causa secundum esse, ponitur manu ductio,  
 ad intelligendā aeternam personarū in diuinis processione.*

Si autem causalitas ista rerum secundum esse, diligen-  
 ter attendenda, & penitissimè contuenda. Valet enim ad  
 intelligendam eam quae in diuinis est personarū processio-  
 nem, aeternam dico verbi generationem, & spiritus sancti æ-  
 ternam spirationem seu processionem. Per cōparationem e-  
 nim eorum quae in creaturis videmus à suis causis semper  
 esse accipere, & semper effici, utcumque innotescere poterit  
 diligenter attendentibus, quemadmodum & in diuinis cre-  
 datur filius à patre semper gigni, & spiritus ab utroque sem-  
 per procedere atque spirari. Ad hanc autem declarationem,  
 congruum videbitur solis assumere considerationem, qui  
 lumen, similiter & ardoris siue caloris vim semper gignit,  
 donec existit. Priusquam tamen comparisonem hanc facia-  
 mus, expedit præmittamus quo pacto sit à sensibilibus ad æ-  
 terna transcendū. Oportet enim volentes ascendere anago-  
 gicis huiusmodi excessibus, in ipso ascensu, quidquid est  
 corporale, quidquid materiale, quidquid imperfectum se-  
 parare atque abnegare, sicque intellectus acumine & fidei  
 limpидitate sensuum crassitiem viriliter superare. Alioqui  
 periculum fuerit, ne crassius quid de Deo sentiamus, aut in  
 aëreses incidamus. Id quod pluribus evenit, qui aut nescie-  
 runt aut noluerunt, spiritu mentis sensuum procacitatem ca-  
 ptiuare. Quo ritè præmissis ad aeternam quae in diuinis est  
 processionem transeuntes dicimus, quod sicut lux in lucido  
 sole causa est efficiens lumen, semper quamdiu est ipsum  
 continuò producens, & rursum à solis luce & diffuso lumine

*Nota regu-  
 lā pro ana-  
 gogicis ex-  
 cessibus.*

*Manda-* vis pariter ardoris efficitur, & si semper esset solis lux, *et* *ad co-* per lumen efficeret, pariterque & lux & lumen consequen-  
*gnitionem* tem ardorem efficerent: ita pater cælestis, æternus, lux æter-  
*Trinitatis.* na atque fecundissima, filium suum unigenitum, verbum  
 invisibile, non caussat, non efficit, non facit, non creat, non  
 producit (hæc enim corporalia sunt, & crassitiem secum se-  
 runt) sed modo inæstimabili atque incompræhensibili, qui  
 est supra omnem sensum, quique intellectus & angelici &  
 humani capacitatem excedit, gignit atque dicit filium sibi  
 coæternum & consubstantialem, per omnia penitus æqua-  
 lem: ipseque filius gignitur, dicitur atque procedit, aut est  
 à patre. Et sicut æternaliter est pater cum filio, ita etiam æ-  
 ternaliter à patre gignitur filius, & æternaliter ut sit filius  
 accipit à patre. Nec est huius processionis aut initium aut  
 finem inuenire. Rursum, à patre & filio spiritus sanctus pro-  
 cedit æternaliter, & à patre & à filio, sicut lux & lumen, tem-  
 poraliter producant ardoris vim. In hoc tamen superat pro-  
 cessio personarum processionem luminis & ardoris, quoniã  
 non una est luminis, lucis & ardoris substantia, una est autẽ  
 patris, filij & spiritus sancti substantia, una essentia: suntque  
 vnum ens summum atque perfectissimum.

CAP. XVII. *Consurrectio ex precedentibus in beatissima*  
*Trinitatis adorationem.*

**O** Igitur lux beata Trinitas & principalis vnitas, iam nos  
 Sol iste igneus suis nos rotis sursum vectos coram te  
 constituit in cælestibus. Tibi verò omnis gratiæ pater, de-  
 fixis in terram genibus gratias agimus, humiliata tibi cer-  
 uice vota persoluimus, qui nobis indignis famulis tuis secre-  
 tissima secreta diuinitatis tuæ per splendẽtem solem decla-  
 rare dignatus es, quæ olim à filio tuo nobis secundum car-  
 nem assignato doctore, per fidem didicimus. Quam multis  
 olim sol iste, dominator potentissime, fuit in laqueum, ca-  
 ptionem & scandalum: qui nimium creaturæ ornatum at-  
 tendentes, tuum illi honorem vanè impenderunt, tuæ lucis  
 altissimam gloriam in hanc corpoream lucem commutan-  
 tes. Nobis autem magistrum cum dedisti veritatis, & sicut  
 olim stella magos ad pueri tui Iesu noui regis duxit humi-  
 le præsepium, ita nos verè sol iste radians ad tui duxit ma-  
 gnifici throni sempiternam gloriam. Coram te ergo, ô bea-  
 ta Trinitas, toto corde prostrati, ecce iacemus pauperculæ

*Matth. 2.*



ature tue. Te adoramus, in vnitate substātie trinum personaliter, & in personarum Trinitate vnum substantialiter. Te o lux immensa, lux non de luce, lux fecundissima, pater genite: te o fili, lux de luce, lumen de lumine, splendor de splendore, verbum patris eternum, de patris substantia æternaliter genitum: te o sancte spiritus ardor inæstimabilis, ab eterno patre & filio eternus eternaliter spiratus atque procedens. Te inquam vnum Deum, vnum Dominum, vnum creatorem omnium adoramus solum: quoniam præter te nō est Deus alius, neque fuit, neque erit, neque potuit esse aliquando absque te, Domine Deus noster, hæc est nobis vita dulcissime Domine, te solum Deum verum agnoscere: nunc videm per fidem dñi in tenebris huius mundi subsistimus, nunc verò tunc (o vtinam nunc) facie ad faciem te conspiciamur, in eternum, & ultra. Amen.

Ioan. 17.

1. Corin. 13

CAP. XV III. De finis diuisione in vltimatu & nō vltimatum.

Postquam de tribus causarum generibus supra determinatum est, superest nunc vt de finali causa etiam specia-

Duplex fi-

Quid finis vltimatus.

Quid finis non vltimatus, seu finis quo.

ius determinetur. Est igitur finium quidam vltimatus, ad quem propter se tanquam melius & perfectius, alius ordinatur minus bohū & perfectum, vt omnium quę in hoc sensibili mundo sunt, est homo finis vltimatus. Sunt enim cetera omnia propter hominem facta, & ad hominem quasi perfectissimum eorū quę in hoc mundo sunt, referuntur vniuersa. Similiter nutrimentum est, propter vitam conseruandam: generans, propter speciem multiplicandā & conseruandam: iudes propter visionem, spes propter adeptionem & possessionem. Atque hic finis solet alio nomine vocari finis gratia cuius, vel propter quē. De hoc fine intelligitur, quod vulgò solet dici, Finis melior est ijs quę sunt ad finē. Siquidē Deus sic rerū ordinem disposuit, vt sint imperfectiora simpliciter propter perfectiora. Alius est finis nō vltimatus, quippe qui per se finis rationē nō habet, sed solū est via vel modus quo medium ad finem suum pertingit vel tendit: propter quod etiam finis quo solet nominari. Verbi gratia, Deus est finis vltimatus rerū omnium, atque peculiariter naturæ humanæ: cognitio verò Dei, est finis quo pertingimus ad consecutionem finis illius. Intelligēdo enim & amando Deū, finē nunc nostrū ita habemus atq; possidemus. Sic medicina est propter sanitatem, nutrimentum propter nutritionem, cibus pro-



propter comestionem, Et vniuersaliter omnis vsus rei est finis quidam eius, quo ad finem vltimatum cuius est vsus pertingit: vt equitatio, vsus equi est, quo pertingit equus ad finem, scilicet hominem, seruiendo ipsi. Sic enim equus ad hominem ordinatur vt illi seruiat, in ipsum ferendo, in agris arandis, in vehendis frugibus alijsque huiusmodi ad hominis vtilitatem opportunis. De hoc autem fine non est intelligendum quod dici solet, finem esse nobiliorem eo quod ad finem est. Nam Medicina quæ est substantia, perfectior atq; in se nobilior sanitate, quæ est accidens: granum, perfectius actu nutritionis: pater perfectior filio, propter quem generet, quemque in generatione intendit, & id cuius est vsus, vsu suo est nobilior. Ex quibus patet, aliud esse finem vltimū & finem vltimatum. Vnicus est enim finis vltimus, Deus. Fines verò vltimati sunt plures.

CAP. XXI. *Quemadmodum omnia, non solum voluntaria, verum etiam naturalia agant propter finem.*

**I**N voluntarijs & rationalibus, nulli dubium est quomodo hæc propter finem præscitum & præcognitum agant, in illis potissimum actibus qui secundum rationem & deliberationem fiunt. Quomodo autem agentia naturalia agant propter finem, forsitan minus patet. Cum enim finem nullum cognoscere valeant, videntur similiter non posse ob finem aliquem agere. Certum est tamen, etiam naturalia omnia propter finem agere, quoniam in naturalibus omnia videmus similiter & ordinatissimè euenire. Quæ res argumento est, ea ordinatè propter finem agere. Sed ad hoc intelligendum, quod per se alioquin videtur captu difficile, valebit analogia domini ad seruum: dominus enim finem nouit; & propter hunc seruum ad opus mittit, nescientem tamen finem operis sui. Quemadmodum igitur seruus ille non temerè, sed propter finem certum agit, quem tamen nescit ipse, & nouit qui eum dirigit Dominus: ita agentia naturalia nesciunt quidem neque intelligunt finis sui rationem, & tamen propter finem agunt ordinatissimè omnia non secus ac si finem ipsa agnoscerent. Quod patet maximè in brutis animalibus, quæ sic ordinatè quædam faciunt, vt prorsus videantur finem agnoscere (vt est videre in tela araneæ, & nidis auium) cum tamen sit certissimum ea suum finem non cognoscere. Similiter & agentia, quæ neque sensum

*Quomodo  
agentia naturalia agant, propter finem.*

sum vllum habent, suntque prorsus insensibilia & inanimata, suas naturales actiones conspiciuntur ordinatissimè semper exequi: cum tamen suæ actionis finem non agnoscant. Sed est in cælis prouidissimus Deus, disponens omnia suaviter, qui sic naturalia dirigit ad finem quem ipse eis prouidet, & perstituit, vnicuique rei ad suum finem dans congruas modo mirabili inclinationes atque propensiones, qui singula disponit, & dirigit ordinatissimè, vsque adeo, ut etiam si singulis agentibus singuli Dij essent, melius ordinatiusque ipsa dirigi aut gubernari non possent. Ex quibus liquet creaturas omnes præter hominem agi potius à Deo ad suos fines, quàm agere seipsas: quemadmodum sagitta à sagittante emissæ, & seruus emissus à domino aguntur ab ijs à quibus emittuntur ad opus. Sola autem creatura rationalis in actibus voluntarijs seipsam agit, eò quòd suum finem habeat cognitum.

Sapient. 3.

CAP. XX. *Quomodo fini cætera causæ proportionari debent, & quomodo diuersimodè quædam agunt propter finem.*

St autem finis prima causarum atque adeò causarum causæ: quoniam secundum finem cætera omnia proportionari debent. Verbi gratia, quoniam finis est domus familiaris inhabitatio, & domesticarum rerum exercitatio: templorum autem conuentus tantum fidelium in vnum ad orandum, ad audiendū verbum Dei, non autem ad exercitationes domesticas aut opera exercenda ciuilia, idcirco aliter templa, aliter domus ædificantur. Quoniam alius castrorum finis, alius palatiorum, idcirco alij efficientes, alia materia & alia forma adhibenda his, quàm illis. Longè enim alia est forma templi à forma domus, & alia plerunque materia. Similiter & alia est forma palatij triumphalis, alia castrorum pugnatorij, alij quoque lapides pro triumphali gloria, alij pro fortitudine castrorum solent exquiri. Et frequenter diuersi ad diuersa huiusmodi opera sunt quærendi artifices, cum plerunq; is qui in altero præualet, in altero valeat minus. Similiter & cum vestis est facienda, perquirendus est ante omnia finis. Ex quidem si propter domesticum fiat vsus tantum, longè alia materia ac forma fiet, quàm si in honestum & publicum aut triumphalem vsus fuerit. Sufficit enim materia rusticior ac forma simplicior ad illam, quàm ad hanc faciendam. Similiter tamen à forma res habet necessitatem ut sit, & suam acci-

Finis quomodo causarum prima.

accipit ab ea denominationem: quemadmodū vestis si formam habeat togæ militaris, indubiè militaris a forma denominari debet: si formam aliam, aliter denominabitur, iuxta quod expostulat forma. Fiunt tamen res secundum finem, & ipsa forma ab agente secundum finis intètionem debet introduci. Est quoque & illud aduertendum, quædam agentia propter finem agere, ad illum adipiscendum & acquirendū, quemadmodum benè viuunt homines, vt Deum suum finem apprehendant aliquando, atque in possessionem acquirant; quædam autem propter finem agunt, diffundendo & communicando. Quemadmodum Deus agit omnia quæ agit, nō gratia vllius rei acquirendæ, neque adipiscendæ, sed propter bonitatem suam diffundendam atque communicandā creaturis. Atque hoc modo ignis aliū ignem producit, propter suæ speciei propagationem & multiplicationem.

CAP. XXI. De casu & fortuna, deq; effectibus casualibus & fortuitis.

**C**asus & fortuna quāquam causæ sunt efficientes & subefficientibus partim dicta sunt, specialem tamen habent difficultatem, eò quod causæ per accidēs sunt: quare & specialem exigunt tractatum. Subiungitur ergo hæc diuisio:

*Eorum quæ fiunt, alia semper eodem modo fiunt, alia plerunque: alia fiunt præter hæc.*

Cuius hic est sensus: Inter ea quæ fiunt, quædā semper aut vt plurimū à suis causis similiter fiunt, vt plerunq; deambulatio per locū amceniorē, animi releuationē operatur atq; sanitatem siue producit, siue conseruat, semper forma lapidis, ablato impedimēto, lapidē deorsum moueri facit. Quæ dā verò à suis causis neq; semper, neq; vt plurimū fiunt, sed rarò eueniunt, quemadmodum rarò euenit, ambulātem, & conantem ad rei veneræ solcitationem ad virtutem cōuertī, quod Darię legimus accidisse cū Chrysanto: rarò item euenit, ambulātem ad aquas puerum inuenire; quod accidit filiæ Pharaonis cum Moyse Aegypto.

*Emod. 2.*

Rursum,

*Eorum quæ fiunt, alia fiunt, alia non fiunt, alicuius gratia.*

Cuius hic redditur sensus. Inter effectus, quidā sunt intenti ab agente, quidā nō intēdūtur, sed effectū ab agēte intētū eos accidit cōcomitari, & hī dicūtur effect⁹ per accidēs, & eorū causæ sunt causæ per accidēs. Vt cōsensum ī rē venereā per se intēdebat Daria, suo ad Chrysantū aduētū. Ad hoc tēnim



enim ornata cultu mirifico illū accessit, vt suis blanditijs in cōcupiscentiā eius animū inflecteret. Et ille quidē effectus, si conatū Dariæ fuisset sequutus, effectus fuisset dicēd⁹ per se. Sed præter intentionē & ordinationē euenit, & plane ex accidenti contigit ipsius ad Deū verum conuersio. Sic ex intentione filia Pharaonis egredi voluit, vt animum releuaret, præter intentionem verò euenit, vt Moysen reperiret Aegyptium, puerum cistellæ aquæ supernatanti inclusum,

CAP. XXII. In quibus habet locum casus & fortuna, & quomodo inter se hæc duo differant.

**H**is præmissis est aduertendum, casum & fortunam non nisi in illis locum habere quæ rarò fiunt, & quæ per accidens sunt, In ijs enim quæ vel semper, vel vt plurimum ordinatè fiunt, casus & fortuna esse nō potest. Similiter neque in ijs quæ per se sunt, sed in ijs quæ per accidens tantum.

*Vnde effectus casualis definitur, quæ ex ijs est, quæ rarò fiunt & per accidens;*

*Quid effectus casualis.*

Vt in exemplis suprapositis, Dariæ illa ad Christum conuersio, effectus est casualis, qui ex eius ad Chrysantū accessu consequutus fuit. Similiter & Moyse inuentio à Pharaonis filia, respectu deambulationis. Casus autem dici solet, ipsa causa effectus casualis, ita vt casus & casualis effect⁹ pro relatiuis habeantur.

*Est enim casus, causa per accidens effectus rarò contingentis.*

Similiter de fortuna & effectū fortuito dicendū. Notanda tamen est differentia inter casum & fortunam, itemq; effectū casualem & effectū fortuitū: quoniā fortuna nomē specia lius est, & commune min⁹ est, quàm casus. Fortuna enim in solis est agentibus à proposito, casus verò etiā in agentibus naturalibus, similiter de effectū casuali & fortuito dicendū. Pro cuius notitia Aristoteles ponit hanc diuisionem.

*Eorum quæ fiunt, alia per electionem fiunt. alia non per electionem.*

Vnde exustio ligni in ignem cadentis de superiori loco per actionem formæ substantialis ipsum mouentis, dicitur effectus casualis, eò quòd præter intentionē & inclinationem naturalem, talis accidit effectus: non est tamen effectus fortuitus, neq; causa ipsa huius effectus per accidens fortuna, sed tantum casus dicēda est. Non enim voluntate libera descen-

descensum intendit. Vnde Fortuna ab Aristotele definitur hoc pacto:

*Fortuna est causa per accidens in his quæ per electionem alicuius gratia fiunt, extrinsecus semper, & frequenter.*

Per electionem fieri nihil est aliud quam libera voluntate, & ex proposito.

CAP. XXXIII. Ex dictis quadam ponuntur conclusiones.

*Conclusio-  
nes Arist.*

**E**X prædictis patet eorum falsitas, qui omnia ponebant fieri à casu & fortuna: similiter & eorum, qui nihil à casu vel fortuna fieri admittebant. In utroque enim extremo horum inest falsitas. Media autem sententia veritatem tenet, quæ neque omnia dicit, neque nulla, à casu fieri & fortuna, iuxta declarationem suprapositam. Patet insuper, quemadmodum insipientibus & improvidis plurima contingant casualia atque fortuita: providis autem, pauciora. Nam improvidis plurima contingunt præter intentionem & per accidens, dum suas actiones easque per se consequentia non attentè considerant. Providis verò, diligenter & suas actiones, & quæ consequuntur circumspectantibus, non ita multa præter intentionem siue per accidens contingunt, ac proinde non ita multi eis contingunt effectus casuales. Atque hinc rursum colligitur, providissimo illi, ac tummo sapienti Deo (cuius ordinatissimam dispositionem & prævisionem nihil latere potest aut subterfugere) nihil accidere posse casuale vel fortuitum: cum præter illius intentionem prorsus nihil posset evenire, sine cuius ordinatione, dispositione, ac nutu neque folium arbori decedit, neque pilus deperit capiti. Et frequenter ea quæ secundum inferiores causas penitus casualia sunt aut fortuita, eadem quantum ad mentem divinam primamque causam maximè sunt incepta, & secundum ordinatissimam eius dispositionem ita ordinata. Quemadmodum (exempli gratia) generis humani redemptio, legisque veteris cessatio, & sanctæ fidei ad gentes transitus (quæ omnia ad Christi mortem consequuta sunt) velut casualia atque fortuita effecta sunt, quantum ad Principes Iudæorum, qui Christi mortem effecerant, & impiissimos dæmones, qui ad eam sollicitando fuerant conati, Omnipotenti autem Deo nihil unquam æquè prospectum fuit, intentum, aut ordinatum. Siquidem ab æterno ille hac ratione instaurare decrevit & quæ in cælis & quæ in terris erant collapsa, & in filio suo su

per

per benedictio omnia adimplere. Et vniuersaliter, nullus omnino contingit in hoc mundo effectus, quem non plenissima illa & æterna sapientia præuiderit ab æterno, atque etiam si pessimus sit, nouit tamen ab æterno, & disposuit apud sese, cur illum esset in suo tempore permittitur, & dispositione ordinatissima omnia nouit in debitos vsus suos atque fines referre.

CAP. XXIII. *Quæ causarum genera Deo vel competant vel non competant*

**V**T autem singula causarum genera ad Deum nunc accomodemus, sciendum est, quod prima duo causarum genera (nempe materialis & formalis) Deo non conueniunt, quoniam habent imperfectionem annexam. Materiam enim necesse est esse partem constituentem aliquid siue naturale, siue artificiale. Similiter & de forma constat, per quam oportet rem esse. Deus autem nullam prorsus compositionem nouit, neque pars esse potest, qui est totum & perfectum esse omnium rerum. Casus etiam & fortuna illi non conueniunt, qui est prudentissima prouidentia, citra cuius ordinationem & intentionem nihil potest euenire. Cætera duo genera (nempe efficiens & finis) quatenus perfectionem nominant, illi sunt omnibus modis attribuenda. Est igitur dominus Deus, omnium rerum finis ultimus, & ultimus, in quem omnes omnium particulares fines reducuntur, ad quem tendunt toto nisu vniuersis suis operationibus: omnia enim naturalia, quamquam infima & vilissima, dum omnia ad hoc naturali tendunt conatu, ut illi assimilentur sua operatione, sicut & ipse summè potens est, summeque efficax in agendo, & dum omnia quærunt perfici, sicut & ille summè perfectus est. Diabunt enim rationibus Deus omnium finis est cum ratione finium particularium, quoniam nihil bonum est neque appetibile, nisi secundum quod est à Deo, tum ratione sui ipsius, qui est etiam ut summum bonum immediatus finis omnium.

*Omnium finis est Deus*

CAP. XXV. *Quomodo omnium effectuum & rerum Deus est causa efficiens.*

**O**Mnium quoque effectuum Deus est causa prima efficiens, & produciens & conseruans. Omnium enim causa est, & ab ipso sunt omnia, non solum in fieri, sed quandiu sunt, continuò ipse eis esse influit, & omne efficiens particulare in ipsum Deum ut primum reducitur. Ut enim quælibet

*Deus est rerum omnium causa efficiens,*



res sit efficiens, à Deo habet. Et hac ratione De<sup>9</sup> quasi efficiens mediatur est eorū effectuum, quos mediantibus alijs agentibus operatur. Quanquā enim Deus per se potens sit absque medio omnia similiter, sicut nunc sunt, efficere & disponere: tamen ad magnificentiam gloriæ suæ declarandam & donandam creaturis perfectionem (est enim magnæ perfectionis, virtutem habere quippiam efficiendi) proinde ita dispensat rerum ordinem, ut plurima alijs velit mediantibus efficere. Quicquid tamen potest mediante causa secundaria, hoc etiam per se, si velit, potest. Quid enim per se non poterit qui per se cælum & terram, angelos & homines potuit creare? Non tamen est intelligenda hæc mediata causalitas ad eum modum quo in creaturis pater causa est mediata filij, quoniam medio seminis (in quo est tota patris efficientia) gignit. Nam & si Deus mediante alio quippiam efficiat, nihilominus tamen oportet ipsum esse effectui immediatū, & influere in ipsum suum esse æquè ac si nulla adesset secunda causa. Imò neque fieri potest, ut talem quælibet creatura virtutem accipiat à Deo, ut possit per se solam, absque immediato Dei concursu, aliquid efficere. Patet igitur, quomodo particularis agentis efficiēcia in Deum reducitur, sicq̃, Deū quodammodo mediatum agens constituit. Deinde, immediatus Dei concursus ad efficiendam rem, Deum facit esse omnium causam immediatam.

C A P. XXVI. *Vnde in rebus atque effectibus, possit defectus, aut peccatum, aut monstrositas inueniri.*

**I**N illis autem operibus quæ absque particulari causa mediata Deus facit, nullus potest esse defectus, neque malum, neque peccatum. Sed in his quæ per causam mediatam facit, potest malum & defectus euenire: non ex ipso primo principio summe bono atque perfecto, sed ex particularis alicuius efficientis insufficientia, vel imperfectione: Ipse enim generaliter influit & concurrat, ad omnem actionem & opus omne, tam naturalis quàm voluntarij agentis. Cæterum, causæ particulares & secundariæ, quæ ad effectum concurrunt, efficiunt facile, ut defectus aliquis siue peccatum contingat. Vnde manifestum est, quotiescunque effectus aliqui monstrosi contingunt, debere defectum illum atque monstrositatem in aliquam reduci causarum secundarum.

*Effectus autem monstruosus est, qui deformitatem aliquam notabilem habet, toti sue speciei extraneam, idq; ab origine.*

Quemadmodū si quis nascatur duo habens capita, senos digitos in vna manu, os habens ad aurem retortum, aut rostrum caninū. Quæ possunt vel ex parte indispositionis materiæ, vel ex defectu & superabundantia euenire, similiter & ex superabundantia vel defectu virtutis actiuæ, atque etiam alijs diuersis modis, de quibus particulariū determinare, ad Medicū potius quàm ad Physicū spectat. Et quemadmodū in naturalibus istis defectus, siue monstruositas in Deū nequaquā reducitur, sed in causam secundā deficientem, ita in actibus humanis qui à voluntate fiunt, si quid inest defectus atque monstri, si quid peccati & deformitatis (quemadmodū est in omnibus peccatorum actibus) nequaquā in Deum primam causam reduci debet, aut illi quasi auctori ascribi, sed in causam secundā, id est in hominis peruersam voluntatem: ita ut quicquid est boni in actibus nostris, Deo omnis boni auctori, quatenus bonū, ascribatur: quod verò inest defectus atque mali, nobis ipsis, id est, nostræ voluntatis prauitati impusetur. Iuxta quod per Osee Prophetam dominus *Osee. 13.* loquitur dicens, Perditio tua ex te Israel, tantummodo ex me auxilium tuum, siue saluatio tuā in bonum. Igitur domine omnem auferas impietatem, quam in nobis sine te nos *Ibidem.* sumus operati, & nunc accepta bonum placitūque habe, quod tu in nobis es operatus, & vitulos labiorum nostrorū, laudem & gratiarum actionem, sacrificabimus tibi.

CAP. XXVII. *Conclusio libri in conuersione ad creatore ex spectaculo creaturarum.*

**C**onfite te nunc o anima mea Domino, & conuertere in requiem tuam. Ascende in speculam celsitudinis tuæ, *psal. 114.* calcatisque subtus te elementorum globis, Luna, Sole, cunctisque calorū orbibus. Leua quoque te supra te, & stans prospice eminus super vniuersam creaturam Domini Dei tui. *Thren. 3.* Contuere; & perspice diligenter, quemadmodū à summa illa ac prima omnium causa effluat esse omnibus, quemadmodū illo perpetuo influxu etiam minimis creaturis (quas hominis fastus vix dignatur aspectu) suū cuique propriū esse influat, quomodo ab illo inexhausto fonte, tanquam sitibunda omnis creatura suam hauriat bonitatem atque per-

## DE CAUSSIS RERVM

fectionem. Rursumque contemplare, quanto conatu vniuersæ creaturæ pro sua virili, certatim ad illud primum & summum bonum contendunt redire, à quo sunt egressæ. Videbis certè, nihil aliud omnem creaturam agere, quàm ad Deum tendere, & natiuo ac genuino desiderio incessanter ad illum anhelare, illique vt fiat simillima, toto nisu elaborare: O' quàm est iucundum hoc spectaculum animæ quærenti Deum. Ex aduerso autem, quàm fœdum est & abominandum spectaculum, & monstrum nimis horrendum, cùm sic videamus omnem creaturam ad Deum conari, ad quem tamen pertingere nequaquam potest, hominem solum oculos habere in terram defixos: cùm sit ipse vnus in hoc factus, vt Deo sempiterno nexu copuletur. O' monstrum horrendum. O' execrabile facinus. O' immane scelus, homo non quærens. Nos verò ad illum quèm omnis laudat factura spiritalis atque corporea, corda etiam nostra leuemus cum manibus, & ne solos nos tam glorioso deesse contingat certamini, in quo primos iure fuisse oportebat, incessanter illius vacemus laudibus, ad illum desiderio semper incessanti anhelantes, atque per operationem Deo dignam & nobis congruam properantes, qui est vnus primus atque beatissimus, creatorum omnium, peculiariter verò humani figmenti finis & requies vltima, à quo vno sunt omnia, & in quem tendunt vniuersa. Cui sit honor & gloria in secula seculorum. Amen.

Thren. 3.

## FINIT LIBER SECVNDVS.

### CANTICVM PSALMI, IN LAV- dem causæ primæ, creatricis omnium.

**C**Aeli calorem & qui inhabitatis in eis accedite: terra, mare, & quæ in eis estis, omnia festinate in chorum gaudij.

Volucres celi celeriter aduolantes ne moram nobis facito: etiã quæ super terram serpitis ac reptitis, accelerate gressus vestros.

Venite quæcunque subsistitis, collaudemus vnà Dominum: ipse est enim cuius potentia surreximus de nihilo.

Non sunt absq; illo Angelica substantia: si quidem in principio ipse creauit eas in nobilitate nature suæ.

Celo.



Calorum quoque amplissimos orbes tu extendisti solus, tanta molis materiam erat tibi pro nihilo condere, qui es omnipotens.

Virtutem mirificam indidisti corporibus istis, ut ad efficiendam quoque sint potentia, quomodo tu in omnibus operas omnia, te demonstrans omnipotentem.

Hunc etenim tu deputas ornatum gloriae tuae, sic constituit & creaturas tibi non in minimo similes.

In omnibus verò quae sursum habitant, & nostro aspectui apparent eminus, Solis in bar se se monstrat gloriosius.

Ipsae graditur in magnificentia gloriae suae, per medium caeli ex omni parte luminaribus mille milibus stipatus atque circumdatus.

Quasi dominator in medio servorum graditur in comitatu stellarum, & diffundit multo ardore circumquaque flagrantem radios.

Quocumque aspexerit, illucescit lumen diei: suo abscessu atque regressu contristat & latificat omnia.

Cum abscesserit à terris aspectus eius, marcescunt omnia: ipso redeunte in placiditate sua renouatur facies universae terrae.

Ipsae vulnerat & sanat, mortificat & vivificat, & est in omnibus, o altissime, tui monstrans miram similitudinem.

Laudet te quoque pallida Luna & lumen stellarum, quibus calorum moles iussisti clarescere, & illuminari per noctem obscuritatem terrae.

Laudetur in ignis natura stupenda potentia tua: cui & ipsi miram tibi placuit efficiendi communicare virtutem.

Pulcher est, iocundus, atque formosus fortis, validus, & in pugnando robustissimus.

Luce sua illuminat, & flagrat ardoribus: quae bona sunt perficit, absunt mala, commixta purgat.

Nunquid non in omnibus his similitudo tua relucet creator altissime? nam & tu ignis consumens es, probans, purgans, atque perficiens.

Sed & aquae quae sunt sub firmamento, habent paratam in se laudem tibi, in quibus virtutem constituisti admirabilis fecunditatis.

Iussisti enim paulo post creationis initium producere eas naturaliterviventia: benedictionem tuam contulisti in illas, ut implerentur inhabitatoribus natantibus.

At verò terra mater communis omnium nostrum habet & ipsa manus plenas laudibus, parata offerre eas ante conspectum tuum.

Ecce enim quae profere tibi ad obeditionem iussionis tuae, herbam virentem, ligna pomifera, & multum omnino decorem ad necessitatem atque delicias filiorum hominum.

## DE MOTV ET ACCIDENT.

*Cum tibi rationale figmentum operari placuerit aut fingere: ipsa est quæ tibi præbet copiosam semper materiam in opere tuo.*

*Et suis ipsa fructibus quos dedisti ei, sustentat mater bona filios suos: Deus magne, quàm es in omnibus creator tu mirabilis.*

*Quo pergitur longius, eò minus pertingimus: laudente in substantia sua, quæcunque condidit altissima omnipotentia tua.*

*Nos quoque donec viuimus filij hominum, benedicimus nomini gloriæ: & benedicimus amodo & vsque in secula.*


*Gloria patri, & filio, & spiritui sancto.*

*Sicut erat in principio, & nunc & semper, & in secula seculorum. Amen.*

FINIT PSALMVS.

## IN LIBRVM III. PHYSICÆ CONSIDERATIONIS DE MOTV ET EIVS ACCIDENTIBVS.

### PRAEFATIO.



D gloriam Dei summi declarandam, post rerum naturas, & causas motum quoque explicare tentabimus. Ipse namq; vt solus penitus perfectus, actus purissimus atque perfectissimus est, omnis expertus motus atque mutationis, ita cuncta creata mobilia fecit esse, motibusque varijs ac multiplici mutationi subiecta, vnde est parentissima inter Deum & creaturas distinctio, quod Deus in seipso æternaliter perfectus, nihil perfectionis neque appositione aliorum acquirit, neque decursu perdit, neque secundum vllam omnino mutationem potest pertingere ad habendum quod non habuisset, siue ad perdendum quod prius habuisset. Omnes autem creaturæ ad suam perfectionem naturalibus attingunt mutationibus, acquirentes per motum quod non habeant, perdentes quod habeant. Atque hic finis erit considerationis huius, vt cognoscamus præsentem omnibus in se semper immotum permanentem, singulis quibusque rebus suos motus prouidissimè dispensantem dominum Deum nostrum: qui moueri nescius, singula vt vult, & quando vult moue-

mouere potens est: quique (vt diuinus ille ac planè theologifsimus philosoph⁹ cecinit Boëtius) Immot⁹ ipse manēs, dar cuncta moueri. Ad huius rei notitiam, nonnihil profue Boëtius in, rit subijcere diuisiones aliquot ab ipso Aristotele positas, libro de cō  
quarum prima est hæc.

*Eorum quæ sunt, quædam actu tantū, quædam potentia sunt atque actu.* Philosoph.

Cuius hic est sensus, rerum existentium, quædam est forma accidentalis, aut substantialis, aut res ex illis composita, in quantum sub tali forma existens consideratur, alia est res existens in quantum talem formam non habet & habere potest: vt homo ea ratione qua animam rationalem habet: albedinem, talem vel talem dispositionem, sub priori membro, sub consideratione verò carentis alia forma sub posteriori: vnde hæc membra tantum ratione differunt. Secunda diuisio est.

*Horum, aliud est hoc aliquid, aliud tantum, aliud tale, & in cæteris simili modo, quæ eius quod est prædicamenta dicuntur.*

Id est, entium aliud est substantia, aliud quātitas, aliud qualitas: & sic de cæteris prædicamentis. Tertia diuisio est.

*Eorum quæ sunt ad aliquid, aliud excessione defecti-  
næue dicitur, aliud actiui passiuiq; atque omniū moti-  
ui ac mobilis ratione.*

Cuius hic sensus, eorum quæ ad se inuicem quoquo modo referuntur, quædam significatione acquisitionis siue generationis, referuntur; siue actualis, siue potentialis possibilisue. alia verò deperditionis ratione, vt generans generatum, produciens productum, generabile generatum, corrumpens corruptum, corruptibile corruptum, Quarta diuisio est hæc,

*Id quod mutatur, aut in substantia, aut in quantitate, aut qualitate, aut in loco semper mutatur.*

Cuius hic est sensus, motuum, vel eorum quæ mouentur, aliud tendit ad substantiam tanquam terminum ad quem, aliud ad quantitatem, aliud ad qualitatem, aliud ad locum.

Quinta est hæc,

*Motuum siue ad substantiam sit, siue ad quantitatem, siue ad qualitatem, siue ad locum, alius est perfectus, alius imperfectus.*



## DE MOTV ET ACCIDENT.

Ille perfectus est, qui ad formam perfectiorem tendit. Vt generatio hominis perfectior est generatione equi, & hæc generatione arboris, & hæc generatione herbæ. Imperfectus est, qui ad formam imperfectam est, aut priuatiuam, vt denigratio dealbatione, & corruptio generatione imperfectior est, & sic de cæteris.

### CAP. I. De definitione Motus.

*Arist. 1.  
Physicorū,*

**D**efinit Aristoteles motum hoc modo.

*Motus est actus entis in potentia vt est tale. Item alibi.*

*Motus actus est mobilis vt est mobile.*

Hoc est, quatenus in potentia est. Qua definitione significatur, motum esse accidentariam quandam rei mobilis formam, per quam veluti viam, res quæ mouetur ad aliquid continuò acquirendum vel deperdendum tendit, quasi ad terminum. Motus enim est, quo mobilis potentia ad actum deducitur. Quemadmodū cum ex ligno generatur ignis, per motum hunc generationis, continuò forma ignis in materiam ligni introducitur, & per corruptionis motum, continuò extra lignum pellitur præinexistens forma. Vnde statim euidentissimè patet motum, non nisi ijs conuenire quæ potentiam habent admixtam, & à Deo esse quàm longissimum. Cæteræ verò creaturæ quò plus habent potentia, eò amplius sunt motibus subiectæ. Spirituales enim substantiæ sensibilibus non mouentur motibus, eò quòd ad formas sensibiles potentiam non habeant: intellectualibus tamen mutationibus subiacent, quoniam potentiam habent ad intellectiones & affectiones, ad esse item & non esse. Cælestia verò corpora, quia ad locum sensibilem potentia sunt, secundum suas partes diuersa loca habere apta, idcirco mouentur motu locali. Alterationes verò horum inferiorum alterationibus similes, non recipiunt: quoniam ad similes qualitates potentiam non habent.

### CAP. II. De motu instantaneo, subito, & successiuo.

*Quid mot⁹  
instantaneus*

**N**otandum verò est, quòd quidam sunt motus instantanei, qui in momento tēporis vel in non tempore perficiuntur, vt aëris illuminatio, quæ tota simul vno instanti completur, secundum omnes aëris partes. Hocque ideo, quia lumen in aëre contrarium nullum habet, sed tantum sunt in eò tenebræ, priuatio luminis, quæ nullam faciūt resistentiā: soli illuminanti, atq; hic motus, nullas habet successione par-  
tes,

tes. Alius est motus subitus, qui in instanti non completur, *Quid motus*  
tamen in imperceptibili sit tempore. Ut cum calefaciens, *subitus.*  
primum caloris gradum in subiectum inducit, in instanti  
hoc facere non potest, ob resistantiam aliqualem contrarij:  
tamen in imperceptibili tempore & indeterminato hoc fa-  
cit ita ut illius temporis non possit adæquatum assignari mo-  
mentum, initians aut finiens. Successivus verò motus & sc̃ *Quid succes-*  
sibilis est, quando aperta est in motu successio, ita ut monstra *sius motus.*  
ri possit, quæ pars formæ qua temporis parte sit per motum  
introducenda aut ex pulsa. Quemadmodum est in motu calefa-  
ctionis aut frigefactionis, quoniã calor totus, aut frigus to-  
tus, non in instanti neque subito, sed cum temporis succes-  
sione in subiectum introducitur, ita ut secundum successio-  
nẽ, una pars prius, altera posterius in subiecto habeatur. Et de  
huiusmodi motu plerunq; intelligimus cum de motu loqui-  
mur rerum naturalium. Res quippe naturales non multum  
mouent, neque mouentur instantaneẽ, partim ob defectũ vir-  
tutis actiue, partim ob contrariorum resistantiam, vel mobi-  
lis indispositionem. Subitus verò motus, plerunque perfici-  
tur successivẽ, & in illum finitur: Aqua enim licet incipiat  
subito calefieri secundum primum caloris gradũ, quãtũ ta-  
men ad totam caloris formã, successivẽ debet calefieri.

CAP. III. De differentia rerum successivarum, à rebus  
permanentibus.

**P**RO pleniori autem motus intelligentia advertendum est, *Quæ res*  
quò pacto distinguantur ab invicem res permanentes & *sint perma-*  
successivæ. Illa namque permanentia, sunt quæ omnes suas *nentes.*  
partes simul habent, aut habere nata sunt, ita ut nulla opus  
sit eis successione. Alioqui & qualitates sensibiles plerun-  
que successione secundum partes suas absoluntur, sed non  
hoc requirit earum naturalis conditio, verum ex motus na-  
tura contingit eis sic per accidens successivẽ fieri. Quemad-  
modum (exempli gratia) calor, res permanens est, quia ta-  
met si ratione motus per quem habet acquiri, successivẽ fi-  
at atque in subiectum introducatur, tamen quantum ex sua  
naturæ conditione, nulla opus habet successiõe. Potest enim  
partes suas omnes simul habere, neque in vlllo fluxu consi-  
stere. Illæ autem res sunt propriè dicendæ, successivæ, quæ ex *Quid res*  
naturali conditione partes suas habent in successione, ita ut *successivæ.*  
simul eas habere non possint. Cuiusmodi sunt motus & tem-

## DE MOTV ET ACCIDENT.

pus. Partium enim mōtus vel tēporis adueniens altera alteram abigit: & hac abeūte, succedit iterum alia tertia, quod in horarū fluxibus apertissimū est. Porro quod in permanentibus rebus positio, hoc in succedentibus est successio. Sicut enim ligni partes positionem certam habent adinuicem, vt hæc non possit esse simul secundum locum cum illa, sed separatim hæc pars hic est, illa illic, ista istic: ita similiter quando prima hora est, non est secunda: quando secunda, non est prima neque tertia, sed successione continuantur adinuicē, quia nūc est prima, post eā subsequitur secūda, post quā euestigio succedit tertia. Vnde patet, sicut certa positione quantitates permanentes sunt continuæ, ita tempus, huiusmodi successione esse continuum. Diuiditur enim quantitas continua in permanentem & successiuam. Permanentēs sunt, linea, superficies & corpus. Tempus autem, quantitas continua est successiua.

CAP. IIII. *Motum non esse quantitatem, neque vllō stringi prædicamento.*

**Q**uanquam autem motus succedentes habere partes secundum successionem intelligatur, non tamen ad quantitatis prædicamentum debet stringi, cum nihil ab ipso denominetur quantum, sed (sicut facile potuit aduertit ex dictis) à tempore, quod motum sequitur, vt post diceretur. Vagatur enim motus ad omnia prædicamenta quasi reductus, iuxta eius terminum ad quem est, diuersitatem. Nam generatio & corruptio, ad substantiam: augmentatio & diminutio, ad quantitatem: alteratio, ad qualitatem: loci mutatio, ad vbi, siue esse in loco, reducuntur. Et quanquam ita per omnia secundum reductionem motus vagatur, nullo tamen prædicamentali ordine constringitur neque concluditur.

CAP. V. *Quomodo motus aliquis etiam in partes extensionis diuidatur.*

**P**ræter motus diuisionem, qua diuiditur in partes succedentes, quæ copulantur per indiuisibile motus, corre spo dens instāri præsentī, quod solet vocari inutatu esse, est etiā quandoque diuisibilis in partes extensionis. Sicut enim totum cælum habet totum motum quo mouetur, ita cuiuslibet parti cæli responder aliqua pars illius totius motus. Non omnem tamen motum necesse est sic diuisibilem esse. Quādoque

*Motus vagatur per omnia prædicamenta.*

*Arist. 6. lib. Physic.*



doque enim totum mouetur, & nulli parti motus conuenit: veluti cum terminus ipsius motus indiuisibiliter sic est in toto, vt in nulla tamen subiecti parte, vel secundum se, vel secundum partem inueniatur. Vnde constat hanc diuisibilitatem competere motui per accidens, ratione termini ad quem est motus secundum eius extensionem. Caterum, nullus motus partes vllas habet, aut habere potest secundum intentionem, cum non contingat plures partes eiusdem motus esse simul in eadem parte subiecti. Vel enim sibi inuicē succedunt, vel secundum extensionē in diuersis subiecti partibus existunt.

Motus nō  
potest intē  
dr.

CAP. VI. De quinque ad motum requisitis, & duplicibus mutationibus.

**A**duertendum autem, ad motum necessariū quinque requiri: nempe,

*Mouens, mobile, terminum à quo, terminum ad quem, & tempus.*

Tractat  
hec Arist. 5.  
lib. Physic.

Absque his enim non fit motus, & sunt hæc in singulis motibus perquirenda, vt in alteratione à vitijs ad virtutes, est mouens & operans Deus, atque suo exercitio liberū hominis arbitriū: ipse homo, est motus: terminus à quo receditur, vitium est: terminus ad quem acceditur, virtus est: tempus, est visitationis dominicæ hora, siue aliud quodcunque aduersitatis aut prosperitatis tempus, in quo se quis à vitijs auertit ad virtutē. Terminus quippe à quo, intelligitur id quod per motum abiicitur: quod aliquando est pura negatio vel priuatio formæ quæ per motum acquiritur, aliquando forma contraria. Vnde claret, quasdam mutationes esse de contrario in contrarium, vt ex calido fit frigidum, ex albo nigrū. Itē ex hæretica opinione mala fit alteratio ad contrariā opinionē: ex carnali amore, conuersio ad amorē spiritualem: à vitio, ad virtutem, vt à gula ad sobrietatem: ex denso, rarum: ex leui, graue. Sub quibus comprehendimus motus qui sunt de medio in alterum extremorū, vel e contrario: vt ex rubeo in album aut nigrum, aut e contrario. Et eiusmodi motus propriè vocantur motus, eò quòd sunt (secundum Aristotelem) de subiecto in subiectū: id est, de affirmatione ad affirmationem, vel de forma in formā: suntque hi motus difficiliore. Quædā sunt mutationes à priuatione tātū, vel negatione, ad oppositum habitum: vt ex non homine generatur

Quid termini  
sunt à quo.

## DE MOTV ET ACCIDENT.

ratur homo, ex nō igne ignis, ex indocto & rudi fit doctus, ex infideli priuatiuē fidelis: quādo nimirum is qui de dogmatibus fidei catholicæ neque rectam, neque peruersam habet opinionē, in fide docentis opera eruditur, vt rectē quē admodū oportet de eis sentiat: ex tenebroso lucidū, atq; ita in similibus. Quas mutationes faciliores esse constat: Et (iuxta Aristotelis sententiam) motus propriē non sunt, sed mutationes tantū: quia sunt de non subiecto in subiectū: id est, de priuatione vel negatione ( quæ per non subiecta intelligit) ad affirmationē: aut ē contrario de subiecto ad non subiectū, id est, de affirmatione ad negationem vel priuationem. Huiusmodi autem sunt generatio, quæ est à non esse ad esse: & corruptio, quæ est ab esse ad non esse.

CAP. VII. De termino ad quem, & à quo: & quomodo secundum eos motus distinguantur vel non distinguantur.

*Quid terminus ad quē.*

**T**erminus verò ad quem, illud dicitur ad quod mobile siue id quod mouetur tendit, siue sit affirmatio, siue negatio: vt terminus ad quem, generationis est forma rei quæ acquiritur per generationem, & esse rei quæ acquiritur per generationem, siue esse rei generatæ. Ad hoc enim tendit generatio, vt forma substantialis insit in materia, & res substantialiter existat. Terminus corruptionis ad quē, est priuatio formæ præexistentis, & non esse rei præexistentis. Quippe ad hoc tendit corruptio, vt materia priuetur forma quæ inerat, & res quæ præerat, suum esse perdat. Terminus augmentationis ad quem, est maior quantitas: Diminutionis, minor quantitas. Alterationis verò terminus: est qualitas secundum quam res alteratur loci mutationis: ipsum vbi, siue (vt crassius dicamus) locus secundum quē res variatur. Est autem terminus ad quem, dignior & principalior consideratione motuū, termino à quo: quoniā & ab ipso motuum denominatio sumitur: vt alteratio, ad albedinem dealbatio, ad nigredinē denigratio vocatur. Quòdque amplius est, etiam distinctio generica atque specifica ex ipso accipitur. Secundum enim terminos ad quos sunt distinguuntur, (vt suprā declaratum est) generatio, corruptio, augmentatio, diminutio, alteratio, atque loci mutatio. Item generationes viuacium & inanimatorum distinguuntur genere propter formas diuersorum generū. Generationes hominū & brutorū distinguuntur, specie ob formas ad quas sunt specie

*Terminus ad quē, est dignior termino à quo.*

*Vnde distinctio generica motus.*

cie differentes. Generationes diuersorum hominum, numero distinguuntur, ob formarum ad quas sunt numeralē tantū distinctionem. Ita similiter in alijs motuū generibus est dicendum. Non solū tamen ex diuersitate termini ad quem, motus distinguūtur: sed accipitur etiā distinctio moruum ex medio, quò ad terminū ad quē, necessariò debet perueniri, ob concatenationem cum termino ad quem. Motus enim rectus & circularis genere differunt, propter diuersum modum spatij quod pertransitur: itē motus rectus & motus curuus ad eundē locum. Item doctrinatio eiusedē conclusionis, iam per demonstrationem, iā per verisimile, tantū argumentum, ob mediij diuersitatem variatur. Neq; profecto minus apparet hęc distinctio ipsius motus per se esse, quā sic ex medio vel ratione, aut modo aut conditione motus sumitur, quā ea etiam ipsa quā ex termino ad quem sumitur. Ex termino autem à quo, constat nunquam variari speciem motus. *Terminus à quo, specie motus non variat.* Eiusedē enim speciei est dealbatio, quā est à nigredine ad albedinem, cum ea quā est à rubedine: & eiusedē speciei generatio ignis qui est ex stipula, & qui ex ligno. Diuersitatem autē numeralem facit quodlibet illorū suprapositorū. Qui enim motus vel aliud mouens, vel terminū à quo, vel ad quē alium, vel aliud tempus, vel aliud mobile habent, numero sunt indubiē diuersi. Facilius enim est numerum variare in rebus, quā speciem. Quāto enim minor est distinctio, tantò acquiritur facilius, quemadmodum contrario, maior distinctio (nempe generica vel specifica) est difficilior.

CAP. VIII. *An motus distingatur à suo termino ad quē est.*

**N**ON est verò dubitandum vlla ratione, quin motus à termino suo ad quem, alius sit, ac distinguatur, vt minimū secundum rationem: cū motus rationem habeat rei successiue, sitque motus omnis quatenus motus, res successiua, non autem terminus ad quem: cum sit secundū suū esse res permanens, etiam si successiue fiat atque producat in subiecto. Verū de reali distinctione questio solet agitari, an motus res aliqua diuersa sit, & realiter secundum suū esse differens à termino ad quem est: quibusdam realeū distinctionē ponentibus, quibusdā negantibus, & rationem tantū distingui afferentibus. Iuxta quorum sententiā dicendum est, quòd substantialis ipsa forma quā in generatione acqui-



## DE MOTU ET ACCIDENT.

acquiritur in generato, ut à mouēte in motū producta, quatenus per eam ens potentia, actu fit, sit ipsa generatio: forma verò quæ deperditur, sit ipsa corruptio: & maior continuo acquirita quantitas, augmentatio: minor, diminutio. Frustra enim (ut ipsi aiunt) rerum pluralitas absque necessitate ponitur. Neque tamen admittunt, in eisdem prædicamentis ponendos esse motus, in quibus termini ponuntur, tametsi secundum rem sunt idem: quoniam diuersa ratio prædicamentorum ordines etiam variat.

CAP. IX. De motu in comparatione ad actionem, & passionem & de vocabulis motum significantibus.

**S**imilis quoque de motu & actione & passione quaestio fieri solet, num realis sit ponenda distinctio inter actionem, passionem, & motum, an secundum rem coincidere dicenda sint, sola variantia ratione. Et huic quoque quaestioni contrariae adhibentur responsiones, alteris priorem, alteris posteriorem sententiam approbantibus. Sunt enim qui motum dicunt non nisi secundum rationem differre ab actione, & passione. Verum in his atque similibus, ubi de reali distinctione mouetur quaestio, non multum est anxie perquirendum, cum utraque pars suam plerumque habeat probabilitatem, & suis rationibus ambæ sententiæ plerumque muniatur. Neque ad verum Philosophiæ finem (qui est Deum in creaturis cognoscere, agnitionemque collaudare) huiusmodi perplexæ & steriles quaestiones multum admodum videntur habere momenti. Illud autem aduertendum est, quod motus non est in mouente: tametsi efficiatur à mouente: sed est in ipso mobili, sicut & terminus ad quem, in mobili tantum est, non in mouente. Neque fingi debet vnus motus in mouente quo moueat, & alius in mobili quo ipsum moueatur. Sed quæadmodum (iuxta Aristotelem) eadem est via à Thebis ad Athenas, & ab Athenis ad Thebas: sic motus vnus est, quo agens mouet extrinsecè, & intrinsecè mouetur mobile. Est enim motus, medium quoddam, & veluti quædam via inter actionem & passionem. Vbi rursum notandum, ratione huius coniunctionis distinguendas esse iuxta significationem omnes voces quæ motus significant: utpote exempli gratia, generare, corrumpere, generari; costringere, calefacere, calefieri, generatio, corruptio, calefactio, dealbatio, doctrinatio, atque id genus alia, motum vel actionem aut passionem significare solita. Si enim motus significat,

non

*Nota attentè.*

*Motus est in mobili tantum.*

*Arist. 3. Physicorū.*

non collocantur sub actione vel passione. Si verò actiones & passionēs cum motu coexistētes significant, sub actione aut passione constituētur. Est enim generatio, corruptio, augmentatio, diminutio, dealbatio, doctrinatio quædam actiua, id est, actio: quædam passiua, id est, passio: quædam neutra, id est, motus ipse, qui neque actio, neque passio est, sed inter utrumque mediat. Vocabula autem illa quæ motus significant aut actiones, passionēsque inmanētes animæ (cuiusmodi sunt intellectio, visio, volitio, auditio, ac similia) præter supradictas tres acceptiones, accipiunt etiam quartam. Est enim visio actiua, qua obiectum agit in sensum: est visio passiua, qua sensus ab obiecto patitur: est visio motus, id est, alteratio ipsa visus: & est visio quarta; quædam neutra (qualitas vt dici solet tertiæ speciei qualitatis, quæ motus visionis solet assiggnari terminus, solerq; ad distinctionē, actus videndi seu visio neutra nominari. De his verò latius pertractare, non arbitror præsentis esse negotij.

*Triplex significatio motus designatur.*

*Quadruplex significatio.*

CAP. X. De motus cōtuitate, & quid ad eam requiratur.

**I**is verò præmissis, consequenti ordine de quibusdam motui accidentibus est determinādum. Et primū quidem de motus ipsius cōtuitate, ad sciendum, quis motus continuus sit, aut non continuus. Est ergo aduertendum, quòd ad motum continuum requiruntur; continua formæ acquisitio, vel deperditio, mobile continuum, & temporis continuatio, ita vt nulla sit in motu temporis interruptio: quòd si horum aliquod defuerit, non potest esse motus cōtinuus. Non autem requiritur mouentis cōtuitas, quia succedentibus absque interruptione temporis diuersis mouentibus eiusdem rationis, continuus effectus producit. Neque item requiritur cōtuitas termini à quo, quoniam continuo motu prius à calore, post à tempore, ad frigus mouetur mobile. Medium quoque non oportet esse continuum. Vnus enim motus secundum locum est, qui per contigua tantum fit. Non tamen sufficienter consequenter se habentia. Est enim differentia inter cōtinua, cōtigua & cōsequenter se habentia. Vnde continua sunt, quorum vltima sunt vnum: ita vt quod est finis vnius, sit alterius verum initium. Cōtigua sunt, quorum vltima non sunt quidem vnum, sunt tamen simul. Simul autem sunt, quæ se inuicem tangunt: vt duæ lineæ diuisæ, quæ se inuicem tangunt in finiētibus punctis sunt

*Tractatur ista ab Aristot. 5. lib. Physico.*

*Continua.*

*Contigua.*

## DE MOTV ET ACCIDENT.

*Cōsequēter  
se habētia.*

sunt contiguae & non continuæ. Similiter duo ligna diuisa, se inuicem in extremitatibus proximè tangentia, contigua sunt, non continua. Continua verò sunt, duæ partes integrales vnius lineæ, adinuicem proximæ, & vnius totius integralis ligni duæ medietates sibi inuicem proximæ. Consequenter verò se habent, quorum vltima non sunt vnum, neque etiam simul: inter quæ tamen nullum medium est aliud eiusdem rationis. Vt duæ domus inter quas est spatium inter medium, nulla tamen alia domus consequenter se habent: quas tamen manifestum est neque continuas esse, neque cōtiguas. Continuæ autem domus essent, si vnum haberent eūdemque parietem, qui huius esset finis & illius principium. Continguae verò, si diuersos quidem parietes, tamen se inuicem contingentes.

CAP. XI. De motus tarditate, velocitate, atque frequentia, deq; causa tarditatis aut velocitatis in motibus.

*Mot⁹ tar-  
dus & ve-  
lox.*

**T**ardus motus est, quo maiori tempore minus acquiritur vel deperditur: vt tardè calefit aqua, si magno tempore parum caloris acquirat: tardè augmentatur siue crescit arbor, si in prolixo tempore parum acquirat maioris quantitatis: tardè discit discipulus, si in multo tempore, scientiæ atque doctrinæ paulum assequitur. Velox motus est, qui minori tempore multum acquirit aut perdit: quemadmodum in aqua breui tempore vehementer calefacta, & in discipulo industrio ac diligenti breui tempore multam scientiam assecuto. Vbi diligenter attendēda est differentia, quæ est inter motum velocem, & motum frequentem. Frequentia enim, interruptionem & discontinuitatem significat motus: longè verò aliud, velocitas. Procedit autem hæc tarditas in motu, aliquando ex defectu virtutis mouentis ignis enim modicus, nequit velociter calefacere: & doctor piger atque ineptus, nequit discipulōs citò ad doctrinam adducere. Nonnunquam verò, ex re resistantia contrarij. Nequit enim etiam magnus & validus ignis, hominē multum frigidum cito calefere, neque præceptor industrius & diligens hebetē & obtusū pigrū quæ discipulū, cito in scientia erudire, aut petulantē citò moribus probis instituere. Aliquando, ex resistantia medij. Lapis enim licet grauis, non potest cito per aquam moueri, sicut per aërē: nec pluuia potest velociter descendere, ob resistantiam aëris. In volunta-

*Vnde tardi-  
tas in mo-  
tu.*

rijs



ris autem, præter causas supradictas, voluntas etiam sua libertate causa esse potest tarditatis aut velocitatis motus. Homo enim nullum habens impedimentum velociter vel tarde mouendi siue agendi quippiam, potest tamen pro sua voluntate vel tarde vel velociter agere. Et primum mouens, quod est super omnia mouentia Deus in sæcula benedictus, cum neque virtute deficiat, neque vlla resistentia aut inconuenientia impediri possit, quædam tamen velocius, quædã tardius mouet, pro suo beneplacito, cui siue resistentia atque contradictione obediunt vniuersa.

CAP. XII. De *uniformitate & difformitate motus.*

**A**t tenditur autem etiam vniiformitas vel difformitas in motu, secundum considerationē partium ipsius mobili- *Moueri v-*  
lis. Illud mobile quod iuxta omnes partes suas æqualiter at- *niformiter*  
que similiter secundū velocitatem aut tarditatem mouetur, & *diffor-*  
vt totus homo æquē velociter in omnibus membris calefa- *miter.*  
ctus, moueri dicitur vniiformiter. Illud verò quod nō secundū omnes partes æqualiter, sed secundum diuersas partes diuersimode mouetur, secundum aliam velocius, secundum aliam tardius, vt homo citius in manibus quam in pedibus calefactus, aut in eisdem membris non æqualiter calefactus, difformiter moueri dicitur. Prouenit autē hæc difformitas in motu, aliquando ex parte virtutis ipsius agentis, quæ tam vicina non est vni parti sicuti alteri. Aliquādo ex parte mobilis, quia nimirum vna pars est magis indispōita ad susceptionem actiuitatis, quam alia. Notandum autem est, quòd secundū locum difformiter mouetur omne corpus circulariter motum, etiam cælestes orbes. Semper enim velocius mouentur partes supremæ, quam quæ sunt circa centrum aut medium: quoniam illæ longius distantes magnum spārium pertranscūt, cum illæ proximiores in æquali tempore, minimam circulationem absoluant. Id quod in rota figuli manifestè demonstrari potest: vbi partes quæ axi proximæ sunt, prorsus æquali tempore suam minimam circulationem complent, quo partes extremæ à medio longissimè distantes, suum illum multò maiorem absoluunt ambitum. Ita quæ non æqualiter secundum omnes partes accipiunt incrementum, difformiter augeri dicuntur. Et modo quodam etiam illi qui non secundum corpus & animam æqualiter proficiūt (vt pote qui corpore crescūt, & animæ profectum nullum in

## DE MOTV ET ACCIDENT:

virtutibus aut moribus accipiunt ) dici possunt difformiter proficere atque auferescere, quāquā non est postremus iste sermo proprius, eo quod ex partibus integrantibus mobilis, non essentialibus propriè fieri debeat consideratio uniformitatis aut difformitatis.

### CAP. XIII. De motu regulari & irregulari.

*Qui motus regularis & irregularis.* ¶ Super poni solet in motu regularitas & irregularitas, quæ non attenduntur secundū partes mobilis, sed magis secundū tempus in quo fit motus. Si enim mobile toto tempore moueatur similiter siue æqualiter, secundum velocitatem & tarditatem in principio, medio, & fine, dicitur motus regularis. Vnde cælum regulariter, licet difformiter, mouetur. Sic qui nunc velox est in disciplinarum aut virtutum profectu, cras tardior, irregulariter proficit, quoniam nō similiter continuat. Præcedit autem hæc irregularitas potissimum ex virtute mouente, quæ augetur vel minuitur. Quod enim mouetur naturaliter, in ipso motus sui initio tardius, in medio velocius, in fine velocissimè mouetur, propter cōtinuū aduenientem impetum, qui formam substantialē adiuvat in mouendo, atque etiam ob loci naturalis approximationem. Quemadmodum enim vnaquæque res ad suū locū naturalem desiderat, vbi cūque extra ipsum fuerit posita, ita quo fuerit ei vicinior, magis naturaliter desiderat, atque ad ipsum fertur, tenditque vehementius. In ijs autem quæ mouentur violenter ab extrinseco, motus in principio præceps est & velocior, sed continuū fit remissior virtute impressa cōtinuū debilitata. In motibus verò qui secundum sensum sunt, aut etiam nonnunquā secundum rationem, ut in motu progressiuo & similibus, principium est quidem vtcunque velox, medium velocius, finis tardior atque deficient. Quod ex parte instrumentorum est, quæ in principio nondum sunt satis disposita ad expedite motum peragendū, sed per continuā exercitationem rectius disponuntur: quæadmodū de vocis prolatione euidenter docet experientia. Tandem ramen, propter debilitatem si diutius perduret cōtinuus motus, instrumenta motus flaccescunt, & veluti deficient: quemadmodū in vocalibus instrumentis experimur post longam locutionem, siue cātationem prolixiorē: inq; cruribus, & neruis, post diuturnam ambulationem. Notandum vero est, q̃d primum agens ac mouens, tametsi totā cælorum

lorū machinā difformiter admodū moueat, faciens sphæras difformibus atq; diuersis motibus, aliā quidem citius aliam velocius suū cursum absoluerē, mouet tamen eam ab initio vsq; ad finem, motu regularissimo & ordinatissimo, eādem semper in motu regulam seruās atq; custodiens. Neq; enim ab initio seculi, citius aliquando aut tardius primum mobile motum est, aut mouebitur vnquam, q̄ nunc moueatur: neque item aliorum orbiū quisquam, siue motus proprios, siue raptus ipsius motum consideremus. Et est id quidem supra modum admirabile, in tanta difformitate motuum corporū celestium, perpetuō regularitatem huiusmodi seruari posse, eiusq; palam attestatur gloriam, qui in ea sapientia secundum quam condidit vniuersa, regit etiam, mouet, atque gubernat, qui est in secula benedictus. Amen.

CAP. XIIII. De motu naturali & violento, & quomodo in singulis motuum generibus hæc inueniuntur.

**M**otuum insuper quidam sunt rebus naturales, quidam violenti. Est autem motus ille rei naturalis, qui est secundum naturam rei, & ei est conueniens: vt igni, moueri sursum, & rarefieri, niū fortē condensari ipsum amplius q̄ conuenit contingat. Hi enim motus conueniunt naturæ vel formæ ignis. Motus violentus vel contra naturam est, qui rei secundum suam naturam non conuenit, neq; est secundū naturam rei, sed ab extrinseco mouente imprimitur; forma contranitente. Vt motus ignis deorsum, & eius condensatio vel cōpressio: motus lapidis sursum, aut aquæ siue terræ nimia rarefactio. Repugnat siquidē naturæ ignis & formæ eius, motus deorsum & nimia condensatio: quemadmodum aquæ & terræ, motus sursum aut nimia rarefactio, atq; ita in cæteris. Vbi notandum est, materiam sicut est ad omnem formam indeterminata, ita & ad omnes accidentales dispositiones esse indifferentem, si in sua generalitate consideretur. Verū quatenus per formam limitatum esse participat, illa ei etiam dicuntur secundum naturam, quæ ipsi conueniunt sub forma quam habet. Et illa dicuntur ei esse contra naturam, etiam ex parte materiæ quæ ipsam à suo esse quod habet participatum nata sunt repellere. Notandum verò, in omnibus motuum generibus inueniri motus aliquos naturales, alios violentos. Generationes enim quædam naturales sunt, vt florum in æstate, & corruptiones eo-

Attentè  
nota.

Quid nat.  
turam mo-  
tus.

Quis vio-  
lentus.

Arist. in 5.  
lib. Phys.  
corum.



## DE MOTV ET ACCIDENT.

rum in hyeme. Quædam violentæ, vt generationes florum vel foliorum in hyeme, ab aliquo accidente: & corruptiones subitæ florum in æstate ante defectum naturalem, ob vehementem æstus Solis, aut aliud quodlibet accidens malum superueniens. Ita sunt partus tempestiui, & partus abortiui. Ita quædam naturaliter fit augmentatio, quædam violentè: vt augmentatio subita vel nimia pueri: vel tritici in tempestiua augmentatio, ob abundantiam pluuiæ. Ita in diminutione virium, ita & in alterationibus dicendum. Imò quædam sanatio est naturalis, quædam violenta: vt quæ sit ab aliquo extrinseco, per violentiam ratione cuiuslibet accidentis. Quanquam enim sanitas semper sit nature conueniens, potest tamen motus per quem ipsa introducitur, esse violentus, quando non per media nature cōuenientia, sed magis per accidens introducitur, cum violentia agentis forma contrahitente. Item & sanatio quæ fit in diebus criticis, naturalis est: quæ verò dies criticos præuenit aut subsequitur, innaturalis, vt ait Aristoteles.

CAP. XV. *Quomodo adinuitem debeant motui vel comparari, vel non comparari.*

*Tractat.  
hæc Arist.  
7. lib. Phisicorum.*

**N**on est autem quilibet motus cuilibet motui comparabilis, secundum suprà determinatas proprietates vel accidentia. Motus enim rectus & circularis, secundum velocitatem, vel tarditatem non debent comparari. Vt enim in genere quolibet recta sit comparatio, oportet eam fieri secundum speciem specialissimam. Non enim dicitur vnum alio magis coloratum, aut quale, sed magis calidum vel magis album. Oportet item, vt fiat cōparatio in aliquo, quod vtrique comparatorum vniuocè & secundum eandem rationem conueniat. Non enim dicitur homo magis sapiens quàm brutum, neq; brutum melius sentiens, quàm lapis, cum in vtraque comparatione, ea quæ comparantur, non conueniant in eo in quo fit comparatio. Neq; rursum medicina magis sana dicitur, aut minus, quàm homo: neque potio ipsa magis quàm vrina aut homo. Quamuis enim quodlibet horum sanum dicitur, nempe homo, potio, & vrina, sit tamen hoc ratione atque consideratione diuersa: homo enim sanus dicitur, vt habens in se sanitatem: vrina, vt significatiua sanitatis: potio, vt effectiua eiusdem. Vt ergo omnino recta sit comparatio, sumendi sunt duo motus eiusdem speciei, eiusdemque ratio-

nis,

nis, qui secundum aliquod prædictorum accidentium com-  
parentur. Quemadmodū (exempli gratia) hic motus rectus  
illo recto est velocior aut tardior, regularior aut irregula-  
rior, vniformior aut difformior: & hic circularis, illo: hæc al-  
teratio, illa: hic motus localis, illo: atque ita in cæteris.

CAP. XVI. De motuum contrarietate.

**M**OTUS ex terminis contrarijs, non sunt necessariò con-  
trarij, vt patet de motu qui est ab albedine ad rubedi-  
nem, & de nigredine ad eandem rubedinem, qui sunt eiusdē  
speciei specialissimæ. Qui autem sunt ad terminos contra-  
rios, sunt contrarij, etiam si non sint ex contrarijs termi-  
nis. Ab eodem enim medio termino motus sursum & deor-  
sum, sunt contrarij. Et dealbatio quæ est à rubedine, contra-  
riatur denigrationi, quæ ab eadem rendit rubedine. Illi tamē  
motus sunt maximè contrarij, qui sunt à contrarijs terminis  
ad contrarios terminos: vt qui est ab albedine ad nigredinē,  
illi qui est à nigredine ad albedinē, maximè est contrarius,  
& magis quàm ille qui à media tantum est qualitate. Sumi-  
tur etiam contrarietas motuum accidentaliter, secundum na-  
turale & violentum: ita vt generatiō naturalis dicatur con-  
traria simili generationi in specie violenter. Sed hæc non  
est specifica & essentialis contrarietas, cū naturale esse &  
violentum non variant speciem motus, neque etiam cætera  
suprà posita accidentia. Opponitur præterea motus etiam  
quieti, sumendo quietem semper motui oppositam. Vt mo-  
tus à loco aliquo opponitur quieti in loco illo, non autem  
motus ad locum aliquem contrariatur quieti in eodem lo-  
co, quemadmodum habet Aristoteles v. lib. Physicorum.  
Non est tamen hæc oppositio contrariorum, sed priuatiuè  
oppositorum. Quies enim nihil aliud est, quàm priuatio mo-  
tus, atque ab eo cessatio, in subiecto apto nato. Quemadmo-  
dum autem suprà motus quidam dicti sunt naturales, aliqui  
violenti, sic & de quiete possumus distinguere. Lapis enim,  
in suo loco naturali quiescit quiete naturali: extra verò eū,  
quiescit violenter.

CAP. XVII. De ijs qua mouentur, quomodo quadam per  
se, quadam per accidens moueantur.

**S**UPEREST nūc, posteaquàm de motus natura & propieta-  
tibus diximus, de mouentibus etiam & motus determi-  
nationem subiungere. Ac primum quidem est aduertendū,

## DE MOTV ET ACCIDENT.

*Arist. 7.  
Physicorū,  
¶ 5.*

*Distū Ari-  
sto. 1. lib.  
Topico.*

quemadmodum inter ea quæ mouentur, quædam tantū secundum partem mouentur, vt cū solam manum agitamus: quædam verò secundū ipsum totū, vt cū corpus vniuersum agitur, siue saltu, siue ambulatione, siue alio quolibet modo. Rursum, quædam per se mouentur, vt totus ipse homo ambulans de loco in locum: quædam vero per accidens mouentur, alterius gratia, nimirum quæ in eo sunt quod per se mouetur. Idq; rursum dupliciter, vel sicut partes in toto, vt manus per accidens ad totius corporis motum: & qui nauī vehuntur, grātiā nauis cui insunt pariter mouentur, sed per accidens: vel sicut accidentia quæ in rebus sunt quæ mouentur, maximè corporalia, quæ per accidens moueri dicuntur ad motum sui subiecti: quemadmodū ex Aristotele vulgò adduci solet. Motis nobis mouentur omnia quæ in nobis sunt. Complectitur autem Aristoteles hæc vnica hac diuisione, quinto Physicorum:

*Eorum quæ mutantur, aliud per accidens mutatur, aliud ex eo quia aliquid huius mutatur, aliud ex eo quia ipsum primo mouetur.*

Cuius sensus ex præcedentibus & subsequētibz satis patet. Primæ partis exempla sunt, dum musicus dicitur ambulare, sanare, &c. Est siquidem motus deambulationis musicæ extraneus & per accidens, quemadmodum & reliqui. Secundæ exemplum est, dum homo dicitur sanari, quia oculus, manus, pes, aut caput sanatur. motus enim toti homini attribuitur, qui tantū parti conuenit. Tertię exemplum est, vt homo ambulat, ægrōtus sanatur, dum ratione totius corporis pristinæ valetudini restituitur. hinc & similis diuisione moueris ab Aristotele colligitur, hæc videlicet,

*Aliud per accidens mouet, aliud parte, aliud per se primo:*

Quæ ex præcedente facile patent cum exemplis, si ea quæ rei mobili & motæ attributa sunt mouenti applicentur. Similis quoque diuisione ab Aristotele de termino à quo motus procedit, & ad quem tendit, datur.

*Terminor. à quo & ad quem, alius est per accidens, alius ratione partis, alius per se primo.*

Vt si quis simul ambulet & sanetur, loco à quo recedit, aut ad quem tendit, impertinens & per accidens est motus ad sanitatem. similiter sanatio febris, pars est, si conferatur ad sanitatem in genere: respectu verò sanitatis fe-



brī oppositæ, habet terminum per se primo. Ad hunc enim terminum per se primo, totus motus tendit, quæ est satisfactio à febrī.

CAP. XVIII. *Quomodo aliter partes integrantes in toto moueantur quàm accidentia in subiecto.*

**I**N hoc tamen partes ab accidentibus sunt diuersæ, quæd corporis partes, totius motus aliquam partem in se habet, cuius comparatione quodammodo per se mouentur, sicut per accidens mouentur comparatione ad motū totius. Quæadmodum enim totus motus in toto corpore est, sic pars motus in partibus sunt corporis totius: quemadmodum de alijs corporalibus accidentibus est manifestum. Accidentia verò nihil in se motus habent, sed extrinsecè prorsus ad motum subiecti moueri dicuntur. Proinde, quæ secūdo hoc modo per accidens mouentur, magis per accidens & magis impropriè moueri dicuntur, quàm quæ modo priori. Nam quæ priori modo per accidens moueri dicuntur, simul etiā per se secundum alium motum moueri possunt: quemadmodū is qui in naui ambulat, ratione ambulationis quàm à nauī non habet, per se mouetur: ratione verò vectōnis, per accidens. Sic cū inter ambulādum quis agitāt manū, eamque in sublime tollit, manus illa quatenus ambulatione vnā cum toto corpore de loco fertur in locum, per accidens mouetur: secundum verò illum agitationis motum, per se rectè moueri dicuntur. Nunquam verò id in accidentibus vsu venire potest, quæ per se moueri non possunt, sed per accidens & extrinsecè tantum.

Arist. 4.  
Physicorū  
in materia  
de loco.

CAP. XIX. *Quomodo rerum essentia nullo modo dicenda sint moueri, neq; Deus inexistens omnibus.*

**E**ssentiæ autem rerum quæ mouentur, nullo modo moueri dicendæ sunt: neque etiā spiritalia accidentia, quæ creaturæ rationali secundum rationem insunt. Vnde cū homo mouetur secundum corpus rotū, anima tamen ob hoc moueri non dicitur, neque ipsa eius humanitas, neque vllus interior animæ actus. Ex quo patet, tamen si in omnibus rebus Deus existat, nulla tamen ratione debere illum dici moueri ad totum rerum quibus inest. Cū rebus ipse insit, non per modū accidentis, neque per modum partis integrantes, imò neq; per modū partis essentialis (cū ipse nullius sit pars cōpositi, neq; esse possit) sed inest omnibus per suam essen-

tiam, ineffabili modo, præsentiamque & potentiam, quæ datur essentia & existentia rerum, eiusque custos, & sustentator, in omnibus mouentibus & motis ipse existens atque inhabitans, prorsus inmutabilis.

CAP. XX. *Regula generalis pro ijs, quæ motu Physico mouentur.*

*Hanc conclusionem ponit & demonstrat Aristot. in libro 7. libri Physicor.*

**D**E rebus autem naturalibus, quæ per se mouentur physico & naturali motu, dari solet hæc generalis regula: Omne quod mouetur, ab alio necesse est moueri. Quod veritatem habeat, intelligendum est, vel de mouente extrinseco, ut in ijs quæ mouentur violenter: vel de principio motus intrinseco, quod est forma substantialis rei. Agens enim naturale, non potest seipsum primo mouere, id est, totaliter & secundum vtramque partem essentialem: neque item primo, id est, secundum vtramque essentialem, partem moueri: sed altera semper est per se mouens & agens, forma: altera per se mota atque patiens, nempe materia. Dictum est autem signanter de ijs quæ mouentur motu physico, & de mouentibus rebus naturalibus: quoniam anima quæ res naturalis non est, seipsam primo mouere potest, quia seipsam in actu facit, & ad intellectionem atque volitionem per se mouet: neque hic opus est diuersitate moti atque mouentis, sed eadem anima & mouet seipsam, & à seipsa mouetur.

CAP. XXI. *De motibus subordinatis & non subordinatis.*

**Q**UOTIES verò ad aliquod mobile plura contingit concurrere simul mouentia, talis inter ea debet esse subordinatio, quod mouens proximū mobili mouet in virtute mouentis prioris quod à re mota est elōgatius: ut cum lapis mouetur à baculo, & hic à manu, & manus à corde, baculus est mouens proximum moto, & ideo est minus principale in illo motu: & cor est ibi primum in mouendo & principale, quāvis remotius. Vnde patet Deum (eò quod sit prius in omni motu, in cuius virtute mouent alia omnia secundaria mouētia) esse principalissimū in mouendo, eumque, omnis motus in his inferioribus causam primariā atque præcipuā assignari debere, quantumuis secundaria alia agentia ad eundem effectū videantur concurrere. Notandū verò huiusmodi subordinationē mouentium esse duplicē. Quandā essentialē, vbi scilicet agēs proximū non potest nisi per virtutē pariter mouentis prioris suū motum efficere, ut homo pater nō potest sine caelestium & Dei cōcursu filiū generare. ideo

hæc sunt essentialiter subordinata : homo pater , cælestia corpora , Deus. In his autem sic essentialiter subordinatis, non potest processus esse in infinitum: alioqui, motus naturales essent indeterminati. Quod enim ab infinitis penderet, nō haberet determinatā causalitatem. Sequeretur quoque positio infiniti actu secūdum multitudinem, cū necesse sit causas sic essentialiter subordinatas simul existere.

Quædam verò mouentia, sunt subordinata accidentaliter: *Probat hæc conclusio Arist. 7. Physico.* ut pater, auus, atavus, tritavus, &c. quādo scilicet mouens immediatum non requirit cōexistentiam vel cōcursum motus prioris mediatu, ut efficiat vel moueat: quemadmodū pater, ut filium generet, nihil opus habet neque cōexistentia neque concursu aui patris sui, neque atavi, neque tritavi.

Sunt tamen hæc mouentia quodāmodo subordinata, quatenus mouens vltimum (id est, pater generans) virtutem accepit à suo patre, atque hic rursum à priore, illeque iterum à suo patre, atque ita consequenter procedendo. Verū in his mouentibus, nihil prohiberet ponere infinitum, ut si mundus poneretur fuisse æternus, & ab æterno homines aliquos fuisse, hoc modo infinitæ essent rerum naturalium causæ, & mouentia infinita. Ex his enim neque tollitur rebus determinata causalitas, eò quòd mouentium huiusmodi non requiritur cōexistentia, neq; infinitum actu sequitur, sed successione tantū, quod non est inconueniens admittere.

CAP. XXII. De multiplici proportione & comparatione mouentis ad mobile.

Quoniam autem mouere aliud, perfectionē habet: moueri autem secūdū suam rationē, habet imperfectionē: constat mouēs, quatenus huiusmodi, esse moto dignius, & mouens mobili supraponi secūdū relationem. Ut autem mouens moueat mobile, oportet ipsum fortius esse mobili, & quasi dominiū habere supra resistantiam mobilis. Iuxta igitur proportionem virtutis mouentis supra mobilis resistantiā vel indispositionem contingit mobile velocius, tardius, vel vniuniformius, vel difformius, vel regularius moueri vel non moueri. Non enim fit actio, nisi à proportione maioris inequalitatis. A proportione autem minoris inequalitatis nō fit actio, quemadmodum vulgata habet Philosophorū sententia. Cuius dicti est hic intellectus: Agens nō posse agere in passum, nisi virtute superet ipsius resistantiam & po-

Maxima  
phyloso-  
phica.



## DE MOTV ET ACCIDENT.

tentia sit inæquale secundum excessum. Id verò quod est minoris virtutis & potentiz non posse agere in id quod est maioris virtutis, & maioris resistentiz. Ignis enim si sit virtute potentior ad calefaciendum, q̃ ad resistendum aqua, tunc ager ignis, & patietur aqua. Si econtrario dominetur aqua, patietur ignis, & iuxta ampliorem resistentiam passus plus aut minus mouebit agens. Ex quibus solent deduci septē proportionum regulæ ab Aristotele positæ in VII. Physicor. libro, quas hic quoque subnectimus.

CAP. XXIII. Ponuntur septem regulæ, quas vocant regulas proportionum.

### PRIMA REGVLÆ.

Ponuntur  
hæ regulæ  
ab Arist. in  
fine 7. Phy-  
sic.

**S**i aliquod mouens moueat aliquod mobile, aliquanto tempore, & aliquanto spatio, eadem virtutis mouens mouebit mobile medietatem, per duplum spatium, in æquali tempore.

Qualis enim est proportio totius virtutis motiuz ad totam resistentiā mobilis, non æqualis est totius virtutis illius motiuz ad medietatē resistentiz mobilis, sed dupla est proportio. Vnde cū (iuxta principiū suprapositum) secundum proportionem maioris aut superatis inæqualitatis fiat actio, sequitur, eandem virtutem mouētem, mobilis illius, medietatem duplō velocius mouere: quod facit, quando in æquali tempore per duplum spatium ipsam mouet.

### SECUNDA REGVLÆ.

*Si aliquod mouens moueat aliquod mobile, aliquanto tempore, & aliquanto spatio, idem mouens mouebit mobilis medietatē per idē spatiū, in medio tempore.*

Ratio est eadem quæ suprà posita est propter proportionem virtutis actiuz, quæ dupla est respectu medietatis ipsius mobilis.

### TERTIA REGVLÆ.

*Si potētia aliqua mouēs moueat aliquod mobile, aliquanto tēpore, & aliquanto spatio, eadem potētia mouebit idem mobile per mediū spatiū, in medio tempore.*

### QUARTA REGVLÆ.

*Si aliquod mouēs moueat aliquod mobile, aliquanto tēpore et aliquanto spatio, media virtus mouēs mouebit mediū mobile per idem spatiū, in æquali tempore.*

Harum duarum regularum eadem est ratio: quoniam videlicet, qualis est proportio mouentis ad mobile, in compa-

tionem ad totum tempus & ad totum spatium, talis est motus ad mobile in comparatione ad medium tempus pariter & medietatem spatii: & qualis est proportio totius motus ad totum mobile, æqualis & eadem est, medietatis ad medietatem, in comparatione ad idem tempus & idem spatium.

## QUINTA REGULA.

*Si aliqua virtus mouens mouet aliquod mobile aliquanto tempore, & aliquanto spatio, non est necesse eandem mouere duplum mobile per medium spatium in eodem tempore, aut per idem spatium in duplo tempore.*

## SEXTA REGULA.

*Si aliqua virtus mouens moueat aliquod mobile, aliquanto tempore, & aliquanto spatio, non est necesse medietatem virtutis mouere idem mobile per medium spatium, in æquali tempore, vel per idem spatium, in duplo tempore.*

Harum duarum regularum ratio est, quia à proportionem minoris inæqualitatis, non fit actio. Non est autem necesse, ipsum mouens habere dominium, & superioritatem, & inæqualitatem vincentem ac superantem, super duplum mobile. Neque medietatem virtutis mouentis, necesse est maiorem inæqualitatem & superioritatem habere, supra ipsum totum mobile.

## SEPTIMA REGULA.

*Si plures virtutes motiue moueant aliquam mobilia, aliquanto tempore, & aliquanto spatio, virtus ex illis virtutibus motuum collecta, mouebit mobile ex illis collectum per idem spatium, & æquali tempore.*

Ratio autem est, similitudo proportionis.

## CAP. XXIII. Prædictis adiunguntur aliæ duæ regulæ.

**H**is autem regulis ab Aristotele sic positis superaddi possent aliæ duæ, octaua & nona. Octaua regula, Si aliquod mouens moueat aliquod mobile, aliquanto tempore, & aliquanto spatio, duplum mouens mouebit duplum mobile, per idem spatium in æquali tempore: aut per duplum spatium, in duplo tempore. Nona regula, Si aliquod mouens mouet aliquod mobile, aliquanto tempore, & aliquanto spatio, duplum mouens mouebit idem mobile, per duplum spatium in æquali tempore, aut per idem spatium in dimidio tempore. Harum duarum regularum rationes, facile patent ex prædictis

## DE MOTV ET ACCIDENT.

Et notandū quòd hæ suprapositæ regulæ, tametsi peculiariter de mouentibus & mobilibus secundum locum datæ videantur, possunt tamen similiter aptari etiam ad alias species motus, ad augmentationem, diminutionem, & alterationem, quemadmodum docet Aristoteles, in hunc modum. Si augmens, diminuens, aut alterans, augmentat aliquid aut minuit, aut alterat aliquanto tempore, aliquanta quantitate, aut qualitate, idem augmentat, minuit, aut alterat dimidium, dupla quantitate aut qualitate in eodem tempore, aut dimidia dimidio tempore, atque ita per singulas regulas discurrendo.

CAP. XXV. *Quid per mouens & mobile intelligatur in proposito.*

**A**duertendum autem est, cū in his regulis de mouente & moto duplo vel æquali loquimur; non velle nos sermonem facere de quantitate molis. Sic enim non est necesse, si homo certæ quantitatis aliquid possit, idcirco alium mole & quantitate duplo maiorem duplum posse: cū frequenter soleat in exiguo corpore virtus regnare maior. Sed de virtute sermo debet accipi ita, vt per mediū mouēs intelligatur virtus ipsa, atque potentia mouentis: per mobile, virtus resistendi: per medium mouens, medietas virtutis motiue: per medium mobile, medietas resistentiæ ipsius mobilis: per duplum mobile, dupla resistentia: per duplum mouens, dupla virtus motiua.

CAP. XXVI. *Exemplo monstratur in igne, omnium regularum suprapositarum veritas.*

**V**olunt autem in igne alterante atque calefaciente aquam, per singulas regulas quòd dictū est exemplo declarare. Ponatur ergo virtus alteratiua siue calefactiua ignis octo graduum: & resistentia mobilis, scilicet aquæ in sex tantū gradibus. Iuxta primam regulam, si virtus motiua vt octo ipsius ignis, alteret aquam habentem resistentiam vt sex, tempore horæ vnus, ad colorem duorum graduum: ergo eadem virtus motiua ignis, medium mobile, id est, aquam habentem mediam resistentiam, scilicet trium graduū alterabit ad duplam caliditatem, videlicet quatuor graduū, in æquali tempore. Et iuxta secundam regulam eadem virtus motiua ignis, dimidium mobile, aquam dimidiæ resistentiæ, alterabit ad eandem caliditatem, in dimidio tempore.

Et in-



Et iuxta tertiam regulam, eadē virtus motiua alterabit eandem aquam ad dimidiam caliditatem, in dimidio tempore.

Et iuxta quartā, media virtus motiua ignis (quę est vt quatuor) alterabit aquam dimidię resistantię, vt tria, ad eandem caliditatem duorū graduum in æquali tempore. Et secundum quintam regulam, non est necesse, si virtus mouens ignis vt quatuor, aquam habentem resistantiam vt tria, alteret ad caliditatem quatuor, vt ob hoc eadem virtus motiua aquā duplem resistantiam habentem vt sex, alteret ad mediam caliditatem in æquali tempore, aut ad eandem caliditatem quatuor, in duplo tempore. Neque iuxta sextam, necesse est, vt media virtus actiua vt duo, alteret aquam eandem resistantiam vt tria habentem, ad dimidiam caliditatem in æquali tempore, aut ad eandem caliditatem in duplo tempore. Denique iuxta septimam regulam, si tres ignes (quorum quilibet est sex graduum) figillatim calefacit aquam resistantiam habentem vt quatuor, ad caliditatem trium graduum in certo tempore, necesse est ignes illos tres simul iunctos, aquam illam ex tribus collectam alterare ad eandem caliditatem, in æquali tempore. Iuxta octauam quoque & nonam regulas, si ignis virtutis actiue trium graduum, aquam resistantiam habentem duorum certo tempore alteret ad caliditatem gradus vnius, necesse est ergo vt virtus motiua sex graduum aquam habentem resistantiam vt quatuor, alteret ad caliditatem æqualem æquali tempore, vel caliditatem duplam duplo tempore: & ignis ille vt sex, duplę virtutis aquam dimidię resistantię, id est, vnius gradus alterabit ad duplam caliditatem, id est, duorum graduum, in æquali tempore, aut ad caliditatem eandem vnius gradus, in dimidio tempore. Similiter praticari potest & in alijs motibus. Nobis vnō exemplo rem monstrasse sufficiat.

CAP. XXVII. *Mouens secundum proportionem, ad mobile mouere debet, & quemadmodum Deus in mouendo potentissimus est, atque liberrimus.*

EX his ergo omnibus manifestū euadit, quemadmodum semper mouens moueat, secundum proportionem virtutis motiue ad resistantiam eius quod mouetur. Patet etiam quandocunque in mobili est aliqua resistentia, quę ipsa mouens impediat aut detineat, non posse moueri tale mobile à suo mouente in instanti. Vbi verò virtus actiua nullam

pati-

## DE INFINITO, LOCO, VACVO,

patitur à mobili resistantiam, potest suum effectum in instanti efficere, quemadmodum est in illuminatione Solis. Omnipotens ergo Deus, cuius infinitæ, virtuti nihil potest contravenire, cui nulla prorsus creatura potest resistere, cuius virtus in infinitum superat omnem creatam resistantiam, quæcunque vult potest in instanti mouere, sicuti vult, & quocunque libuerit genere motus, siue generare, siue corrumpere, siue alterare, siue augmentare, siue diminuire, siue secundum locum mouere. Neque ante Deum differentia est in multo vel breui tempore, in omnibus quæcunque voluerit. Cui insuper, quoniam nulla illi resistantia est in mouendo, nullus etiam labor fatigationem, laborem, aut molestiam adducit omnia mouenti. Non mouet tamen omnia, neque agit in instanti, neque subito: quoniam in mouendo est liberrimus, in arbitrio & potestate habens sic vel sic mouere. Ipse verò à nullo moveri potest, qui prius aliquid mouens non habet. Imò neque ipse se potest mouere, qui nihil potest quod antè non habuit acquirere, neque perdere quicquam quod antè habuisset. Huic itaque & primo, & summo, & generalissimo, ac proinde efficacissimo mouenti, soli Deo sit laus, honor, gloria, & benedictio, ab omni inutabili creatura in æterna secula, Amen.

## LIBRI III. FINIS.

### PSALMVS LAVDIS ET CONFES- sionis, omnipotenti, vniuersali ac primo rerum omnium motori immobili.

**D**omine, quis similis erit tibi? ne tacete labia confessionem & laudem ne conuincite super eo

Super celorum altitudinem residet in æce celsitudinis atque fortitudinis suæ: ab æterno triumphat in ea gloriosus ab initio.

Priusquam celum formaretur & orbis, tu eras ante omnia: in teipso perfectus & beatissimus in plenitudine tua.

Tu semper immutabilis moues omnia, generas, corrumpis, augmentas, ac minuis, alteras, & rotas, mouisq. omnia.

Tu verò ingenerabilis es, & incorruptibilis, augmentari nesciens  
aut minui.

Neque

Neque alterari tu potes, qui non variaris accidentarijs rebus: apud quem nulla est transmutatio, neque vicissitudinaria obumbratio.

Loco non moueris qui implet omnia: neque ut hominum, sunt itine-  
ra gressuum tuorum.

Incommutato loco accedis & recedis quò & vade volueris: non est  
hoc datum crassitiei filiorum hominum.

Prauales omnibus in fortitudine tua super excelsa: proq; tuo placi-  
to rotas agitasq; omnia.

Non est neque moles, neque virtus in omni creatura qua oblac-  
tum prabere queat actioni tuae: super immensa enim virtute absque  
proportionem excedis vniuersa.

Homines & iumenta tu perducis ad augmenta congrua: arbores  
quoque, & ligna, plantas, & omnia viuientia super terram.

Suis quaque statutis tu perficis ea iuxta conditionem generis sui:  
mensuram tu tenes omnium descriptam in officina gloriae tuae.

Ipse autem augmentum nescis, neque immutationem pateris: nihil  
accrescit neque decreuit in aeternum plenissima plenitudini tuae.

Qui pro tuo placito omnia facis altera, ne quis ipse alter fieri po-  
tentia, sapietia, & ònis tua perfectio vò immutabitur in seculis seculi.

Magne Deus, Princeps Regum terra, dominator omnium virtute  
tua, quis te agnoscat aut collaudabit pro dignitate sic gloriose immen-  
tabilem?

Ecce qui seruiunt tibi, astantes perpetuò conspectui tuo: non sunt  
stabiles omnimodis.

Corporea verò creatura vniuersa, mille est rationibus vix mo-  
mento stabilis: mutationibus ac volutationibus in eis perturbantur  
omnia.

Sol & Luna cursu suo regulari volutata semper sic in instabilitate  
permanent miro modo stabilia.

Quae verò his subiecta esse voluisti, cum seipsis quoque sunt in suis  
motionibus prorsus irregularia.

Tu verò Deus in eadem semper tua stabilitate fixus permanens,  
cunctis mutabilibus praefides, ipse immutabilis.

A te verò cum omnis exeat motus, doneq; moueri omnibus: in te  
nullus tamen valet ingredi.

Immutabilis, potentissime Deus, dominator omniū, tibi omnis tua  
factura canit gloriam.

Mirabilis tu & verè miranda opera tua: obstupescet in eis anima  
mea, cum intenderit in illis aciem mentis suae.

Recolabit cor meum Domino, in cunctis operibus magnificen-  
tia tuae:



# DE INFINITO, LOCO, VACVO,

*via tua: lingua quoque mea laudem meditabitur gloria tua.*

*Benedictus Deus dominus vniuersa creatura: ita fiat, ita fiat, Deus potentissime.*

*Gloria patri, & filio, & Spiritui sancto.*

*Sicut erat in principio, & nunc, & semper, & in secula seculorum, Amen.*

FINIT PSALMVS.

## IN LIBRVM III. CON- DERATIONIS PHYSICAE, DE INFINITO, LOCO, VACVO, ET TEMPORE,

PRAEFATIO.

*Elier. 23.*



T clarificetur in agnitis creaturarum suarum conditionibus dominus Deus noster; qui solus essentia sua infinitus, caelumque & terram & omnia sua immensitate implens, neque loco tamen capitur, neque tempore: atque ut patenter clareat, quanto intervallo omnem naturalium rerum ordinem post se creator ipse relinquat, quæ vniuersa loco & tempore, angustis nimium mēsuris secundū eius dispositionem sunt coarctata atque constricta) in animo est nobis, post motus utcunque descriptam naturam, etiam illud Deo donante explicare, quomodo in rebus finitum vel infinitum aut inueniatur, aut ab eis excludatur: post quæ loci, & oppositi vacuerit consideratio Extremam sibi partem, tempus occupabit. Sunt enim & hæc ad plenam rerum naturalium considerationē nō minū quam motus, ut tractentur necessaria.

CAP. I. *Quomodo possit infinitum multipliciter intelligi, & specialiter de infinito atque finito, secundum essentiam.*

*Infinitum  
secundum  
essentiam.*

Primum quidem illud est aduertendum, dupliciter dici & considerari infinitum atque finitum: nempe vel secundū essentiam, vel secundum quantitatem. Ac rursum, secundū essentiam infinitum intelligi potest, vel secundum rationem materię, vel secundum rationem formę. Est enim materia

ex se

ex se & per se suo modo infinito, quatenus ex sua natura nullam habet formam intrinsecam, per quam finiatur, efficiaturque ens in actu. Ex parte vero formæ sub qua est, finita est, quatenus per illam eius indifferentia stringitur, ac veluti terminatur. Formæ quoque materiales, consideratione quadam ad materiam, infinitæ ex se dici possunt. Et quodammodo omnis forma creata ex se infinita est, quatenus non est ex se ad aliquam particularem ac singularem materiā determinata. Non tamen simpliciter forma est infinita dicēda, sicut simpliciter est materia infinita: quoniam formæ etiam separatæ habent essentiam finitam, per esse particulare & distinctum: ac proinde simpliciter finitæ dici debent, non autem infinitæ, nisi secundum quid, aliquo modo scilicet & consideratione prædicta ad materiam. Unica est forma separata, actus scilicet simplicissimus, omnipotens atque æterna diuina substantia, in qua nulla est determinatio essentiae per aliquod esse particulare adueniens: sed est Deus essentia sua infinitus & indeterminatus, plena omnino, perfecta, illimitata, infinita, & interminata essentia. Cætera verò omnia & materialia & spiritualia, sunt sua essentia finita, & particulari aliquo esse contracta, limitata atque terminata. Illæ tamen formæ quæ in materia sunt, magis sunt finitæ illis quæ sunt à materia separatæ.

*Deus forma infinita*

CAP. II. *Differentia inter infinitum secundum rationem materie, & secundum rationem formæ.*

**N**otanda verò est solerter ac diligenter inter duplicem hanc infinitatem diuersitas: quoniam prior quæ secundum materiam est, ea nimirum quæ in ordine ad formā in recipiendo eam consideratur, ab imperfectione est. Materia enim perficitur, eo ipso quo finitur. Infinitas verò quæ attenditur ac sumitur secundum formam, perfectionis est. Formæ enim separatæ & per materiam infinitæ, siue non finitæ ac limitatæ, sunt perfectiores corporalibus formis, quæ per materiam certam sunt finitæ, terminatæ, & limitatæ. Vnde sicut summa Dei perfectio est, quod sit forma sua essentia infinita: ita summa est materie imperfectio, quod ex se sit ad suscipiendum infinita, nullam in se formam qua finiatur habens intrinsecam. Illic enim, id est, in Dei infinitate, plenitudo totius esse significatur: hic vero, id est, in infinitate materie, egestas binis esse exprimitur.

DE INFINITO, LOCO, VACVO,  
CAP. III. De infinito secundum quantitatem duplicem, deq;  
infinito actu & potentia.

*Infinitum  
quantitate* **C**onsideratur autem alio modo infinitum secundum quan-  
titatem, aut continuam, id est, secundum longitudinem,  
latitudinem, profunditatem: quæ solent dimensionēs rerum  
nominari. Et quandoq; quidem secundum harum dimensio-  
num aliquam tantum consideratur infinitum, nimirum vel  
longitudine sola, vel latitudine sola: quandoque verò secū-  
dum omnes has tres dimensiones simul sumptas, atque id  
propriissimè & plenissimè infinitum dicitur. Aut secundum  
quantitatem discretam sumitur infinitum, id est, secundum  
numerum & multitudinem. Iterum infinitum aliquod po-  
tentia intelligitur, aliud actu. Potentia infinitum intelli-  
gitur, quando continua appositione vel diuisione secundum  
proportionales partes, non peruenitur ad vltimam apposi-  
tionem, aut vltimam diuisionem. Verbi gratia, Numerus est  
appositione & potentia infinitus, quia quantumlibet sit ma-  
gnus, semper vnus vnitatis adiunctione potest fieri maior,  
Quodlibet item corpus continuum, infinitum est diuisione  
atque potentia: quia diuidendo nunquam peruenitur ad vl-  
timam diuisionem, Omne siquidem continuum, diuisibile  
est in semper diuisibilia: cum ex indiuisibilibus partibus nō  
possit totū aliquod componi, neque constari diuisibile. Nec  
enim potest diuisibile, ex indiuisibilibus vt suis partibus  
componi: Indiuisibile enim additum indiuisibili, non facit  
ipsum maius. Sumenda est autem hæc diuisio infinita, secū-  
dum partes proportionales. Si enim linea diuidatur in tres  
tantum, aut etiam in mille partes eiusdem alicuius certæ quā-  
titatis, non euadet in infinitum ista diuisio, quæ secundum  
certæ alicuius quantitatis partes sumitur. In diuidendo verò  
secundum partes proportionales, nunquam erit dabilis vlti-  
ma quantumlibet parua lineæ diuisio. Tunc autem dicitur  
fieri diuisio secundum partes proportionales, quando sicut  
totum lignum in duas partes diuiditur, ita pars rursus in suas  
partes, & iterum illarum partium pars aliqua in suas partes,  
& sic in infinitum: quomodo procedendo, nunquam perue-  
niretur ad vltimam diuisionem.

CAP. IIII. Ponitur definitio infiniti actus:

**C**eterum, actu infinitum ab Aristotele definitur hoc  
pacto,



*Infinittum, id est, cuius semper aliquid extra ratione  
quantitatis accipipotest.*

*Hanc defini-  
tionem  
ponit Ari-  
stot. 3 lib.  
Physicor.*

Hoc est, cuius quantitas tota non capi nec assignari potest: sed quantumcunque capias vel assignes de ipsius quantitate, adhuc semper ultra manet, nec tota potest quantitas assignari. Illud enim corpus esset actu infinitum magnitudine cuius quantitas sumpta secundum partes certæ quantitatis, non est pertransibilis: sed quocunque partes sumantur, restat semper adhuc infinita sumenda quantitas. Ab infinito enim quantumlibet dematur, semper manet infinitum. Vnde infinito nihil est maius, sicut indivisibili nihil minus. Et quemadmodum indivisibile nulla adiectione potest fieri maius, sic infinitum nulla ablatione fieri potest minus. Idque intelligendo de infinito ex omni parte, id est, secundum omnem dimensionem. Alioqui constat maius esse infinitum quod secundum corpulentiam esset infinitum; quam quod sola longitudine vel latitudine esset infinitum. Proportionabiliter intelligi debet, secundum numerum infinitum. Infinitum autem successione, non est proprie infinitum in actu, sed magis in potentia: ut tempus infinitum, vel motus infinitus. Non enim contingit infinitas partes simul accipere, sed tantum unam actu, ceteras potentia. Vnde relinquitur, infinitum actu dupliciter dici: magnitudine videlicet & numero.

CAP. V. *Quomodo infinitum definiripotest, esse autem actus non possit.*

Quoniam verò definitum est ab Aristotele actu infinitum, nemo tamen existimet consequi, tale aliquod corpus esse in rerum natura, aut tale aliquod requirat sibi demonstrari, ut cernat oculis. Sunt enim definitiones quædam; quibus non tam quid res aliqua sit quam quid nomen significet, explicatur: quemadmodum cum in consequentibus definiemus, vacuum non rem aliquam qualis sit definiens, sed nominis tantum significationem explicantes. Non posse autem dari corpus aliquod actu infinitum, multiplex ratio probat. Omne enim corpus Physicum, habet naturam finitam: formam quidem per materiam, & materiam finitam per formam. Formam autem determinatam, consequuntur, accidentia determinata. Quare & finita sua quantitas cuiuslibet rei est, & naturali formæ disconveniens esset quanti-

*Definitio  
quid nominis.*

*Conclusio-  
nem hanc  
probat Ari-  
stot. 3. lib.  
Physic.*

## DE INFINITO, LOCO, VACVO,

tas infinita. Item omni corpori conuenit secundum locum motus. Huiusmodi autem corpus si ponatur, quod actu sit infinitum, neque recto motu, neque circulariter agitari posset. Non quidem motu recto, quoniam omne quod mouetur motu recto, oportet locum habere extra se, quem non impleat, ad quem per motum tendit ut acquirat. Quod verò actu infinitum esset, non haberet vllum extra se locum. Occuparet enim omnia, & non posset infinitum loco concludi, ad quem vel in quo moueretur. Neque iterum motu circulari moueri poterit, quoniam in tali motu oportet partes variari loco, ita ut ubi nunc sit hæc pars, debeat venire pars alia subsequens: quod fieri non posset in infinita partium multitudinē. Inter enim quaslibet partes deberet esse infinita distantia, protrahendo à centro illius corporis lineas duas. Illæ enim absque dubio in infinitam distantiam euaderent. Infinita enim distantia pertransiri non potest. Præterea, species quantitatis sumuntur secundum numerum: ut bicubitum, tricubitum, & cætera. Nulla autem species numeri potest esse infinita.

CAP. VI. *Non posse esse multitudinē infinitam.*

**P**ORRò infinitum esse actu secundum multitudinē, itidem est impossibile. Impossibile est enim, esse speciem numeri infinitam. Omnes enim & finitæ sunt, & per unitatem adiectam semper augeri possunt. Infinitum autem non potest fieri maius. Quanquam igitur potentia sint infinitæ species numeri, nulla tamen earum est infinita. Sic enim infinita essent in certo aliquo & determinato numero, quod apertam videtur includere contradictionem. Imò neque infinitæ sunt numeri species actu, sed solum potētia: sicut etiam infinitæ sunt species figurarum secundū potentiam, nulla tamen earum est infinita: id quod eis procedit à numero quoniam species figurarum sumuntur secundum species numerorum: ut triangulare, quadrangulare, quinquangulare, &c. Cæterum de successione infinito, non videtur naturæ repugnans ut esse possit. Nam si semper fuisset motus, & esset semper futurus, esset motus hoc modo, id est, successione infinitus, & tempus infinitum: verum huiusmodi successione infinitum, non est infinitum nisi potentia.

CAP. VII. *Inchoatur determinatio loci, & octo modi præmittuntur inexistendi.*

**P**ost hæc verò de loco subnectamus determinationem. Nam variè admodum antiqui Philosophati sunt de natura & conditione loci, quibusdam dicentibus materiam esse *Aristoteles* locum, alijs formam rei esse eius locum, vel materiæ, alijs potestatem *de loco* continentibus corpus quoddam infinitum quod in se omnia suscipere *4. Physic.* peret, non cedendo aduenientibus alijs, quod penetratiue susciperet omnia absque cessione vel suarum partium diuisione, in quo putabant omnia moueri, ipsum verò non moueri. Hæc verò sigillatim non intendimus refellere: sed simpliciter tantum rei veritatem de loco & eius natura manifestare. Ac primum quid præmittendū erit, quot modis aliud esse dicatur in alio. Ponit autem Aristoteles modos inexistendi, octo numero. Primò, enim pars integras, est in toto. Secundo, totum in cunctis partibus consistit, ex quibus est compositum. Tertio, species in genere continetur: quoniam genus capit & ambit intra se omnes suas species. Quarto, genus ut essentia est in specie. Sic etiam definitio est in definita specie. Quintò, forma in materia, & accidens in subiecto. Inter quæ tamen est distinctio, quoniam accidens cum subiecto nihil vnum componit, sed forma cum materia rem naturalem atque singularem substantiam componit. Sextò, effectus in causa, ut calor secundum virtutem est in Sole. Septimò, Rex in regno, idque per potentiam & auctoritatem, vel per maiestatem presentie sue. Octauò, aliquid est in loco. Et hic modus est quem (cæteris omittis) latius necesse habemus pertractare.

*Octo modi  
essendi in  
alio.*

CAP. VIII. De duplici superficie, concava, & conuexa, & utraque locus dicatur.

**E**st autem locus, extremum corporis talis quo aliud continetur: ipsa (inquam) superficies extrema corporis continentis, proxima superfici ei exteriori corporis contenti. Et solet vocari superficies concava. Ut interior superficies cæli Lunæ, & concava, quæ immediatè continet ignem, est ignis locus: & concava superficies aëris, est locus aquæ. Conuexa autem superficies, non est locus: quoniam secundum ipsam corpus non continet, sed potius secundum ipsam continetur. Duplex est autem superficies, altera concava, mediante qua corpus ipsum alia continet in se localiter, & est superficies interior. Altera conuexa, qua corpus continetur ab alio: & ipsa exterior quæ à circumdante alio corpore circumdatur. Prior est locus, non secunda. Secundum priorem corpora-

*Quid locus*

*Superficies  
duplex.*



DE INFINITO, LOCO, VACVO,  
ra localiter continent: secundum alteram potiùs continetur.  
Ex quibus pater, locū nō esse neque partem compositi, ne-  
que accidens, neq; aliquid omninò locati, sed est locātis vel  
continentis accidens vltimū, terminus, & extremum. Non  
omne tamē extremum, sed illud quod est coniunctum loca-  
to, & mediante quo locatum continetur a locante. Est autem  
locans, id quod secundum locum continet aliud: & locatum  
id quod secundum locum ab alio continetur.

CAP. IX. *Definitio loci, & definitionis declaratio.*

*Definitio loci*  
*ex Arist.* **L**ocus, est finis continentis immobilis, primum.  
Quæ solet hisce quoque verbis eundem sensum habenti-  
bus assignari.

*Locus est extremum continentis corporis, immobile  
primum.*

Quarum definitionum hic est sensus: Locus est superfi-  
cies concava, corporis continentis locatum, proxima loca-  
to & adæquata, per se immobilis, vnde & de loco proprio  
dari constat tantum, siquidem is propriè locus dicitur. Vbi  
extremum vel finis excludit à definitione omnem super-  
ficiem præter vltimam. Infinitæ siquidem in corpore lo-  
cantes sunt superficies inter conuexam, & concavam me-  
diæ, quarum tamen nulla est propriè locus, sed sola conca-  
ua vltima. Quod verò adiicitur, corporis continentis, pro-  
hibet, ne superficies exterior vel conuexa primi cæli dica-  
tur eius locus. Primum, id est, immediatum excludit substan-  
tialem partem extremam ipsius corporis, simul accipiendo  
superficiem concavam. Huiusmodi enim pars extrema lo-  
cantis corporis, tametsi aliquando locus dicatur vulgari  
consuetudine, quemadmodum pera locus dicitur pecuniæ  
eius quæ inest, propriè tamen non dicitur locus: cum locus  
sit accidens & superficies. Excluditur autem huiusmodi pars  
corporis à definitione loci (vt dicere cœperamus) quia non  
est prima, id est, immediata secundum se locato, ita vt simul  
sit cum superficie vltima & conuexa corporis contenti.  
Semper enim locus qui est superficies concava continen-  
tis, est simul cum superficie conuexa corporis immediate  
contenti: quemadmodum superficies concava cæli Martis,  
& conuexa cæli Solis: rursumque superficies concava cæli  
Solis, & conuexa cæli Veneris: atque ita in alijs. Particula,  
primum, quoque dici potest idem quod suo locato vni, adæ-  
qua-

quatum, & ita soli proprio loco couenit. Ex quibus patet materiam non esse locum formæ, cum materia superficies nulla sit: imò verò formam nullum locum habere, nisi per accidens, cum per se quantitatem superficiei (secundum quā res in loco continetur) non habeat. Formæ enim tam substantiales quàm accidentales, non sunt in loco nisi per accidens, ratione subiecti vel compositi cui insunt.

CAP. X. De loco proprio, & communi, & loci proprietatibus.

**D**ividitur autem locus, in proprium, & communem.

*Locus proprius & communis.*

*Locus proprius alicui locato dicitur, quando cuilibet parti loci respondet aliquid ipsius locati.*

Vt locus igni proprius, est extremum cæli lunaris: & unicuique rei, locus eius adæquatus, proprius est.

*Locus communis est, quando aliquæ partes loci sunt, quibus ipsius certi locati nulla pars earum respondet.*

Vt tota superficies templi, est locus communis singulorum hominum: & concavum lunæ omnium mixtorum est locus communis. In comparatione tamē ad superficiem extremā aëris totius, quo impletur continentia templi dicitur locus proprius & adæquatus similiter & cōcauū lunæ, in cōparatione ad superficiem ignis immediatē ad hærentis, dicitur locus proprius ipsius ignis. Ad maiore notitiā loci, eiusdēque naturæ, ponit Aristoteles proprietates quasdam quæ illi veluti per se notæ conuenire conceduntur, quæ sunt numero quatuor.

*Prima est, Locus continet id cuius, & nihil est ipsius rei.*

Quorum verborum hic est sensus: Locus continet locorum, & nihil est ipsi rei locatæ intrinsecè inhærēs neque vt pars neque vt accidens.

*Secunda est, Primus locus, neque minor est, neque maior.*

Id est, locus proprius est æqualis suo locato, quantum ad superficiem conuexam ipsius corporis loco contenti.

*Tertia est, Locus non relinquitur ab vnoquoque, & separabilis est.*

Id est, locus nunquam omni locato priuatur, ita vt sine cor-

DE INFINITO, LOCO, VACVO,  
pore contento, maneat: & est à locato suo separabilis, ita vt  
successiue alia & alia corpora contineat.

*Quarta est, Omnis locus differentias has habet supra  
inquam ac infra, & corporu vnumquodque, proprios  
ad locos suapte natura fertur sursum aut deorsum per-  
gendo: & in eisdem manet.*

Id est, omnis locus est sursum aut deorsum: & omnia  
corpora generabilia & corruptibilia (cæli enim non mo-  
uentur nisi circulariter) ad suum proprium locum naturalē  
sursum aut deorsum moueri nata sunt, & in eisde quiesce-  
re, & conseruari.

CAP. XI. De loco naturali & violento.

*Locus natu-  
ralis & vio-  
lentus.*

**L**ocus autem naturalis dicitur alicui, qui à natura rei est  
determinatus & assignatus, in quo bene est ei, & conser-  
uari natus est, ad quem proinde naturali desiderio semper  
solicitar, ita vt quoties extra eum esse contingat, violentē  
quiescat. Sic igni locus naturalis est, sub cæli immediato  
concauo: aëri, sub igne: aquæ, sub aëre: terræ, sub aqua. Na-  
turali enim dispositione atque ordinatione, id quod est om-  
nium leuissimum, summum sibi vindicat locum: quemad-  
modum id quod est grauissimum, locum requirit omnium  
infimum. Multis vero corporibus, locus est naturalis, secū-  
dum conditionem eius elementī quod dominatur in eorum  
complexionibus. Locus autem violentus est, in quo rei non  
est bene, & à quo dum potest, recedere nititur:

CAP. XII. Quare res suum appetant locum naturalem, &  
qua sit huius desiderij causa.

*Questio de  
naturalis de-  
siderio re-  
i naturalis  
ad sua  
loca natu-  
ralia.*

**V**olentes autem quænam causa sit motus huius rerum  
naturalium ad sua naturalia loca perquirere, de terra  
quæstionem proponimus, ob quid siue cuius cōmodi aut v-  
tilitatis gratia, extra locū naturalē posita, deorsum festinet,  
& non impedita semper cadat. Et quidē si de partibus terræ  
loquimur, satis constat, illis esse, melius in totius terræ glo-  
bo, quàm in aëre aut sub luna. Verū respicientes totū glo-  
bum terræ, querimus, in quo male erit toti terræ, si poni in-  
telligatur in aëre, non super neque intra aquas. An ab aquis  
aliquid suscipit terra quo melius seruetur? Quod est igitur  
hoc desiderium, vt desideret tota terra aërem relinquere, &  
ad aquas pergere, cum nihil videatur aqua illi donare vnde  
seruetur, præ aëre in quo ipsum suspensum imaginamur?

Hanc



Hanc autem quæstionem (omissis diuersis diuersorum sententijs, quas super hac re sunt cōmentari) ita nos dissoluent dampnamus dicentes, totū vnīuersum ab optimo ordinatū sumoq̃ue conditore fuisse conditum sub certo numero, pōdere, & mensura, in quo omnia creata quasi vestigium in se ferunt benedictæ summæq̃; trinitatis atq; in his sicut creata sunt, ita in eisde conseruari atque gubernati, Quoniā igitur dixit igni, vt sub luna acciperet primū locum: aëri secundum dedit, tertium aquæ, quartum terræ: quoniā dixit piscibus vt in aquis locum sumerent, volatilia iussit eleuari altius in aëre metallis, quoniā terræ viscera deputauit, oleum super aquam posuit: ex hoc Dei mādato formæ rerū (quæ operatrices sæpius dictæ sunt omnium operationum rebus conuenientium) incessanti conatu ad hoc tendunt, vt illic res sint, vbi à Deo creatore suo locū acceperunt. non tam ratione sui commodi, quā ratione diuini præcepti aut constituti perficiendi. Sicut enim voluntarius homo voluntarie mouet se ad Dei implendū mandatū: ita res naturales à suis formis per Deum agūtur naturaliter, ad implendā sanctissimam ipsius voluntatem. Omnia siquidem ingenuo conatu seruiunt & obediunt ei: Ipse præceptum eis ponit, & illa non prætereunt. Ascendentes enim montes & descendentes in loca præstituta campi terminū quem præposuit Deus non transgrediuntur, neque conuertuntur operire terram: cuius etiam verbo congregatæ sunt, velut in vtre aquæ maris, posita in thesauris abyssi. Igitur non est arbitrandum res naturales locum quærere naturalem ob sua commoda, tanquam à locante corpore quippiam recipiant, sed ob Dei potissimum benedictam voluntatem adimplendam, illic sibi melius esse existimant, vbi Deus ea magis vult locari. Quia in re vtinam naturalia agentia sequantur creaturæ rationales, vt ea semper magis exoptent, quæ sui creatoris voluntati magis sunt placita.

Gent. 2.

Psal. 118.

Psal. 148.

Psal. 103.

Psal. 32.

CAP. XIII. *Quomodo secundum quantitatem res naturales locum occupent, & de impossibilitate penetrationis dimensionum.*

**A**d loci autem perfectam considerationem exigitur, vt de occupatione quoque & repletia aliquid dicamus: quoniam loco cōuenit, occupari atque repleri. Est ergo attendendū, quòd sicut color rebus natura datur, vt per ipsum res

## DE INFINITO, LOCO, VACVO,

existant coloratæ, vnde consequitur, vt sint etiam visibiles; ita data est rebus quantitas, vt secundum ipsam sint res quantæ primum, ex quo deinde consequitur diuisibilitas. Sicut enim quæque res quanta est, sic est diuisibilis: nempe si per se quanta, per se erit diuisibilis: si per se accidens, ratione coextensionis, per accidens erit diuisibilis tantum: & quod longitudine vel latitudine quantum, sic solum est diuisibile. Super hæc tamen superficies rebus conueniunt, vt contineant inuicem & contineantur: corporea quoque quantitas vel corpulentia, vt res secundum eam occupare possit atque replere. Nam & lineæ simul in se inuicem esse possunt & superficies. Quippe superficies concava continentis corporis, & superficies conuexa contenti semper sunt simul in inuicem. Sola corpulentia sic sum sibi locum occupat, vt aliam corpulentiam simul eodem in loco nequaquam admittat. Atque hoc videlicet est occupare, sic implere locum, vt simul ab alia corpulentia impleri non possit, nisi dū illo cedente aliud adueniat. Hoc autem si contingeret, nempe duas corpulentias simul eundem locum adæquatè replere, penetrationem diceremus fieri dimensionum, dimensionum (inquam) corporearum, quam sic abhorret natura, & damnant Philosophi, æquè constanter atque vacui positionem. In vtroque enim horum peccatum in naturam admittit, qui vel vacui vacuitatem, vel penetrationem dimensionū corporearum quomodocunque constituit. Vtrumque siquidē extremū falsum est, & secundū naturam impossibile. Media autem veritas est, omnem locum ab aliqua corpulentia occupari, vt nihil sit vacuum: & eadem cedente vel expulsa succedere aliam, vt non habeatur corporearum penetratio dimensionum. Cæterum, de dimensionibus longitudinis & latitudinis, vti iam diximus nullum est inconueniens, eas simul esse, aut se penetrare.

CAP. XIII. Quomodo in loco esse intelligantur, que quantitatem non habent.

**Q**uomodo igitur in loco sunt, quæ tactui patent, clarum omnibus. Ea verò quæ non sunt quanta, quomodo in loco esse possint, aut debeant, intellectu videtur difficilior: præcipuè quòd dixerimus in hoc datā esse rebus quantitatem, vt locum occupent, & contineantur à loco. Quam re est aduertendum, tribus modis aliqua esse in loco. Primo

*Penetratio  
dimensionū  
& vacuū  
æquè sunt  
impossibi-  
lia.*

*Tribus mo-  
dis res sunt  
in loco.*

qui

dem, vt circunſcribente, ad eum modum quo cælum inferius eſt in ſuperficie cōcaua ſuperioris cæli, & quælibet res corporalis à ſuo loco circunſcribitur, quia eius vna pars huic parti, altera alteri reſpondet. Secundo definitiue, quando res loco non circunſcribitur, ita vt diuerſæ partes locati diuerſis partibus loci reſpondeant, ſecundum tamen certum quendā terminū in eo includitur, vt non ſit extra ipſum. Sic anima rationalis eſt definitiue in corpore, & angeli in loco. Vno tamen gradu ſuperāt Angeli animam rationalem: quoniam anima non longiorē habet locum, quā ſit ipſius corporis quantitas. Angelus verò longiorē & ampliorē, quā etiam corpus quod interdum aſſumit. Tertio autem modo longè diuerſo à prioribus, Deus eſt in loco, non vtique circunſcriptus iuxta partium dimensionem correfpondentiū. Non definitus etiam neque certis concludus limitibus, ſed ſuper accedenter: quia cum omnem locum repleat, non tamen ſuo loco coanguſtatur, ſed in infinitū pertranſit immēſus. In primo gradu ſunt primū omnia corpora, & deinde omnia accidentia corporalia, quæ ſunt materiæ coëtenſa: imo & formæ ſubſtantiales omnes, præter rationalem animam, quæ ſola non coëtenditur materiæ. Sicut autem dicitur anima rationalis eſſe in corpore, quia ipſum viuificat (ita vt in arefacto mēbro non ſit vt in loco, quod non viuificat) ſic dicuntur ſubſtantiaſ ſpirituales non quantitate corporea eſſe in loco, ſed magis ſecundum virtutem & poteſtatem. Quouſque enim earum virtus funditur & efficacia, eatenus locus eius eſt aſſignandus. Et quæ ſic ſunt in loco, potiùs cōtinere quā contineri ſunt dicenda. Illa autem quæ primo modo, contineri ſimpliciter loco, non ipſum continere dicuntur. Atque hinc eſt, quòd Deus omnipotens cum in omnibus exiſtat, nullo tamen continetur, ſed magis ipſe continet omnia omnibus inexiſtens: vt verum ſit & indubitatum quod per prophetam dicitur, Cælum & terram ego impleo, dicit Dominus omnipotens.

CAP. XV. De occupatione & repletia, & de varijs replendi modis.

**O**Mne autem quòd occupat, occupando replet. At nō cōtrā ſit verſio. Multa enim feliciffimè replent, quæ nō occupāt. Spiritualia enim & nō quāta replēt ſua loca ſed nō occupant: quoniā alia non excludunt, nec ipſa quidē corpo-



# DE INFINITO, LOCO, VACUO,

ra. Replere enim occupando, imperfectissimus est replendi modus. Quæ res ut clarius intelligatur, ponendi sunt aliquot replentium modi. Primus est corporum, quæ corpulenta sunt, & locum quem replent, simul ab alio non permittunt repleri. Et hæc quia occupando quodammodo impediunt pleniorē replentiā, dum alia non admittunt, idcirco imperfectè replent. Secundus est gradus eorum quæ per se quanta non sunt, sed per accidens sunt coextensa quantitati. Ut formæ corporales & accidentia cætera corporalia. Horum cum singula plurima simul, constat ipsa felicius quam priora replere, quoniam se mutuo non impediunt, nec obstat alterum alteri. Tertius modus est, quo anima rationalis replet materiam vel corpus proprium, dum in ipso est. Quæ profectò excellentius replet alijs formis, quoniam singulas corporis partes tota replet. Cæteræ vero habent partes suas partibus corporis respondentes. Quartus gradus est animæ separatae & spiritualium substantiarum, quæ positam excedunt animam in corpore, eò quod sit quodammodo quanta, quamvis non coextensa corpori. Nam finitur eius vis & replentia, quantitate corporis, in quo hospitatur. Non sic est dum separata per se existit, neque in spiritibus, qui nullos terminos secum deferunt. Quoniam tamen horum replentia alicubi finem capit, nimirum ubi desinit præsentia virtutis eorum, ideo non optimè replent. Supremus gradus est eius quod replet absque termino, & proprio, & alieno, cuius virtus non potest usquam aliquando finem capere, cuius tota virtus similiter toti præsto est loco, & singulis partibus: quod proinde lumine replet, & omnia replet intimè, atque penitissimè, ut nihil non contineat in se, imò verò ut ipsum semper contineat & concludat in se omnia, & à nullo concludatur. Ipsum est unicū ens, summum primum bonum, Deus verus & unus, cui est honor soli & omnis gloria nunc, in æternum & ultra. Amen.

Tota hæc  
materia va  
cui ab Ari.  
Tractatur  
diligenter  
4. lib. Phy-  
scorum.

## CAP. XVI. De vacuo & eius descriptione.

Post loci autem considerationem congruo ordine subiungi debet vacui determinatio. Est enim vacuum loco oppositum, & oppositorum semper rectè iuxta ponitur determinatio. Vacuum ergo antiqui varijs modis assignabāt. Quidā arbitrati sunt, extra cælum esse quoddam infinitum vacuum. Alij dixerunt vacuum corporibus immersum propter augmen

augmētationem seruandam & diminutionem. Prima, rudis est opinio. Secunda, in ijs quæ de generatione conscribimus (si sic erit voluntas domini) refelletur. Secundum autē veritatem, omnino nullum debet poni vacuum. Proinde de finitionem non habet, quæ rei natura explicaretur. Quod enim neque est, neque esse potest, definiri nequit, tali utique definitione, quæ rei explicaret naturam. Cæterum, nominis definitione vel interpretatione, sic definitur,

*Vacuum est locus si corpore careat.*

Id est, vacuum dicitur superficies concava, nullum corpus continens aut in se concludens. Ut si concava Lunæ permanente, Deus destruat omnem substantiam elementorum, ad nihilum redigendo, esset concavum Lunæ vacuum: & pera siue aliud quodlibet continens, si non impleret eius continentiam aer neque aliud quippiam, sed intelligatur prorsus nihil in illa superficie contineri, esset locus eiusmodi vacuum. In præcedente autem definitione, cum vacuum dicitur locus corpore priuatus, aduertendum est, locum non accipi propriè. Nam sic falsum esset vacuum esse locum, cum sit vacui & loci propriè accepti repugnantia: sed locus pro superficie ipsa qualibet concava accipitur, qui potens est per suam continentiam locare aliquid, etiam si actu nullum habeat locatum. Quomodo enim locum intelligimus superficiem continentem: ita vacuum, superficiem continere potentem, id est, concavam, sed nihil actu continentem, intelligimus.

CAP. XVII. *Vacuum iuxta naturā non posse existere, pluribus probatur experientijs.*

**Q** Vanquam autem vulgato sermone, loca vel vasa dicere soleant homines vacua, in quibus tantum aer inest aut ventus, nullum tamen secundum veritatem potest in natura vacuum inueniri. Nullus est enim quantumlibet parvus locus, qui corpore careat contento. Atque ad hoc vniuersæ creaturæ naturaliter laborant, etiam cum suæ propriæ naturæ quodam dispendio, atque velut nocumento, ut nullo modo permittant vacuum fieri: facientes, & quæ contra naturam propriam videntur sponte sua, & quæ secundum naturam sunt propriam, dimittentes. Nam ad impediendū vacuum, leuia deorsum mouetur. Ut dum foditur puteus profundissimus, etiam vsque ad terræ medium, sequitur aer, ut

*Definitio  
vacui.*

## DE INFINITO, LOCO, VACVO,

*Experientia  
quibus mō  
stratur, nō  
posse vacuū  
existere.*

impediat vacui positionem. Aquam insuper cōtingit, prædicta ratione, sursum ascendere, & deorsum nihil impediri non descendere, à fluxu cessare, omni etiā remoto obstaculo. Ad probandum autem quòd natura abhorreat positionem vacui, plura adduci possunt experimenta. Primum enim, aqua in vase non congelabitur, etiā frigidissimo loco, si sit ita obstruētum, vt nullus omnino posset aër ingredi quòd si cogatur congelari, vas dirūpetur. Si enim fieret congelatio, & nullus ingrederetur aër, oporteret esse vacuum: quoniam in congelatione cōstringitur aqua, & aliquid loci prioris necesse est ipsam relinquere quē oportet suppleri per aduentum aëris. Loquimur autem de vase pleno aqua. Nam vbi aliquid aëris est, poterit aër propter vacui impeditiōnem subtilior effici atque rarefcere, vt modica fiat aquæ congelatio sine mōcumento vitri. Rursū, sūme clepsydram qua irrigatur hortus, si supraponas pollicem illi foramini quod in summo est, nō egredietur aqua, nisi fortē modicissime per maiora subius foramina, vt simul possit aliquid aëris introire. Iterū sūme vas plenissimū vino, aqua, oleo, obstruētum penitus desuper, nō fluit liquor etiā patefacto transitu, nisi desuper aëri aditus itidem præbeatur. Præterea, in fontibus id ipsum perspicuum est, in quibus continuò fluxu aqua sursum agitur, ne vacuum alicubi in canalibus relinquatur: quod ad oculum clarissimè patet, si duo stramina perpendiculariter coniungantur. Sic enim plerūq; & supra domorum fastigia scandit aqua, ne vacui hiatus aëris attractu, non subsequente aqua, contingat euenire. Quæ etiā patent in attractu vini per stramineū culmū, absque quo nec duplo fortiore tractu quicquā cōsequeretur. Postremò foliis vndique conclusus non poterit lateribus distendi, quantumvis labores illum efficere, nisi dirūpatur, vt habeat aër ingressum. Igitur certissimū est experientijs, vacuū naturaliter nō posse existere: quoniā sic vniuersa rerum natura abhorret à vacuo, atque præcauet, vt grauiā sursum, leuiā deorsum moueantur: vt non sit vsquam vel minimus hiatus, aut discontinuitas vniuersi.

CAP. XVIII. *Quòd motus isti qui contra naturam videntur, sint secundum naturam.*

**I**N quo contuendus est ordo vniuersæ creaturæ pulcherrimus, & mira atq; benignissima Dei circa creaturarū impulsus



fus dispensatio. Deus siquidem optimus naturæ institutor, & prouidissimus director, sicuti rebus singulis instinctus donauit particulares, quibus singula creata suas perfectiones peculiariter sibi conuenientibus motibus quærunr, atque congruis operationibus operantur: ita vnum dedit omnibus desiderium, ut super omnia totius vniuersi quærant perfecti onem, idque (si opus erit) etiam suo detrimento, ob quã naturalem inclinationem apertè videmus & aërem naturaliter descendere, & aquam sursum scandere, eamque nullo impedimento detentam, tamen permanere sursum. Quæ omnia à formis rerum naturalibus, secundum illam generalem inclinationem fieri naturaliter creduntur. Quanquam enim motus ille grauium sursum, & leuium deorsum repugnet materiæ & formæ rerum, secundum suas particulares inclinationes quas habent, conueniens tamen est naturæ & formæ, propter vacui impeditionem, secundum generalem, quam habent ad perfectionem totius vniuersi inclinationem. Vnde si ab his motibus detinerentur, grauia deorsum violenter permanerent, & leuia sursum. Generalis quippe inclinatio & vniuersalis, non immerito præpõderat particulari inclinationi. Quem conatum si homo velit intueri, nõ suam quæret voluntatẽ supremæ vnquam, imò nec superioris ulli voluntati antepone: fietque ut facile dicat (iuxta Saluatoris exemplum) Non mea voluntas, sed, tua fiat: non quod ego volo, nec quod mihi bonum videtur ac placitum, sed quod tu ordinator & legislator domine Deus noster decreueris, id super omnia volo ego quoque habere placitum & gratum.

*Nota attende.*

*Luca 22.  
Matth. 26.*

CAP. XIX. De tempore, & eius definitione.

**A**bsoluta nunc motus, infiniti, loci, atque vacui determinatione: superest postremo loco, ut de tempore suo ordine pertractemus, eiusque naturam quantũ poterimus explicemus. Tempus itaque definit Aristoteles hoc modo,

*Tempus est numerus motus per ipsum prius posteriusque.*

*Definitio  
Aristotelis  
temporis.*

Quibus verbis signatur tempus esse quantitatem continuã, & mensuram, qua motus numeratur, id est, mensuratur secundum partes successionis. Mensuramus enim motus durationem, dum dicimus cum tot horis, vel annis vel mensibus, vel seculis durasse. Nam motus quantus, per se non est.

# DE INFINITO, LOCO, VACVO,

est, neque continuus, nisi ratione temporis. Quanquam autem motus duplices habeat partes, scilicet secundum extensionem mobilis, & secundum successionem: solæ tamen illæ quæ sumuntur secundum prius & posterius mensurantur tempore, non illæ quæ secundum extensionem subiectam accipiuntur. Nam hæc potius secundum extensionem permanentis quantitatis mensurantur. Atque ideo dicitur tempus numerare vel mensurare motum, secundum partes non quaslibet, sed eas quæ sumuntur secundum prius atque posterius: hoc est, secundum successionem, non secundum extensionem. Et notandum, cum dicitur ab Aristotele, tempus esse numerum: non debere numerum accipi pro quantitate discreta propria significatione (tempus enim est continua quantitas) sed pro numero numerato. Quæadmodum cum numerantur duodecim tribus Israel, scilicet cum duodecim Patriarchas, ipsi duodecim Patriarchæ sunt quidam numerus, id est, numerus numeratus, numeratus (inquam) verò numero, qui est quantitas discreta. Numerus enim sunt, quatenus secundum eas numerantur duodecim tribus ab ipsis progenitæ, dicendo, tribus Iuda, tribus Leui, tribus Isachar; & ita deinceps: Sed numeratus numerus sunt: quia numero verè & propriè dicto (id est, duo denario) numerantur.

C A P. XX. *Quomodo vnum est tempus, quo mensurantur omnia temporalia.*

*Sententia  
Arist. in  
fine 4. lib.  
Physicorū.*

**Q**UOD autem dicitur tempus mensurare motum secundum partes successionis primario respicit motum primi mobilis: cuius solius est mensura intrinseca, & adæquata mensurato. Omnes verò reliqui motus, in tempore fiunt, & tempore mensurantur ut mensura extrinseca & excedente. Vnum siquidem est tempus, quo mensurantur omnia temporalia extrinsece, per applicationem eius scilicet ad motum, vel rem temporalem. Quæadmodum (declarationis gratia quantitas quæ in vna est, solam ipsam vnam intrinsece mensurat: omnia verò reliqua, per applicationem mensurat extrinsece. Ita tempus (quod consequitur motum primi mobilis, & summi & regularissimi, & vniuersalissimi) est mensura intrinseca illius motus, quoniam in ipso est, & ipsi motui æquatur: ita ut principium temporis simul fuerit cum principio, motus, & finis vnius sit futurus cum fine alterius, & duratio atque continuatio motus cum temporis continuatione

tionem atque durationem. Cætera verò omnia mensurantur per applicationem ad hunc primum motum, non quidem realem, sed per hoc quod anima applicat motus inferiores ad illud primum motum.

CAP. XXI. *An essentielle sit hoc tempori, quod mensura est primi mobilis.*

**N**otandum verò, nō esse hoc tempori essentielle, ut huius sit primi mobilis quod nunc est primum mobile. Si enim Deus faceret aliud cælum mobile vniuersalius atque mensuram generaliore, aut aliud mobile prius isto cælo quod nunc est primum mobile, iā tempus non esset amplius in hoc cælo quod nunc est primum mobile, sed numerus illius alterius primi motus esset tempus: & cuius antè erat tēpus mensura intrinseca, iam fieret mensura extrinseca. Tempus enim vocamus mensuram primam & vniuersalissimam, & accipimus secundum motum primum & vniuersalissimū. Vnumquodq; enim mensuratur primo sui generis. Ex quo vltèrius consequi videtur, si nullum aliud esset mobile nisi rota figuli, iam mensuram motus illius fore tempus, ita verè sicut nunc tempus dicitur esse primi cæli moti. Esset enim (illa facta hypothesi) primi motus numerus, quo oporteret omnia mensurari. Item quod ante motum cæli fuit tempus, in mutatione angelicarum cogitationum & volitionū, prout secundum prius & posterius sumuntur: non secundum eas quæ simul erant, in diuersis, vel in eodem. Concluditur præterea, quòd quemlibet motum consequitur aliqua mensura temporis, & quantitas successiua eiusdem generis, cuius est tempus nunc primi cæli moti. Quæ tamen omnia non dicuntur tempora. Neque enim nisi vnum dicimus tempus: propterea quòd tempus significat mensuram talem, quæ sit vniuersalis & generalis omnium motuum. Similiter quoque de æternis dicendum erit.

CAP. XXII. *De triplici mensura, tempore, æternitate, & æternitate, & de earum differentia.*

**T**riplicem verò inuenimus (partim naturali eruditione, partim diuina illuminatione) durationis mensuram. Illud enim esse quod transmutationi non subiacet, neque etiam transmutationem patitur secum (cuiusmodi est solum esse Dei) est æternum, imò ipsa æternitas. Illud verò esse quod est intransmutabile secundum se, cōpatiens tamen trās-

*Æternitas.*



mutationem aliquam, siue secundum locum, vt celestia corpora, siue secundum affectiones, vt angelicæ substantiæ, est æuiternum, id est, mensuratur æuo: quod est mensura deficiens ab æternitate, quia non est mensurati penitus immutabilis, sicut æternitas: excedens verò & superans nobilitate temporis mensuram, quoniam mensurat rem secundum id in quo est intransmutabilis: tempus verò mensurat rem secundum id in quo est mutabilis. Vnde cæli & spiritus secundum suum esse sunt æuiterni, & esse eorum mensuratur æuo, temporaliter tamen cæli mouentur, & angeli temporaliter temporalia intelligunt. Et quia tam vicinum est æuum æternitati, ideo æuiterna dicuntur quodammodo (hoc est participatione) æterna, quantum ad ea secundum quæ sunt intransmutabilia. Vnde dicuntur cæli stare in æternum, & angeli secundum cognitionem diuini verbi, in qua sunt confirmati, dicuntur viuere æternaliter, & spirituum damnatio atq; ignis dicuntur æterna. Solus tamen Deus, per se ac proprie dici debet æternus. Cætera autem, participatione solum æterna sunt, proprièquæ æuiterna nuncupanda. Insuper attendenda est in tribus his mensuris etiam ista distinctio, & quidem vt præcipua: quoniã tempus nõ totũ simul est: sed est in continua partium successione. Ac æternitas verò & æternitas, totæ simul sunt, nescientes successionem. In hoc tamen æuiternitatem superat æternitas, quòd nec successionem aliquam comparitur secum, cùm æuiternitas pariter successionem permittat. Atque hæc sanè est mensurarum distinctio atque separatio. Mensurata verò sic ab inuicem distinguuntur, quoniam temporalia principium habent & finem in tempore. Ac æternum autem, nec principium nec finem sui potest habere. Ac æuiternum autem, alterum habere potest, vt cæli & angeli principium habent, finem autem non habebunt. Quare si poneretur motus fuisse ab æterno, totus quidem motus non temporalis, sed quælibet circulario assignata esset temporalis. Porro de æternitate constat nõ nisi vnicam esse, & ab ipso Deo nõ distingui mensuram: sicut nec ipsum esse diuinum quod æternitas mensurat, a Deo distinguitur. Ac æuum tamen distinguitur ab æuiterno, quoniam esse creature omnis, ab ipso ente distinguitur: quod de tempore in ordine ad rem temporalem etiam apertius est atque manifestius.

*Quemadmodum autem diximus, tempus esse numerum pri-*

mi morus, & mobilis primi mensuram intrinsecam: ita verisimiliter dici potest, vnicum esse æuum quod primum ætternam mensurat intrinsece, scilicet primum angelum: cetera verò extrinsece, quæcunque præter ipsum æterna sunt.

CAP. XXIII. *Successionem impedire durationem, quomodo occupatio impedit repletionem.*

**E**X dictis liquet, successionem quæ in tempore est, & nõ in alijs mensuris, sic impedire durationem rei, sicut occupatio quantitatis, declarata est impedire repletionem. Nam corpus, locum aliquem occupando impedit quo minus ab alio simul repleatur, sicque impedit repletionem, corporeæ quantitati annexa occupatio. Vnde & illa quæ longius recedunt ab occupatione, magis & perfectius replèt ijs quæ magis sunt occupationi subdita. Lumen eõim maximè replet, quoniam replendo non impedit id quod replet, quo minus ab alio pariter repleatur. Faciamus enim ( declarationis grãtia ) duos esse soles ex aduerso sibi oppositos, alterum in oriente, alterum in occidente. & alterum quidem ( vt sit distinctio ) luminis aurei, alterum luminis argentei æque splendidi: nihil dubitũ, quin vnusque Solis lumen totũ sic repleturus aërem. Vnde illa quæ longius recedunt ab occupatione, vt spirituales substantiæ, quæ nec extensionem quidem admittunt, adhuc melius replent. Vnde possunt angeli totos illos orbes cælestes quos mouent replere, iuxta virtutem a Domino eis datam. Et Deus qui longissimè recedit ab occupatione, maximè ac felicissimè replet, iuxta illud propheticum: Cælum & terram ego impleo, dicit Dominus. Ad eundem sanè modum, illa in quibus plus est successionis, minorem habent durationem: quæ verò amplius recedunt a successionem, vt omnia æterna, magis durant temporalibus. Id verò quod in infinitum omnem successionem effugit atque excludit, in infinitum super omnia durabile est, totum suum esse simul habens, & totã durationem suã in æternitate præsentem tenens ac possidens, eodẽ modo sicut temporalia suã instans præsens habent. Vnde fit, vt Deo nihil nisi esse conueniat. Fuisse autem & fore, nõ in illo sunt, quanquã balbuties nostra ( quæ æternitatem nequit attingere ) sic de Deo vt de temporalibus subinde loqui solet, quod & alibi contingit, vbicunque de illo magnum quippiam loqui volumus. Quia enim de Deo prout volumus, propter infirmita-

*Occupatio  
impedit re-  
pletionem.*

*Successio  
impedit du-  
rationem.*

DE INFINITO, LOCO, VACVO,  
tem loqui non possumus, eiusmodi sermonibus non est necesse de Deo loquentes uti, quos ex nostris rebus inuenire possumus. Nihil enim condignum illius magnificentie valeamus exprimere: qui est super omnia, & ante omnia inuisibilis, ineffabilis, in sua æternitate intransmutabili semper benedictus. Amen.

CAP. XXIIII. De temporis proprietatibus.

QVemadmodum loco prius sunt quedam proprietates attributæ, ita tempori quinque subiunguntur eius nature declaratiue: quarum prima est hæc,

*Tempus quodammodo datur minimum, et quodammodo non datur.*

Id est, tempora ut subiaceant numero, & numerantur, dantur minima, sicut numerus minimus, ut duo tempora: non enim est numerus binario minor. secundum partes successiuas non datur minimum tempus, quantumuis enim paruo tempore dato, secundum partes proportionales (de quo prius dictum est) in infinitum est diuisibile, quemadmodum & linea quauis.

Secunda proprietas est,

*Tempus dicitur multum ac paucum, longum & breue: velox autem aut tardum non dicitur.*

Tempus enim ut numeratur, est paucum aut multum, ut vnum tempus, duo, tria, quatuor, quinque tempora, & ita deinceps: ut verò quantitas continua est, longum est aut breue, idque secundum successus partes, sicut quantitas continua permanens (qualia sunt, linea, superficies, corpus) secundum extensas partes. Quod verò nec velox, nec tardum sit, probat Aristor. quia nec numerus ullus, nec vlla quantitas continua talis dicitur. Sequitur tertia proprietas, hæc scilicet,

*Est etiam idem tempus simul ubique.*

Id est, idem tempus vniuersale, numero mensurat omnia, quæ tempore mensurabilia sunt ubicumque locorum fuerint, ita vt non sit singulis suum tempus attribuendum. Quid sit tempus vniuersale, & quomodo sit mensura, prius dictum est.

Sequitur quarta.

*Vt motus idem ac vnus iterum atque iterum esse potest, sic & tempus idem vnumque esse potest.*

Hoc est, sicut semper redit motus idem nomine cum præterito ipsius cæli, ita redit tempus idem nomine cum præterito



terito. exempli gratia, sicut cælum nunc mouetur ex oriente in occidentem, eodem modo vt heri, ita & nunc dies est vt heri, quia nunc mouetur Sol à primo puncto Cancrī, vt anno præcedente, nunc quoque ver est vt anno præterito. Similiter dicendum est de æstate, autumnō, hyeme, anno, &c. Sequitur quinta proprietas hæc,

*Non solum tempore motū, sed etiam tempus motu mensimur.*

Hoc est, vtī duratio motus mensuratur tempore, ita & tempus motus duratione mensuratur atque cognoscitur. exempli causa, colligimus motum cæli tam diu durasse aut tantam cæli partem circumuolutam esse, quia vna hora transit, aut dies vnus, aut mensis, aut annus. Et ediuerso cognoscimus nos, vna, duabus, aut tribus horis studuisse, quia cælum huc vel illuc vsque volutum seu motum est, aut ipse Sol. Sic de mense, hebdomada, anno, & quouis tempore dicendum est. Atque ita huic libro finem imponimus, nostro more Psalmo in ipsum creatorem tendentes.

## FINIT LIBER QUARTVS.

## PSALMVS INFINITO, INCIRCVM-

Scripto, æterno, & intransmutabili Domino.

**D**EUS quis similis assignabitur tibi, aut quis stabit contra te, & conferatur tibi?

Veniat, vt stet contra tuam gloriosam magnitudinem, veniat, à calo, aut desuper calum, de terra ascendat, aut de profundis maris.

Tu solus infinitus, incircumscriptus, indefinitus crederis: & confessionis labijs affirmaris.

Omne quod creasti Deus, finisti pariter: stringens proprias quibusq; rebus essentias, atq; operationum virtutes.

Multa quidem & magna fecisti potentissime Deus mirabilia tua: sed nihil infinitum essentia, aut virtute simile tibi.

Et quanquam benignissimus es creator omnium, attamen creaturarum tuarum nullam tibi parem constituisti.

Neq; verò est hoc de tua impotentia, insipientia aut malitia Domine Deus, qui es sapientissimus, optimus, & suauissimus.

Omnia quacunque voluit Deus noster, fecit in calo & in terra et in maris vniuersis.

Gloriam tamen suam sibi seruauit, nec alteri totam eandem tradere aut uolet aliquando, aut poterit.

O quam es dilectus Domine, & quam amabilis plenitudo uniuersa bonitatu!

Si sic pulchra sunt nobis atque suauia, quae finita sunt, si sic nos parua miramur.

Tu qui es super omnia infinita pulchritudo, infinita gloria atque suauitas, o quam es super omnia mirabilis, & super cuncta desiderabilis!

Spaciosi sunt celorum orbes, & ampli in omni dimensione sua: & quasi infinita nobis stellarum multitudo aestimatur.

Tu uero mensuras altitudinem caeli: stellarum multitudinem tu numeras.

Singulis tu nomina uocas: singulis singulas dispensasti uirtutes ab initio.

Stant haec omnia & quae sub ipsis sunt, legem quam tu descripsisti eis conseruantia, in solitudine sempiterna.

Tu autem nullo conclusus loco, nec orientis initium, nec occidentis terminum admittens in infinitum pertransis immensior.

Omnem implens locum, omnibus intimus, omnibus praesentissimus, omnibus penitissimus.

Sic neque a tempore initium ut esses sumpsisti: nec finem tibi imponet temporis finis.

Super omne tempus aternitas tua, aterne Deus: omne tempus includens, sicut includitur punctulum in caeli magnitudine.

Tibi praeteritum omne & futurum, praesens coram est absque ullo fluxu: sicuti nobis adsunt sola praesentia.

Nihil tibi praeteritum in obliuionem ueniet, fluxu durationis tuae: neque futurum aliquid est ante te absconditum.

Quae praeterita sunt atque futura, simul omnia nuda sunt & aperta oculis tuis, qui conueris abyssos, & intima terra viscera illuminas.

Ergo domine Deus, quis alius sic aptus atque conueniens, qui accipiat iudicium super filios hominum, aut spirituales nequitias?

Latentur gentes, exultent pauperes, in Deo saluatore suo adueniente in iudicium, pro mansuetis terra.

Non iuxta erroneam uisionem oculorum arguet: neque iuxta aurium fallacem auditum iudicabit iudicia.

Testis est ipse omnium quae facta sunt ab initio, quoniam in cunctis praesens omnia nouit, omnia cōspicit, omnia memoria firmissima tenet.

Timet e

68


*Timete gentes Deum excelsum: & in magna humilitate semper ser-  
uide illi.*

*Gloria patri, & filio, & spiritui sancto.*

*Sicut erat in principio, & nunc, & semper, & in secula seculorum,  
Amen.*

FINIT PSALMVS.

## IN LIB. V. CONSIDERA- TIONIS PHYSICAE DE GENE- RATIONE ET CORRUPTIO- NE RERVM NATVRALIVM PRAEFATIO.

 Ominus Deus omnipotens, pater, filius, & spiritus sanctus, ut multitudinē, ac plenitudinē suae maiestatis filiis hominum demonstraret, horū visibilibus quaedam fecit nulli obnoxia corruptioni, itemq; generationis nesciētia propagationem. Huiusmodi sunt caelestia corpora & astra: quae perpetuū stabilia per sese, generatione non multiplicantur, neque posteritatem relinquūt. Alia verò corruptioni subiecit, quae proinde si perpetuari debeant, opus habent generatione: ut quae in se perdurare non possunt sempiterna, multiplicatione atque propagatione speciem suam ut minimum conseruent. Et est sanē opus hoc Dei attentē considerantibus admirabile, cum continua sit indiuiduorum corruptio, & fuerit ab initio, non defecisse tamen usque modo ex his speciebus aliquam, quae ad totius vniuersi sunt complementum ab optimo conditore destinatae: neque in posterum aliquando defecturam, usq; dū ipse iubeat, cuius verbo primū instituta sunt omnia. Rursus, inter haec quaedam simplicia elementa creauit, quaedā verò, in id plurima, ex his cōmiscuit. Quae omnia si sobriē fuerint cognita, quo ordine, quibūsq; sunt rationibus, credo non parū diuinā magnificentiae gloriā ex eis manifestandā. Volumus ergo sequentis libri processu, de harum rerum generationibus & corruptionibus laus aliquantulum ad omnipotentis gloriam pertrahere.



CAP. I. Quomodo generatio & corruptio ab alijs motus speciebus distinguantur.

*Differētia  
generatio-  
nis ab alte-  
ratione ex  
Arist. lib. 1.  
de genera-  
tione.*

PRIMUM quidem indubitatum est, generationem & corruptionem motus esse species. Unde ad earum plenius cognoscendam naturam, expediens fuerit ante omnia, duas has species ab alijs quæ ex æquo sub motu locantur, distinguere: augmentatione dico, diminutione, alteratione, ac loci mutatione. Itaque (omissis varijs veterum sententijs) sic breuiter species motus veniūt separandæ. Quoniam generatio est, quæ nullo subiecto sensibili (hoc est, nulla completa substantia) eodem permanente antè & pòst, rem secundam formam substantialem nouam constituit. Vt cū ex aqua fit aër, & ex ligno ignis, nulla cōpleta res eadem inaneat antè & pòst, sed per generationem noua res & noua acquiritur substantia, scilicet aër & ignis. Dicitur autem substantiam completam nullam permanere eandem, ob materiam, quæ eadem penitus manet antè & pòst: verū ipsa non est completa substantia, sed substantia tantū potentia est, & incompleta, substantiæque pars altera, magis quā ipsa substantia. Alteratio autem propriè dicta, subiecto sensibili (quod est substantia completa) eodem permanente antè & pòst, rem tantū secundum qualitates variat & alterat. Nam antè & pòst calefactionem, idem homo permanet secundum substantiam, sed de frigore transit in calorem. Augmentatio verò & diminutio differunt à prædictis: primum quidem ex termino ad quem sunt: quoniam hæc ad quantitatem, illæ verò ad substantiam tendunt, aut qualitatem. Secundo etiam differunt ex modo transmutationis. In generatione enim & corruptione non manet eadem substantia antè & pòst. In augmentatione verò & diminutione, salua eadem substantia, sola variatur quantitas. In alteratione res eadem substantialiter manens, locum non necessariò mutat. In augmentatione autem & diminutione, substantia eadem manens, nunc minorem, nunc maiorem necessariò occupat locum. De quibus omnibus sic generaliter prælibatis, per ordinem erit dicendum latius, singula particularius tractando. Colligitur ex verbis Aristot. hæc generatio-  
nis definitio.

*Generatio est cū totum mutatur, nec sensibile quidquam ut subiectum idem permanet. Vel hæc.*

*Gene.*

*Generatio est mutatio huius totius, in hoc totum nullo  
sensibili subiecto permanente eodem.*

Hoc est, generatio substantialis est motus, quo mediante ex vna substantia generatur alia, ita vt nulla substantia quæ prius erat, in ipso generato maneat, vt patuit in hoc eodem capite. Alteratio secundum Aristot. sic definitur.

*Alteratio est, quando sensibile subiectum permanens,  
in suis mutatur affectibus, qui aut contrarij, aut in-  
ter contrarios medij sunt.*

Hoc est, alteratio propriè dicta, est motus, quo mediante substantia acquirit aut perdit qualitates tertix speciei, ipsa substantia integra permanente. Dicit autè Arist. in VII. Physicorum, alterationem solum esse inter qualitates sensibiles.

C A P. II. De augmentatione & diminutione propriè dictis.

*Tractatur  
ista et quæ  
sequuntur  
apud Arist.  
I. libro de  
generat.*

**A**ugmentatio larga significatione solet accipi, vt significet etiam eam quæ fit per appositionem solam alterius corporis, vel per subingressum intra partes alterius, etiam si id quod aduenit, non conuertatur in substantiam eius cui additur. Sic dicitur aqua augeri per terræ commixtionem, & lana per aëris intra partes ingressum. Aliquando autem magis propriè dicitur augmentatio, quando id quod apponitur est eiusdem speciei, vel sit eiusdem speciei cum eo cui apponitur. Vt multum vini, per modicæ aquæ appositionem, augetur: & ignis, adiectione lignorum: hæc tamen non sunt propriè augmentationes, de quibus hic loqui intendimus.

Nam secundum physicam considerationem nostro proposito conuenientem, propriè augmentatio & diminutio in solis viuientibus inuenitur, quæ alimento vtuntur: & quod sic augetur, secundum omnes partes suas similiter augetur: & quod minuitur, secundum omnes partes suas similiter minuitur. Quare homo præciso pede, non dicitur diminutus aut decreuisse hoc modo, sed potius mutilatus.

C A P. III. Quæ sit augmentationis causa, & eius in nutritione differentia.

**E**st autem anima vegetatiua in vegetantibus huius augmentationis vel diminutionis principium, vtens pro instrumento calore naturali: qui in principio tantæ est virtutis, vt possit non solû alimentum in substantiam vertere eius quod nutritur vel alitur: & intertenere in priori quantitate, sed etiam potens est, vt singulas partes vniiformiter augmentet,

maio rem quantitatem inducendo. Qui tãdem calor debilitatus, & quali lōgo labore fatigatus atque cōfractus, satagit intertenere priorem quantitatem ne decidat. Postremo & ipse decrefcens, nequit vltra substantiæ suam quantitatem intertenere: & tunc substantia decrefcit eius defectu. Nutritio tamen non desinit, & alimentum vertere in substantiam, donec (ob nimiam impuritatem & nimis diutinam cōmissionem cum materia adueniente) caloris huius virtus opprimitur, & naturæ virtus deficit, quando necesse est ipsam substantiam deficere. Omne siquidem viuens, quoad vivit, nutriri oportet: augeri non item neque minui. Et iuxta huius caloris atque virtutis nutritivæ qualitatem, res vel multū, vel diu, vel parū augetur, vel minuitur. Pater ergo ex prædictis, alimentum adueniente fieri augmentationem, sicut & nutritionem. Differentia tamē est inter augmentationem & nutritionem, quoniam nutritio est quædā partialis generatio, nempe cōversio nutrimenti in substantiam nutriti, atque mutatio secundum formā substantialem. Augmentatio autem est, solā maioris quantitatis acquisitio. Atque hoc ipsum voluit Aristoteles, cū diceret, ex eodem fieri generationem, nutritionem, & augmentationem Caro enim vt caro, nutritur: quatenus verò est quanta, auget. Substantia enim carnis, est nutritionis materia: sed quantitas, augmentationis. Quatenus verò materia, nutrimenti aduenientis formam priorem perdit, & formam substantialem secundum speciem nutriti nouam acquirit, partialis quædam est generatio.

CAP. IIII. *Quemadmodū fiat augmentatio atque diminutio.*

**V**Ana igitur patent eorum somnia, qui ex aliquo separato putant fieri augmentationem, aut ex incorporeo. Nam illud si indiuisibile fuerit & non quantum, non facit aliquid maius suo aduentu. Cum indiuisibile additum indiuisibili, siue etiam diuisibili, non faciat maius illud cui accedit. Neque etiam per solam extensionem aut rarefactionem fieri dicenda est. Alioqui nullus videtur vsus, aut vt minimū nulla necessitas, adhibendi alimentum: quod tamen in hoc indubiè sumitur, vt quod caloris actione deperditur, nutrimenti adhibitione restauretur. Fit igitur augmentatio (vt ante dictum est) ex alimento quanto adueniente: quod est quidem ante nutritionem, illi quod ex ipso nutritur, & augetur dissimile: sed vegetans anima caloris ministerio assummat illud



Iud sibi, vt fiat ex eo nutritio, & augmentatio. Sic enim fit nutritio & augmentatio ex cibo, actu quidem contrario, vt fiat actio: & potentia simili, vt fiat conuersio in nutriti substantiam. Contrariorum enim proprium est, ad inuicem agere & pati. Nec agit simile in sibi simile, Vnde fit, vt quod augetur, ex primum dissimili, & post modum assimilatio, augetur & nutriatur.

C A P. V. *Soluitur dubitatio, de modo augmentationis, atque diminutionis.*

**V**erum de ipso hoc augmentationis, ac diminutionis modo, dubitet forsitan aliquis, quoniam pacto fieri possit hæc augmentatio atque diminutio, vt non admittatur neque vacui positio neque dimensionum penetratio: quorum vtrunque est naturæ prorsus repugnans, & omnino impossibile. Nam si augmentatio (vt modo diximus) fiat per aduentum alicuius quanti, quod intra partes eius quod augetur suscipitur, in plene recipiatur, an in vacuo? Et si quidem in pleno dicatur recipi, quomodo non est ibi dimensionum penetratio? Si verò in vacuo dicas, admitti videtur positio vacui. Similiter & de diminutione quaestio formari potest, dum auferitur quantum de partibus eius quod minuitur: partes illæ decedentes, an plenum relinquunt, an vacuum? Si plenum, quomodo non ergo priusquam abscederent erat dimensionum penetratio? si verò vacuum relinquunt, quomodo non admittitur vacui positio? Huic verò dubitationi facile satis respondebimus, dicentes, alimentum adueniens in pleno suscipi: pleno utique, non per aliud cum quo simul penetratur susciperetur, sed pleno ipso alimento quod suscipitur. In diminutione autem, partes quæ resoluuntur, è pleno decedunt: ex pleno utique, non alio corpore, vt sic dimensionum prius fuisse dicamus penetrationem, sed ipso quod subtrahitur. Atque hoc pacto, neque vacui positionem neque dimensionum penetrationem requirit prædicto modo posita augmentatio vel diminutio. Est autem similis hæc quaestio qualis fieri solet de motu locali: quo dum corpus de loco in locum fertur, quaeri similiter potest, dum locum deferit, an plenum relinquunt, an vacuum: & dum in locum intrat, an in plenum, an in vacuum suscipiatur. Sed ex dictis facilis est solutio etiam huius quaestionis.

*Quaestio.*

*Solutio.*

*Et quemadmodum cum in locum corpus ingreditur partes*

*tes*

# DE GENER. ET CORRVPY.

res aëris suscipientis, ad ingressum corporis ab inuicem elō-  
gantur, & veluti scinduntur, rursūq̃ue egrediente corpore  
simul concluduntur, ne remaneat vacuum: ita in proposito,  
dum partes alimenti adueniunt, dicendum viderur, quòd par-  
tes corporis, cui aduenit alimentum, ab inuicem (licet imper-  
ceptibili modo) distenduntur, vt id quod aduenit intra se sus-  
cipiant. In diminutione autem dum resoluntur partes ali-  
quæ, ex quæ circumiacent, mox se concludunt, & velut cō-  
niscantur. Cuius rei veritatem probant, infantum iuuenum-  
q̃ue magis inflata, senum verò & decrepitorum contracta, &  
velut conuiscata corpora.

## CAP. VI. Quid sit dicendum augeri.

*Aristot.*

**I**llud autem dicitur augeri, quòd idem manet ante & post  
augmentationem: non id quod post augmentationem ha-  
berur. Cibus enim adueniens, vt quantus auget. Illud verò  
quod ante erat, & pòst manet, per adiectionem partium adue-  
nientium augetur, non hoc totum quod post augmentatio-  
nem factam habebitur, cū huic toti nulla facta sit quanti-  
tatis additio. Augetur enim, cui adijcitur maior quantitas.  
Cibus verò quantus, & partes cibi aduenientes corpori quòd  
augetur, dicuntur augere: sicut in alteratione subiectum cui  
aduenit qualitas, dicitur alterari, & qualitas ipsa subiecto ad-  
ueniens alterare: ipsum verò aggregatū ex subiecto & qua-  
litate, neque alterare dicitur, neque alterari.

## CAP. VII. Ponūtur proprietates augmentationis, & diminutionis.

**E**X prædictis verò colliguntur sequentes hæ propieta-  
tes, seu conditiones augmentationis.

*Conditio-  
nes augmē-  
tationis ex  
Aristot.*

Prima est, Quòd augetur, augetur adueniente aliquo  
corporeo. & quòd minuitur, minuitur aliquo subtra-  
cto corporeo. Secunda, Quòd augetur, manet idē an-  
te & post augmentationē. Tertia, Eius quòd auge-  
tur vel minuitur, qualibet pars augetur vel minuitur.  
Quarta, Augmentatio, & diminutio fiunt absq; posi-  
tione vacui. Quinta, Augmentatio, & diminutio fiunt  
absq; penetratione dimissionū. Sexta est, Augmentatio  
partim fit per additionē dissimilis, & per additionem  
similis.

In quarū proprietatū recta intelligētia, tota vis est augmē-  
tationis, & diminutionis collocata. Illud tamē aduertendum  
est, quod in tertia proprietate dicitur, id quòd augetur secū-  
dum

dū omnes suas partes augeri, intelligi debere non de omnibus partibus, etiam minimis, & imperceptibilibus, sed de partibus notabilis alicuius quantitatis. Quemadmodum dū infans totus augmentū sumit, videmus omnia mēbra perceptibilia, à capite ad ungues vsq., proportionabiliter augeri, nisi fortè in aliqua vsq̃a parte praua sit dispositio, particularem membri illius augmentationē impediens. Hac enim ratione fieri poterit, vt nō æqualis fiat partiū augmentatio. Vnde fieri nonnunquā videmus, vt manus habeant aliqui nō æqualis longitudinis, aut pedib⁹ inæqualibus claudicent (etiā qui à natiuitate æqualia crura acceperant) eò quòd in corporis augmentatione pars altera prauè disposita non potuerit cum membris cæteris iustam accipere augmentationem.

CAP. VIII. *De quatuor modis se tangentium.*

**Q**uoniam autem generatio & corruptio nō sunt sine actione, & passione: agens verò & patiens vt agant & patiantur se debent tangere, idcirco de his quoq; nobis erit dicendū. Tangentiū autem plures sunt modi. Vnus, eorū qui habent diuersas magnitudines, & diuersis locis sitas, quarū vltima simul sunt, sed nō agunt, neq; patiuntur, neutrum ab alio. Et secundū hūc modū tangunt se cælestia corpora, nec in se inuicē agentia, nec ab inuicem patientia. Verūm proposito modus iste non cōuenit: cū generationi atque corruptioni nihil cōducat. Alius modus est, eorū quæ habent diuersas magnitudines contiguas, & agit quidem alterū in alterū, sed non est actio mutua passi in agens. Atque hoc modo se tangūt, cælū Lunæ, & orbis ignis. Agit enim & influat cælū Lunæ in sphærā ignis: sed nō econtrariò, cū non sint cælestia corpora vllius impressionis ab his inferioribus susceptiua. Tertius modus est, eorū quæ habēt diuersas magnitudines contiguas, inter quæ etiā mutua est actio: vt ignis, & aēr. Estq; hic modus omniū propriissim⁹, & maxime Physicus, generationi quoq; corruptioni, & alterationi accommodatissimus. Quartus modus est, quando agens & passum vel non habent magnitudines, vel non cōiunctas seu contiguas, virtus tamen agentis in passum transit. Sic Sol agit & tangit virtuali contactu hæc infimā in quæ agit: & corpus tangit animam: & molestia seu tristitia dicitur tangere hūminem. Et hic modus sufficit ad actionem, tamen si rari⁹ sit in huiusmodi mutua actio. Quod igitur dici solet, Omne agens in agendo

Ex Arist.  
plures mo-  
di tangēdi.



in agendo repatur: non habet veritatem, nisi in his quæ ter-  
tio modo (contactus scilicet physico) mutua actione, & con-  
trarietate agunt & patiuntur adinuicem. Et est aduertendum  
quod illa quæ in materia communicant, adinuicem agunt &  
patiuntur, id est, quæ materiam habent similiter susceptiuam  
actionis, vel impressionis ab agente, hæc nata sunt ab inuicem  
pati. Quippe materia est passionis principium sicut forma  
actionis. Illa verò quæ materiam vel omnino non habent, vt  
spirituales substantiæ, vel non habent susceptiuam impres-  
sionum extrinsecarum, vt sunt cælestia corpora respectu in-  
feriorum, in his non inuenitur mutua actio & passio. Formæ  
enim cælestium corporum, vtpote perfectissimæ in agendo  
suam materiam in qua insunt sic perficiunt, solidissimisque  
qualitatibus stabiliunt, vt alienarum impressionum non sit  
villo pacto susceptiua, Alienarum dicimus, hoc est, inferio-  
rum. Nam verisimile est cælum supremum & immobile in-  
fluere in omnes inferiores cælorum orbes.

CAP. IX. *Quomodo agens aliquo modo simile debet esse  
passo, & aliquo modo dissimile.*

*Pulcrè hæc  
omittit Ari.*

**I**llud autem quod ad actionem est aduertendum, omni-  
no simile non posse agere in sibi omnino simile. Aqua e-  
nim calida, non potest agere aliquid in lapidem: penitus e-  
iusdem caloris: sed si sit minus calidus quam aqua calefiet  
adhuc ab ea: sin magis, tepesiet ab ea donec assimiletur cali-  
ditati eius. Rursum omnino dissimile non potest agere in  
omnino sibi dissimile, quemadmodum in cælestia hæc infe-  
riora propter omnimodam dissimilitudinem agere nequeunt.  
Idcirco homo in brutum, docendo non potest agere, quia  
brutum non est, nec in potentia simile homini, secundum dis-  
ciplinam atque scientiam. Ad agendum enim & patiendum  
hanc oportet inter agens & patiens esse similitudinem, vt ta-  
le sit potens in potentia, quale est agens in actu. Omne enim  
agens in agendo assimilat sibi passum, vt tale fiat ipsum pa-  
tiens, quale actu est ipsum quod agit. Idque vel formaliter,  
vel secundum virtutem. Sol enim calefaciendo non sibi cale-  
factum in caloris forma assimilat, quam non habet: sed assi-  
milat sibi calefactum, ipsi imprimendo id cuius virtutem ef-  
fectiuam in se habet. Quanquam enim Sol in se formaliter  
calorem non habeat, id est, accidentariam illam qualitatem  
quæ dicitur calor (cùm sit vna primarum qualitatum, quarum  
cæle-

cælestia nullo pacto sunt susceptibilia) est tamen calidus secundum virtutem, quatenus in se virtutem habet & efficaciam producendi in inferioribus calorem, quomodo etiam aromatica species multæ secundum virtutem tantum calide nominantur.

CAP. X. De quatuor elementis, & actione eorum ad invicem.

**R**estat nunc, ut de mutua actione elementorum specialius disseramus. Pro cuius intelligentia primum est advertendum, quædam esse corporalia simplicia, quædam vero ex simplicibus composita, de quibus dicetur posterius. Nunc autem de simplicibus primum dicendum.

*Sunt autem corpora simplicia, quæ non componuntur ex alijs prioribus, aut simplicioribus corporib' quantum habent materiam, & formam, partes ipsa constituentes.*

*Corpora  
simplicia*

Horum sunt quædam ingenerabilia & corruptibilia, eò quod qualitatibus actiuarum non sunt susceptiva, ut cælestia corpora. Alia sunt generatione, & corruptione, & alteratione transmutabilia. Hæc sunt nimirum quatuor elementa, quæ cum ex nullis simplicioribus componantur, ex ipsis tamen componuntur omnia cætera, quæ in his inferioribus mundi partibus gignuntur, idque per mutuam actionem & passionem eorum adinvicem. Principium autem huius actionis & passionis est à quatuor qualitatibus tangibilibus, à quibus est omnis actio corporalis: quæ proinde qualitates primæ solent nominari.

*Quæ sunt calor, frigus, humiditas, & siccitas.*

Sunt autem aliæ tangibiles qualitates, quæ actiue non sunt: grossum subtile, durum molle, lubricum aridum: hæc enim sunt secundæ qualitates, tangibiles quidem, sed per se non actiue: quanquam ad actionem aut passionem possint esse bonæ dispositiones. Secundæ autem qualitates rectè hæc dicuntur: quia ad primas illas quatuor possunt reduci: ut subtile ad humidum, & grossum ad siccum. Idque propterea quod sicut humidum est bene repletivum, ita etiam subtile: & sicut siccum minus, ita & grossum. Similiter de lubrico & arido dici potest.

CAP. XI. De quatuor combinationibus primarum qualitarum, & distinctione elementorum.

Ex his

*Respondit  
ista libr. 2.  
Aristo. de  
generat.*

**E**X his igitur qualitatibus, omnis procedit actionis, omnisque generationis & corruptionis initium. Sunt enim ad inuicem contrariæ hæ qualitates, & continua pugna res in interitum cogunt atque deducunt, nouaque generari faciunt. Ex iuxta combinationes, quatuor innuuntur elementa. Caliditas siquidē & siccitas, igni: humiditas & calor, aëri: aqua, frigidum & humidum: terræ denique, siccum & frigidum conueniunt. Reliquas verò duas combinationes (scilicet calidum & frigidum, humidum & siccum) quoniam impossibile sunt ob contrarietatem, constat non constituere aliud prædictis elementum. Ex vna autem sola qualitate, non sumitur aliquod elementum. Vnumquodque enim elementum, duas habet qualitatū harū primarū & actiuarum, atque earundem alteram in excellentia, alteram in mediocritate temperatam. Quippe ignis, summe calidus est & temperate siccus: terra summe sicca & temperate frigida: aqua summe frigida & temperate humida: aër summe humidus & temperate calidus: quanquam id sensus non ita indicat, neque experitur. Propter enim influxus certos celestium corporum, & propter aptam habitationem animalium, sicut est aqua non suo naturali loco relictā in quo erat ab initio condita, ita & aër, non est in sua naturali dispositione relictus. Non enim conueniret in tanta humiditate hominis respirationi, propter quem claret facta esse & elementa, & mista omnia. Attamen præter rationem, etiā experientia fluxus aëris satis testatur, quod diximus de humiditatis in aëre præcellentia (quantum ad naturam eius attinet) verum esse & indubitatum: quoniam multo se facilius aër diffundit & spargit, quam aqua, & magis replet: quæ duo humiditati potterius appropriari dicemus. Relinquitur ergo, non nisi quatuor esse elementa,

CAP. XII. De elementis symbolizantibus, & non symbolizantibus

**I**Nter hæc elementa, quædam ad inuicem communicant in altera qualitatū: ut ignis, & aër in calore quem habet ignis summe, & aër moderate: ignis & terra, in sicco: aër & aqua, in humido: aqua & terra, in frigido. Et hæc elementa vocantur Græca appellatione symbolizantia, id est, communicantia, seu ad inuicem conuenientia. Quædam secundum utranque qualitatū contrariantur: ut ignis & aqua, aër & terra. Igni enim calor, & siccitas: aqua frigidum, & humidum conueniunt. Iterum aëri, calidum & humidum: terræ, frigi-



frigidum & siccum appropriata sunt. hæc sunt quæ non symbolizant, id est, in nulla qualitate communicant siue conueniunt. De his autem quæ symbolizant, dicit Aristoteles, faciliorem esse transitum ab vno in alterum, quàm in non symbolizantibus. Vt facilius est ex igne aërem fieri, quàm aquâ. Solo enim humido superante fit aër. Cita etiam & facilis est generatio aquæ ex aëre, cum solo frigido superante calidum gignatur aqua. In altera enim qualitate erat conuenientia. At verò vt ex igne fiat aqua, oportet & calidum vinci à frigido, & siccum ab humido. In vtraque enim qualitate est contrarietas.

CAP. XIII. *De proportionem qualitatum primarum & elementorum adinuicem.*

EX his quatuor qualitatibus sunt duæ maximè actiue & caliditas, atque frigiditas propter quod ignis & aqua (in quibus hæc qualitates dominantur) elementa sunt præ cæteris magis actiua. In virtute autem resistendi, minus etiam cæteris (siccitate dico & humiditate) valent. Vnde aër & terra, maiorem habent resistendi virtutem, quàm ignis & aqua. Quomodo enim hæc in agendo atque pugnando præcellunt, sic illa in resistendo. Et est profecto admirabilis hæc harmonia, à naturæ conditore Deo ordinatissimè disposita, vt quæ magis sunt actiua, minus resistent, citiusque patiantur quæ verò minus agunt, magis resistent, neque ita facile patiantur. Alioqui subito oporteret totum vniuersum ab ignis sphaera absorberi, si sic inferiora haberet cætera elementa in resistendo, quemadmodum in agendo ea superat & excellit. Sed & illud operæ precium fuerit in hac elementorum differentia considerare, quod superius semper excedit quantitate, proximum sibi inferius elementum proportionem decupla; ita vt infimi elementi à supremo secundum magnitudinem distantia sit, secundum proportionem millecuplâ. Ignis enim sphaera, quæ sub Lunæ concauo à Philosophis ponitur immediata, millies maior est globo terræ. Nam ex vno pugillo terræ, decem sunt pugilli aquæ, ex vno verò pugillo aquæ, decem aëris: ex vno autem pugillo aëris, decem ignis. Ex vno ergo terræ pugillo, constat per multiplicationem Arithmeticam, fieri mille pugillos ignis, centum aëris, decem aquæ: ita tamen non plus materiæ habeat tantus ignis sub milletupla quantitate, quàm tantilla terra sub simpla quantitate;

DE GENER. ET CORRVPT.

Horum simplicium corporum seu elementorum cōditiones ponit sex Aristot. Prima est,

*Vnūquodq; elementū inuenitur nō simplex sed mistū, & licet sit quale simplex, non tamen est illi idem.*

Cuius causa ex prius dictis patet, non enim hominis naturę elementum omnino simplex conuenit, cui omnia tamē sunt creata

Secunda est,

*Ignis est summe calidus, ut glacies summe frigida, atq; ob id ex hisce sic sumptus nil generari potest.*

Ratio est, quia generatio multi non fit, nisi contrarijs qualitibus primis ad concordiam quandam & contemperamentum redactis.

Tertia est,

*Duorum elementorum locus est sursum, & duorum deorsum.*

Aër enim & ignis sursum sunt, aqua verò & terra deorsum.

Quarta.

*Duo elementa extrema, sunt simpliciora medijs elementis.*

Quinta est.

*Vri ignis iuxta vtranque qualitatem aqua aduersatur, ita & aër terre.*

Istud qualitatum primarum cōbinatione patet, Sequitur sexta,

*Elementorum vnumquodq; habet tantum vnā primam qualitatem in summo, & alteram citra summam.*

Ignis in summo habet calorem, & citra summum siccitatem: aër humiditatem in summo, & citra caliditatem: aqua frigiditatem in summo, & humiditatem minus: terra siccitatem excellenter, frigus verò inuicem excellenter.

CAP. XIII. De mistis corporibus & mitione.

**E**X his quatuor simplicibus elementis, diuersae confurgunt rerum species, iuxta varias horum simplicium elementorum ad inuicem commistiones. Quicquidenim inter corpora, non est vel cælum, vel elementum, est ex elementis mistum. De mitione igitur & his quae miscentur, id est, mistilibus & quae per mitionem generantur (quae mista vocari solent) erit dicendum, si plena debeat haberi generationum cognitio.

*Mistio itaque est, mistibilium alteratorum & contemperatorum unio.*

Quando enim elementa quae mistibilia dicimus) alterata & contemperata, ad mediocritatem & certam proportionem

tionē mutua actione & passione redacta concurrunt simul ad vnius alicuius corporis compositionem, mistio fieri dicitur, propriè accepto vocabulo. Non ignoramus tamen aliquando vocabulū mitionis impropriè accipi, vt dicantur commisceri aliqua, quorum tamen vtrumque suam speciem seruat, vt aer commiscetur terræ, vel lanæ, vel aqua panis, quādo intra partes eius subintrat per poros. Aliquanto etiam magis propriè dicitur aqua vino misceri, quando aqua infunditur vino, & vertitur vinum in aquæ speciem. Neque tamen hæc propriè mistio est dicenda. Siquidem in mitione, necesse est mistibilia esse æqualis virtutis, vt redigantur ad contemperamentum medium, nec debet vnum mistibilem penitus dominari. Si enim in hominis mitione totaliter ignis dominaretur, iam oporteret alia elementa in ignem verti. Agens enim habens dominium supra passum, sibi ipsum assimilatur: sicque nihil aliud quàm esset totus homo. Ad hæc oportet in mitione, quamlibet partem ipsius misti esse mistam: quemadmodum in augmentatione diximus, quamlibet partem eius quod augetur debere augeri. Ex quibus satis est manifestum, non esse propriè dictam mitionem, cum aqua vino sic miscetur, vt in eius speciem atque naturam transeat: cum hinc mistibilia neque simplicia sint, neque virtutis æqualis, neque oporteat partem quamlibet vini commisti cum aqua mistam esse, sed partes tantum vicinas, quibus infunditur.

*Hæc de mitione tradit Arist. 2. libr. de gener.*

CAP. XV. *Quomodo in corporibus mistis remaneant vel non remaneant simplicia & qualitates eorum.*

Grandis verò est inter Philosophos atque Medicos super hæc re altercatio, num in mistis corporibus elementa secundum suas formas permaneant, an alio aliquo modo: quibusdam dicentibus, ea formaliter manere, sed tamen per formam totius cohiberi, ne separaretur vnumquodque in suum locum. Qui sibi experiētiam assumunt, ex eo quod admoto igne ad ligna, quædam ligni pars redditur igni, quædam aëri: egreditur etiam humor quidam atque aqueus vapor, licet ob ignis voracitatem id non semper percipiatur: terræ quoque cineres relinquuntur. Vnde secundū faciē apparet, coniuncta ibi & colligata fuisse (non secundum virtutē solam, sed etiam secundum formā) elementa. A tione vero mutuam dicunt impediri à forma totius cōpositi, & quo-



niam ad mediocritatem sunt redacta. Atque ex hac radice posuerunt Empedocles & Anaxagoras, omnia esse in omnibus, & per congregationem & segregationem omnia generari atque corrumpi. Hinc quoque illorum manarunt sententiæ, qui principia rerum litem & amicitiam assignarunt: de quibus non est nunc dicendum per singula. Illi enim abierunt viam vniuersæ carnis, & nos euestigio eos subsequimur. Si eos

*Pium iudi-* quiete Deus optimus dignatus est sempiterna ( *cum de ve-* quis enim nouit consilia eius, aut quis conspexit in libro signato iudiciorum Phycia eorum præter agnum qui occisus est?) Si, inquam, pij ( *losophorum* ) mus Deus, eorum iussit vel corpora, vel mētes quiescere, nos *sententijs.* illos non impugnemus, nec sit nobis gloria cum eorum vmbis digladiari. Quod enim ad sententias antiquorum istorum attinet, verisimile est, obscurioribus verbis eos, non nulla indicare subinde voluisse, quæ si à nobis rectè intelligerentur forsitā non penitus nobis viderentur improbanda, quæ tamē nunc prima facie, dum non intelliguntur, velut absurda ridentur, ac velut Philosophis indigna abijciuntur. Nos verò quæ veritati consentanea nouimus, & sacratissimæ nostræ fidei non dissona, absq; illorum vel inuidia vel iniuria, diligenter commemoremus. Ergo (vt illuc reuertamur vnde digressi sumus) qui sic ponunt elementa in mistis remanere,

*Sap. 8.*

etiam in suis formis, omnia violenta faciunt: ignis enim violententer in loco humanorum corporum detinetur. At verò Deus naturæ, dulcis opifex est: & sicut attingens à fine usque ad finem fortiter, ita cuncta disponēs suauiter. Alij proinde melius posuerunt: non quidem formas elementorum, sed tantum eorum qualitates in mistis remanere, ad inuicem temperatas: dicentes, ob contemperationem qualitatum mutua actione & passione factam non extinguī subito corpora. Vbi tamen aliquam eorum contigerit deficere, vel excedere extra debitam proportionem, necessariò iā re corrumpi. Id quod experientia testatur superexcrecente in homine siue calore, vt in pest. feris & febricitantibus: frigido, vt in senibus: humido, vt in hydropicis: sicco, vt in pthysicis. In quibus omnibus fieri oportebit morbos varios atque etiam corruptionem nisi statim per formam substantialem prospiciatur, vt restituantur in suam proportionem naturalem qualitates illæ actiue. Ponit autem hæc sententia, etiam contrarias qualitates in eodem subiecto, & secundum eandem partem subie-

cti, sed

At, sed temperatas, adinuicem. Quæ sanè opinio non est penitus improbanda, imò doctorum Orthodoxorum sententijs satis videtur consentanea. Dicit enim beatus Gregorius, quatuor elementis, tanquam quatuor baiulis, hominem deportari ad sepulcrum. Alij ponunt, neque formas, neque qualitates elementorum in mistis remanere, sed tantùm vnâ qualitatem, quæ ex illarum proportionem, & ad inuicem contemperatione efficitur, per virtutem seminis, vel alterius quomodolibet agentis & generantis, cum concursu caussarum superiorum. Quemadmodum verò qui prioris sententiæ sunt, certam illam qualitatum primarum proportionem, vocant complexionem, vel compositionem: ita posterior hæc sententia, qualitatem istam vnicam ex contemperatione qualitatum effectam, complexionem vocat. Et quidem inter duas has opiniones atque sententias non tanta est distantia, quanta prima facie videtur. Hanc enim vnâ qualitatem ( utcumque se res habeat ) constat, virtute illam qualitarum complexionem & proportionem, vel temperatam compositionem in se continere. Quapropter superfluum fuerit, hac de re sollicitius aut pertinacius digladiari. Similis ferè quæstio est qualis de aqua tepida feruidè solet moueri, & ardentè disputari, cum sit alioqui frigidior quàm ut pro ea feruentius debeat contendendi. His ergo supersedentes, ad alia transeamus,

CAP. XVI. An ad cuiuslibet misti generationem, quatuor debeant elementa conuenire.

**V**erisimile est, ad cuiuslibet misti compositionem quodlibet elementum concurrere, & quamlibet dictarum quatuor qualitatum aliquo modo in quolibet eorum inueniri. Neque hoc solum secundum diuersas mistorum partes est accipiendum, sed etiam secundum singulas partes. Nam mistum secundum omnes sui partes tale oportet esse. Quamquam enim in diuersis partibus diuersa percipiuntur dominari elementa: ut in cholera ignis dominatur, in phlegmate aqua, in sanguine aer, in melancholia terra: non est tamen arbitrandum, solum illud elementum in vnoquoque membro reperiri, quod in eo dominatur. Inuenitur enim in cholera aliquid aeris, aquæ, & terræ: in melancholia, aliquid ignis, aeris & aquæ ita in cæteris proportionabiliter dicendum. Et vniuersaliter, quamuis in quolibet misto corpore sint omnia elementa & omnes dicta ratione qualitates actiue, sem-

Ad quodlibet mistum.   
 rum 4. concurrunt elementa.

## DE GENER. ET CORRUPT.

per tamē eorū aliquod excellētiū dominatur. In quibusdā quidē ignis, vt in superiorib⁹ exhalationib⁹, & in flamma, & in hominibus cholericiis: quorum idcirco capilli sursum tendunt. In quibusdā aēr, vt in sanguineis, & volatilibus, quæ proinde aërem sibi vendicant. In piscibus autem & phlegmaticis, aqua: quare & aquis huiusmodi delectantur, & crines habent plerunque leniter demissos. In alijs terra, vt melancholicis, & leporibus, cæterisq̃ue terrestribus animalibus, quæ proinde terram natura quærunt, & qui sic sunt homines, terram plerunque despiciunt, ponderosos crines ad terram deiectos habentes. Plerunque etiam plura elementa in eodem sic videntur dominari, vt vix discerni possit vtrum vtri praualeat. Difficile enim fuerit vniuersaliter iudicare, quod eorum in quolibet dominetur.

CAP. XVII. *Monstratur exemplo, in mistis quodammodo esse quatuor elementa.*

**Q**uod si cui videatur non verum esse quod suprā diximus, in misto simul quatuor elementa concurrere, videat ille lignum in aquas iniectum: quod experientia docet, ac monstrat, non statim subsidere, etiam si magni sit ponderis, sed supernatare: quod indubie ab ignis atque aëris est leuitate, quæ virtualiter in ligno includitur, donec tandem cōtingat consumi aut deuinci temporis lapsu vim aëris atque ignis, per aquæ fortem actionem, quo factō subidere poterit lignum. Eadem quoque ratione ligna putrida, quæ igni & sunt & fiunt viciniora, & aëri propinquiora (quemadmodum ipsa frequentia & magnitudo pororum indicat) difficilius intra aquam seruantur aut immerguntur. Has autem porositates indicare ignis dominium & inualescentiam, probat Aethna mons igneus, qui locus pumices transmittit multa porositate plenos. Hac eadem de causa naturalem sibi locum oleum supra aquam accipit: quoniam oleum aërem magis dominantem habet. Aqua autem nostra, qua vtimur, multum etiam terræ habet admistum.

CAP. XVIII. *Quod elementa, quibus vtimur, plura elementa non sunt.*

*Arist. sentētia libr. 2. de gener.*

**N**on est autem existimandum hanc terram quam inhabitamus, quæque herbas & fructus generat ac nutrit, purum terræ elementum esse: sed neque hic aēr in quo viuimus & respiramus, purum est elementum, sed potius ventus est



est quidam, & commistus atque impurus aër: neque aquam omnino elementarem, aut ignem habemus, terreum tamen aliquid, aqueum, aëreum, igneum habemus. Terram, aquam, aërem, ignē verè non habemus. Siquidem ignis, aër, aqua & terra, quæ nobis in vsu sunt, verius elementaria corpora, quàm elementa dixerimus. Monstrat hoc ratio, tamen si abhorreat sensus. Elementa enim in sua dispositione naturali, nullam harum passionum in sensu efficerent, quas hæc elementaria efficiunt. Aqua enim si in sua esset puritate, sapida non esset. Neque aër ille vt suprà ostendimus, esset respirationi aptus. Neque terra, nutrire quippiam, aut aqua potare posset. Nos enim mista corpora simplicibus nutrire nō possumus. Cuius etiā signum dant agricolæ, qui irrigantes hortos, terram aquæ miscent, & simum rem vtique (vt sic loquar) mistissimum, terræ iniiciunt, vt plantæ nutriantur, & multo melius inebriat & fecundat terram aqua pluuialis, vt pote magis impura, quàm fontalis, quæ aliquanto est purior. Ipsi quoque coqui & qui lautitias parant cupediarii, sine nobis testimonio, qui ex diuersissimis commistionibus, & maxime à natura abhorrentibus, sapidissimas conficiunt lautitias. Preterea terra purum elementum, est grauissimum omnium etiā mistorum. Hæc autem terra nostra quam inhabitamus, multo est plumbo aut vino argento leuior, & ignea ista flamma que pinguedine olei, aut ceræ, aut picis sustentari habet, aut lignorum atque similium subministratio-  
ne, multo aëre circumstante est crassior atque densior, viscoso aut crasso fumo commista. Elementaribus ergo corporibus non elementis vtimur. Idque consultissimè sic disposuit prouidissimus humanarum rerum gubernator. Nihil enim profuisset creaturas valde bonas creare (plantas, animalia, cæteraque corpora mista loquor) si non simul & vbi, & quomodo, & à quibus conseruari possent, eadem prouidentia disposuisset. Mira ergo dispensatione, in elongationibus elementorum partibus pura reliquit elementa, vbi nullus est mistorum locus, vt pote circa centrum terræ, & in supremo spheræ ignis, sicuti attestatur Aristoteles naturæ philosophus. At verò superficies & exteriores elementarū globorum partes, sic voluit esse commistas, vt mistis locum præberent commodum, pro sua cuique natura, & vegerantibus vbi pascerentur sua fecunditate nō de esset. A quo enim

Gene. 1

Psa. 103.

cōdita sunt omnia bona, & bona valde, ab eodem expectant  
vt escam sumant oportuno tempore. Quare & post com-  
pletum cælorum cursum, vbi cessauerint in mundo vivere  
& pasci, tam homines, quàm cætera viuentia, nouissimo ter-  
minato examine, igne cunctis consummatis millionibus,  
omnia suo loco & statu elementa reducturus creditur om-  
nipotens & optimus Deus, ita demum cum suis beatissimis  
exercitibus regnaturus in æternum & vltra. Inter quos spe-  
ramus & nos modo pauperes aliquando computari, quando  
plenæ erunt laudibus fauces nostræ, quæ nunc vndèquaque  
mendicatis canticis miserè torpent, etiam dum maxime, vt  
videntur, laudant.

CAP. XIX. *Monentur circa predicta aliquot quæstio-  
nes, & primum, an possibile sit aliquid simpliciter gene-  
rari aut corrumpi.*

*Quæstio  
primæ.*

**A**D eorum autem, quæ hætenus à nobis dicta sunt, ma-  
iorem declarationem, quæstiones aliquot circa prædi-  
cta proponuntur, ex quarum solutionibus, plenior haberi po-  
terit quorundam antedictorum cognitio, & intelligentia fa-  
ciliior. Sit ergo hæc prima quæstio, An fieri potest vt ali-  
quid simpliciter generetur, aut simpliciter corrumpatur.  
Nam si aliquid simpliciter generaretur, deberet ex non ente  
simpliciter generari, cum generatio sit à non esse ad esse  
progressio. Ex non ente verò simpliciter, siue ex nihilo ni-  
hil potest fieri aut generari, quemadmodum habet princi-  
pium physicum. Similiter quoque de corruptione potest ratio  
fieri, quoniam si corrumperetur aliquid simpliciter debe-  
ret in nonens simpliciter corrumpi siue in nihilum, cum  
corruptio sit processio ab esse ad non esse. Hoc autem, nem-  
pe in nihilum corrumpi, æquè videtur Physicis absurdum,  
atque ex nihilo aliquid generari, eò quòd æquè sit creatu-  
ræ virtus impotens, ad creandū, atque ad annihilandum. Vi-  
detur ergo iuxta hanc ratiocinationem, nihil simpliciter ge-  
nerari aut corrumpi posse, secundum naturam. Pro huius au-  
tem quæstionis expeditione sciendum est, quibusdam anti-  
quorum philosophorum tam validam & efficacē visam fuisse  
suprapositam ratiocinationem, vt ea permoti assèruerint  
nihil simpliciter generari aut corrumpi, sed omnia alterati-  
onibus solis posuerint variari: quas alterationes vocabant  
generationes secundum quid, propterea quod accidentia &

*Solutio ad  
quæstionē  
ex senten-  
tia Arist. I  
de gene.*

qua-

qualitates secundum quæ sunt hæc alterationes, non simpliciter formæ, sed formæ secundum quid (id est, formæ accidentariæ) nominetur, & potius entia secundum quid quam entia simpliciter: eo quod ipsa non per se substantiam habeant, sed per ipsa, tantum ea quæ subsistunt talia, aut talia de nominantur. Admittebant ergo multa pæsim generari & corrumpi secundum quid: verum simpliciter aliquid generari aut corrumpi negabant. Hæc autem antiquorum sententia certam habet fallitatem, & omnino fateri oportet multa quotidie simpliciter generari, atque simpliciter corrumpi. Est enim generatio simpliciter dicta, formæ substantialis in materia acquisitio, quemadmodum corruptio, formæ alicuius substantialis ex materia est deperditio: generatio verò secundum quid, & corruptio secundum quid, formæ accidentalis in subiecto sunt acquisitio & deperditio. Vnde cum res naturales non solum secundum acquisitionem, & deperditionem mutantur formarum accidentalium, verum etiam substantialium manifestum est non solum generationem & corruptionem secundum quid, verum etiam simpliciter, esse secundum naturam possibilem. Imò vniuersaliter, quodcumque forma aliqua substantialis in materia qualibet, de nouo acquiritur, compositum illud ex materia informata & forma informante simpliciter dicitur generari: & è contrario, quotiescunque forma substantialis ex materia aliqua deperditur siue expellitur, compositum ipsum simpliciter dicitur corrumpi. Quemadmodum (exempli gratia) simpliciter generatur ignis, & corrumpitur lignum, cum forma substantialis ligni per virtutem applicati ignis ex materia expellitur atque deperditur, & forma substantialis ignis in eandem introducitur. Quam in re differentia tamen notanda est, inter generationem simpliciter & alterationem, quæ etiam genera secundum quid numerari potest. In alteratione siquidem alterari dicitur ipsum subiectum, quod de qualitate transit in qualitatem, non ipsum totum ex subiecto & forma aggregatum: in generatione autem & corruptione, non ita generari aut corrumpi dicitur, subiectum generationis, aut corruptionis, quod est ipsa materia per formam informata, sed totum ipsum compositum, quod ex forma & materia informata constituitur. Quemadmodum non ipsa hominis materia, quæ antè & post manet eadem, generari dicitur aut corrumpi, sed totus ipse



## DE GENER. ET CORRVP.

*Solutio ob  
iectiōis,*

homo ex anima constans & corpore, generari simpliciter, aut corrumpi simpliciter dicitur, cum sua forma in materia, acquiritur, aut ex ea pellitur. Ad obiectionem verò suprà positam facile satis adhibetur responsio, si illud prius replica-uerimus, quòd in tractatu primo tetigimus, de conditione atque natura materiæ, quemadmodum ipsa non ens simpliciter dici debeat ac nuncupari. Quia enim materia per se ad omnem formam indifferens, omnino simplex, nullam habet in se formam ex qua componatur, quæ uero ipsam faciat esse in actu, sitque ex se nihil nisi mera potentia: hinc fit, ut ex se non nisi ens in potentia possit nuncupari, non autem ens in actu, quod solum est ens simpliciter. Ens enim in potentia, non est nisi ens secundum quid. Quod autem in actu est per formam aliquam substantialem, quæ pars est sui, ad simpliciter ens dici meretur ac debet. Cum ergo ita proponit obiectio, si generaretur aliquid simpliciter, generaretur ex non ente simpliciter, admittenda est illata hæc conclusio. Non enim est inconueniens, ex non ente simpliciter aliquid fieri seu generari. Ex materia siquidem fiunt ac generantur res naturales omnes, quæ non est ens simpliciter, sed tantum potentia. Quod autem philosophicum dicit principium, ex non ente nihil fieri aut generari: intelligendum est non de simpliciter non ente, sed de omnino non ente, id est, quod neque actu est, neque potentia: quemadmodum in primo libro tradidimus manifestius.

### • C A P. XX. Quæstio secunda.

*Sunt hæc a-  
pud Arist.  
lib. 2. de ge-  
ne. c. 4.  
lib. Meteor-  
orum.*

**C**um calidi & frigidi, humidi & sicci sint officia contraria: quânam ratione dicta sunt hæc pariter in mixtione debere concurrere? Ut clarius dissoluatur quæstio præmoneri oportet quæ sint harum qualitatum propriæ differentiæ, quæ uero propria sint diuersa earum officia. Ad calidum enim spectat, separare partes heterogenias, id est, dissimiles & diuersorum generum abinuicem. Ex virtute enim ignis est, quòd in homine ossa à carne, caro à neruis, cor ab hepate, & cæteræ partes diuersarum rationum abinuicem separantur id quod & in ligni adustione euadit manifestum, ubi cinis, vapor, fumus, & flamma, abinuicem caloris virtute separantur. Idem patet quando igne purgantur metalla & separantur partes diuersorum metallorū quæ erant commistæ. Sunt enim rerum duplices partes, quædam sunt eiusdem rationis,

vel

vel speciei, vel dispositionis: quemadmodum (exēpli gratia) partes diuersæ carnis, partes ossis, partes neruorum, partes aquæ, omnes sunt eiusdem rationis. Hæ partes homogeniæ (id est, eiusdem rationis, speciei, vel generis) Græco vocabulo solent nuncupari. Aliæ sunt quæ sunt diuersarū rationū vel dispositionum, vt caro & os. Item cortex & medulla in plantis, folia & radices. Et hæ partes heterogeniæ, id est, diuersarū rationū, specierum, aut diuersorū generū nominantur. Nihil tamē nunc specialius perquiremus, an in carne sit aliqua forma substantialis alia à forma ossis, præter rationalem animam an fortè sola differant diuersa dispositione, secundum accidentarias qualitates. Est ergo (vti iam ostendimus) calidi officium, heterogenia in misto abinuicem separare, homogenias autem partes simul coniungere. Vtrunque enim facere calidum, probat experientia in igne metallica purgante. Frigidi autem est etiam partes heterogenias adinuicem conglutinare, & conseruare: vt ossa cum neruis & carne, & eandem vicissim cum ossibus & neruis inuicem compaginare: quemadmodum ad oculum videmus in frigore, multa pariter in glacie conglutinari. Humidum verò benè est terminabile vel formabile, secundum omnem formam quam conuenit rei habere, & agens vult imprimere, facileque suscipit impressionem ab agente, & est benè terminabile termino alieno. Nam propter fluxum (cuius caussa est humidum) contentum facile se accommodat lateribus continentis: sed malè terminatur termino proprio, propter fluxum consequentem. Cæterum, fluiditati huic medetur siccum quod termino alieno ægrè se accommodat nec nisi violenter compactum lateribus continentis se patitur aptari propterea quòd fluxum ignoret. Suo tamen proprio termino siccum est benè terminabile, tenens atque custodiens figuram, & superficiem suam. Harum autem rerum experientiæ docent nos figuli, qui volentes materiam luti pro suo libito tractare, & figuras quaslibet inducere, vñ ac molle faciunt lutum, & humidū asciscunt. Volentes verò iā inductū terminum & figuram seruire pulso humido, igue exiccant vel soli exponunt: vt quod humidi beneficio facile est impressum, sicci beneficio stabiliter seruetur. Quibus præmonitis, dicimus ad questionem, agens vel generans, egere calido, ad distribuendū singulis partibus sibi conuenientiæ, id est,

*Solutio questionis.*

## DE GENER. ET CORRVP.

est, ad segregandum heterogenia, ne commisceantur in homine os & caro, caro & nerui: in arbore cortex & medulla folium & fructus, atque ita in cæteris: frigido, vt homo genia continentur, & heterogenia conglutinentur: Humido, vt figura & quantitas, & superficies conuenientes inducatur, secundum exigentiam, mixti quod generatur: Sicco, bene seruetur res in sua figura & termino. Ex harum autem commistione qualitatum, quas primas vocant Physici, secundum certam proportionem, & iuxta diuersarum qualitatum diuersam dominationem procedunt qualitates alie prius enumeratæ, etiam tangibiles, & omnes alie sensibiles: vt sunt, color, & lux horum inferiorum (lux enim cælorum, non est ex primis qualitatibus) sapore omnes, odores, atque soni. Non enim daret sonum percussus aer purus.

### CAP. XXI. *Quæstio tertia.*

**S**i oportet semper vno corrupto aliud generari, & vno generato aliud corrumpi. Solutio. Materia nequit esse nuda omni forma, quemadmodum primo libro ostendimus. Atque hac de causa, non potest agens vllum hoc efficere, vt forma vna de materia auferatur atque pellatur, nisi adducat aliam quam in materiam imprimat: neque aliter materie natura fieri patitur. Rursum, quia plures forme vltimæ non possunt simul inesse eidem materie, oportet etiam vt agens nouam formam substantialem adducens aliam pellat priorem, sicque ex consequenti compositum prius & substantiam priorem corrumpat. Atque hinc fit, vt semper ad vnius generationem committetur alterius corruptio: & ecôtrario, corruptionem vnius, alterius generatio. Constat tamẽ non esse ob hoc necessarium, vt quoties homo quispiam nascitur, alius intereat eiusdem speciei, id est, alius homo. Satis est, aliam aliquam substantiam perijisse, cuius scilicet materiam nunc habet genitus homo: sicut genito igne, oportet non alium ignem corrumpi, sed aliam tantum substantiam ex qua generatur. Cũ enim materie sit finita, & nõ possit quicquã materie creari virtute nature: nõ est existimandum, crescentibus arboribus, & in altum expansis brachijs, hanc omnem materiam similiter gigni vel creari, sed oportet eandem materiam aliundè sumi. Nisi enim eadem materia sic per varias transiret formas, oporteret esse infinitam materiam: cum in infinitum pergant generationes.

*Generatio  
vnius alteri  
us est corrup-  
tio. Arist.  
I. de gene-  
rat.*



CAP. XXII. *Quæstio quarta.*

**V**Nde procedat generationum & corruptionum diuersitas, vt hæc magis hoc tempore aut producantur aut intereant. Solutio. Si cæli omnes immobiles starent, vt post iudicium futurum credimus, nulla haberetur generatio, nulla corruptio. seruarentur tanquam res in suo esse, & instabilitate sua permanerent quod sunt. Motus igitur cælorum, sunt causa generationis, & corruptionis, in his inferioribus. Et quidem motus primi cæli mobilis, qui semper in viginti quatuor horis absoluitur, causa videtur sufficiens eius transmutationis, quæ fit secundum diem & noctem. Cæterum eius transmutationis quæ fit secundum diuersas anni partes, iam producendo, iam corrumpendo, causa est motus proprius solis ab Occidente in Orientem, per circulum sodiacum, quem motum complet vnus anni spatio. Eius enim aduentu omnia germinant, & senes inuenescunt eius autem discussu labuntur, & occidunt & veterascunt omnia. Vnde cum tempus aduentus & tempus discessus sit æquale, vtriusque secundum sex signa: sequitur, etiam tempora generationis, & corruptionis æqualia esse.

*Aristot. 2.  
lib. de gens  
rat.*

CAP. XXIII. *Quæstio quinta.*

**V**Nde est quod quædam sic facile generantur, & quod est inter quædam tam facilis transitus, aut tam facilis transmutatio: vt nubis in pluuiam, & pluuiæ iterum in nubem. In alijs verò est difficilis nimis, & longa generatio, & corruptio, & inter alia difficillima transmutatio. Solutio. Quædam sunt corpora imperfectiora, modicâ dispositione, vel proportionem qualitatum sufficientem sibi reputantia, quæ facile generantur: vt vapor ex aqua facile generatur, quoniam nihil requirit sibi præter modicam impressam leuitatem. In alijs verò, vt perfectioribus, oportet multo tempore perficias quas rerum subsistentia requirit perfectiua qualitates, & naturales vires, dispositionesque necessarias, ac natiuas complexionones: quæ cum frequenter multæ sint, ac variæ, neque ita facile aut ita mox effectibiles, consequitur, longiorem temporis tractum ad talium generationem requiri. Id quod Baptista Mantuanus inter poetas Crisitianos facile princeps, pulchrè admodum testatus est his versibus, Omne quod excellens opus, & sublime futurum est, Difficiles ortus habet, incrementaque tarda. Inter quæ au-

*Baptista  
Mantuanus  
de beata  
virgine in  
lib. 1. arti-*

tem non multa est distantia, & quorum dispositiones necessariz non multum differunt alterius ab altero, vt inter pluuiam & imbrem, aquam atque vaporem, in his faciliore quoque oportet esse transitum.

CAP. XXIII. *Quaestio sexta.*

**S**i idem possit semel corruptū reuerti. Solutio. Eadē secundū speciem (etiam si totaliter species deleatur, vt esse in verminibus putredine natis videtur) quotidie redire conspiciamus sed numero idem, natura potens nō est reducere, sed rāsum secundū speciē, vt testatur & Aristoteles. Forma enim semel expulsa, si corruptibilis sit, penitus corrumpitur & iā quasi annihilata reuocari non potest. Si verò sit incorruptibilis, cuiusmodi est sola anima rationalis, hāc certē naturā vt creare non potuit, neque dare, neque de potentia materiae educere: ita nec poterit post expulsionē siue emigrationē reducere. Quis enim reducat, aut reuocet spiritus corporis defunctos officijs, qui iam olim emigrātes ē suis tabernaculis vias abierunt occultas, loca quē incolūt nobis prorsus incognita, vbi cūque domino vltimū id fuerit? Quis Rex sic potens, quis ita sapiens Philosophus? Quis ita fuit eximius naturæ perspectōr aut descriptōr, qui potuerit vel charorū suorū, vel suam etiā ipsius animam reuocare, semel Dei nutu de suo tabernaculo eductā: Cuius, quæso, vel peritissimī medici ad hoc deuenire potuit experientia? Non est qui hoc faciat, nō est qui valeat, nō est (inquā) vlque ad vnū. Imō verò vnū nouimus, Christū Iesum, Dei patris vnigenitū filiū qui viā vitæ, & reditū est mortuis primus ipse inuenit, eāque (vt in Psalmo scribitur) nobis manifestauit in se credentib⁹ vt quemadmodum ipse posita anima, cū placuisset reassumpsit eandē, inque corpus reduxit: sic & nostræ aliquando animæ post longam emigrationem in sua redeant corpora; cū eo pariter in æternitate plenitudine cælestis gaudijs frui-turæ. Verum non secundū naturam est hęc virtus, neque sub eius limitibus hęc potestas stringitur: sed naturam omnem excedit & superat secundū virtutē diuinitatis inhabitantis in eo, quæ illi cū Patre & Spiritu sancto est cōmunis, in perpetuis æternitatibus. Cui soli sit psalmus perpetuus, laus, & iubilatio sempiterna ab omni creatura angelica, & humana, nunc, in eternum, & vltā. Amen.

Finit liber quintus.

PSALMVS CONFSSIONIS IESV 73

Principi pacis pro assumptis in carne miserijs  
ad dignam gratiarum actionem.

**D**ic impassibile cælum, tu quid es? narrate elementa quid sitis, aequa vestra substantia.

Vos verò homines commissa atque mendicatum congregata corpora generationem vestram explicare nobis.

Quid sitis, unde decisi, ex quibus compacti: in qua tandem putatis reuertimini?

Memento domine Deus, quòd de limo terra fecisti nos: & compegiisti in nobis quaternas inimicitias irreconciliabiles.

Has tu princeps pacis, miro connectis fœdere: donec terminatis inducys prorumpant in exitum, donec dissoluantur quæ tu continebas.

Hæc omnium nostrum æqua fors: hæc nostra miserranda conditio, omnes nos quasi aquam dilabi, & in terram volentes nolentes defluere.

Ab elementaribus pendere nos corporibus: quos tu angelicis penè coæquasti spiritibus.

Quid verò nos ipsos flemus eiulantes? nōne tuam magis sortē, Iesu bone, commiserari ac deplorare nos oportuit?

Verbum patris patri coæternum de terra non eras, neque de terra sumebas tibi cibum, ut viueres.

Neque fontium aquis potabaris, in aëre non respirabas, ignis visus desiebas, nec tu, neque pater æternus.

Propter me verò accessisti ad me: quod ego sum, tu factus es verbum caro:

Verbum dico coagustatum, & abbreviatum nimis, similem in te elementarem litem suscipiens mecum.

Et mortis legem voluntariè in te ipsam suscepisti, ex ea in nihilum vii computresceres, si non à dextris tibi adstisset saluator, omnipotens genitor tuus.

Iudæorum fera crudelitas accessit ad miseriam pauperis: non sunt passi suam periodum decurrere atque peragere vitam corporis tui.

In medio robore ac flore corporis tui, Iesu piissime, iniqui innaserunt animam tuam, tollere eam tibi.

In lignum subiectum, viribus defectum, animam expirare fecerunt se, o vita beatissima.

Et de ligno dispositum, communi tradiderunt omnium matri: tantam mortuum à corde, visceribus terre.



Tu vero vnicus inter mortuos liber: non potuisti quia voluisti videre corruptionem.

Nec putrefactum est tabernaculum anima tua, à fortitudine diuinitatis tuæ, quæ inhabitare non desinebat in eo.

Euge & letare quicumque diligis dominum: quoniam mortuus à morte surrexit.

Occisus est agnus, & reuixit proiectus in terram, & surrexit.

Pro corruptibili seminato in terra corporis grano, immortale recuperauit atque glorificatum.

O felix commutatio dextera excelsi: pro mortali deposito glorificatum recipit agnus Dei.

Quare tacemus, ò homines quæ ad nos hinc portio deducta est immortalitatis nostræ: vitam æternam quam reparauit & repromisit nobis.

Ibitis, ibitis corpora, ibitis dicimus in mortem: & computrescietis ab elementari inimicitia, quæ compacta est, & habitat in vobis.

Sed nunquid obliuiscetur misereri Deum? aut relinquetur in stercore vita nostra?

Suscitans suscitabis nos domine, in momento, in istius oculi, in nouissima tuba.

Et surgemus incorrupti, & nos immutabimur: quoscumque hoc munere donaueris.

Et fiet nobis à te, ò largissime princeps, beata retributio, felix commutatio, cum sederis in solio gloriæ tuæ, quæ est sempiterna.

Benedictio, claritas, & sapientia, & gratiarum actio, honor, virtus, & fortitudo Deo nostro in secula.

Et qui occisus est agnus, dignus est his omnibus: quoniam resurgens à morte vitam inuenit, à progenie in progeniem omnibus querentibus eum in humilitate.

Gloria patri, & filio, & spiritui sancto.

FINIT PSALMVS.

# IN LIBRVM VI. DE MI- STORVM IMPERFE- CTORVM GENE- RATIONIBVS, PRAEFATIO.



Vidit Psalmista, cum in spiritu psalleret Deo *Psalm. 48,*  
ex omni creatura, mirum in rebus ordinē:  
quod essent quaedam ingenerabilia prorsus  
& incorruptibilia certas leges sibi descri-  
ptas inuolabiliter obseruantia, quas non  
prætergrediantur in secula seculorum: ex  
quibus sunt nimirum caelestes spiritus, at-  
que virtutes, sol, luna, stellæ, atque cælorum orbes. Sub qui-  
bus prospexit quædam nullam habentia determinatam legē  
suae generationis, sed verbo Dei stare tantum: vt dum ille ius-  
serit, & quando iusserit gignantur & corrumpantur. Si enim  
dixerit altissimus, statim ignis de cælo, aut pluuia, aut gran-  
do, aut ros, aut pruina, aut tonitru descendet: &  
cū placuerit illi, statim cessabunt. Nullam enim habent le-  
gem determinatam, vt perpetuò existerē debeant. Sunt sub  
his viuētia omnia, quæ licet secundum indiuidua non ha-  
beant determinatam subsistentiam: constat tamen eā secun-  
dum speciei generationem perpetuam habere stabilitatem.  
Quæ ob hoc mista perfectiora dicuntur, eò quod habent  
generationem & subsistentiam magis determinatam priori-  
bus, quæ faciliè subito aut gignantur, aut totaliter pereunt;  
atque ob hoc mista imperfectiora nuncupantur, de quibus  
modo præsentem instituiamus tractatum.

CAP. I. De tribus aëris regionibus, earumq; dispositionibus  
diuersis.

Quoniam autem imperfectiora illa mista corpora in aë-  
ris regione penè omnia videntur generari, idcirco de  
ipsius aëris dispositione atque diuisione primum dicendū.  
Aër itaque vniuersus, in tres regiones, seu partes diuersimo-  
dè qualificatas distinguitur: nempe supremam, infimam, &  
mediam regionem. Prima & suprema quoniam igni est pro-  
xima & contigua, circulariter cum iplo igne, ad motum pri-  
mi mobilis, & aliorum cælorum rapitur. Estque perpetuò  
*Istas tres  
aëris regio-  
nes distin-  
git Arist.  
1. lib. Me-  
teoror.*

calida tum propter vicinitatem cum igne, tum propter hūc violentum raptum & motum, qui per se ad calorem facientum est sufficiens. In hac autem parte nubes haudquaquam generari possunt, neque reperiri, neque conseruari, tum ob nimiam ipsius à terra & mari (vnde nubium eleuari debet materia) distantiam, & nimiam altitudinem, ad quam nubes nequeunt pertingere, detentæ & remoratae in media regione aëris tum propter calorem & motum circulem, qui impedit nubium congregationem. Leuantur tamen ad eam exhalationes calidae & siccae, quæ ob caloris & leuitatis copiam, facilius quàm nubes densiores, aut vapores earum materia possunt ascendere, & minus detineri: quæ exhalationes, in aëris hac summa regione varias faciunt apparentias, vt statim dicetur distinctius. Infima autem regio terræ vicina, ob reflexionem radiorum Solis à terra reuerberatorum, vehementius incalescit: tum etiam propter vapores & exhalationes (quæ calidae sunt naturæ) à terra & aqua eleuata. Tertia aëris regio, ea est portio, quæ inter summam & infimam interiacet media. Hanc vehementer constat frigidam esse, ex ijs effectibus quos in ea percipimus generari. Ad eam enim non pertingit illa dicta radiorum solarium reflexio. Neque eius ad ignem tanta est vicinitas, neque circulari ipsa rapitur motu. Quæ in senectipla existēs frigida, quia & à sphaera ignis distat, vt ab ipso calor ei non veniat, & reflexi a terra Solis radij ad ipsam vsque non pertingunt, sicq; inter duo calida velut media constituta, inter supremam dico & infimam regionem, suum hac ratione frigus vehementius intendens, valde infrigidatur, condensatur, inspissatur, ea actione quam naturales per antiperistatim vocant, id est, per contrarij circumpositionem.

CAP. II. *Quid actio per antiperistatim, & quomodo per talem actionem media aëris regio sit multum frigida.*

**Q**Uæ res vt cum sequētibus impressionibus clarius cōspiciatur, præmissum atque præcognitum oportuit, quæ sit huius actionis quam diximus, virtus atque natura.

Cum igitur contingit contrariū à suo contrario ita circūdari atque concludi, vt virtus actionis eius non possit foras exire, ob fortem cōtrarietatem vndequeque impredientem, tunc necesse est reflexam hanc virtutem in eo à quo emittitur receptam duplicari atque fortificari. Huius est experien-

tia,



ria, quoniam hyeme hominum interiora multò calent amplius, coquuntur facilius, & consumuntur ardentius, quam æstate media, quâdo ab interioribus egressus calor non reuerberatur à circumstante aëre. At hyeme, à vehementer frigido aëre circumstante reuerberatus duplicatur in intimis. Idipsum pater in lignis, & facibus, & candelis. Multò enim est horû flamma viuacior hyeme, quàm æstate. Eadem hæc ratio est, quare qui frigidiora loca habitant, ampliori cibo sint, & maiori egeant nutrimento, ijs qui in calidioribus, cum tamen calidiores ex cutis nigredine existimari possent. Sic (vt ad propositam rem reuertamur) cum media regio aëris frigida, includatur inter summam & infimam calidas regiones, ipsa se fortificat: & tunc magis, quâdo contraria sunt fortiora. Nam in æstatis medio, cum ista inferior pars aëris sit propter directam radiorû solarium reflexionem calidissima, media portio aëris e contrario efficitur frigidissima. Hyeme verò, quâdo non est multa contrarietas, minus est frigida. Hæ autem portiones aëris, non habent terminos omnino determinatos, sicut nec elementa. Nam per motum celestium corporum adductis coniunctionibus frigidis vel aqueis, elementum aquæ crescit, & aër minuitur. Adductis vero coniunctionibus quæ pro aëris faciunt generatione, vt calidis & humidis, minuitur aque sphaera, & crescit aëris portio. Hyeme enim, aquæ plus quàm æstate abundant, & æstate plus quàm hyeme crescit aëris terminus. Ita contingit, regionem mediam vno tempore esse maiorem, vt in hyeme, vere & autumnò, quàm æstate, quâdo directæ & fortissima solarium radiorum reflexio etiam illud ad infimam partem trahit, quod alijs anni partibus, cum non ita calor præualet, ad mediam pertinet. Hæc antiperistasis duobus potest modis fieri, quippe per partium contractionem & maiorem cōpactionem. Et per qualitatis actiuz à fortiori circumseptæ incrementum, reflexis speciebus.

CAP. III. De ijs quæ in suprema aëris regione generantur.

**P**ER influxus verò astrorum, & per calorem Solis eleuantur à terra, & ab aqueis locis (vt ex mari, fluminibus, paludibus) subriles & tenues quidam fumi, qui si multum subiles fuerint, vehementer calidi & sicci, dicuntur exhalationes. Si verò densiores, calidi temperate & humidi, vapores dicuntur. Exhalationes autem hæc cum sint leuiores, facile infimam

Aristot. 2.  
Meteor. de  
grandine.

Quid  
por & ex  
halatio.

& mediam regionem penetrantes, ad supremam perueniunt  
 ubi cum aëre circumacta in quo sunt, & hoc motu vehemē-  
 ter calefacta ac propter ignis vicinitatem inflammata iuxta  
 materiae diuersas dispositiones vel vniformiter vel diffor-  
 miter succentia, miras exhibent species, nunc draconum,  
 nunc caprarum, nunc lancearum, nunc candelarum, vel fa-  
 cum ardentium. Sunt enim plerunque exhalationes viscosae,  
 & facile propter siccitatem inflammabiles, quarum partes  
 saepe contingit secundum opacitatem vel densitatem diffor-  
 mem non simul succendi, aut simul etiam succensas non si-  
 militer ardere atque lucere, ut cum pars anterior, crassior &  
 densior non ita velociter succeditur, aut non ita plenè quàm  
 posterior quae est rarior. Atque iuxta hanc dissimilitudinē,  
 diuersas contingit rerum apparentias videri, quorum com-  
 plures Aristoteles primo Meteororum libro enumerat. Sa-  
 pe autem conspiciuntur tanquam volitantia sydera, quae nō  
 sunt aestimanda ē firmanētō proiecta ad nos cadere: sed sūt  
 haec, dum exhalatio inflammata sursum quarens moueri, à  
 nube deorsum pellitur, sicut cum pila reuerberatur, à corpo-  
 re cui obijcitur. In summa etiam regione contingit videri  
 hiatus absque inflammatione, quando non incenditur ex-  
 halatio, propter defectum viscositatis, & illuminata in parti-  
 bus extrinsecis propter earum raritatem, medio autem ob  
 sui opacitatem non illuminato, velut profunditatem inter-  
 mediam videre nos existimamus: quae si magna fuerit, vo-  
 rago: si non ita magna, hiatus nominatur. Sic autem vorago  
 nobis aut hiatus apparet, quomodo pictorum ars eadem vo-  
 lens effingere, circumiecto lucido colore atque aëreo per  
 circuitum, in medio colorem crassum atque obscurum in-  
 termiscet, ut sic vel puteus vel hiatus aliquis appareat, dum  
 in medio claritatis sese monstrat obscuritas atque huiusmo-  
 di impressiones phantasmata dicuntur: apparent enim quod  
 non sunt. Ex dictis igitur facile est harum descriptiones col-  
 ligere, quippe ut stipulae ardentes sint exhalatio (quam cali-  
 dam & siccam diximus) mota ad supremam aëris regionem,  
 & ibidem ignis vicinitate incensa, habens figuram stipula-  
 rum ardentium. Torris, est exhalatio ad aëris supremam re-  
gionem euecta, atque in sola longitudine, siue latitudine ar-  
dens. Capra saltas est exhalatio in suprema aëris regione in-  
cepta, paulatim & carptim ab vna parte, ad alterā flama discor-

Quid vo-  
rago.

Quid hia-  
tus.

Supra

per

rente, q̄ si exhalatio talis veluti scintillas quasdam spuat, scintillæ dicuntur. Stella errans est exhalatio in suprema aëris regione, secundū lōgitudinem & latitudinē multas habens partes exiguas, diffusas & incēsas, etiā quo ad crassitiem. Si lancea volans, eiusmodi est exhalatio lanceæ imaginem referens. Ignis perpendicularis exhalatio est perpendicularē figuram exhibens. Ignis farvus seu candela ardens, est exhalatio ad infimam aëris regionem eleuata, & ibi per antipéristasim incensa, quæ dum quærit ascendere sursum, à frigore mediæ regionis depellitur, & apparet quasi saltans, loca decliuiora quærens, vnde & ad aquas ducit sequentem.

## CAP. IIII. De generatione Cometæ.

**A**pparent autem interdum in stellarum modum cometæ. Est autem cometa non congregatio multarum stellarū, Aristot. 1. lib. Mete. neque de natura cælesti, neque quo ad corpus, neque quo ad caudā, sed tota est de natura elementari. Generatur autem hoc modo, cū enim virtute solis & aliorum astrorum eleuatur multa nimis materia, calida & sicca, grossa & pinguis, beneque inflammabilis, ab his terrestribus vsq; ad summam aëris regionem, vbi circumgyrata ad motum aëris inflammatur æqualiter, & aduenientibus continuò exhalationibus multum diuque nutritur, generatur cometa. Cuius materia si sit in medio grossior, & in circūstantibus partibus rarior, videtur tanquam crinitus, & vocatur stella comata. Si partes hæc longius deorsum proteendantur, dicitur caudata. Si verò partes subtiliores fuerint inferius demissæ, dicitur stella barbata. Fit autem cometa potissimum autūnali tempore, quoniam tunc & calor est materiam sufficiens eleuare, & calor temperies facile permittit absque dispositione materiam bene conglobari & conuiscari: quod in æstate non sic permittitur, quando etiam non sic facile grossa exhalatio (propter solis ardorem dissipantem, & mediæ regionis summam frigiditatem) valet ad summam regionem transcendere. Verò autem tempore, non est plerunque calor tantam materiā sufficiens eleuare. Hyeme verò & frigus & humidum repugnant. Et autem cometa signum commotionum, bellorum, litium, traditionum, hæc potissimum de causa, quia tempore generationis cometæ dominatur calor, qui corpora animosq; hominum ad huiusmodi accendit. Peculiariter verò principibus dicitur portendere mortem: quoniā aer qui tūc

Stella Errans

Lancea Volans.

Ignis farvus

Ignis perpendicularis

Aristot. 1. lib. Mete.

Cometa



crassior est & viscosior ex materia cometæ, principibus delicatis & tenerioribus solet facilius nocere, quam rudibus agricolis. Spirant præterea magna vi venti, ob ariditate nimiam: exhalationes siquidem minus viscosas, atque ideo non inflammabiles, in ventos abire docet Aristoteles. Vnde & narrat nocte apparente cometa, interdiu ingenti quantitate lapidem vento sublatum, cecidisse. Nicomacho quoque Athenis imperante, cometa apparente, magna ventorum vis circa Corinthum debacchata est. Generatur autem aliquando in septentrione, aliquando in austro, nonnunquam ab occasu æquinoctiali: mouetur autem ad motum Aquilonis exhalationem attrahentis, aut iuxta motum Supremæ regionis, ab oriente videlicet in occidentem. Seneca tamen asserit nonnunquam ferri ex septentrione in occidentem per meridiem, & ex septentrione in orientem. Quod & se vidisse asseuerat, cuius causam materiam assignat ipsam qua nutritur, ipsam siquidem flamma incendendo sequitur, ut est in stuppa videre.

## CAP. V. De galaxia, siue via lactea.

Poëtæ mentiuntur, currum Solis à Phaëthonte nouitio ductore malè deductum, combussisse aliquam partem cæli, quam hac de re albam asserbant. Sed ut cætera ferè Poëtarum omnia, etiam hoc commentū est, & fabula vana. Iuxta veritatem autem sentiendum est, aliquam esse partem cæli, in qua multorum astrorum lumen receptum, per refractionem facit albi coloris apparentiam, & hæc est galaxia, siue via lactea: quæ tamen non semper apparet propter nubi aëris interstitiū. Aristoteli tamen visum est, galaxiā videri propter receptionem luminis, in exhalatione calida & sicca & rara. Verūm nihil prohibet sic viam lacteā a nobis demonstrari. Cæterū galaxia, Græca vox est, à nomine gala, quod lac significat, vnde galaxia dicitur, quasi lactea via, id est, alba, cuius coloris est lac.

## CAP. VI. De ijs que in media &amp; infima aëris partibus generantur, pluuia, grandine, niue, pruina &amp; nebula.

Cum verò eleuatur à corporibus aqueis, per virtutem caloris solis & aliorum astrorum, vapor qui est calidus & humidus, tanti caloris, ut sufficiat moueri vsque ad mediam regionem aëris, vbi in nubem cōdensetur, ratione frigoris, quod ex sua natura condensat, hoc pacto variā sit imperfe-

ctorum

Quid circū  
lus lacteus.

Galaxia e-  
lementaria.

Qua sequi  
ructa.

Met. 2. lib.

Met. 2.

etorum mistorum generatio. Si enim nubes illa in aquam *pluvia* resoluat, incipiatque guttatim decidere, generatur pluvia: cuius guttæ si parvæ fuerint quantitatis, imber dicitur: si magnæ & rariores, labrocera. Si verò etiam mediocres, pluvia simpliciter vocabitur: tamen si hoc ipsum nomen secundum generalem acceptionem etiam imbri & labrocera nonnunquam accominodetur. Quod autem dictum est pluviā in media aëris regione ex nube generari, accipiendum est ut in plurimum, nonnunquam enim & infima sit (licet in suprema nonnunquam ob nimium æstum vaporem congelari prohibentem) docet enim experientia pluviā maximis guttis decedentem, non nisi ex infima regione descendere: nam quo ex altiori loco per aërem descendit, eo partes minutiores fiunt, ut in aqua, ex elevato aliquo loco effusa videre non fuerit admodum difficile. Pluvia rotunda est, quod ea figura ad resistendū apta est, aëri, per quem transit: Pluvia quoque salsa est nonnunquam, eoque vapores nonnunquam nimium terrestres leuantur, qui non concocti aquam salſam generant, aut veluti exustam, ut de ſalsedine maris dicitur.

Descendunt quoque tanq̃ cū pluvia, imò (iuxta Albertū) virtutis: nec mirum vsq; adeò hoc videri debet: cum huiusmodi terrestribus vaporibus sursum leuatis virtute adsint quatuor elemēta, ad cuiuslibet misti generationem requisita, & corpora caelestia agentia, cum primæ causſæ concursu ad hæc sufficientia. Primum pluviæ signum, sydus volans. Secundū, rubedo matutina. Tercium, querela ranarum. Quartū, actor morlus pulicum. Quintum, quando Sol solito citius manē apparet. Si verò nubes in media regione postquam fuerit versa in aquam congeletur à superueniente immodico frigore, & sic descendat, grandinem habemus: quæ tantæ nonnunquam quantitatis reperitur, ut lapides magni ponderis in ea inueniantur conclusi. Quos non est existimandum generari in media aëris regione, sed nimio calore cū vapore simul sursum tractos fuisse. Cuius rei argumentum videri potest, quod lapides eiusmodi in grandineis globis repositos, compertum sit plerunque ignem naturæ esse, & velut virtute ignem continentes: unde fit, ut propter inhabitantem ignem naturā, facilius sequatur solis per calorem trahentis impressionem. Grando rotunda est fere figura, quia est pluvia cōgelata, & aliquando ingentis magnitudinis: quod fit, quia illico

*Signa  
Pluie*

*Grando*

DE MIST. ET IMPERFECT.

pluuia congelatur, antequam in minutas guttas dispergatur. Ratio de pluuiâ dicta est, quod nonnunquam animalis speciem referat: causâ assignatur, dominium alicuius ascribi, tale animal producere nati: in vere & autumnô potissimum cadit. Non solet autem grando fieri hyemis tempore, quia tunc media aëris regio non est multum frigida: neque sursum ita frequenter media aestate, propter calorem nimium, qui tam crassum vaporem non facillè permittit sursum scandere. Videtur enim grando plus materiæ exigere, quàm pluuiâ, & frigus inultò magis. In vere autem & in autumnô solet frequentius accidere. Tunc enim & calor est sufficiens eleuandæ materiæ, & non immodicus, vt dissipet eam: est etiam humiditas copiosior maxime in autumnô, quo vapores generentur facilius & copiosius. Nihilominus tamen etiam aestate media contingit generari impetuôsâ grandinem, cum cōgigerit materiâ sufficientem sursum eleuatam esse. *Nix* verò fit, quâdo nubes antè cōgelatur q̃ in aquâ sit versâ: quare & nix cōpacta, difficilior dissoluitur a sole, q̃ glacies. At si eleuatur vapor modicus & subtilis, non habens sufficientem calorem, vt possit ad mediâ regionem tendere, tunc in infima regione per frigus nocturnum ros generatur, quando nubes vertitur in aquam: qui fit maxime verno tempore, quando minor est calor, & frigus nocturnû sufficiens ad cōuertendum modicum & subtilem vaporem in aquam. Si verò vapor subtilis prius congeletur, q̃ in aquâ vertitur, habemus pruinam. Fit autem pruina tempore duriori, flante Boreâ potissimum: Ros contrâ, flante Austro. Quod si iuxta terrâ pēdeat sterilis vapor, id est, nō satis humidus vt ex eo possit aqua generari, neq; satis calidus vt possit sursum eleuari, dicitur nebula vel caligo: quæ solis virtute dissipata præsignat serenitatem diei. Testimonium enim dat, quod non sufficiat pro reliquis impressionibus vapor eleuatus. Ros autem vt natura caloricus, rorilentes segetes collectas putrefacit, calor enim omnis externus putrefactiuus est. Ombus quoque letalem ventris fluxum generat, ob humorem multum viscosum, nec satis excoctum: vnde pastores nō prius oues educunt, q̃ sol suis radijs rorem summis graminibus herbisque hærentem, deuorauerit. Pruina plerunque sætet, ob terrestre admistum, & frigore impediēte, non consumptū: quare & aqua, ex pruina dissoluta, insaluberrima est, & maxime

noxia,

*Nix.*

*Ros.*

*Pruina.*

*Caligo.*

*Pruina.*



noxia. Pruina descendens serenitatis diei indicium est: sursum verò vecta, oppositi prænuncia est.

C A P. VII. De fontium & fluuiorum generatione.

**D**E fontibus autem & fluuijs non est credendum generari ipsos ex concauitatibus, in quibus aquæ collectæ per pluuiam hyemis tempore referuantur, vel fluentes fluuios facerent vel fontes. Sic enim non esset constans neque *Generatio fontium et fluuiorum* stabilis cursus fontium & fluuiorum, sed aliquando possent *ex Aristot.* deficere euacuato illo receptaculo. *senteitia.* Igitur hoc pacto intelligenda est eorum vera generatio. Aer enim qui in poris terræ includitur, sequē ipsum (cū maxime sit natura fluidus ac subtilis) terrę per poros immiscet, per ninnū frigus (quod in terra abundat) cōdensatur facillimē in aquæ guttulas, quę paulatim in vnum locum descendentes, fonti principii præbent aut flumini. Huius signum est, quia iuxta montes & ex montibus conspiciuntur egredi fontes & flumina: & sicut ex magnis montibus magna flumina, & quasi maria quædam, ita ex paruis montibus modici fontes egrediuntur, & modici velut riuli. *Fontes quæ non generantur in locis planis.* Non autem in locis planis videntur generari. Cuius est causa, quoniam cū sit mons à terra eleuatus, potest ex omni parte aer facillime ingredi: & insuper dubium non est montes habere poros & concauitates maiores, quāto sunt soli viciniore & magis expositi, quā terra in locis planis, intra quam non sic potest aer sese immittere neque immiscere. Quod si quis incredulus neget tantum aquæ posse congregari, vt tanti fluuij inde generentur, videat quemadmodum humiditatis tempore circiter domorum vitra, aer in aquę guttulas versus in vnum confluens, sæpē magnam aquam circum vitra fundat, ita vt etiam in terram defluat copiosius. Attendat rursum, quomodo hyemis tempore, ex vapore adhaerente vnguibus, ratione frigoris, generatur statim aqua. Attēdat nimiam fluxibilitatem aeris, & terrę frigus valde condensatum: & his omnibus consideratis, desinat esse incredulus, factus fidelis. Si quis obijciat, prius dictum est aërem decuplo aquam excedere, & ob id cauernas terræ & montium tantæ quantitatis aeris capaces non esse, *obicitur* illi respondetur, tantum aërem non contingeri simul, sed vno corrupto, alterum mox succedere necessario, ne vacui illi recessus maneant, quod natura maxime abhorret. Ad hæc in montibus multos cauos recessus esse. Magnificet igitur

hac in re diuinam magnificentiam, quæ sicut pro terræ fecunditate, pluias, imbres, grandines, niues, rorem donat atque pruina: ita de subius facit scaturire aquas nostris vñbus familiaribus aptas, vt his indeficienter recreati, non deficiamus coram eo (qui nos sic abundè semper consolatur) in vlla gratiarum actione.

CAP. VIII. De Maris *salsedine, eiuq; fluxu & refluxu.*

*Arist. in philosophia  
de 2. lib.  
dicitur.*

**M**aris *salsedo* generatur, ex permistione exhalationum *Madustarū*: quæ permistæ cum vaporibus, copiose in mare parentissimū incidentes ipsum faciunt amarum & salsum. Calidum enim adustum, humido permistum, facit saporem amarum: quod patet in lixiuo & vrina. Aquæ tamen pluuiæ, quæ ex mari euaporantur, non sunt amaræ: quoniam eleuantur vapores puriores, & alterantur per virtutem celestium.

Itē flumina, si quæ fluunt ex mari immediatè, per meatus terræ transeuntia, colantur vt perdant suam amaritudinem, & accipiunt dulcedinem depuratam. Huius etiam signum est, quod aquæ maris quæ in cereum vas vndeque concludum per poros ingrediuntur, dulces fiunt: quoniam illa terrestreitas crassior, foris manet. *Dicunt tamen quidā, mare ab initio amarum fuisse creatum:* quæ sententia priori penitus non repugnat: sed constat pariter, vt & secundum naturalem conditionem amaritudinem habeat suæ *salsedinis*,

& nihilominus idem efficiat amplius causa quàm diximus. *De fluxu autem, & refluxu maris* si causa requiratur, ex Luna eā oportet assignari, quæ dominatur humidis. Luna enim ascendente supra horizontem in quo est mare, ab Orientis puncto, vsque ad punctum meridiei, fluit mare. A puncto autem meridiei ad occasum declinante, refluit. Iterū ea ab Occidente ad angulum noctis pergente, fluit: ab angulo noctis, ad Orientem refluit. Quod autem fluxus nunquam eadem hora incipiat, sed quotidie paulò minus vna hora terius, Lunæ motui quo ab Occidente versus Orientem tendit, est adscribendum: inde enim est, quod serius quotidie exoritur: conficit siquidem proprio motu quotidie tredecim gradus cū vñdecim minutis: & gradus quindecim, horæ efficiunt.

Quod autē maria aliquando fortius fluant & refluant, quàm alio tempore, est ex vicinitate Lunæ ad maria. Quando enim Luna directè respicit mare, existens supra horizontem, multò fortius mouet, quàm quando existens sub ho-

rizonte, per reflexionem virtutis tantū operatur eundem effectum. Virtus siquidem tātum reflexa, est minor, & directā debilior. Eodem etiam modo, aliquando mare crescit, aliquando decrescit: nunc condensatur, nunc rarefit. In nouilunio siquidem, vtriusque & Solis, & Lunæ lumen impeditur, ne valeat aërem subtilem seruare: quare ingrossatus, in aquā magis tum vertitur, propter quod mare in nouilunio subitāntialiter crescit. In plenilunio etiam vtriusque lumen non prohibetur rarefacit aquas maris, & crescunt per rarefactionē, non per substantiam: quæ & homines in se facile, si aduertant, experiri poterunt.

CAP. IX. De ventis & eorum generationibus, atque diuersitatibus.

Venti generantur per Solis virtutē, euaporata à terra exhalatione calida & sicca, quæ quærens sursum alcendere, & à frigido obuiante repulsa, secundum diuersos occursum, & repulsus, diuersimodē circa terrā agitatur, & mouetur lateraliter. Qui etiam à regionibus ex quibus flatum conspiciuntur habere, nomina accipiunt, & naturarum suarum conditione diuersam. Ex regione namque Orientalis, flat vêtus Orientalis: qui est iuxta conditionem suæ regionis calidus & siccus, cōueniens cū cholera, æstate, iuuentute, & igne, in qualitatibus naturalibus. Regio Occidentalis cū suis ventis est humida, & frigida, cōueniens cum phlegmate, hyeme, temperate, & aqua. Regio Septentrionalis, quæ à septē stellis, quæ triones nominatæ sunt à Poëtis, hoc sumpsit vocabulū, habet ventos frigidos & siccos. Qua in re conuenit cū melancholia, autumno, ætate decrepita, & vltima senectute, atque cū terra. Ex parte meridionali, australes flant venti, calidi & humidi, similes sanguini, veri, aëri, & adolescentiæ. Vocātur autem hi quatuor venti principales, Subsolanus, Zephyrus, Boreas, & Ausler, qui & alios habent sibi collaterales hinc & inde: quos non laboramus nunc curiosius distinguere, vt & nautis sua relinquamus, quibus nos antecellant. Hos roget, quisquis ea volet cognoscere exactius, atque distinctius dignoscere. Gestantur autem venti ex sicca exhalatione, sicut pluuia ex humida euaporatione: & à Sole generantur: qui etiam eos dissipat maiore exortus ardore, resoluens in aërem atque disijciens. Nonnūquā autem cum vaporibus humidis commisti simul, & eis coniuncti, pluuiam faciunt.

Aristo. quæ sequuntur tractat. 4. lib. Meteor.

Genera  
ut.



## DE MIST. ET IMPERFECT.

In terrā quoque possunt resolui, sicut vapor in aquam: verū id & difficilior est, & rarius. Seneca quoque dicit ventū esse aërem motum: asserit & aëri quandā spirandi atque seipsum mouendi vim esse innatam, nimirum cū putandum non sit aërem p̄ræ cæteris elementis inertem ab ipso omniū conditore esse relictum.

### CAP. X. De terra motu.

**Q**uando autem contingit intra viscera terræ plurimas generari exhalationes in concauitatibus ipsius per virtutem Solis atque astrorum ex materia ipsius terræ & humiditatis terræ immensæ, si egredi nequeāt ob nimis cōpactā terram, & nimīā ventorū grossitiē, necesse est terræ fieri motū in aliqua parte. Quod si in latū fiat, tremor dicitur: vbi verō eleuatio sit collis in altū, dicitur pulsio. Et hoc terræmotu contingit ciuitates opprimi, & montes generari, & etiam subrui. Neg; est mirandum, tantum habere vim exhalationē inclusam intra terrā, quoniā videmus ex modicis spiritibus in hominibus exitū quærentibus, magnos subinde tremores fieri. Auditur autem aliquando sonus multo ante terræmotum, ex concussione exhalationis ad latera terræ genitus. Cæterum durationem habet iuxta exhalationis magnitudinē, & firmam solidamque terræ compactionem. Signa aliquot futurī terræ motus sunt. Primum, si mare nullo vento spirante subito intumescat. Secundum, si aues solo pavidæ infideant. Tertium, si aquæ in imo puteo turbulentæ sunt.

### CAP. XI. De tonitruo & fulmine.

**Q**uid fulmen & tonitruum.  
**F**It quandoque, vt pariter eleuetur vapor calidus, & humidus, atque exhalatio calida & sicca, pariterque ascendant in mediam aëris regionem: vbi quando contingit calidam & siccam exhalationem nube ex dicto vapore genita velut pelle circundari, propter antiperistasis contrariorum, vehementius exhalatio ipsa incalescit, & exitum hinc inde petēs, nubem concutit: quam cū à parte inferiori, quæ debilior est, frangit, egreditur fulmen, hoc est, exhalatio inflammata, vel ante egressum per nimiam caloris vim, vel in ipsa concussione (sicut ex concussione lapidum naturæ igneæ, exoriuntur scintillæ) quæ ad terras propulsa, propter suam subtilitatem, corpora rara & peruia absque nocumento citius pertransiens, in interiora solet magis densa, magisq; resistentia plerunque defluere, ipsa cōfringendo vel adurendo. Nā

intacta veste, hominem consumit, & carnibus illæsis sæpè os *Visus antea*  
 sa adurit, gladium quoq; frangit, vaginam nil lædens. Et li- *cepit audi-*  
 cet secundum tempus prius se nobis coruscatio per lumen *eum.*  
 manifestet, constat tamen prius tonitruum esse, & fulminis  
 coruscationem ex nubium concussione (quæ tonitruum di-  
 citur) generari. Idq; hac de causa, quoniam sicut intellectus  
 omnem sensum præuolat, ita visus cæteris sensibus spiritua-  
 lior anteuerit auditum. Cui rei argumēto sunt, qui ligna cõ-  
 dunt in syluis, quos videmus securim iam in altum eleuasse  
 ad denuò ferendum, priusquam ad aures nostras primi ist⁹  
 sonus deuenērit. Quemadmodum verò in terra, ex coniun- *Ant. 4. B*  
 ctione vaporis cum exhalatione generantur lapides, cetera- *bro Meta.*  
 que mineralia, ita contingit in superioribus quoq; , lapidem  
 generari ex inclusione diutina exhalationis, & eius coniun-  
 ctione cum nube, quæ est frigida & aquosa: qui cum fulmi-  
 ne deiectus, cuneus fulminis vocatur. Patet ergo quemadmo-  
 dum & ventorum & terræ motus, & tonitruū atque fulgura-  
 tionis eadē penè sit materia, ipsa videlicet exhalatio. Super  
 terram enim agitata, facit ventum: in terra, terræ motum: in  
 nube autem tonitruum. Aduersus fulmen remedia sunt, lo-  
 ca subterranea. non enim profundius quinque pedibus ter-  
 ram intrat. Secundum est, pellis vituli marini, ex quibus ob  
 id Imperatorum tentoria fieri solent. Tercium est, laurea co-  
 rona, nam laurus fulmine non læditur.

C A P. XII. De halonē, siue corona.

**P**ER refractionem autem luminis in nubibus aquosis, con-  
 tingit diuersas fieri apparentias. Cum enim nubes vni-  
 formis, & in omnibus partibus æquam raritatem, aut densi-  
 tatem habens directè sub Sole, Luna, aut astro inuenta fuerit  
 incidit in eam ab obiecto lucido astro luminosus radius, &  
 nubis occurso refringitur. Prohibetur enim directè vltē-  
 rius procedere, propter nubis vniuniformem densitatem: atque  
 ita per extremitates nubis vbique diffunditur. Et per hanc  
 refractionem apparet sub astro magnus circulus, lumine col-  
 lustratus, in modum lucidæ coronæ, qui halon dicitur. Fit  
 autem & sub Sole, & sub Luna, & sub Planetis alijs. Sæpius  
 tamē circa Lunam, quàm circa Solem. Nam Sol feruido suo  
 calore, materiam nubis disgregat, neque diu eam sub se con-  
 sistere permittit. Luna autem non tantam habet vim disper-  
 gendi materiam, quantam Sol. & ideo facilius potest appare-  
 re sub

*Halon sub  
 Sole, Luna  
 & astris.*

re sub ea halon. Eadem ratione & circa astra sæpius apparet, quàm circa solem. Verùm id fit, cùm nubes debilis est, & sterilis, ut nec ventum valeat nec pluuiam parere. In nubibus enim aquosis & spissioribus, non videretur astrum ita suum lumen posse spargere, propter virtutis debilitatem.

## CAP. XIII. De generatione Iridis.

*Iris tricol.*

**I**ris autem sic generatur, in nube aquosa, & ut in imbrem solvatur parata, è regione opposita Soli aut Lunæ retringitur radij luminosi Solis aut Lunæ, eiusque imaginem obscure, & imperfectè exprimunt, propter nimiam distantiam & interiectionem vaporum inter solem & nubem. Et inde apparet in ea nube arcualis figuræ iris, tribus distincta & adornata coloribus, videlicet puniceo, viridi & purpureo. Quæ colorum distinctio inde sumitur, quia radius luminosus quanto longius protenditur, tantò debiliior fit, & minus habet luminosæ claritatis, & magis ad obscuritatem atque nigredinem tendit: propter quod, radius fortior ille qui prius puniceum habebat colorem, debiliior factus conuertitur in viridem. Color enim viridis magis ad nigredinem tendit & obscuritatem, quàm puniceus. Ac rursus, idem radius factus debiliior, tandem conuertitur in purpureum, qui amplius quàm viridis ad obscuritatem accedit. Differunt autem Iris & halon: quia Iris fit ex opposito Solis aut sui astri: halon autem directè semper sub astro. Iris etiam propter nimiam distantiam à Sole apparet nigrior: halon autem, albior & fulgidior, propter breuiorem & fortiorem radij refractionem ratione vicinitatis ipsius ad astrum. Rursus non tantè durationis est halon sub Sole, quàm Iris ex opposito Solis. Quia enim ille Soli est propinquior, idcirco citius dissipatur & dissipatur ab eo. Hæc autem longius distat. Vnde non ita citò dispergitur, diutiusque valet consistere. Præterea halon semper integer circulus apparet, & verè est. Iris autem nunquam nobis apparet integer circulus aut portio maior semicirculo: sed vel semicirculus, una extremitate unam nostræ horisontis partem tangens, & altera oppositam: aut est portio minor semicirculo. Notandum autem quòd nonnunquam videre contingit simul duas Irides, aut interdum (licet rarissimè) etiam plures. Duæ autem Irides cùm simul apparent, eosdem quidem colores habent, sed situ diuerso, ita ut altera habeat puniceum, viridem & purpureum, altera autem contra-

*Quomodo  
simul plu-  
res Irides vi-  
deri contin-  
gunt.*



nio ordine, purpureum, viridem, & puniceum. Et illa quæ apparet debilior, imago est alterius fortioris. Quando autem tres apparere contingit, tertia usque adeo debilis est, ut nix videri queat. Nam tertia cum apparet, debet illa fieri ex refractione radiorum secundæ, qui valde sunt debilis virtutis. Et habet tertia debilissima semper colores similes primæ, & fortissimæ, puniceum scilicet, viridē & purpureum. Neque enim contingit plures duabus simul apparere aut fieri in colorum positione differentes, sed tertia semper primæ est similis.

Sed & hoc notandum est, quod quanto Sol supra nostrum horizontem magis eleuatur, tanto minor apparet iris. Atque ob hoc in meridie, Iris fit quàm minima. In ortu verò vel occasu, maxima quæ fieri potest, conspicitur. Eadem quoque ratione, in medio æstatis circa solstitiū æstiuale, quando prolixiores sunt dies, in meridie non potest omnino apparere. Post verò æquinoctium autumnale, quando sunt dies breuior, potest per omnes horas diei sese manifestare.

## CAP. XIII. De Parahelijs.

Cæterum Parahelij generantur ad hunc modum. Cum enim nubes bene densa & continua, regularis & uniformis, sita fuerit non sub Sole, neque ex opposito, sed ad latus eius propinqua, ut vertatur in pluuiam, nondum tamen versa, in illa Sol per suorum radiorum refractionem suā exprimit, formatque imaginem, sicut suam imaginem effingit Sol in ære polito & benè terso. Hæc autem imago Solis ad eius latus consistens, dicitur parahelius, à para, quod Græcis iuxta significat, & helios, quod Solem: ut dicatur parahelius, quasi iuxta Solem. Dictum est autem nubem illam debere esse densam, ut melius refractionem faciat continuam, ut integriorem solis suscipiat imaginem: regularem quoque & omnino ut magis uniformem, veriore & perfectiore exprimat imaginem propinquam etiam verti in pluuiam, ut commodius in ea repræsentetur solis imago, sicut in aqua pellucida, attamen nondum conuersam: quia si conuersa iam esset, partibus discontinuatis non esset apta solis imaginem suscipere neque exprimere.

## CAP. XV. Differentia parahelij ab halone &amp; Iride.

Differet autem parahelius ab halone, & Iride, primum quidem ex situ loci: quia neque sub Sole fit, ut halone neque ex opposito, ut Iris. Nam illic quidem Sol materiam  
sua

*Parahelius  
quid.*

sua virtute dispergeret, hic verò propter nimiam distantiam refractionis esset nimium debilis, quæ non sufficeret ad imaginem Solis effingendam. Sed medio modo ad latus constituitur paraheliis, ut Sol nubis materiam nimiam propinquitate dissolvere nequeat, & copiosius ad nubem radij pervenire possint, quæ sufficientem faciant refractionem, ad Solis imaginem efformandam. Quemadmodum autem ad latus Solis in nube eiusmodi, qualis supra descripta est, exprimit Sol suam imaginem, ita potest facere & Luna (quæquam cætera astra, ad perfectam talem imaginem & similitudinem omnimodam efformandam non videantur sufficientia) propter quod sub parahelio etiam imago lunæ comprehendi debet. Contingit autem non solum unum paraheliū, verum etiam plures simul apparere. Testatur enim Plinius, tres simul lunas Cn. Domitio & L. Annio consulibus, apparuisse. Non quod secundum veritatem tres lunæ fuerint, sed quia una vera & duæ imagines. Propter similitudinem enim commune habent nomen, quemadmodum homines imaginem ipsius, cuius imago est, nomine solemus designare, Et in tempore novitatis saluatoris nostri Dei, feruntur tres simul apparuisse soles, id est, sol unus verus cum duobus parahelijs: qui tandem in unum coeuntes & convenientes significabāt (ut recte credimus) sanctissimæ Trinitatis in unitate mysterium, quod iam per Christi ortum erat palam in toto orbe faciendum, quodque is qui mundo tum nascebatur sol iustitiæ, inhabitantem in se haberet plenitudinem totius divinitatis. Et quod cum Christo homine & pater & spiritus sanctus una essent substantia, & unus Deus, una lux, unum lumen increatum & æternum, quod est benedictum in secula. Amen.

Hæc sunt mirabilia magna admiranda atque stupenda, quæ solis & astrorum virtute atque efficientia siue in cælo sursum siue in terra introrsum, siue super terram deorsum fieri quotidie conspiciamus: quædam quidem frequentius, alia rarius, iuxta quod naturæ cursus expostulat, & iuxta quod auctor naturæ Deus voluerit atque mandaverit. Omnia enim hæc nempe ignis, grando, nix, glacies, spiritus turbis ac tempestatis, cæteraque quæ supra tractata fuere, faciunt verbum eius, eiusque iussa obedienter perficiunt ad laudem gloriæ eius, qui in sublimibus inhabitans, etiam infima possidet, regit ac moderatur, secundum beneplacitum voluntatis suæ, qui

qui in Trinitate perfectè vnus, & in vnitatem perfectè vnus  
vixit & regnat in secula seculorum. Amen.

FINIT LIBER SEXTVS.

PSALMVS ADMIRATIONIS  
mirabili Domino.

**M**ulta iam diximus, & explicasse videmur nobis plurima:  
qua erant occulta naturæ opera forsitan nonnulla patefecimus.

Terrores ignium qui in supernis apparent explanauimus: hiatus  
quoque, foveas, & puteorum voragine.

Pluuias, grandinem, niuem, rorem, pruinam, caliginem, hæc omnia  
descripsimus.

Fontium venas & fluviorum origines scrutati sumus, maris salsedinem:  
fluxum atque refluxum considerauimus.

Ventorum qui terram perfiant ortum distinximus: motus quoque  
& tremores in visceribus terræ.

Tonitruum & fulgurum quibus terrentur homines, exposuimus  
ortum: halonem & parahelium & irides signauimus in nubibus de-  
super.

Hæc omnia tractauimus, & explicasse nonnulla videbimur. tu enim  
Deus reuelasti nobis opera tua.

Veruntamen quæ adhuc occulta sunt nobis, plurima sunt: & parua  
nimis est portio eorum quæ nouimus, si conferatur ad ea quæ seruan-  
tur occultata à nobis.

Quæ cognoscimus sunt pauca nimium, & ea ipsa quæ fortè cognō-  
uimus, sunt heu nimium tenuiter à nobis cognita.

Nimium tenuis est & obscura scientia nostra, neque est vel vnum  
ex cunctis operibus altissimi; quod sit pro dignitate sua nobis co-  
gnitum.

Mitto cetera, fontem considero, qui scaturit de visceribus terræ, quæ  
per umbilicum suum resudando ebullit ipsa, iactu perpetuo.

Quis pro dignitate spectaculum istud vel modicum contemplari po-  
terit? quis expendere sufficiet ortum aquarum tantarum, & fluxum  
perpetuum?

Surge diluculo, accede ad fontem, qui est in planitie ista, persta tu-  
cta illum, neque abscedat vsque ad meridiem.

Et cum aduenerit meridies, non te auocet ventris cupiditas à con-  
sidera-



sideratione tua: persenera astant tuo spectaculo, usque in vesperam  
et noctem profundam.

Habe intentos semper oculos ad aquam, quae ebullit de ore ipsius,  
attende ad dulcem sonitum, quem aquarum supra petras casus conti-  
nuus immitit in aures tuas

Dic mihi ubi sic persistis, si vlla unquam hora defuit tibi specta-  
culum tuum: num vel breuissima morula defectum passus sis aqua e-  
bullientis?

Aquam quae deprompta erat, non videbas redire iterum in ventrem  
fontis, unde egressus fuerat, in riuulos atque fluuiolos derivari con-  
spiciebas per alveolos super faciem terrae.

Vniuersam aquam istam si tibi placuisset colligere, accepisses certè  
vasorum plurimum plenam amplitudinem, in non multo tempore.

Et quidem parum id forsitan, si diei tantum vnius spatio perdurares  
fluxus eiusmodi: nunc verò cursus est et impetus effluxionis perpetuus,  
et indeficiens in plurima secula.

Si collecta starent aquae quae effluxerunt è fonticulo isto minimo,  
ab initio ortus eius conspiceretur utique veluti flumen magnum  
aquarum copia inundantium.

Fontes enim hi, ecce steterunt in diebus patrum nostrorum ante se-  
cula plurima, antè annorum centenarios plurimos, ut scaturiebant, ita  
ebulliunt et hodie.

Vnde verò tantam tu dicis o spectator aquarum copiam? et ubi  
continebantur, priusquam exirent per os fonticuli?

Quod est penu in quo seruatur tanta multitudo aquarum, ut non  
deficiat fluxus ex eo in tanta tempora?

In montibus affirmabis principium earum: aërem assignabis mihi  
in materia?

Vnde verò virtus earum tanta in visceribus terrae, ut ista sic perpe-  
tua fiat et indeficiens aquarum generatio?

Dic mihi qui habes intelligentiam et scientiam, si alium habeas  
quam Deum auctorem horum mirabilium?

Magne, magne Deus, contemplor, et contemplari non sufficio: in  
consideratione mea hebescit acies cordis mei.

Si voluero plenam eloqui veritatem super ijs quae praecognitata  
sunt dicam tibi in confessione laudis, quoniam tu auctor es omnium  
simul horum mirabilium.

De tua fecunditate scaturiunt fontes aquarum, in te sunt vena  
fontium, qui vena es aquarum viuentium.

sed et cetera omnia quaecumque miratur homo, et non sufficit,  
abs 20

*abste vno procedunt: confiteor hoc tibi ad laudem & gloriam tuam.*

*Multa diximus, & pauca omnino sunt atque exilia: non enim pro dignitate explicare sufficimus maiestatem operum tuorum, quae sunt mirabilia.*

*Confitebor tibi Domine, & psallam donec fuero: magnus enim tu es, & nimis nimum laudabilis,*

*Gloria patri, & filio, & spiritui sancto.*

*Sicut erat in principio, & nunc & semper, & in secula seculorum.*  
*Amen.*

FINIT PSALMVS.

## IN LIBRVM VII. CON- DERATIONIS PHYSICAE, DE CAELO ET MVNDO,

PRAEFATIO.



Osteaquam in libris superioribus de Re-  
rum Naturalium principijs & causis, deq;  
motu & alijs quibuldam rerū naturalium  
accidentibus, nempe infinito ac finito, lo-  
co, vacuo, & tempore, de rerum quoque na-  
turalium generationibus & corruptioni-  
bus, deque meteorologicis impressiōi-  
bus determinauimus, restat vt de totius vniuersi dispositione  
& partiū situ, deq; caelestibus illis orbibus (quae sunt omnium  
corporum secundū corporis rationē nobilissima) specialius  
aliqua dicamus: de numero videlicet, ordine, dispositione,  
virtute, deq; motibus eorundem, & in hac inferiora influxi-  
bus. Peculiariter verò de duobus illis luminaribus quae Deus  
prae ceteris insigniter in temporum distinctionem & rerum  
vicissitudinē in caelis constituit, ad hominū utilitatē (Solem  
dico & Lunā) deq; horū peculiarib⁹ motib⁹, quomodo dies,  
annos atq; mense nobis distinguāt, generationes adducant  
atq; corruptiones, quomodo nobis plenilunia & nouilunia  
ab eis contingant. Vnde eclipses siue solares siue lunares,  
vnde solistitia atque æquinoctia, & inuolabilis iste proce-

dat temporum ordo. Vehementer enim ista sobrie cognita ad Dei gloriam profuerint contemplantibus, & ad ea quæ de generationibus & corruptionibus dicta sunt, non parû præstabant adiumenti. Primum itaque totius mundialis machinæ dispositionem & situm figuraliter describemus, ac deinde ad cælestium cõsiderationem transibimus: præmissis interim aliquot diuisionibus, & definitionibus, hisce atque horum cognitione nonnihil lucis adferentibus.

C A P. I. *Quadam diuisiones & definitiones sequentibus necessaria.*

**E**orum quæ natura sunt, alia sunt corpora magnitudinæ suæ, alia corpora ac magnitudinem habent, alia principia habentia sunt.

Quæ verba hunc habent sensum, eorum quæ in rerum natura existunt, quædam sunt quantitates corporeæ, aut lineæ, aut superficies: alia sunt corpora prædicamenti substantiæ, quæ in se uti accidentia habent huiusmodi quantitates: alia sunt principia substantiæ corporeæ, quippe materia & forma. Ad huius diuisionis notitiam subduntur definitiones continui, & specierum ipsius, quarum est hæc continui.

*Continuum est, quod indiuisibilia semper diuisibile est.*

Id est, quantitas continua permanens est quantitas, quæ potest secari in partes proportionales, ita ut nunquã sit peruenire ad partem in alias non diuisibilem, nec inconueniens est sic processum esse in infinitum, cum hoc solum potentia & non actu sit. De parte proportionali quid sit, prius est dictum. Dictum quoque est prius quantitatem continuam ex indiuisibilibus non componi, cuius oppositum sequeretur, si ad partem indiuisibilem deueniretur. Patet hinc excludi tempus & numerum, continuum autem cum in tres diuidatur species, rectè singularum definitiones subduntur, quarum est corporis hæc,

*Corpus est, quod est diuisibile omni ex parte.*

Id est, corporea quantitas, est quantitas longa, lata & profunda, seu quæ mensuratur longitudine, latitudine, & profunditate seu crassitie, quæ tres dimensiones sunt.

*Linea est magnitudo quæ ad unum est diuisibilis.*

Id est, linea est quantitas continua permanens, unica dimensione, scilicet longitudine, potens secari.

*Superficies est ea quæ ad duo est diuisibilis.*

Hoc est, superficies est, quantitas continua permanens, quæ



quæ duabus dimensionibus tantum ( scilicet longitudine & latitudine ) est diuisibilis. Hisce itaque definitis, commodum de motu locali corpori quanto attributo, nonnihil dicendū videtur, qui diuiditur sic.

*Motuum localem seu ( vt dicit Arist. ) lationum, alius est rectus alius curuus, alius ex hisce mixtus.*

Cuius membra, ex subiectis eorundem descriptionibus, euadent manifesta.

*Motus rectus est, quo sursum itur atque deorsum.*

Id est, motus elementorum naturalis, ad locum videlicet naturalem, rectus est, qui per lineam quæ diameter mundi est, fit, siue sursum, siue deorsum sit.

*Motus sursum dicitur, quo è medio pergitur.*

Id est motus rectus sursum dicitur, quo è cetro terræ tenditur per rectam lineam.

*Motus deorsum dicitur, quo ad medium proficiscitur.*

Id est, quo ad centrum terræ per rectam tenditur lineam.

*Motus circularis est, quæ circa medium fit.*

Hoc est, motus circularis est, qui fit circa centrum terræ secundum partes æqualiter distantes à centro. Atque horum motuum, soli rectus & circulares simplices dicuntur, eò quòd per lineam simplicem fiunt, videlicet rectam & circularem. Describitur autem linea simplex sic,

*Linea simplex est, quæ in omnibus suis partibus uniformis est, secundum rectitudinem aut curuitatem.*

Quales sunt linea recta, & circularis. Atqui hæc quæ de motu dicta sunt, ipsis simplicibus corporibus esse tantum applicanda ( iuxta Aristotelis sententiam ) non vsque quaque fuerit difficile aduertere, quibus præcipuè huiusmodi motus competunt. Colligitur tamen ex dictis admodum facile, quis motus rectus, quis curuus, quis sursum, quisue deorsum atque ita deinceps iuxta vulgi accipiendi modum.

*Motus mixtus est, qui fit secundum magnitudinem, partim rectam, & partim curuam.*

Vt motus, per arcum & neruum, sic motus venti obliquus, imò propemodum cuiuslibet mixti motus. Quoniam corporum quædam graua, quædā leuia, quædam neutra sunt, pretium operæ videtur, horum definitiones subijcere.

*Est igitur leue, id quod aptum est è medio ferri.*

Id est, quod è centro terræ, aptum est sursum moueri, vt

aëreignis.

*Graue est id quod aptum est ad medium ferri.*

Hoc est, quod ad centrum terræ tendit ex naturali motu & proprio, vt aqua & terra. Porro hic animaduertendum est, quædam simpliciter leuia esse, vt ignis: simpliciter leuia aut graua, vt terra: alia tantum respectu alterius, vt aqua si conferatur terræ, leuis est, & nō simpliciter: & aer collatus igni, grauis, non tamen simpliciter. Vnde &c.

*Leuissimum dicitur id quod super omnia collocatur, quæ sursum pergunt.*

Qualis est Solis ignis.

*Grauisimum est id quod sub his omnibus collocatur, quæ deorsum feruntur.*

Vt sola terra hinc infertur, cælestes orbes neque graues, neque leues esse, nō enim aut sursum aut deorsum ferri, apti sunt, sed solum circulariter, qui motus perfectissimus est, vt & ipsa circularis figura. Quod autem dicitur leuissimum poni super omnia, &c. intelligendum est inter elementa, ne celo ipsi competere putetur.

CAP. II. De totius vniuersi dispositione, & ordine omnium quæ sunt in eo.

**V**niuersitas mundi, atque mundus vniuersus, simplicibus constat atque mistis corporibus.

*Simplicia corpora sunt, quæ motus secundum naturam principium habent.*

Id est, quibus motus simplex secundum naturam propriam non ab alijs participatam competit. Huiusmodi sunt quatuor elementa.

*Composita sunt, quæ mouentur ad naturam simplicis dominantis.*

Qualia sunt omnia mista corpora. Simplicium sunt quædam quæ nullam suscipiunt primarum qualitatum, nec proinde

*Arist. 1. li. de secundarum, quæ ex primarum certa proportionem con-*  
*de celo. Idē surgunt. Hæc sunt cælestia corpora, quæ nec graua, nec*  
*8 lib. Phys. leuia sunt ( alioqui enim sursum mouerentur aut deor-*  
*et lib. 2. de sum ) sed naturaliter mouentur motu circulari, qui motus*  
*caelo.*

cum sit perfectissimus omnium, sicut & circulus est figura perfectissima, & maximè vniiformis, conuenit corpori perfectissimo sphericam figuram habenti. Alia sunt simplicia corpora, quæ qualitates primas sibi habent determinatas. ipsa sunt

sunt elementa quatuor, ignis, aër, aqua, terra. Inter quæ propter repugnantiam qualitatum actiuarum, cum sit pugna atque inimicitia perpetua, ob proportionem tamen actiuæ virtutis in superiori, & resistentiæ in inferioribus, haud dubiè ordinatissimâ, nullû horû cõtigit ab initio deficere. Horû ignis vt summè leuis, rarissim⁹ atque purissim⁹, sursum habitat, suam conuexâ superficiem habens simul cû cõcaua superficie orbis lunæ. Post ignem sequitur aër, tribus partibus siue regionibus (vt in præcedente libro fuit declaratum) distinctus. Aëri proxima est aqua, quæ in principio quidem creationis rerum sic terra ambiebat per circuitum, & respondebat iuxta suâ superficiem conuexâ superfici ei cõcauæ aëris, quomodo nunc ignis ambit aërem, & superficie ei cõcauæ cæli lunaris secundû suâ conuexam superficiem adæquatè responder. Verûm propter habitationem hominum, ex Genesi patet omnipotentis iussu aquâ congregatam esse in locû vnû, vt appareret arida, hoc est, terra, fieretque apta habitationi hominû, & fructificatione gignendorû ex ea. Mistâ verò corpora, in locis elementorû suâ habent mansionem. Vnûquodque iuxta suæ naturæ constitutionem, quædâ quidem in aëre, quædam in aqua, alia in terris. Possunt autem mista corpora vniuersa quinque gradibus summatim complecti. In primo gradu & infimo sunt mista imperfecta, id est, impressiones meteorologicæ, de quibus iâ in præcedenti libro determinauimus. In secundo gradu sunt lapides & mineralia quæ in terris gignuntur, & ob longiorem durationem merentur altiori gradu à prædictis reponi. Atq; hæc omnia sunt inanimata. Tertius gradus habet omnes plantas arbores, & herbas, & quæcunque vitam habent vegetatiuâ, id est, quæ nutriuntur, augentur, & generant sibi simile: Quartus, continet omnia animalia bruta. In quinto autem & perfectissimo gradu est species humana, ad quam vt sinem ordinantur ceteri omnes gradus inferiores. In cuius iudiciû sexto demû die omnibus dispositis & perfectis, nouissime Deus creauit hominem.

Genesi. I.

Quinque  
gradus  
mistorum  
corporum.

Genesi. I.

## CAP. III. De elemento ignis specialis determinatio.

Quoniam autem de elementis in libro quinto tractatum est, quantum ad rationem elementi & qualitates elementares pertinet, hoc tamen loco aliqua sunt specialiter dicenda, quæ alias ipsorû cõditiones respiciunt: vt puta de modo



existenti: de perfectione, de situ locali, & huiusmodi, quæ huic loco magis competunt. Et primum quidem de ignis elemento, quomodo & ubi existat, & quam ob causam non videatur, est dicendum. De hoc enim elemento quidā addubitant, nonnulli planè negant, sensui magis quam rationi credentes, ob hoc scilicet quòd oculis ipsum nò videant, credere rationi recusantes. Putant enim elementū tantū (nimirū decupla proportionē aëris sphaerā excedēs) nò posse penitus latere oculorum corporaliū aspectum, ita ut nec serenissimis noctibus videri possit, quando neque à nubiū obiectarū dēfinitate, neque à solis lumine, vllū videtur impedimētū. Verūm isti ex luce candelarum, carbonū & faciū, quæ apud nos sunt, seipsos paralogizāt atque decipiunt, Somniantes vel carbonarium, vel lignarium aliquem ignem esse debere eū quem elemētārē dicimus. Quā in re manifestatio crassissimè illos iudicare, nò attendētes maximā dissimilitudinē quæ inter ignē materialē (qui nobis in vsu est, ad illuminandas tenebras, aliaque necessaria peragenda) & illum elemētārem, qui ad totius vniuersi decorem, cælo proximus, locū quartum possidet. Ignis enim quo vtimur, non ignis est (ut in libro de generatione & corruptione diximus) sed igneum aliquid. Non enim corpus simplex est, sed mistum: longissimeque abest ab illa raritate quæ igni competit elemētari. Est enim ignis iste nostri vsus admodū compactus, spissus, & planè opacus in se ipso, minimeque trāsparens. Quod vel ex hoc facile patere potest, quoniam candela candelæ apposita vmbra facit, quod certè non faceret, si ignis candelæ corpus perspicuum esset siue transparent. Docet item experientia, quòd directè trans ipsum ignem nostri vsus, nihil videre possumus, quèdque visum impediāt, ne suū percipiat obiectū. At verò ignis elementaris, in sua natura & in sua sphaera decuplo rarior est, quàm sit aër etiam purus & nullo vento commistus. Est si vllū elementū purum est (Aristotele teste) creditur esse ignis: utpote cælo proximū, ubi difficilius est fieri vllam commistionem. Vnde si aër decuplo densior, non potest terminare visum nostrū, sed est transparent & perspicuus, quanto magis non poterit terminare visum ignis decuplo rarior, sed erit transparentior & magis perspicu⁹ aëre in proportionē decupla? Quòd autē visum nostrum non terminet aër manifestum est sensus experientia,

*Ignis elementaris maxime rarissimus.*

tia. Nam nisi motu & flatu venti illū experirētur rudes homines (quibus tamē æquē sunt sensus vt doctioribus) planē negaturi essent aërem, assererentque vacuum esse vsque ad caelos. Sed experientijs solis, ijsque certissimis, & manifestissimis, de aëris existentia certificatur. De igne verò quoniam nimium est à nobis elongatus, non possunt sic haberi experientiæ: propter quod, ad credendum eius existentiam quidam inueniuntur tardiores. Ratione tamen efficaci est demonstrabile, talem qualem iam diximus ignis sphaeram esse regioni caelesti contiguā. Præterea, nullum corpus diaphanum, id est, perspicuum, vel transparens, per se terminat visum propter suam transparentiam, sed solum corpus opacum & non transparens visum terminat & penetrare non patitur. Quapropter si ignis in sua sphaera talis esset, qualis apud nos essetque visibilis, & visus nostri terminatiuus, vt corpus opacum, necesse foret omnes stellas firmamenti, & planetas, ipsum quoque solem perpetuo nobis eclipsari, nec possent à nobis vnquam videri. Cum enim per circuitū vndique ambiat ignis totam aëris sphaeram, ex omni parte lumē caeleste impediretur à luce ignis. Totum ergo decorem caeli talis ignis nobis abscooderet, & penitus auferret. Quapropter voluit illum Deus disponens omnia suauiter, in maxima raritate (vti eius naturæ conueniebat) cōstituere. Quod si quis interroget ignis ille elementaris tantus, vnde habet nutrimentum? Videtur enim totus aër tanto nutriendo igni non sufficere. Attamen debere ignem nutriri continuo aliquo combustibili, videtur monstrare experientia. Dicendū est, ignem quidem in aliena materia non posse subsistere, neque teneri, nisi continuo nutriatur adiecto combustibili. In sua autem sphaera in materia propria, non eget vllius combustibilis nutritione, vt in naturali loco suo seruetur, nihilo certe magis quàm aër, aqua vel terra vllō indigent nutrimento. Hæc propter simpliciū quorundā sensualem dubitationē de ignis elemēto dicta, voluimus ne ob sensus nostri angustiam diuinæ maiestatis amplitudini aut magnificentiæ operū derogemus. Tam amplam enim & ex præcipuis mundialis machinæ partibus vnam abnegare creaturam, ac per hoc pulcherrimum illum ordinem & proportionē ordinatissimā, quæ in quatuor elementis cōsideratur, propter sensus crassitiē destruere, quid aliud est, quàm ob nostram angustiam diuinæ

*Obiectio.**Solutio.**Attende.*

xx potentia, & sapientia amplitudinem contringere.

CAP. IIII. De situ elementū quā, & terræ discooperatione.

**D**E aquarum etiam situ non inutiliter mouetur difficultas, ex eo quod iam antè primo capitulo dictum est, & ad oculū manifestè cernimus terram non esse ex omni parte aquis circumdatam, sed secundum partes aliquas esse discoopertam aquis. Tale autem aliquid in nullo omnino aliarum sphaerarum accidere videmus. Nam aër ex omni parte ambit aquam, & ignis ex omni parte aërem, ac deinde in caelestibus orbibus quilibet superior, ex omni parte ambit inferiorem. Vnde apparet, hunc aquæ situm quem nunc habet, non esse prorsus illi naturalem, sed iuxta situm naturalem debere ipsum ambire & circumdare ex omni partesphaeram terræ. Quærimus ergo ad cognitionem operis Dei, an sola diuina virtute absque cooperatione naturæ ista terræ discoopertio, & aquarum separatio facta sit, an simul vlla naturalis virtus ad hanc rem concurrerit. Et si sola diuina virtute id factum dicamus in principio, die tertio distinctionis rerum, an vsque nunc eodem modo, Deus miraculo è sua sola virtute eam ita cōtineat. De hac re quorūdam Astronomorū sentētia est, terram suam siccitate obistere humori aquæ, sicque eam velut fugare atque à se repellere; per suam actiuitatem, in aliquor partibus, quantum promissorum, conseruatione, & specialiter viuentiū atque hominum vita conseruanda est necessariū. Cur autem terra ab vna parte plus quàm ab alia aquam pellat, causam assignant ex adiutorio caelestis corporis. Dicunt enim in parte Septentrionali, iuxta polum nostrū esse stellas, quasdam de natura Saturni, frigidas, & siccas, quarū assiduis impressionibus atque efficacibus influentijs ipsa terra vehementer adiuta, fortificata, & corroborata in sua siccitate possit sese discooperire, & aquas propulsare. In cuius signum adducunt, quod terra à parte Septentrionali semper manet detecta. Asserunt insuper etiam si per miraculum Deus die tertio non cōgregasset aquas, quod temporis tamen successu naturaliter hoc ipsum effectum fuisset per virtutes naturales prædictas: impossibile tamen fuisset sic citò, & subito id fieri aliter quàm virtute Dei: quoniam agentia naturalia nihil agunt in instanti sed successiuè, in operationibus naturalibus. Alij dicunt, etiam si nō fuisset virtus prædicta sufficiens causa, ad efficien-



sciendum in principio terræ denudationem & discooperationem sufficere, tamen eam posse, ad sic terram in sua discooperatione conseruandum. Minoris enim virtutis est, quippiam in statu aliquo conseruare, quàm primò in eum perdere: quemadmodum medicinæ ars in vita hominem seruat, quæ tamen vitam minimè donare potest non habenti.

Verùm cum prædicta sint omnino incerta (quis enim definire nobis poterit an virtus aliqua talis sit in terra, vel in cælestibus constellationibus ad eam rem sufficiens?) præstat ut eo quod certissimum est contenti simus: hoc autem est, quòd ex infallibili doctrina sanctæ scripturæ didicimus, nempe diuina virtute terram esse discooperatam, verbo & iussione omnipotentis Dei, dicentis (ut primo capite Genesios scribitur) Congregentur aquæ quæ sub cælo sunt in locum vnum, & appareat arida. Cuius verbi sanè potentissimi efficacia, credimus vsque nunc permanisise aquam in eo situ & loco quem tunc accepit, & in quo nunc cernitur: ita scilicet ut terram non quomodo ab initio ex omni parte circunder, sed ex magna parte nudam velut circumlambat. Et licet forsitan veritatem habeat, quædam astra sua virtute ad hoc cooperari (Deus enim per causas secundas multa conseruat quæ per seipsum fecit ab initio) quia tamen sancta scriptura de hac re loquens, non nisi Deo totum tribuit, idcirco neque nos adijcere quicquam volumus. Nam præter iam supradictam Genesios auctoritatem, ita in prouerbijs clamat Sapientia. Quando circumdabat mari terminum suum, quando legem ponebat aquis ne transirent fines suos, ego aderam cum eo cuncta componens. Et Proverbiorum xxx. capit. vir cum quo loquutus est Deus interrogat, dicens: Quis conclusit aquas quasi in vestimento? Et manifestum est, quòd pro responsione subauditur, Dei potentia. Similiter Iob xxviii. de Deo dicitur. Qui fecit ventis pondus, & aquas appendit in mensura: Quando ponebat pluuijs legem, & viam procellis sonantibus. Iterum Psalm. xxxii. Congregans sicut in vtre aquas maris, ponens in thesauris abyssos. Et quomodo de montibus allicubi loquitur Psalmista dicens? Terminum posuisti eis quem non transgredientur, neque conuertentur operire terram, sic nihil dubium est, quin & de aquis nos loqui oporteat. His ergo modis cum scriptura totum hoc miracu-

*Certior sententia.*

*Genes. i.*

*Proverb. 8.*

*Prover. 30.*

*Iob 28.*

*Psalm 32.*

*Psalm 103.*

cu.

eulum Deo ascribat, nobis videtur superuacaneum aliā causam quærere. Si autē roges, Num ergo continuo miraculum facit Deus, dum ita terram continet denudatam? Audi, Semel loquutus est Deus verbum virtutis, & sermonem potentem protulit in die tertio, nec opus est, vt loquatur iterū. Voluit enim vt effectum haberet sua illa iussio, donec super terrā esset mistorū habitatio: quod est vsq; in cōsummationē seculi. Miraculo quidē hęc terræ denudatio primū facta est: iā sic manet terra absq; nouo miraculo, & se aqua vbi semel posita est cōtinet, absque nouo miraculo. Non enim inobedientes sunt creaturæ naturales vt homo: cui necesse est sapientius eadem vel præcipere, vel prohibere, propter inobediētiam promptitudinē. Si iterū roges, nū violentè aqua cōtinetur & cohibetur in vnum locum, vt non terram circūdet, posteaquā à situ & statu primo naturali priuatur? Audi iterum: Si quidem sola naturæ virtute per vim terræ, aut operationem Astrorum id factū esset, violentia vtrique dicenda foret. At verò cum verbo & iussione omnipotentis Dei (qui totius naturæ auctor, rector, & gubernator est) constet omnia hęc peracta, quomodo dicere poterimus, aquā in suo situ ex hoc vllam pati violentiam, quamuis iam non vt ab initio terram circūcingat? Quomodo enim violentum & vilius creaturæ naturæ poterit esse contrarium, quod ex voluntate est, & iussione Domini naturæ, dulciter gubernantis, & disponentis omnia suauiter? Quomodo in familia bene ordinata & subiecta violentum esse poterit aliquid eorum quæ paterfamilias sua voluntate disposuit? Non ergo nunc violentè cohibetur aqua ne circundet terram, sed suauiter & dulciter sese continet Dei imperio obsequens, vsque dū in cōsummatione seculi (mistis omnibus cōsummatīs) eiusdem verbi iussione suum locum recipiat.

*Nota fir-  
more rerū  
naturalū,  
quā homi-  
nis obediē-  
tiam.*

*Sapient. 8.*

CAP. V. De terra immobilitate & minima quantitate,  
**O**mnium autem infima est terra, quæ medium mundi obtinens, quasi totius mundialis spæræ centrum, penitus immobilis perpetua firmitate consistit: circa quam vt centrum immobile voluntur amplissimi illi cælorum orbes, simul & alia elementa superiora continuo motu mouentur, ignis scilicet, aër & aqua. Soli enim terræ conuenit prorsus secundum locum immobilem cōsistere, vt secundum se terram nunquam moueri possit, neque motu circulari, neque

motu recto. Est enim quasi mundi centrū, ab altissimo Deo *Terra cen-*  
 posita in medio totius mundialis machinæ. Vnde sicut in *tra mundi*  
 corpore sphærico, quod circulariter mouetur, cunctæ ipsi-  
 us partes mouentur, circulariter solo ipso centro (circa quod  
 aliæ partes voluuntur) immoto permanente: ita & de terra  
 intelligendum est, quod sola in medio mundi stat immobi-  
 lis. Quemadmodum per Sapientem dicitur, Generatio præ-  
 terit, generatio aduenit, terra autē in æternum stat. Quod  
 si quis obijciat, fieri non posse, vt terra quæ tantæ quantita-  
 tis moles nobis videtur, centrum esse dicatur, cū centrum  
 habeat rationem puncti, sitque indiuisibilis punctus corpo-  
 ris alicuius sphærici, ipsa autem terræ substantia nequaquā  
 sit indiuisibilis, neque punctualis, sed in plura miliarum mi-  
 lia sit diuisibilis. Huic obiectioni responderetur dicēdo, quod  
 terra tamen si nobis pusillis, & pusilla semper contemplanti-  
 bus magnæ admodū quātitatis esse videatur, si tamē eā cōse-  
 ramus ad totius mūdialis machinæ, & cælestium orbiū ma-  
 gnitudinem, non posse aliter, quā punctum censerī, atque  
 æstimari, non quidem quod realiter, punctus sit indiuisibi-  
 lis, sed quia per comparisonem (propter immensum quan-  
 titatis superexcessum) non aliud quā punctus videbitur,  
 adeo quod si totus globus terræ fingatur in firmamento  
 positus lucere sicut stellæ, qui nunc sunt in firmamento, pe-  
 nitus non posset videri præminia sua paruitate, sicut & mul-  
 tæ alię stellæ ob suam paruitatem nunquā apparent. Nam  
 (vt tradunt expertissimi, probatissimique Astronomi) mini-  
 mæ stellæ visu notabiles, quæ in firmamento consistunt,  
 quantitate sunt maiores terra decies & octies: quæ ta-  
 men minimæ sunt inter eas quas visu notare possumus, at-  
 que distinguere. Ad quod plenius mente intelligdū (quā-  
 doquidem sensui videtur irrationabile) aduertēdū est, iuxta  
 Ptolemei Alphragani, aliorumque expertissimorum Astro-  
 nomorum auctoritatē, stellæ firmamenti in sex magnitudi-  
 nem differentias distingui. Sunt enim primæ magnitudinis  
 numero xvi. quarum qualibet maior est tota terra cen-  
 ties, & septies. Sunt aliæ secundæ magnitudinis, numero  
 xlv. quarum qualibet maior est terra nonagies. In ter-  
 tia magnitudine sunt ducentæ & octo, maiores terra septu-  
 agies & bis. Quartæ magnitudinis stellæ sunt ducetæ sex-  
 agintaquatuor, maiores terra quinquagesies quater. In quiti-

Nota ma-  
 gnitudinē  
 stellarū fir-  
 mamenti.



ta magnitudine sunt ducentæ decem & septem, quarum quilibet maior est terra trigiesies quinquies. Sextæ autem magnitudinis sunt stellæ ducentæ quadraginta nouem, & quælibet earum est maior terra decies, & octies, Et istæ sunt minime visibiles, quæ ab Astrologis sunt notatæ: de quibus dicit Alphraganus, quod minima stellarum visu notabilem, maior est tota terra. Sunt verò præter has alia, non in determinato numero, visu non distinguibiles, quarum numerum solus Deus cognouit: iuxta quod in Psalmis dicitur, Qui numerat multitudinem stellarum, & omnibus eis nomina vocat. Et ad Abraham voce domini dicitur, Aspice cælum, & numera stellas, si potes. Ex quibus manifestissimè pater, quod rectè dictum sit totam terram in comparatione ad firmamentum nihil esse aliud quàm punctum quoddam & centrum.

*Psal. 146.*

*Gene. 15.*

Quanto magis ergo si ad cælum illud supremum, quod empyreum nominatur, quantitate & mole (ut ex sequentibus patebit) longè maius conferatur? Adiuro te lector quisquis es Christiano pectore, etiam atque etiam perpendas ex his quæ dicta sunt, quàm sit miseranda sors eorum hominum, qui propter angustissima huius terræ prædia illam cælestem perdunt amplitudinem. Iterum, quàm vanè, & sine causa sese efferunt, qui in terrenis gloriantur possessionibus. Rursum, quàm miseri sunt, & nimium malè sibi consulentes, qui pro terra aut ijs quæ in terra sunt possessionibus adinuicè contendunt mutuo, se fraudant, ac decipiunt, non raro etiam peierantes, omni equitatis ratione postposita: ita scilicet punctalem terræ angustiam immentæ cælorum amplitudini præelicientes. Nam etiam si terram totam quis obtineat (id tamen quod nulli adhuc hominum potuit contingere) quid ille aliud quàm punctum rapuit? quid ille aliud quàm punctum manibus tenent? in centro dominatur, in atomo tenet imperium. Illi ergo qui pro terræ minima portiuncula, utpote pro agello, pro angusto prædiolo, pro demoncula siue casula contendunt, suntne solliciti, quid aliud moluntur, quid agunt, quid quarunt nisi de puncto (si id rectè potest intelligi) punctum tollere? O vanas hominum curas, O pectora cæca. Disce ô miser, infelix attende, pro quàm minima recula, quàm maximum perdas thesaurum: & pro angusto fornicarum nidulo, quàm amplissimum abijcias palatium, terrenam sortem

dum

dum celesti præeligis,

CAP. VI. Vnde terra habeat suam immobilitatem atque firmitatem.

**Q**UOD si quis roget, vnde hoc habeat terra, vt immobilis in medio iaceat cum & sphericam habeat figuram, quæ admodum in te mobilis est, & fundamentum nullum videatur habere stabilitatis, cum in aquis cernamus ea velut natæ, quæ minimè sunt stabiles, sed fluunt perpetuo? Ad hanc rem non aliam possumus assignare causam convenientiorem illa, quàm supra de terræ denudatione diximus, quod scilicet verbo & iussione Dei suam hanc habeat stabilitatem. Quemadmodum enim aquarum in vnũ collectionem supra ostendimus in scriptura soli Deo ascribi, sic & ista terræ confirmatio in plerisque scripturarum locis inuenitur, Deo soli attributa, vnde illuminatissimus ille Psal. *Psal. 103.*  
 mographus canit, Qui fundasti terrā super stabilitatem suā: *Psal. 101.*  
 non inclinabitur in seculum seculi. Rursum, Initio tu domine terram fundasti. Et iterũ, Qui firmavit terrā super aquas. *Psal. 135.*  
 Et ex persona domini in alio Psalmo, Ego cōfirmaui columnas terræ: hoc est, sic eā stabiliui, & confirmaui in sua firmitate, ac si colūni subiectis fecissem immobilē. Idem est quod in Prouerbijs dicit Sapientia, Quando appendebat fundamenta terræ, & cætera. Item, Dominus sapientia fundauit terrā. *Prouer. 3.*  
 Et in libro Iob, Qui appendit terram super nihilũ. Ac rursum ex persona domini, Quādo ponebam fundamenta terræ. Nec dubiũ, quin sicũ verbo domini cæli firmati sunt, *Prouer. 3.*  
 ita sit & terra verbo domini fundata. *Iob. 26.*  
*Iob. 38.*  
*Psal. 33.*

CAP. VII. De terræ rotunditate, & montium elevatione in terra.

**E**ST autē terra rotūda ac figuræ sphericæ, quemadmodũ & Physici & astronomi suis demonstrationib⁹, & rationibus probāt. Quod tamen si perfectā debeat habere viritatem, intelligendum videtur secundum suam naturalem conditionem, non secundum eum situm in quo nunc est, propter hominum utilitatem. Congruebat namque viuentium utilitati, & præcipuè hominis (propter quæ omnia facta sunt) quasdam terræ partes esse sublimiores, alias verò depressiores & humiliiores. Sic enim propter diuersas complexiones diuersarum partiũ terræ, diuersitates mineralium, & terræ *Quare Deus in terra montes, & vallas constituit.*  
 nas.

nascentium, atque animalium nobis conferuntur. Nam in huiusmodi quidem locis optima sunt pascua, in eiusmodi vinea optima maturescunt. In alijs verò frumenta pingua, & plena in alijs fructus optimi nascuntur. In alijs autem locis generantur mineralia, alibi specierum aromaticarum multa copia, alibi ligna præciosa & salutare herbæ, bestięque mirabiles gignuntur. In alijs locis, aliæ generantur diuersitates rerum quàm plurimæ. Sic igitur in qualibet terrę plaga, secundum quod per montes, & valles variè disposita est, varia vegetatiua atque animalia progignuntur. Et quedam quidem in vallibus felicius nascuntur, quę non ita feliciter aut omnino non in montibus progignerentur, vbi nimius esset caloris ardor: è contrario, alia in montibus felicissimè gignuntur, quę minimè in vallibus, propter Solis defectum aut aliam quālibet causam. Voluit ergo optimus ille, & perfectissimus naturę artifex creator & gubernator, temporum atque regionum vicissitudines alternare, vt omni ex parte sufficiens esset hominum prouisio, abundantissimamque illi præberet diuersorum bonorum copiam, eorum quę humanis vñibus poterāt deseruire, vt illi quę tā magnificè condidit, munificentissimè etiā in cunctis faceret esse prouisum: pariterque vt ex tot rerum opprimarum diuersitatibus, ipsius infinita sapientiam amplius demireremur, quā in vniformi opere non ita perfecte neque ita plenè potuissemus conspiciere. Itaque propter istā terrę inæqualitatē, manifestū est, terram secundum eum statū in quo nunc est, non esse omnino rotundā, si punctualiter loquamur. Verum tamen si crasso modo loqui volumus, clarum est, quod motum ista eleuatio, & vallum depressio nihil obstabit, quo minus rotunda terra dicatur. Nam eleuationes eiusmodi atque depressiones, cōparatione facta ad totā terrā, quasi nullius sunt estimationis, & insensibiles. Vnde si quis in aëre plurimum eleuatus esset, videretque terram ex alto, penitus rotundā eam iudicaret, nec impediret eius iudicium montium eleuatio, qui in cōparatione ad totum terrę globum quasi nihil sunt. Nam terra secundum totum suum ambitum (auctoritate Ambrosij, Macrobij, Theodosij, & Aristlanis, Philosophorum) definitur continere stadia ducenta milia, & quinquaginta milia, & duo milia, hoc est miliarum Romanorum vñū, & triginta milia, & quingēta: quāquam à precedentibus differt Ptolemæus, qui terrę ambitū

Terræ magnitudo.  
252000.



continere dicit tantum centum milia, & octoginta milia sta-<sup>180000.</sup>  
diorum. Vtraque autem quantitas secundum superficiē sum-  
pta, profectò in agna est valde, vt merito montium quorum-  
cunque eleuatio quasi pro nihilo veniat cōputanda. In cō-  
summatione autem seculi, vbi desierit terra ministeriū pre-  
bere mortalibus, verisimile est, eam ad perfectam æqualita-  
tem redigendam, quando etiam (vt supra diximus) creditur  
aquis iterum cooperienda, vt fuerat ab initio.

CAP. VIII. *Vnde ordo in elementorum situ.*

**Q**uare autem ignis hunc locum habeat, vt proximus sit  
cælo lunari, & quamobrem secundum post hunc lo-  
cum nabeat aër, deinde aqua & cur infima sit terra, non diffi-  
culter rationem reddet, qui sapientiam primarij conditoris  
attenderit. Nihil enim dubium est, quin præcipua sit causa,  
illius voluntas, qui ea sic condidit, & in suis qualitatibus se-  
cundum maiorem & minorem nobilitatem disposuit. Deus <sup>Nota.</sup>  
enim infinita sua sapientia & bonitate, qua elementa forma-  
uit, suisque perfectionibus & qualitatibus perfecit atque  
distinxit, cognouit pariter & quis locus vnicuique eorum  
secundum meritum perfectioris naturæ debeatur. Eiusdem  
si quidem est, rebus iuxta perfectionis suæ meritum, & natu-  
ræ congruitatem locum dare, cuius est res in essentia con-  
stituere, & suis perfectionibus absolueret: quemadmodum  
Imperator qui diuersos status nobilium instituit, simul etiā  
locum eisdem iuxta suam dignitatem designat. Possumus  
tamen ex elementorum qualitatibus intelligere, & cogno-  
scere, quòd cōuenienter & sapienter ita sint elementa dispo-  
sita, quomodo disposita creduntur atque videntur: quoniam  
decens est, vt elementum quod cælesti naturæ propinquius,  
& secundum naturæ nobilitatem vicinius est, locum quoque  
propinquiorem accipiat: quemadmodū in aula regia, is qui  
dignitate regi proximus est, meretur quoque proximorem  
illi locum accipere. Vnde cū ignis, raritate, diaphaneitate, si-  
ue perspicuitate, subtilitate, celeritate (quæ etiam in cælesti-  
bus reperiuntur) cætera omnia excellat: post hunc autē pro-  
ximus sit aër, deinde aqua: meritò quidē obtinebit ille locū  
primum, iste secundum, hæc tertium. Terra verò vt penitus  
opaca, crassa, compacta, minimeque transparens, grauissima,  
& immobilis, ac proindè à regione cælesti quàm maximè  
distans, meritò longissimò interuallo à cælesti regione diri-

mitur. Verùm hæc de elementis & eorum situ dicta sufficiant. Nunc ad cælestem regionem contemplandam elementari perambulata, alacri animo transeamus.

CAP. IX. De differentiâ naturæ & regionis cælestis ab elementari.

**P**rimùm quidem figuraliter describere nos cōuenit, quomodo hæc ætherea siue cælestis regio, à priori discrepet, & quamobrem non in vnā possint regionem cōpingi. Omnino enim magna quædā distinctio sit necesse est, inter has duas regiones, vt non in vnum valeant computari: quandoquidē elementa tametsi ab inuicem admodum diuersa, imò prorsus contraria, in vnā tamen regionem deputantur. Attendenda est ergo cælestis naturæ ab elementari multiplex differentia. Nam elementa qualitates habent adinuicem contrarias, quarum ratione adinuicem contrariantur, & pugnant adinuicem, suntque inuicem naturæ sese corrumpere, & frequenter corrumpunt in suis partibus, vbi alterum alteri preualere contigerit. Vniuersa quoque mista corpora ingrediuntur ad compositionem, ac suis his qualitatibus ad interitum cuncta quæ ex ipsis componuntur perducunt, nec omnino eorum aliquid sinunt esse perpetuum. Natura autem cælestis, ab huiusmodi qualitatibus prorsus immunis est, nullam habens qualitatem eiusmodi, secundū quam adinuicem cælestia possint agere, & pati, neque adinuicem pugnant, neque vllius augmentationis aut diminutionis sunt susceptiua, nec generationis, vel corruptionis, neque in se, neq; in suis partibus. Ab omni siquidem motu quo aliquid abijcitur a re, item & ab omni motu ad formam substantialem, est absolutā, immunis, & libera substantia cælorum. Habet autem cælestis natura sensibilem qualitatem vnā lōgè nobilissimā, videlicet lucem mediante qua agit in inferiora. Quæ cum nullam habeat qualitatem contrariam, nullius rei in ipsa æthere, suscipere potest detrimentū. Sed nec ipsa rem vllā ad corruptionē deducit, quoniā nulla in rebus habet qualitatem contrariam: quin potius his omnibus inferioribus esse, vitam, virtutem, & durationem instillat, quemadmodū manifesta nos docet experientia, Solis & cælorum atq; astrorū luce cuncta in terris produci, & melius habere, nullam verò ex eius actione fieri corruptionem. Vnde patet lucem esse multò meliorem qualitatem, quàm sint illæ quas habet elementaris natura, nimirum vnus non absque alterius viole-

*Aristot. 2.  
de calo.*

*In nobilis  
qualitas.*

ta corruptione generatiuæ. Neq; cælestis natura vlliùs mixti cõpositionem ingreditur, vt ex ipsius natura vllum mixtum participet, sed tantũ suæ virtutis efficacia absens in mixtis operatur. Non enim potest cælestis natura formam aliam suscipere: quemadmodu libro primo in tractatu de materia rerum naturalium latius declarauimus. Differunt insuper & in motu. Nam omnia elementa motu recto secundum naturã, nata sunt moueri, ignis videlicet & aër sursum, terra autem & aqua deorsum, & cito finitur eorum motus naturalis. Nam mox vbi locũ naturalem attingunt, quiescunt. Cælum autem *Cælũ quin-* motu recto moueri non potest, neq; sursum neque deorsum, *tũ essentiã* neq; motu laterali dextrorsum vel sinistrorsum, sed tantũ *dixerunt.* motu circulari: quo etiã continuò & indeficienter mouetur, neque vnquam à motu cessat, propter continuas rerũ generationes & corruptiones saluandas, mouebitur quæ, donec persistat huius seculi status is qui nũc est, ad hominis ministeriũ. Propter hæc autem tantam tamquæ euidentissimã & maximam diuersitatem inter naturam elementarem & cælestẽ, Philosophi cælum nominant quintam essentiam, hoc ipso significantes, non de natura quatuor elementorũ esse cælũ, sed substantia ab elementis omnibus differre, tamenli antiquorum quidam olim existimauerint cælum esse de natura aëris, astra verò de natura ignis. Quorum errorẽ, naturales Philosophi, qui illos subsequuti sunt, rationibus certiora edocti manifestissimè confutauerunt, vt nemo iam sit qui huiusmodi positioni præbeat assensum.

CAP. X. Vnde habeant cælestia corpora motum circularem, & an naturaliter moueantur.

**D**E causa verò efficiẽte motus cælorum quæstio est, an ab aliquo principio intrinseco moueantur circulariter, quòd sit pars eorum, utpote à forma sua substantiali, an potius ab extrinseco aliquo mouente, quod sua virtute cæleste corpus cõtingens, ipsum secundũ circulũ voluat. Ad hanc quæstionẽ verisimilior responsio est, motũ circularem orbium cælestium effectiue causari ab intelligentijs, vel mentibus beatis, quas Philosophi dixerunt orbium motores, diuinos, optima vita fruẽtes, nec tempore senectam aut aliam quãlibet inueterationẽ suscipientes. Hos autẽ angelos nos appellamus, quos si (Paulo doctẽ) cognouimus administratores spiritus esse, inq; ministeriũ miti filiorũ Dei generis

Hebr. x.



humani, nihil profectò mirum videbitur, si & horum ministerio volui dicamus caelestes orbes ad utilitatem filiorum hominū. Quod si ita credimus habere (vt Aristoteles sensisset, nec refutant orthodoxi) profectò multam gratiam & venerationem beatis illis mētibus debeamus, consequens est, quorum ministerio vitam hanc ducimus, & alimenta capimus, & cuncta quæ secundum corpus sunt, abundanter possidemus. Maximè autem primæ illi beatissimæ menti, motoribus istis præsidenti, vni primo, ac summo enti, Deo super benedictò, gratias agamus necesse est: qui tam magnificos ministros nobis non secundum animam tantum, verū etiam secundum vilissimam nostri partem ( id est secundum corpus hoc corruptibile ) assignauit. Aduertendum insuper est, quòd hi motus licet ab eiusmodi motoribus extrinsecis fiant, non tamen sunt contra naturam cælorum, neque ob mouens extrinsecum, dici possunt violenter moueri. Nulla enim in cælestibus esse potest violentia, sed suauissimè ibi cuncta geri necesse est, vbi nulla potest esse corruptio, quoniam nullum violentum (vt Aristoteles auctor est) potest esse perpetuum. Neque enim vllò modo forma cælestis huic motui contrahitur, sed suauissimè se subdit intelligentiarum mouentium actioni, neque ad quietem conantur, donec omnipotentis Dei iussu post seculi cōsummationem, iubeatur stare tota cælestis machina, posteaquam humanum genus super terram, vltra vitam nō deget, neque item aliquod aliorum mistorum. Tunc enim superfluous foret motus cælestium corporum, cū ad hoc potissimū moueantur, vt nobis suo motu ministrent, quemadmodum sanctus Dei Moyses, populum suum à cælestium corporum cultura dehortās, ea asserit creata in ministerium omnibus gentibus quæ sub cælo sunt.

Dent. 4.

CAP. XI. *Cælestia corpora an dici debeant animata.*

**D**Vbitatum est autem ab antiquis de cælestibus corporibus: vtrum animata sint, an inanimata. Fuerunt qui animata ea esse senserunt, putantes ipsorum motum ab anima effectiue procedere. Sed veritas contrarium habet, esse videlicet corpora inanimata, neque vegetatiuam, neque sensitiuam, neque rationalem virtutem habentia. Nam & si moueātur, ab agentibus intellectualibus, & liberis, id est ab intelligentijs motricibus, non tamen hinc consequitur quòd

corpora sint animata. Siquidem motrices illæ intelligentiæ non sic coniunguntur cælestibus orbibus, quomodo anima coniungitur corpori, per formalem vnionem & substantialem informationem. Repugnat enim hoc angelicæ intellectuali naturæ, cum materia rem vnā componere. Est enim hæc inter animam rationalem & intelligentiam siue angelicam naturam differentia, quòd anima corpori est vnibilis, & cum eo rem vnā nata componere: quamuis etiam separatim possit subsistere: natura autem angelica nequaquam materiæ aut corpori est vnibilis, sed solum per se nata est subsistere. Coniungitur autem intelligentia motrix orbi moto, ipsumque tangit secundum virtutem tantum, vt propter hoc nequaquam dici debeant cælestia corpora animata, nihilo certè magis quàm nauis dici possit animata, eò quòd in se habet rectorem nautam.

*Differunt  
angelus &  
anima ho-  
minis.*

CAP. XII. De diuisione regionis cælestis secundum suos orbes.

**S**Vperest nunc videre, an quomodo elementaris regio in plures partes diuersas ab inuicem secta est, ita & hæc cælestis sit in plura corpora diuidenda, an fortè non plura corpora, sed vnicum debeat corpus censerī. Et primū quidem illud experientia certissima monstrat, satisque quantum ad hanc partem inter Philosophos naturales & diuinos Theologos conuenit, debere fieri diuisionem cælestis regionis in plures orbes. Verū in numero non omnes conueniunt. Fuerunt enim naturales Philosophi priores, qui tantū octo sphaeras putabant cælestem machinam continere, septem videlicet orbes planetarum & sphaeram stellarum fixarum: atque hi sphaeram octauam putabant esse primum mobile, id est, primū orbem mobilem. Verū qui post hos tempore subsequuti sunt, experientia simul & ratione conuicti, cælum vnum cōpulsū sunt superaddere: eò quòd sphaeram octauam duobus motibus cōperissent moueri, ex motu stellarum fixarum quæ sunt in ea. Præter enim motum ab oriente in occidentem (de quo pòst dicetur) ex stellis fixis experientia certa edocti, concluderūt ipsum etiam ab occidente ad orientem tendere motu alio. Ex quo firma ratione rectè concluderunt non posse hoc esse mobile primum, quod per se duobus motibus deprehenderetur moueri, sed debere alterum esse prius à quo motum vnum per communicationem acciperet, vt esset alter sibi proprius. Itaque hi nonam sphaeram

*Prima opinio de numero cælestium.*

*Secunda opinio.*

## DE CAELO ET MVNDO

**Nouū calū** adijcientes, in nouem orbes diuiserunt cælestem regionem, **ratione in-** ipsamque sphaeram nonam, primum mobile esse dixerunt, **uentum.** octauam verò, secundum. Huius sententia: fuerunt astro-  
**Tertia,** & nomi celebres, Ptolemæus, Thebitius & Alphraganus. Post  
**probabilior** hos verò præseuerante in fortunatis ingenijs studio inqui-  
**opinio.** sitionis, & ad priorum experientiam posterorum accedente

**Motus tre-** industria simul atque diligentia, compertum est experien-  
**pidationis.** tia pariter, & ratione ultra nonam sphaeram præter prædi-  
 ctas nouem aliam esse ponendam. Considerauerunt enim in  
 firmamento motum alium (quem trepidationis nominant,  
 vel accessus & recessus) præter duos prædictos. Vnde cum  
 nec duos motus diuersos à seipso habere posset, neque si-  
 mul duos ab alio superiori (alioqui & ille haberet duos si-  
 bi proprios, quod primo mobili nequaquam conuenit, cum  
 vnico debeat simplicissimo motu moueri, ratiocinatione col-  
 legerunt debere supra firmamentum duas esse alias mobi-  
 les sphaeras, à quibus per participationem vi raptus duos mo-  
 tus acciperet, tertium verò haberet sibi proprium. Itaque  
 hi decimam sphaeram vocant primum mobile, nonam au-  
 tem vocant mobile secundum. Huius sententiæ complures  
 fuerunt ex recentioribus & insignibus astronomis, Alphō-  
 sus rex Hispaniæ, Ioannes Lignerius, Georgius Purbachius,  
 Ioannis regij montis, & alij plures prædictorum sententiam  
 insequentes & approbantes. Et hætenus quidem quæ ra-  
 tio dare potuit & hominis ingenium inquirere, audiuius.  
 Superest verò, vt quod potissimum est, & fides docuit, non  
 taceamus.

CAP. XIII. De calo empyreo, & de calo cryſtallino siue  
 aqueo, ac primo mobili.

**P**Ræter autem prædictas sphaeras motu locali mobiles, Fi-  
 des catholica & diuini Theologi docent, aliud superius  
 esse omnis motus localis expers, perpetuò quiescens ab om-  
 ni motu locali, quod ab initio creatum est plenum inestimabi-  
 libus millibus intelligentiarum & spirituum beatorū, qui  
 simul cum illo & in illo creati sunt, tanquā in loco sibi de-  
 putato, quemadmodum mista corpora suis quæque locis in  
 his inferioribus solent generari, vt in aquis pisces, in aëre a-  
 ues, super terram animalia cætera & plantæ, intra terram mi-  
 neralia, & huiusmodi. Hoc cælum mole immeusum, & inas-  
 timabili luce, ac supra humanam mentem diuina claritate ful-



fulgidum (propter quod & empyreum nominatur, id est ig- *Cæli empy*  
 neum, non quidem a proprietate & natura ignis, sed à plen- *7. 277.*  
 dore nimio & gloriosissimo fulgore) sedes est destinata an-  
 te constitutionem mundi, & velut aula regalis solij præor-  
 dinata ab initio, omnibus qui regnaturi sunt in conspectu  
 Dei & agni. Cuius lucem licet sic clarissimam & limpidissi-  
 mam, nequeunt corporales nostri oculi conspicerere, quem-  
 admodum non est potens noctua cernere lumen Solis. Ne-  
 que lumen ullum extra se, beatissima & iucundissima lux ita  
 diffundit. Non enim sunt alij cælorum orbis, tam præcla-  
 rissimæ lucis & diuini fulgoris capaces, multò minus ele-  
 menta aut cætera corporalia. Attamen de actione huius cæli  
 dubitant nonnulli, quibusdam dicentibus, quòd nullam om-  
 nino habeat actionem in inferiores sphæras, aut alia subie-  
 cta, nec esse propter rerum naturalium dispositionem aut  
 gubernationem conditum, sed tantum in gaudium & præ-  
 mium beatorum. Indecens hi arbitrantur ut tam gloriosis-  
 sima Dei mansio creaturis adhuc corruptibilibus deseruiat:  
 nec putat ipsam pertinere ad ordinem mûdi corporalis. Alij  
 vero partem affirmatiuam præeligunt, dicentes ipsum sua  
 solidissima quiete, & quietissima virtute, stabilitatem, per-  
 manentiam & fixationem rebus inferioribus infundere. Res  
 enim inferiores, propter aliorum cælorum citissimos motus  
 (ut ipsi aiunt) cõtinuò deflueret, nisi huius primi cæli quiete,  
 aliquo modo in suo esse seruarietur stabiles. Nos verò quia  
 certum nihil de hoc habere possumus, eò quòd fide certum est,  
 contenti de præparato nobis tam amplissimo, tam supremo,  
 tamque iucundissimo habitaculo inæstimabili gaudio ge-  
 stientes, totis potius affectibus ad illud suspirare, ad illud  
 tendere studeamus, quàm multis inutilibus disceptationi-  
 bus aut cogitationib⁹ inanibus de eo multa differamus. Plu-  
 ris enim esse debet nobis Christianis hominib⁹ huius vni⁹  
 cæli ex fide simplex notitia, quàm cæterorum omnium &  
 cunctorum quæ in eis sunt astrorum ac motuum exactissi-  
 ma comprehensio. Ad huius cæli nimis desiderabilem orna-  
 tum atque pulchritudinem sæpè nos conuenit, donec pere-  
 grinamur in hoc corpore, deuotis affectionibus suspirare, &  
 quasi violenter nostræ mentis oculos infirmos atque tene-  
 brosos conuertere: in quo beata fruuntur luce angeli conci-  
 ues nostri, pariter & eorū spiritus: qui in Domino hinc disce-

dentes priores illuc sunt ingressi. Nos quoque iuxta manum Dei super nos bonam eodem peruenire post paululum confidimus, ipsius gratia adiuti, qui nobis antequam nati essemus tam gloriosum ab initio præparauit æternæ mansionis habitaculum.

*Sunt igitur cali vndecim hoc ordine sui, calū empyreū, primum mobile, calum crystallinum, firmamentum, calum Saturni, Iouis, Martis, Solis, Veneris, Mercurij, & Luna.*

Post hoc igitur primum & nobilissimum corpus sequitur decimum cælum, primum mobile: quod motu supra quod cogitari potest velocissimo, lege perpetua, quotidie ab oriente in occidentem per meridiem, viginti quatuor horarum tempore decurrēs, velocissimo hoc raptu suo omnes inferiores cælos secum rapit, eodemque temporis spatio perfectā circulationem cōplere facit. Nec præter hunc motū alium aliquem habet. Sub hoc cælo est nonum, quod nunc aqueū, nūc crystallinum à sanctis & diuinis Theologis nominatur, nō quidem à proprietate vel natura aque, quasi illic verę aquę sint elementares, sed ab omnimoda diaphaneitate siue perspicuitate, eod quod nullam omnino habeat stellam. Forsitan & ob hoc quod sit in modum aquę, siue crystalli effectū frigidissimum & frigiditatis maximę effectiuum, quę est aquę qualitas prædominās. In cuius confirmationem facit, quod quidam supra firmamentum veras aquas ponendas senserunt ad motus & caloris illius temperamentum atque refrigerationem: ne videlicet ex nimia talis motus velocitate, ignis generaretur, qui omnia hæc inferiora consumeret. Quę sententia licet non admodum probabilis videatur, in hoc tamē nobiscum facit, quod aquas istas (qualescūque tandem sint) ad contemperationem nimij caloris supra firmamentum positas dicit. Quod & nos secundum verisimilitudinem asserimus: non sic quidem vt à cælis prohibeatur calor, quasi cælestibus corporibus sit exustionis periculum (quæ incorruptibilia sunt, & caliditatis non susceptiua, etiam si mille ad mouerentur ignes) sed propter nimium calorem ceterorū astrorum, atque etiā eius qui ex nimia velocitate motus oriri posset in regione elementari, in his inferioribus contemperandū. Aiunt enim quidam huius cæli tantā esse frigiditatē, vt his inferioribus prorsus esset intolerabilis, si non Solis & alio-

rum astrorum calore temperaretur. Hæ sunt aquæ, de quibus in scriptura sacra frequens est mentio, nominatim in principio Geneseos, dicente Domino, Fiat firmamentum in medio aquarum, & diuidat aquas ab aquis, & subditur, Factum est firmamentum in medio aquarum, & diuisit aquas quæ erant supra firmamentum ab aquis quæ erant sub firmamento. Item in libro Psalmorum, Laudate eum cæli caelorum, & aquæ quæ super caelos sunt, laudent nomen Domini. Et in libro Danielis, ad laudem Dei omnem creaturam exhortantes pueri Hebræi canunt, dicentes: Benedicite aquæ omnes quæ super caelos sunt Domino. Hæc autem sphaera cæli crystallini, siue aquei, secundum opinionem Ptolemæi, atque Alphragani, ponentium vnâ tantum sphaeram naturalem supra firmamentum, primum mobile diceretur. Veritas tamen magis credibile facit, eam esse secundum mobile.

Psal. 148.

Daniel 32

## CAP. XIII. De firmamento &amp; orbibus Planetarum.

**H**ic autem cælo aqueo, cõiguum est cælum ordine octauum: quod à stellis miræ magnitudinis & multitudinis stellarum appropriato nomine dicitur: in scriptura autem firmamentum vocatur, vel propterea quod verbo Domini in diuisionem positum sit aquarum superiorum ab aquis inferioribus. Vel quia in eo innumerabilis est stellarum multitudo firmata. Sunt enim in hac sphaera omnes stellæ fixæ: de quibus dicemus postèrius. Hanc verò sphaeram octauam sequuntur.

*Septem sphaera, septem planetarum, hoc ordine: Sphaera Saturni, Sphaera Iouis, Sphaera Martis, Sphaera Solis, Sphaera Veneris, Sphaera Mercurij, vltima Luna.*

*Orbes septem Planetarum.*

Istarum autem sphaerarum, superior quælibet ambit & orbiculariter circumdat inferiorem: suntque aliæ alijs maiores, secundum quod plus vel minus accedunt firmamento, vel ab eo recedunt. Vnde sphaera Lunæ omnium infima, omnibus etiam minor est: contra, sphaera Saturni omnium est maxima, utpote firmamento proxima & cõigua. Quæ in re cõsiderari facile potest inestimabilis mundialis machinæ magnitudo. Nam quemadmodum diximus in elementari regione superiorem sphaeram excedere inferiorem proportionem decupla, ita etiam in hac regione, continuato semper argumento, superior longè quantitate superexcedit inferiorem proximam: vnde necesse est multò maximam & immensissimam esse molem illam vltimam, empyrei cæli, & magni-



tudine incomprehensibilem. Insuper velocissimus ille motus decimi cæli, huic empyreo proximi, quo in viginti quatuor horarum spatio tantum percurrit, imò peruolat, imò plusquam peruolat circulum, meritò debet considerantibus nobis eius magnitudinem stupori esse, & miraculum multò maximum. Sciendum autem est, firmamenti nomine interdum signari totam aggregationem octo sphaerarum, septem videlicet planetarum & stellarum fixarum. Debere tamen poni hanc sphaerarum diuisionem: & non posse in vnum corpus cæseri, manifestissimis experientijs & rationibus certissimis ab Astronomis probatur.

CAP. XV. De duplici motu orbium cælestium, qui sunt post primum mobile.

**O**Mnes cælestes sphaeræ quæ primum mobile sequuntur, duplici motu mouentur. Priore quidem alieno, id est, ex raptu primi mobilis, quod (vt supra diximus) velocissimo suo motu in viginti quatuor horarum spatio sese citissime circunvoluens, & totum suum cursum complens, omnes orbis intra se contentos secum circunvoluit, vt in eodem spatio temporis totum suum cursum infallibili lege perficiant, id quod in Sole manifestissima experientia ad oculum conspiciamus, qui hoc motu raptus diem nobis à die distinguit. Singulæ enim eius reuolutiones secundum motum istum primi mobilis factæ, singulos nobis dies efficiunt. Et quidem si totum accipiamus tempus reuolutionis, id est, tam illud quod supra nostrum hemisphaerium, quàm illud quod supra alterum oppositum voluitur, dies naturalis dicitur, constatque viginti quatuor horis. Verùm si accipiamus tempus tantum illud quo supra nostrum hemisphaerium apparet & mouetur, dies dicitur artificialis. Et hi dies, non æqualis sunt longitudinis. Nam hyeme breuiores sunt dies, & æstate longiores, iuxta quod supra nostrum hemisphaerium Sol magis eleuatur. Fit autem motus iste primi mobilis super duobus polis mundi directè sibi in cælo oppositis, quorum alter arcticus nominatur, semper nobis apparens: alter antarcticus, nūquam, sed nostris antipodibus perpetuò est præsens, quibus econtrariò noster polus arcticus semper abest. A polo enim arctico, qui in summo cæli ponitur, vsque ad polum antarcticum, qui directè ex parte altera est oppositus, linea recta per medium mundi ducta intelligitur, quæ axem mundi

Quid dies  
naturalis.

Quis arti-  
ficialis dies.

Duo poli  
mundi.

appellant, eò quòd circa ipsum fiat motus iste primi mobilis, & cum eo omnium sphaerarum celestium, quemadmodum rota voluitur axem. Fit autè motus iste ab Oriente, per Meridiem, in Occidentè, atque ita deinde per Septentrionè redit ad Orientem. Præter hunc vero motum primi mobilis, inferiores sphaeræ omnes sibi propriū habent, quo mouentur contranitando ab Occidente, per Meridiē, in Orientem, atque hinc redeunt per Septentrionem, in Occidentem. Hic autè motus non circa eundē axem mundi fit, nec super iisdē polis, sed super duobus polis alijs, distantibus à prædictis per viginti tres gradus, & triginta tria minuta, aut secundū alios vnum & quinquaginta. A quorum polorū vno ad alterum, intelligitur transire per medium mundi linea rectissima, quæ dicitur axis huius motus, & nominatur axis zodiaci, quemadmodum prior dicitur axis mundi.

*Quid axis mundi.*

*Motui raptus motus aduersus.*

CAP. XVI. *Quomodo intelligi debent in calis motus oppositi, et motus raptus.*

Posset autem ex iam dictis secum aliquis hēitare, quonā pacto possint esse motus oppositi in cælestibus, cū motui circulari (vtr ait Aristoteles) nullus sit motus contrarius. Rursum quomodo fieri possit, vt rapiat primū mobile alias sphaeras, cū in cælestibus nulla possit esse violentia. Vt enim non est ibi cōtrarietas, ita nec violentia admitri potest. Ad hanc autem obiectionem remouendam, necesse est sanè intelligere, quæ prius dicta sunt. Non enim motus isti propriè oppositi sunt adinuicem, quasi contrarij. (Contraria enim in eodem simul esse non possunt) sed quia diuerso modo sunt, vnus videlicet ab Oriente in Occidentem, alius ab Occidente in Orientem : quamuis non per eundem circum, aliquo modo videntur oppositi. Insuper quod de rapto dicitur, debet absque violentia intelligi : quemadmodū cum inferiores sphaeras dicimus contraniti, absque resistentia aut rebellionē accipimus. Nulla enim in cælestibus est contrarietas, nulla fatigatio, nulla violentia, nulla mobilium resistentia. Non enim aliud sibi vult, quòd dicimus inferiores orbes rapi, quàm quòd simul ad motū primi mobilis per accidens moueantur, quemadmodum nauta mouetur vectus à navi, & aqua ad motum vasis in quo continetur : vt sic ratione continentia, inferiores simul cum superiore moueantur. Et quod de contranitentia inferiorū dicitur, nihil aliud

*sibi*

sibi vult, quàm eas diuerso motu proprio moueri, ab alia parte ad partem oppositam.

CAP. XVII. *Quanto tempore vnusquisq; celestium orbium suum proprium motum compleat, & obiter de anno bissextili,*

**O**Mnes igitur sphaerae caelestes huic motui primi mobilis (vt iam dictum est) contranitentur, secundum circulum obliquum (qui & zodiacus dicitur) cursum suum peragentes. Verum illud notandum est, quod quanto propinquiores sunt primo mobili secundum situm, tanto suum motum proprium tardius perficiunt: quanto autem distantiores, tanto citius suos cursus absoluunt. Vnde caelum crystallinum omnium tardissimè moueri necesse est, contra verò, Lunæ orbis circumgyratur omnium velocissimè. Quod vt fiat euidentiùs, volumus, iuxta Astronomorum traditionem, singularem sphaerarum motibus suum tempus subijcere. Dicunt autem nonam sphaeram cursum suum proprium perficere in quadraginta nouem millibus annorum, & in ducentis annis gradum vnum zodiaci, cum dimidio percurrere. Atque hanc sphaeram dicunt hoc suo motu rapere secum octauam sphaeram, & omnes orbes planetarum præterquàm Lunæ, de quibus tamen nihil nunc particulariùs dicemus. Octaua autem sphaera proprio suo motu (scilicet trepidationis, vel accessus, & recessus) in septem millibus annorum circulum paruum describit, pertransitque gradum vnum zodiaci: quandoque quidem in centum annis, quandoque in sexaginta, quandoque verò in alio interuallo: Saturni sphaera, reuolutionem integram annorum ferè triginta spatio perficit. Iouis in duodecim: Martis ferè in duobus: Sol reuolutionem integram facit in trecentis sexaginta quinque diebus, & ferè sex horis: Venus & Mercurius, ferè similiter. Nouissima autem Luna, in viginti septem diebus & octo horis suum circulum complet. Vbi illud obiter sese offert declarandum, quid sit, quod quartus quilibet annus vno die abundat, vt videlicet quartus quisque annus iuxta nostram computationem habeat dies trecentos, sexaginta sex, qui & bissextilis nuncupatur. Cum enim sex horæ quater sumptæ diem faciant naturalem, hoc est, viginti quatuor horarum, idcirco quolibet quadriennio ad dies consuetos 365. (quibus constat annus communis) adijcitur prædictæ computationi dies vnus, vt seruetur temporum ordo, & festiuitatum vniformitas. Qui annus

*Cælum crystallinum  
49000.*



uno die (secundum huiusmodi computationem ex triū precedentium senarijs, & suo residuo sex horarum conflato) abundans bissextilis nuncupatur: eo quòd contineat 366. dies ubi bis senarius ponitur, à quo numero senario bis ita replicato, bissextilem eum appellauerunt.

CAP. XVIII. *De natura & conditionibus Astrorum.*

**D**E natura autem Altrorum, dubitatum fuit ab antiquis, fueruntque super hac re diuersæ diuersorum sententiæ. Quidam enim antiquorum dixerūt, ea esse corpora animata, propter alimentū suo motu terram perambulantia, ut scilicet humidum aqueum ad se velut in potum, & siccum terrestre in cibū attraherent, quemadmodū videmus progressiuo motu animalia, quæ apud nos sunt, moueri ad quærendum alimenta, cibum atque potum. Sed hoc figmentū planè poeticum est, neque quicquam habet verisimilitudinis. Alij verò, de quorum numero fuit Empedocles, astra dixerunt esse de natura ignis, orbis autem calorum de natura aquæ. Sed neque hic veritatem assequutus est, ut ex præcedentibus manifestè patet. Qui autem veritatem tenent, asserunt astra esse eiusdem naturæ, & speciei cum suis orbibus, in quibus mouentur, neque à reliquis partibus suorum orbium essentialiter differre, sed tantū secundum accidentia.

*Est enim Astrum (ut ait Arist.) densior pars sui orbis.*

Sicut enim in ligno contingit aliquā partem esse admodū *Arist. I. Meteor.* densam & compactam præ reliquis partibus, quam nodū vocamus, est tamen eiusdem naturæ cum alijs: sic & in orbibus cælestibus astra partes sunt densiores, atque compactiores reliquis, eiusdem autem sunt naturæ & speciei. Sunt enim cæli corpora homogenia, quorum singulæ partes, & cum toto & cum se inuicem eiusdem sunt naturæ, licet secundū accidentia possint differre. Ex hac verò densitate consequitur & alia differentia accidentalis, qua differunt astra à partibus reliquis suorum orbium. Nam ex hac sua densitate, compactione, & ut ita dicam, opacitate habent, ut possint radios solares ad se emissos reflectere, sicque effusum ad se solare lumen refundere: quod aliæ partes utpote rariore & nimium perspicuæ non possunt, quoniam ob raritatem penetrantur à lumine, nec est refusio accepti luminis. Idcirco enim ipsi cæli quantum ad omnes partes, in se quidem luminosi sunt, lumine eorum substantiam penetrante, non sunt tamen nisi  
ratio.

## DE CAELO ET MVNDO

ratione astrorum lucidi, sicut lumen possint de sese refundere. Alioqui neque nox, neque tenebrae haberent locū, tanto corpore lumen suum perpetuò spargente. Aequè enim per diem atque per noctem sol orbes caelestes illuminat, neque potest interpositio terrae (quae non nisi punctulus est caelo comparata) eorum illuminationem impedire: Ex quibus patet, quòd nomen astri siue stellae duo includit, nempe partem eē hī densiorem, & lucem solarem ab ea repercussam.

CAP. XIX. *Differentia inter planetas, & stellas fixas.*

**I**Nter has autem stellas, quaedam dicuntur fixae, quaedā erraticae, quas Graeco vocabulo planetas vocant. Siquidem planē Graecis sonat errorem. Vnde planetes, quod significat vagum siue erroneum. Fixae dicuntur omnes quae sunt in orbita sphaera, id est, in firmamento: Idque ob hoc, quòd semper videantur adinuicem servare eundem situm, & aequali distantia ab inuicem distare. Et hae in numero sunt indeterminato, qui soli est Deo creatori cognitus, iuxta illud Psalmistae, Qui numerat multitudinem stellarum, & omnibus eis nomina vocat. Planetarum autem erraticarum stellarum tantum septem sunt, quae ob hoc dicuntur erraticae, quòd non semper eundem ad inuicem conspiciantur habere situm, neque aequali distantia, ab inuicem distare: sed nunc quidem ad inuicem appropinquant, nunc verò ab inuicem elongantur: nunc hae illam antecedit, nunc subsequitur, nunc in elevatione est ad illam, nunc in depressione, secundum quòd suorum orbium varia celeritate vel tarditate variè feruntur. Dinoscuntur autem stellae fixae à planetis ex scintillatione. Omnes enim stellae fixae scintillare videntur, quòd alij quidem propter longinquam nimis distantiam, & visus nostri debilitatem euenire putauerunt, alij propter motum caeli continuo angulos irradiationis variantem, sed verior ratio ex perspectua petenda foret. Soli autem planetae non scintillant, nisi fortè saturnus interdum, quem dicunt flante Borea nonnihil scintillare. Illud autem certum est, scintillationem talem nihil esse in ipso astro scintillante, sed tantum secundum prospectum & apparentiam euenire.

*Psal. 146.*

*Soli planetarum non scintillant.*

*Ordo planetarum probatur.*

CAP. XX. *De ordine septem planetarum ad inuicem.*

**S**Eptem autem planetarum hic est ordo. Luna infima, deinde Mercurius, succedit Venus, proximus sol, supra hunc Mars, proximus Iupiter, supremus omnium Saturnus. Hunc autem

autem planetarū ordinem sic probāt, quoniam astrum illud per cuius interiectionem contingit alterum occultari, necesse est esse inferius eo quod occultatur. Vnde cū per obiectionem siue interpositionem Lunæ experientia nobis apertissimè monstrat Mercurium abscondi, cū inter nostrum aspectum & astrum ipsum media sese obiecerit, consequitur necessario Lunā esse Mercurio inferiorē. Ita & de omnibus alijs planetis, quantum ad Lunam, demonstrari potest. Nam planetas omnes abscondit & occultat, propter quod omnium infima comprobatur. Sic de Mercurio probat experientia, quod Venere sit inferior: & de Marte, quod sublit Iovi: de Ioue quoque, quod superiorem habeat Saturnum: Itē quod omnes stellæ fixæ omnibus his planetis sunt superiores, quia à quolibet planetarum possunt abscondi, ipsæ verò nullum planetarum occultare possunt. De Sole tamentalis experientia nulla est, quod abscondatur, nisi à Luna: propter quā rationem quidam existimauerunt Solem esse proximum Lunæ in secundo orbe cælesti. Quod tamen rationibus alijs manifestè probatur non habere veritatem, sed Solem esse in loco quarto.

## CAP. XXI. De Planetarum distinctione.

**A**D cognoscendum autem hos planetas, quidam diuersorum colorū similitudinem illis tribuunt: quanquā iuxta veritatem colores non habeant, sed tantum iuxta lucis variæ sese monstrantis similitudinem, varias colorum apparentias participant. Vnde Saturnū dicunt esse coloris plumbei, Iouē stannei, Martem calibei, Solem aurei, Venere electri, Mercurium argenti viui, Lunam verò argentei, atque horum singuli productiui dicuntur, quorum colorem referunt. Assignant quoque varias harum planetarum virtutes & differentias. Saturnus enim est frigidus & siccus, planeta masculinus malus siue maleuolus atq; nociuus. Quod sicut & in alijs sequentibus, secundum effectū debet intelligi. Ipso dominante, si fœtus nascitur, aut moritur, aut debilitatus misere vit. *Saturni qualitas.* Propter quod pueros dicunt octauo mense de matris utero prodeuntes, vel non superolere, vel secundum corpus miserius vivere, cū tamen septimo mense & nono si prodeant, feliciter vivant. Dicunt enim Saturnum in mense octauo dominari fœtui, qui mortis est auctor. Iouem verò in mense nono, qui est principium & largitor vitæ. Ob hanc verò pessimam



*Iupiter.*

simam nocendi & mortificandi conditionem, depingi solet Saturnus falcem manu tenens, quasi viuentia, quantum in se est, de merens qualitate noxia, id est, mortificans. Iupiter proximus, eius malitiam cohibet, & conditiones malas temperat: Est enim ipse in qualitatibus optimè temperatus, calidus scilicet & humidus, id est caliditatem & humiditatem efficiens. Vnde patet, ipsum complexionis aëreæ suæ sanguineæ in hominibus esse effectiuum. Est enim sanguis calidus & humidus. Vnde propter suam naturalem bonitatem, principium vitæ meretur vocari. Quam ob causam depingitur sceptrum manu tenens, quasi vitæ Imperator atque largitor. Quāquam autem ex se clarus est, & in modū lactis cadidus, attamen cum ascenderit in circulum gelidi illius & sicci Saturni, pallorem quendam contrahit, quo modo nonnunquā etiam insigniter bonus aliquā suæ virtutis maculam cernitur ex mali hominis commercio contrahere. Ipsum tamen suæ claritatis faciens participem, ex sese omnino pallidum, vtcunque facit clarum: vt quemadmodū effectus malitiæ suæ bonitate temperat, ita & coloris obscuritatem sua claritate lætificet, quomodo etiam pessimos videmus interdum ex bonorum consortio, vt minimum speciem aliquam virtutis induere, vt sic manifesta sit in naturalibus similitudo, cum ijs quæ cernuntur in moralibus. Mars calidus est & siccus, & idcirco noxius: non eque tamen atque Saturnus, qui neutram habet qualitatem, vitæ conducentem, & frigidus existens, & siccus. Hic verò Mars licet siccitatē habeat vitæ inimicam, habet tamen caliditatem nō inurilem, operaturq; cōplexionem cholericā, id est, calidā & siccā, vt Saturnus melancholiā, id est siccā & frigidā. Iupiter verò inter prædictos duos medius, duas qualitates optimas, caliditatem & humiditatem temperatas, possidet. Attende autem, obsecro te lector, mirā Dei in operibus cunctis sapientiam. Vides primū quemadmodum omniū planetarū maximè noxius & inimicus vitæ summus vel primus, longissimè sit à viuentiū regione ablegatus & à terris (vbi viuentium locus est) elongatissimus. Quomodo enim viuentia (si terræ proxim⁹ esset ille aduersissimus eorum hostis) aduersus tantæ crudelitatis impetum sese tuerentur? quomodo non ante debitam periodū compellerentur acutissima illius falce ante tempus occumbere? Nunc verò Dei prouidissima sapientia lōgè proscriptus est,

*Martinus  
quas.**Attendem  
rum in pla  
nelis ordi  
nem.*

est, ut non quantū ipsius cupit natura, propter intermedios meliores planetas, gelidus ille falcatus nocere possit. Martē verò, quanquam noxium, tamen minus noxium, proprius ad terras eadem prouidissima sapientia, & sapientissima prouidentia permisit accedere. In horum autem ducrū medio locum quomodo sapientissimè collocauit? videlicet totum bonum inter malos duos, ut vtriusque sua bonitate vinceret malitiam. Vide quomodo omnia numero, pondere, & mensura Deus sapientissimus prouidissima consideratione disposuit. Quòd ergo Saturnus primum & summum locum obtinet, non ex naturæ præstantis bonitate, neq; cōditionis dignitate procedit, sed tanquā hostis lōgē proscriptus ob malitiam potius arcetur à viuentibus, estq; loco nouissimo constitutus. Rursū considera quòd eū qui magis noxius est, nempe Saturnum à superiori parte Iupiter habet: cum verò qui minus ab inferiori. Superioris enim virtus, ne transeat, subiecti inferioris obstaculo facilius videtur prohiberi, quàm inferioris possit virtus desuper emissā virtute contineri. Nam loco superior planeta, non potest suum influxū in terras mittere, nisi transeat per orbem intermedij.

## CAP. XXI. De Venere, Mercurio &amp; Luna.

**V**enus est planeta fœmineus, Martis malitiam & ignitum feruorem sua fœminea qualitate temperans: quomodo virilis ira, muliebri solet benignitate placari. Semper comitatur Solem: sed cū præcedit, dicitur Lucifer: quando verò sequitur, Hesperus siue Vesper appellatur. Estq; nuntius Solis vel aduenientis, dum Lucifer est: vel abeuntis dum Hesperus: Vnde illud apud Virgilium, Ite domum saturæ, venit Hesperus, ite capellæ. Habet quasi colorem candentem & refulgentem electo similem, estq; lux eius præ luce omnium aliorum limpidissima atque gratissima, & oculorum aspectui placidissima. Vnde factum est ut primus ille Angelorum (qui cæteris omnibus sublimitate & gloria conditionis præminebat) Lucifer vocaretur, eò quòd fulgore, atque claritate cæteros spiritus præcelleret, quomodo Lucifer suæ lucis refulgentia & limpiditate, cætera antecellit sidera. Vnde apud Esaiam sub figura Regis Babylonis de illo dicitur, Quomodo cecidisti de cælo Lucifer, qui mane oriebaris? Et Beatus Petrus Euangelicam doctrinam omnibus alijs doctrinis præminentem, appellat Luciferum, di-

Virgilius.

Esa. 14.

2. Pet. 2.

## DE CAELO ET MVNDO

cens de sermone prophetico, Cui benefacitis attendentes, tanquam lucernæ lucenti in loco caliginoso, donec dies illucescat, & Lucifer oriatur in cordibus vestris. Post Venerem, est Mercurius, per se quidem nec bonus nec malus, sed

*Mercurius.* per suam naturam inclinatur ad planetam cui coniungitur. Non enim aliorum malitiam temperat: sed est cum bonis bonus, & cum malis malus. Rarò à nobis cernitur propter vicinitatem ad Solem. Semper enim cum Sole graditur, nunquam ab eo plus triginta gradibus distans. Hunc Mercurium dicunt eloquentiæ & ingenij, id est, boni sensus effectorem: ut quibus hic dominetur, facundi sint sermone & bonis sensibus, ac benè ingeniati. Et quidem, si cum Saturno aut Marte iunctus fuerit, facundiam pravam, & astutiam malam, ad nocendum, sed concitandum rixas, discordias, tumultus, schismata, hæreses, dicunt significare. Eiusmodi homines præ omnibus seculis prioribus, nostra hæc ætas plurimos habet, quibus cum summa adsit facundia & sensus clarissima perspicacitas, nihil tamen hisce dotibus aliud agunt quàm ut nihil relinquant integrum, sed vniuersa perturbent erroribusque adimpleant orbem. Si verò Ioui iungatur, bonam facundiam & ingenium salutare significare dicunt, ad veritatis defensionem & virtutis promotionem accommoda. Cuiusmodi ingenia hac nostra tempestate nimium rara meritò deploramus. Infima omnium Luna, frigida & humida est, operaturque complexionem phlegmaticam, id est, humidam & frigidam. Super aquas & omnia humida dominium habet. Vnde secundum varium accessum, & recessum causat fluxum & refluxum maris, itemque aquarum augmentationem vel diminutionem, quemadmodum libro priore dictum fuit. Experientia quoque monstrat, in plenilunio crescere medullas, & cerebrū ac huiusmodi humida, quemadmodum in nouilunio ista decrescunt & diminuuntur. Illuminatur diuersimodè, & nunc plena, nunc partim obscura, nunc crescens, nunc decrescens apparet nostro aspectui, ac iuxta diuersitates istas diuersimodè corpora hominum & inferiora cuncta disponit. Eius lumē terris singulariter deseruit tam in illuminando, quàm in agendo, eò quod terris sit proxima: neque vllius aliorum syderum tam efficax & manifesta est in his inferioribus operatio, id quod in agrotantibus manifestissimè cernimus. Minimo spatio suam circu-

latiq;



lationem absoluit: suo motu mensium distinctionem facit. Et cum quantitate sit minor cæteris planetis, maior tamen ob vicinitatem apparet hominibus. In scripturis nonnunquam bonam habet significationem, veluti in Canticis Cantorum. Quæ est ista quæ progreditur quasi aurora consurgens, pulchra ut luna, &c. Et in Psalmis, Thronus eius sicut Sol in conspectu meo, & sicut luna perfecta in æternum. In malum vero, Sapiens ab ea trahit comparisonem, cum ait, Stultum ut lunam mutari. Et in Apocalypsi mulier illa gloriosa Sole amicta, lunam visa est habere sub pedibus. Per quod significari dicunt sacri Theologi, omnem mutabilitatem seculi huius & transeuntium in eo. Secundum lucis enim pleniorē ad terras infusionem, bonam habet comparisonem: secundum instabilitatem autem & variationem, accipit malam.

Cant. 6:  
P salm. 38.

Ecclesi. 27.  
Apoca. 12.

CAP. XXIII. De Solis nimia præcellentia super cæteros planetas.

**I**Nter hos verò sex iã dictos planetas mediū locū Sol obtinet, qui solus per sese lucidus cum à nullo lucē accipiat: ipse astris omnibus lumen præbet. Omnes enim stellas erraticas in suis orbibus, & fixas in firmamento, sua luce illuminat, singulisq; lumen illud in quo cernuntur donat, hoc ipso patenter in se Dei patris luminum gerens similitudinē. Ipse enim admirandi fulgoris atque efficacissimæ virtutis de sua natura existens solus de se lucem habens, sui luminis atque ardoris vim, sparsis flagrantibus radijs circumquaque diffundit, cælestia & terrestria cuncta illuminans, atque efficacissimè in eis operans. Omnia siquidem astra (ut auctor est Aristoteles, & veritas confirmat) à Sole suum lumen accipiunt, & per lumen quod à Sole accipiunt, suos operantur effectus. Visum est tamen quibusdā præter hoc Solis lumen, debere ea habere lucem aliquā propriā, quæ causā esset ut lumen à Sole procedens in hoc quā in illo planeta, aliter operaretur. Nō est tamen id necessariū, ob hoc scilicet propriā lucē aliquā ponere. Sufficit enim ad hāc diuersitatē operationis, ip'ā subiecti varia dispositio. Vnde lux Solis (iuxta doctrinā Astronomorū) in Saturno infrigidat, in Marte calefacit, & ita in cæteris quemadmodum iuxta diuersam naturam astrorū idem Solis lumen diuersas colorū apparentias facit, ut suprà declarauimus. Omnino itaque probabilior videtur

Solis præcellentia.

Omnium stellarum lumen à sole esse.

Quorundam opinio.

illorum sententia, qui vnicum ponūt luminis fontem à quo lux omnis deriuetur, ipsum videlicet Solem, qui in planetarum medio ordinatissimè consistit, tanquam Rex in medio regni sui, in medio gradiens suorum Principum atque magnatum, qui sunt proximi ipsum hincinde circundantes planetae, sub se habens Lunam, Mercurium, Venerem: supra se verò Martem, Iouem, atque Saturnum: proximos autem habet, hinc quidem igneum & bellicosum Martem, ardentibus radijs flagrantem: illinc verò placidam & amœnam Venerē, sua limpidissima ac placidissima luce suauiter resplendentem: illum velut potentem & animosum armigerū, hanc vt suauem coniugem. Quod tamen ne Gētili opinione excipiat, præmonemus, vt ne arbitretur quis iuxta figmenta poëtica, in cœlestibus vera nos ponere coniugia, cōcubitufque & generationes prolium. Sunt enim figmenta ista vanissima, neq; veritatis quicquam possidentia. Secundum tamen similitudinem quandam, Venerem dicimus Solis esse coniugem. Est enim coniugis officium, suo viro iadiuidua societate adherere, neque ab eo sese plus iusto elongare. Ita Venus semper Solem comitatur, siue oriatur, siue occidat, indiuidua societate, comitem illi se adiungens, estq; ipsa tota foeminea, & placida lucis resplendentia blandissima, foeminearum qualitatum effectiua: vt ille totus est masculus, aureo superabundanti fulgore, virili maiestare replendus, & virilium qualitatum maximè effectiuus. Vnde quemadmodū Solis calor magnos & fortes animos facit atque constantes, sic Venus molliores, faciles, & pios, ac minus stabiles, cuiusmodi in foeminis plerunq; cōspicimus. Item vt Sol vitalem calorem præbet, sic Venus vitalem humorem videtur suo cōcursu adferre: sicq; vitam pariter efficiunt, vt simul vir & mulier ad proles generationē concurrunt. Post hos autē planetas (qui Soli velut propinquiore, sunt Principes) infinita circūdatur multitudo astrorum firmamenti, quibus tanquam militū innumerabilium è longinquo subsequentiū exercitibus vndeque circundatus atque circumstipatus incedit, in magnificentissima gloria, singulis proprium suum lumen ex diuisijs thesauri sui velut in militæ stipendium persoluens. Ob quam nimiam excellentiam, veteres Poëtæ Solem dixerunt esse patrem Deorum hominumq;. Quod ideo dictum videri potest quoniam in omnium generatione ipsius actionem

accesse

*Venus est  
soli quasi  
pro coniun-  
ge.*

*Arist. 2. li.  
Phys.*

neceſſe eſt concurrere, vt cauſſam vniuerſalem, ſine qua effectus nullus poſſit generari. Ipſe præterea omnibus aſtris perpetuò lumen cõmunicans, ſimul & cū hoc agendi in hæc inferiora virtutem, hoc modo non immeritò omnia dicitur in aſtris omnibus operari, dum quod illa agunt, ab illo accipiunt, vt agant. Eſt autem cauſſa admodum rationabilis ex parte naturæ, cur licet præcellentiſſimus Sol exiſtat, tamen neque ſupremo neque infimo loco debuerit collocari. Cū enim Sol principium ſit atque fons luminis & caloris vitalis à quo & cætera aſtra lumen recipiunt, & viuientia omnia vitam, ſi eſſet Sol terræ proximus, nimio calore eam exureret, nec poſſet ipſa ferre eius ardorem, ſicq; viuentiū conſumeret vitam, forſitan etiam ſuprema aſtra non ita commodè poſſet illuminare. Si verò econtrariò, Sol locū haberet ſupremū illic, vbi agit Saturnus, terra calore ſufficiente deſtitueretur, nec poſſent viuientia commodè in vita cõſeruari, & aſtra inferiora non ſufficienter potuiſſent à tam diſtante Sole illuminari. Propter quod ſapientiſſimus naturæ inſtitutor, & cõſeruator Deus, Solem voluit in medio eſſe collocatū, in tali gradu, vt à ſuperioribus atque inferioribus mediocriter diſtaret, ſicq; terræ neque nimium vicinus eſſet, neque nimium elongatus. Illud quoque de Solis proprietatibus non eſt prætereundum, quòd ſicut Mars calidus exiſtit, ita ſimiliter & Sol. Multa tamen inter eos eſt differentia, quoniam Solis calor temperatus eſt efficaciſſimus & viuificatiuus, omniumq; viuientium perfectiuus, quemadmodum ipſa monſtrat experientia, eius calore cuncta viuificari, & perfici, fructuſq; & omnia ipſius maximo calore matureſcere, & ad perfectum peruenire. Martis autem calor eſt conſumptiuus. Eſt enim Sol effectiuius caloris, cuiuſmodi eſt calor cordis: qui eſt vitalis, & corpori vitam donans, atque cuſtodiens. Mars verò effectiuius eſt caloris, cuiuſmodi eſt calor cholæræ: quæ vbi dominari poteſt, conſumit & depaſcit omnia: quemadmodū patet in febricitatibus. Maniſeſta quoq; in effectū harum caliditatum apparet diuerſitas, quoniam illi in quibus Sol ſecundū bonum aſpectum dominatur, cordis ſunt temperatè calidi, & animo verè magno, verè fortes, & magnanimi. In quibus autem Mars dominatur, corda habent intemperatè calida, & animo ſunt feroci potiùs quàm verè magno: dicunturq; audaces magis quàm magnanimi. Exceſ

*Calor Solis differt à calore Martis.*



sus nāq; caloris excessum facit audaciæ & temeritatis nimium & immoderatè sanguinem inflammando. Similis penè differentia inter Venerem & Lunam posset assignari: quoniā Venus humiditatis est effectiua, quale est humidum radicale, quod est vitale & conseruationi animalis æque vt vitalis calor necessarium. Luna verò, magis humidi phlegmatici, quod vbi abundauerit, infirmitates varias gignit.

CAP. XXIIII. De Sole in sacris literis quàm honorificè fiat mentio.

**O** B hanc quoque Solis excellentiam, in literis sacris honorificentissimā ubiq; audimus fieri eius mentionem, vt quoties insigne aliquid, & quasi super omnia excellentissimū efferre velint, Solis decori conferāt. Vnde Matthæus Euangelista, trāsfigurationis gloriam describens, quū fulgorem vultus Christi gloriosissimum vellet ostendere, nō inueniens quicquam in rebus humanis altius, Transfiguratus est, inquit, ante discipulos, & resplenduit facies ei⁹, sicut Sol. Sic & Ioannes in Apocalypsi, vultum filij hominis ait se vidisse quasi Solem lucentem in virtute sua. Vnde & in Canticis sponsam Ecclesiam cū admiratores dixissent pulcrā vt Lunam, augere cupientes laudem, adiecerunt, electā eam esse vt Solem. Rursus verò oculos Domini ait quidā sapiens multò esse lucidiore supra Solem. Idem quoque mulieris bonæ speciem in ornamentum domus, comparat Soli orienti mundo in altissimis Dei. Iterumque hominem sapientem & sensatum; manere ait vt Solem, dum stultus vt Luna mutatur. Ipse quoque Dominus Iesus saluator hominum, de iustorum gloria loquens, Iusti, inquit, fulgebunt sicut Sol in regno patris eorum. Ex quibus cōparationibus manifestum est, Solis claritate nihil posse in mundo reperiri pulcrius. Hinc per Sapientē dicitur. Quid lucidi⁹ Sole? Et iterum, Sol illuminans per omnia respexit; & gratia Domini plenum est opus eius. Sol in aspectu annūciās, in exitu, vas admirabile, opus excelsi. In meridiano exurit terram, & in conspectu ardoris eius quis poterit sustinere? fornacem custodiens in operibus ardoris. Tripliciter Sol exurens montes, radios igneos exufflans, & refulgens radijs suis obæcat oculos. Magnus Dominus qui fecit illum, & in sermonibus eius festinauit iter. Diuinus quoque ille Psalmographus, Solis istam magnificentiam & gloriam

Mat. 17.

Apoc. 1.

Cant. 6.

Eccl. 22.

Eccl. 26.

Eccl. 27.

Matt. 13.

Eccl. 17.

Eccl. 42.

Eccl. 43.

riam apertissimè cecinit, apertissimeque, per singulas proprietates pinxit, Psalmo. 18. vbi pro eo quod communis Græcorum atque Latinorū lectio habet, In sole posuit tabernaculum suum: iuxta veritatem Hebraicam ( sacro Hieronymo interprete) sic legimus, Soli posuit tabernaculum in eis (nempe cælis) & ipse tanquam spōsus procedēs de thalamo. Exultauit, vt gigas (siue vt fortis) ad currēdā viā, à summo cælo egressio eius, & occurfus eius vsque ad summum eius. In quibus verbis dum (iuxta quod in Hebræo legitur) Soli dicit positum in cælis tabernaculum, significat ipsum in medio planetarum, quasi in medio cæli locū possidere. Eundē verò spōsum appellans, significat decorem & formosam pulcritudinem spendoris eius, in quo exoritur mundo, cū maxima gratia & gaudio atque exultatione cūctorū viuentiū: quēadmodū omni gloria & decore adornari solet spōsus in die solēnitatis suæ. Procedit autē spōsus iste de thalamo, quādo ab occasu surgit, & in oriēte mundo oriri incipit. Vt gigas fortis exultat ad currēdā viam, quādo magna alacritate quasi gigas fortissimus intra 24. horarū spatiū totū mundū percurrit per omnia respiciens, omnia quoque illustrans & viuificans. A summo cælo est egressio eius, quia ab oriente oritur: & occurfus siue reuersio eius vsque ad summum cæli est, quando rursus in oriētrē reuertitur. Vel etiam à meridie, quādo in maxima eleuatione est, & quasi in summo cælo tendit ad occasum, iterūq; suo ordine ad meridiē reuertitur. Nec est qui se abscondat à calore Solis, quoniam circumiēs terram, perlustrat omnia, nihilque relinquit quod non lumine contingat, virtutisq; efficacia immutet. Quæ omnia diuinus Psalter, penitissimè consideratis conditionibus Solis admodū iucundis similitudinibus expressit. Hinc & doctissimus ille idiota sacer Frāciscus, Solē ceterarū creaturarū dominū doctissimè nominauit illiterat⁹, eundēq; præ ceteris omnibus patenter in se Dei gestare similitudinem sapientissime cecinit indoct⁹, in suo cātico quod Deo ex creaturis patria lingua decātauit, atque à Solis præcellētia specialiter cāticum Solis nominauit. Ipse, inquit, Sol multo ardore ebulliens siue feruescens diffundit circunquaque radios miranda splendoris irradiatione, mirā tu gerens, ô altissimè, similitudinem. Qui insuper discipulos docuit, oriente sole debere omnem creaturā magnas agere gratias Deo ob tā-

*Frāciscus  
quomodo  
Solē magnū  
ficabat.*

## DE CAELO ET MVNDO

dentes priores illuc sunt ingressi. Nos quoque iuxta manum Dei super nos bonam eodem peruenire post paululum confidimus, ipsius gratia adiuti, qui nobis antequam nati essemus tam gloriosum ab initio pręparauit æternę mansionis habitaculum.

*Sunt igitur cali vndecim hoc ordine sitı, calū empyreū,  
primum mobile, calum crystallinum, firmamentum;  
calum Saturni, Iouis, Martis, Solis, Veneris, Mercurij, & Lunę.*

*Calū nonū.*

Post hoc igitur primum & nobilissimum corpus sequitur decimum calum, primum mobile: quod motu suprā q̄ cogitari potest velocissimo, lege perpetua, quotidie ab oriente in occidentem per meridiem, viginti quatuor horarum tēpore decurrēs, velocissimo hoc raptu suo omnes inferiores cęlos secum rapit, eodemq̄ue temporis spatio perfectā circulationem cōplere facit. Nec pręter hunc motū alium aliquem habet. Sub hoc cælo est nonum, quod nunc aqueū, nūc crystallinum à sanctis & diuinis Theologis nominatur, nō quidem à proprietate vel natura aque, quasi illic verę aquę sint elementares, sed ab omnimoda diaphaneitate siue perspicuitate, eō quōd nullam omnino habeat stellam. Forsitan & ob hoc quōd sit in modum aquę, siue crystalli effectū frigidissimum & frigiditatis maxime effectiuum, quę est aque qualitas prędominās. In cuius confirmationem facit, quod quidam suprā firmamentum veras aquas ponendas senserunt ad motus & caloris illius temperamentum atque refrigerationem: ne videlicet ex nimia talis motus velocitate, ignis generaretur, qui omnia hæc inferiora consumeret. Quę sententia licet non admodum probabilis videatur, in hoc tamē nobiscum facit, quōd aquas istas (qualescūque tandem sint) ad contemperationem nimij caloris suprā firmamentum positas dicit. Quod & nos secundum verisimilitudinem asserimus: non sic quidem vt à cælis prohibeatur calor, quasi cælestibus corporibus sit exustionis periculum (quę incorruptibilia sunt, & caliditatis non susceptiua, etiam si mille ad mouerentur ignes) sed propter nimium calorem cęterorū astrorum, atq; etiā eius qui ex nimia velocitate motus oriri posset in regione elementari, in his inferioribus contemperandū. Aiunt enim quidam huius cæli tantā esse frigiditatē, vt his inferioribus prorsus esset intolerabilis, si non Solis & alio-



rum astrorum calore temperaretur. Hæ sunt aquæ, de quibus in scriptura sacra frequens est mentio, nominatim in principio Geneseos, dicente Domino, Fiat firmamentum in medio aquarum, & diuidat aquas ab aquis, & subditur, Factum est firmamentum in medio aquarum, & diuisit aquas quæ erant supra firmamentum ab aquis quæ erant sub firmamento. Item in libro Psalmorum, Laudate eum cæli cælorum, & aquæ quæ super cælos sunt, laudent nomen Domini. Et in libro Danielis, ad laudē Dei omnem creaturā exhortantes pueri Hebræi canunt, dicentes: Benedicite aquæ omnes quæ super cælos sunt Domino. Hæc autem sphaera cæli crystallini, siue aquei, secundum opinionem Ptolemæi, atque Alphragani, ponentium vnā tantum sphaeram naturalem supra firmamentum, primum mobile diceretur. Veritas tamen magis credibile facit, eam esse secundum mobile.

CAP. XIIII. De firmamento & orbibus Planetarum.

**H**ic autem cælo aqueo, cōtiguū est cælū ordine octauum: quod à stellis miræ magnitudinis & multitudinis stellarum appropriato nomine dicitur: in scriptura autem firmamentum vocatur, vel propterea quod verbo Domini in diuisionem positum sit aquarum superiorum ab aquis inferioribus. Vel quia in eo innumerabilis est stellarum multitudo firmata. Sunt enim in hac sphaera omnes stellæ fixæ: de quibus dicemus posterius. Hanc verò sphaerā octauam sequuntur.

*Septem sphaera, septem planetarum, hoc ordine: Sphaera Saturni, Sphaera Iouis, Sphaera Martis, Sphaera Solis, Sphaera Veneris, Sphaera Mercurij, vltima Luna.*

*Orbes septem Planetarum.*

Istarum autem sphaerarum, superior quælibet ambit & orbiculariter circumdat inferiorem: suntque aliæ alijs maiores, secundum quod plus vel minus accedunt firmamento, vel ab eo recedunt. Vnde sphaera Lunæ omnium infima, omnibus etiam minor est: contrā, sphaera Saturni omnium est maxima, utpote firmamento proxima & cōtigua. Quā in re cōsiderari facile potest inestimabilis mundialis machinæ magnitudo. Nam quemadmodum diximus in elementari regione superiorem sphaeram excedere inferiorem proportionē decupla, ita etiam in hac regione, continuato semper argumento, superior longè quantitate superexcedit inferiorem proximam: vnde necesse est multò maximam & immensissimam esse molem illam vltimā, empyrei cæli, & magni-

tudine incomprehensibilem. Insuper velocissimus ille motus decimi cæli, huic empyreo proximi, quo in viginti quatuor horarum spatio tantum percurrit, imò peruolat, imò plusquam peruolat circulum, meritiò debet considerantibus nobis eius magnitudinem stupori esse, & miraculum multò maximum. Sciendum autem est, firmamenti nomine interdum signari totam aggregationem octo sphaerarum, septem videlicet planetarum & stellarum fixarum. Debere tamen poni hanc sphaerarum diuisionem: & non posse in vnum corpus censi, manifestissimis experientijs & rationibus certissimis ab Astronomis probatur.

CAP. XV. De duplici motu orbium celestium, qui sunt post primum mobile.

**O**Mnes celestes sphaerae quæ primum mobile sequuntur, duplici motu mouentur. Priore quidem alieno, id est, ex raptu primi mobilis, quod (vt supra diximus) velocissimo suo motu in viginti quatuor horarum spatio sese citissime circūuoluens, & totum suum cursum complens, omnes orbis intra se contentos secum circūuoluit, vt in eodem spatio temporis totum suum cursum infallibili lege perficiant, id quod in Sole manifestissima experientia ad oculum conspiciamus, qui hoc motu raptus diem nobis à die distinguit. Singulae enim eius reuolutiones secundum motum istum primi mobilis factae, singulos nobis dies efficiunt. Et quidem si totum accipiamus tempus reuolutionis, id est, tam illud quod supra nostrum hemisphaerium, quam illud quod supra alterum oppositum voluitur, dies naturalis dicitur, constatque viginti quatuor horis. Verum si accipiamus tempus tantum illud quo supra nostrum hemisphaerium apparet & mouetur, dies dicitur artificialis. Et hi dies, non æqualis sunt longitudinis. Nam hyeme breuiores sunt dies, & æstate longiores, iuxta quod supra nostrum hemisphaerium Sol magis eleuatur. Fit autem motus iste primi mobilis super duobus polis mundi directè sibi in cælo oppositis, quorum alter arcticus nominatur, semper nobis apparens: alter antarcticus, nūquam, sed nostris antipodibus perpetuò est præsens, quibus econtrariò noster polus arcticus semper abest. A polo enim arctico, qui in summo cæli ponitur, vsque ad polum antarcticum, qui directè ex parte altera est oppositus, linea recta per medium mundi ducta intelligitur, quæ axē mundi

Quid dies naturalis.

Quis artificialis dies.

Duo poli mundi.

appellant, eò quòd circa ipsum fiat motus iste primi mobilis, & cum eo omnium sphærarum celestium, quemadmodum rota voluitur axem. Fit autè motus iste ab Oriente, per Meridiem, in Occidentem, atque ita deinde per Septentrionem redit ad Orientem. Præter hunc vero motum primi mobilis, inferiores sphære omnes sibi proprium habent, quo mouentur contranitando ab Occidente, per Meridiem, in Orientem, atque hinc redeunt per Septentrionem, in Occidentem. Hic autè motus non circa eundem axem mundi fit, nec super eisdem polis, sed super duobus polis alijs, distantibus à prædictis per viginti tres gradus, & triginta tria minuta, aut secundum alios unum & quinquaginta. A quorum polorum uno ad alterum, intelligitur transire per medium mundi linea rectissima, quæ dicitur axis huius motus, & nominatur axis zodiaci, quemadmodum prior dicitur axis mundi.

*Quid axis mundi.*

*Motui rationis motus aduersus.*

CAP. XVI. *Quomodo intelligi debent in calis motus oppositi, et motus raptus.*

Posset autem ex iam dictis secum aliquis hæsitare, quoniam pacto possint esse motus oppositi in cælestibus, cum motui circulari (ut ait Aristoteles) nullus sit motus contrarius. Rursum quomodo fieri possit, ut rapiat primum mobile alias sphæras, cum in cælestibus nulla possit esse violentia. Ut enim non est ibi contrarietas, ita nec violentia admitti potest. Ad hanc autem obiectionem remouendam, necesse est sanè intelligere, quæ prius dicta sunt. Non enim motus isti propriè oppositi sunt adinuicem, quasi contrarij. (Contraria enim in eodem simul esse non possunt) sed quia diuerso modo sunt, vnus videlicet ab Oriente in Occidentem, alius ab Occidente in Orientem: quamuis non per eundem circum, aliquo modo videntur oppositi. Insuper quod de rapto dicitur, debet absque violentia intelligi: quemadmodum cum inferiores sphæras dicimus contraniti, absque resistentia aut rebellionem accipimus. Nulla enim in cælestibus est contrarietas, nulla fatigatio, nulla violentia, nulla mobilium resistentia. Non enim aliud sibi vult, quòd dicimus inferiores orbes rapi, quàm quòd simul ad motum primi mobilis per accidens moueantur, quemadmodum nauta mouetur vectus à navi, & aqua ad motum vasis in quo continetur: ut sic ratione continentia, inferiores simul cum superiore moueantur. Et quod de contranitentia inferiorum dicitur, nihil aliud

sibi



ibi vult, quàm eas diuerso motu proprio moueri, ab alia parte ad partem oppositam.

CAP. XVII. *Quanto tempore vnusquisq; celestium orbium suum proprium motum compleat, & obiter de anno bissextili,*

**O**Mnes igitur sphaerae caelestes huic motui primi mobilis (vt iam dictum est) contranitentur, secundum circulum obliquum (qui & zodiacus dicitur) cursum suum peragentes. Verum illud notandum est, quod quanto propinquiores sunt primo mobili secundum situm, tanto suum motum proprium tardiùs perficiunt: quanto autem distantiores, tantò citiùs suos cursus absoluunt. Vnde cælum crystallinum omnium tardissimè moueri necesse est, contrà verò, Lunæ orbis circumgyratur omnium velocissimè. Quod vt fiat cui dentiùs, volumus, iuxta Astronomorum traditionem, singularium sphaerarum motibus suum tempus subijcere. Dicunt autem nonam sphaeram cursum suum proprium perficere in quadraginta nouem millibus annorum, & in ducentis annis gradum vnum zodiaci, cum dimidio percurrere. Atque hanc sphaeram dicunt hoc suo motu rapere secum octauam sphaeram, & omnes orbes planetarum præterquàm Lunæ, de quibus tamen nihil nunc particulariùs dicemus. Octaua autem sphaera proprio suo motu (scilicet trepidationis, vel accessus, & recessus) in septem millibus annorum circulum paruum describit, pertransitque gradum vnum zodiaci: quandoque quidem in centum annis, quandoque in sexaginta, quandoque verò in alio interuallo: Saturni sphaera, reuolutionem integram annorū ferè triginta spatio perficit. Iouis in duodecim: Martis ferè in duobus: Sol reuolutionem integram facit in trecentis sexaginta quinque diebus, & ferè sex horis: Venus & Mercurius, ferè similiter. Nouissima autem Luna, in viginti septem diebus & octo horis suum circulum complet. Vbi illud obiter sese offert declarandum, quid sit, quod quartus quilibet annus vno die abundat, vt videlicet quartus quisque annus iuxta nostram computationē habeat dies trecentos, sexaginta sex, qui & bissextilis nuncupatur. Cùm enim sex horæ quater sumptæ diem faciant naturalem, hoc est, viginti quatuor horarum, idcirco quolibet quadriennio ad dies consuetos 365. (quibus constat annus communis) adijcitur prædictæ cōputationi dies vnus, vt seruetur temporum ordo, & festiuitatum vniformitas. Qui annus

uno die (secundum huiusmodi computationem ex triū præcedentium senarijs, & suo residuo sex horarum conflato) abundans bissextilis nuncupatur: eo quòd contineat 366. dies ubi bis senarius ponitur, à quo numero senario bis ita repliato, bissextilem eum appellauerunt.

CAP. XVIII. De natura & conditionibus Astrorum.

**D**E natura autem Astrorum, dubitatum fuit ab antiquis, fueruntque super hac re diuersæ diuersorum sententiæ. Quidam enim antiquorum dixerūt, ea esse corpora animata, propter alimentū suo motu terram perambulantiā, ut scilicet humidum aqueum ad se velut in potum, & siccum terrestre in cibū attraherent, quemadmodū videmus progressiuo motu animalia, quæ apud nos sunt, moueri ad quærendum alimenta, cibum atque potum. Sed hoc figmentū planè poeticum est, neque quicquam habet verisimilitudinis. Alij verò, de quorum numero fuit Empedocles, astra dixerunt esse de natura ignis, orbis autem calorum de natura aquæ. Sed neque hic veritatem assequutus est, ut ex præcedentibus manifestè patet. Qui autem veritatem tenent, asserunt astra esse eiusdem naturæ, & speciei cum suis orbibus, in quibus mouentur, neque à reliquis partibus suorum orbium essentialiter differre, sed tantum secundum accidentia.

*Est enim Astrum (ut ait Arist.) densior pars sui orbis.*

Sicut enim in ligno contingit aliquā partem esse admodū densam & compactam præ reliquis partibus, quam nodū vocamus, est tamen eiusdem naturæ cum alijs: sic & in orbibus cælestibus astra partes sunt densiores, atque compactiores reliquis, eiusdem autem sunt naturæ & speciei. Sunt enim cæli corpora homogenia, quòrum singulæ partes, & cum toto & cum se inuicem eiusdem sunt naturæ, licet secundū accidentia possint differre. Ex hac verò densitate consequitur & alia differentia accidentalis, qua differunt astra à partibus reliquis suorum orbium. Nam ex hac sua densitate, compactione, & ut ita dicam, opacitate habent, ut possint radios solares ad se emissos reflectere, sicque effusum ad se solare lumen refundere: quod aliæ partes utpote rariore & nimium perspicuæ non possunt, quoniam ob raritatem penetrantur à lumine, nec est refusio accepti luminis. Idcirco enim ipsi cæli quantum ad omnes partes, in se quidem luminosi sunt, lumine eorum substantiam penetrante, non sunt tamen nisi

ratio-

*Arist. I. Meteor.*

ratione astrorum lucidi, sicut lumen possint de sese refundere. Alioquin neque nox, neque tenebrae haberent locū, tanto corpore lumen suum perpetuò spargente. Atque enim per diem atque per noctem Sol orbem caelestes illuminat, neque potest interpositio terrae (quae non nisi punctulus est caelo comparata) eorum illuminationem impedire: Ex quibus patet, quòd nomen astri siue stellae duo includit, nempe partem celi densiorem, & lucem solarem ab ea repercussam.

CAP. XIX. *Differentia inter planetas, & stellas fixas.*

**I**nter has autem stellas, quaedam dicuntur fixae, quaedam erraticae, quas Graeco vocabulo planetas vocant. Siquidem planè Graecis sonat errorem. Vnde planetes, quod significat vagum siue erroneum. Fixae dicuntur omnes quae sunt in orbita sphaera, id est, in firmamento: Idque ob hoc, quòd semper videantur adinvicem servare eundem situm, & æquali distantia ab inuicem distare. Et hæc in numero sunt indeterminato, qui soli est Deo creatori cognitus, iuxta illud Psalmistæ, Qui numerat multitudinem stellarum, & omnibus eis nomina vocat. Planetæ autem erraticæ stellæ tantum septem sunt, quæ ob hoc dicuntur erraticæ, quòd non semper eundem ad inuicem conspiciantur habere situm, neque æquali distantia, ab inuicem distare: sed nunc quidem ad inuicem appropinquant, nunc verò ab inuicem elongantur: nunc hæc illam antecedit, nunc subsequitur, nunc in elevatione est ad illam, nunc in depressione, secundum quòd suorum orbium varia celeritate vel tarditate variè feruntur. Dinoscuntur autem stellæ fixæ à planetis ex scintillatione. Omnes enim stellæ fixæ scintillare videntur, quòd alij quidem propter longinquam nimis distantiam, & visus nostri debilitatem euenire putauerunt, alij propter motum caeli continuo angulos irradiationis variantem, sed verior ratio ex perspectiva petenda foret. Soli autem planetæ non scintillant, nisi fortè Saturnus interdum, quem dicunt flante Borea nonnihil scintillare. Illud autem certum est, scintillationem talem nihil esse in ipso astro scintillante, sed tantum secundum prospectum & apparentiam euenire.

Psalm. 146.

Soli planetæ non scintillant.

Ordo planetarum probatur.

CAP. XX. *De ordine septem planetarum ad inuicem.*

**S**eptem autem planetarum hic est ordo. Luna infima, deinde Mercurius, succedit Venus, proximus Sol, supra hunc Mars, proximus Iupiter, supremus omnium Saturnus. Hunc autem



autem planetarū ordinem sic probāt, quoniam astrum illud per cuius interiectionem contingit alterum occultari, necesse est esse inferiūs eō quod occultatur. Vnde cū per obiectionem siue interpositionem Lunæ experientia nobis apertissimè monstrat Mercurium abscondi, cū inter nostrum aspectum & astrum ipsum media sese obiecerit, consequitur necessario Lunā esse Mercurio inferiorē. Ita & de omnibus alijs planetis, quantum ad Lunam, demonstrari potest. Nam planetas omnes abscondit & occultat, propter quod omnium infima comprobatur. Sic de Mercurio probat experientia, quod Venere sit inferior: & de Marte, quod sublit Ioui: de Ioue quoque, quod superiorem habeat Saturnum: Itē quod omnes stellæ fixæ omnibus his planetis sunt superiores, quia à quolibet planetarum possunt abscondi, ipsæ verò nulum planetarum occultare possunt. De Sole tamentalis experientia nulla est, quod abscondatur, nisi à Luna: propter quā rationem quidam existimauerunt Solem esse proximū Lunæ in secundo orbe cælesti. Quod tamen rationibus alijs manifestè probatur non habere veritatem, sed Solem esse in loco quarto.

## CAP. XXI. De Planetarum distinctione.

**A**D cognoscendum autem hos planetas, quidam diuersorum colorū similitudinem illis tribuunt: quanquā iuxta veritatem colores non habeant, sed tantū iuxta lucis varietate monstrantis similitudinem, varias colorum apparentias participant. Vnde Saturnū dicunt esse coloris plumbei, Iouē flannei, Martem calbei, Solem aurei, Venere electri, Mercurium argenti viui, Lunam verò argentei, atque horum singuli productiui dicuntur, quorum colorem referunt. Assignant quoque varias harum planetarum virtutes & differentias. Saturnus enim est frigidus & siccus planeta masculinus malus siue malevolus atq. nociuus. Quod sicut & in alijs sequentibus, secundum effectū debet intelligi. Ipso dominante, si fœtus nascitur, aut moritur, aut debilitatus misere vivit. Propter quod pueros dicunt octauo mense de matris utero prodeuntes, vel non superuivere, vel secundum corpus miseris vivere, cū tamen septimo mense & nono si prodeant, feliciter vivant. Dicunt enim Saturnum in mense octauo dominari fœtui, qui moris est auctor. Iouem verò in mense nono, qui est principium & largitor vitæ. Ob hanc verò pessimam

*Iupiter.*

simam nocendi & mortificandi conditionem, depingi solet Saturnus falcem manu tenens, quasi viuentia, quantum in se est, de merens qualitate noxia, id est, mortificans. Iupiter proximus, eius malitiam cohibet, & conditiones malas temperat: Est enim ipse in qualitatibus optimè temperatus, calidus scilicet & humidus, id est caliditatem. & humiditatem efficiens. Vnde patet, ipsum complexionis aëreæ siue sanguineæ in hominibus esse effectiuum. Est enim sanguis calidus & humidus. Vnde propter suam naturalem bonitatem, principium vitæ meretur vocari. Quam ob causam depingitur scpturum manu tenens, quasi vitæ Imperator atque largitor. Quāquam autem ex se clarus est, & in modū lactis cādidus, attamen cū ascenderit in circulum gelidi illius & sicci Saturni, pallorem quendam contrahit, quo inodo nonnunquā etiam insigniter bonus aliquā suæ virtutis maculam cernitur ex mali hominis commercio contrahere. Ipsum tamen suæ claritatis faciens participem, ex sese omnino pallidum, vtcunque facit clarum: vt quemadmodū effectus malitiæ suæ bonitate temperat, ita & coloris obscuritatem sua claritate latificet, quomodo etiam pessimos videmus interdum ex bonorum consortio, vt minimum speciem aliquam virtutis induere, vt sic manifesta sit in naturalibus similitudo, cum ijs quæ cernuntur in moralibus. Mars calidus est & siccus, & idcirco noxius: non eque tamen atque Saturnus, qui neutram habet qualitatem, vitæ conducentem, & frigidus existens, & siccus. Hic verò Mars licet siccitatē habeat vitæ inimicam, habet tamen caliditatem nō inutilem, operaturq; cōplexionem cholicā, id est, calidā & siccā, vt Saturnus melancholicā, id est siccam & frigidam. Iupiter verò inter prædictos duos medius, duas qualitates optimas, caliditatem & humiditatem temperatas, possidet. Attende autem, obsecro te lector, mirā Dei in operibus cūctis sapientiam. Vides primū quemadmodum omniū planetarū maximè noxius & inimicus vitæ summus vel primus, longissimè sit à viuentiū regione ablegatus & à terris (vbi viuentium locus est) elongatissimus. Quomodo enim viuentia (si terræ proxim⁹ esset ille aduersissimus eorum hostis) aduersus tantæ crudelitatis impetum sese tuerentur? quomodo non ante debitam periodū compellentur acutissima illius falce ante tempus occumbere? Nunc verò Dei prouidissima sapientia lōgè proscrip-  
est;

*Martis qualitas.**Attendemus in planis ordinem.*

est, ut non quantū ipsius cupit natura, propter intermedios meliores planetas, gelidus ille falcatus nocere possit. Martē verò, quanquam noxium, tamen minus noxium, proprius ad terras eadem prouidissima sapientia, & sapientissima prouidentia permittit accedere. In horum autem ducrū medio locum quomodo sapientissimè collocauit? videlicet totum bonum inter malos duos, ut vtriusque sua bonitate vinceret malitiam. Vide quomodo omnia numero, pondere, & mensura Deus sapientissimus prouidissima consideratione disposuit. Quòd ergo Saturnus primum & summum locum obtinet, non ex naturæ præstantis bonitate, neq; cōditionis dignitate procedit, sed tanquā hostis lōgē proscriptus ob malitiam potius arcetur à viuentibus, estque loco nouissimo constitutus. Rursū considera quòd eū qui magis noxius est, nempe Saturnum à superiori parte Iupiter habet: eum verò qui minus ab inferiori. Superioris enim virtus, ne transeat, subiecti inferioris obstaculo facilius videtur prohiberi, quàm inferioris possit virtus desuper emissa virtute contineri. Nam loco superior planeta, non potest suum influxū in terras mittere, nisi transeat per orbem intermediū.

## CAP. XXII. De Venere, Mercurio &amp; Luna.

**V**enus est planeta fœmineus, Martis malitiam & ignitum feruorem sua fœminea qualitate temperans: quomodo virilis ira, muliebri solet benignitate placari. Semper comitatur Solem: sed cū præcedit, dicitur Lucifer: quando verò sequitur, Hesperus siue Vesper appellatur. Estque nuntius Solis vel aduenientis, dum Lucifer est: vel abeuntis dum Hesperus: Vnde illud apud Virgilium, Ite domum saturæ, venit Hesperus, ite capellæ. Habet quasi colorem candentem & refulgentem electro similem, estque lux eius præ luce omnium aliorum limpidissima atque gratissima, & oculorum aspectui placidissima. Vnde factum est ut primus ille Angelorum (qui cæteris omnibus sublimitate & gloria conditionis præminebat) Lucifer vocaretur, eò quòd fulgore, atque claritate cæteros spiritus præcelleret, quomodo Lucifer suæ lucis refulgentia & limpiditate, cætera antecellit sidera. Vnde apud Elaiam sub figura Regis Babylonis de illo dicitur, Quomodo cecidisti de cælo Lucifer, qui mane oriebaris? Et Beatus Petrus Euangelicam doctrinam omnibus alijs doctrinis præminentem, appellat Luciferum, di-

Virgilius.

Esa-14.

2. Pet. 2.



cens de sermone prophetico, Cui benefacitis attendentes, tanquam lucernæ lucenti in loco caliginoso, donec dies illucescat, & Lucifer oriatur in cordibus vestris. Post Venerem, est Mercurius, per se quidem nec bonus nec malus, sed *Mercurius.* per suam naturam inclinatur ad planetam cui coniungitur. Non enim aliorum malitiam temperat: sed est cum bonis bonus, & cum malis malus. Raro à nobis cernitur propter vicinitatem ad Solem. Semper enim cum Sole graditur, nunquam ab eo plus triginta gradibus distans. Hunc Mercurium dicunt eloquentiæ & ingenij, id est, boni sensus effectorem: ut quibus hic dominetur, facundi sint sermone & bonis sensibus, ac benè ingeniati. Et quidem, si cum Saturno aut Marte iunctus fuerit, facundiam prauam, & astutiam malam, ad nocendum, sed concitandum rixas, discordias, tumultus, schismata, hæreses, dicunt significare. Eiusmodi homines præ omnibus seculis prioribus, nostra hæc ætas plurimos habet, quibus cum summa adsit facundia & sensus clarissima perspicacitas, nihil tamen hisce dotibus aliud agunt quàm ut nihil relinquant integrum, sed vniuersa perturbent erroribusque adimpleant orbem. Si verò Ioui iungatur, bonam facundiam & ingenium salutare significare dicunt, ad veritatis defensionem & virtutis promotionem accommoda. Cuiusmodi ingenia hac nostra tempestate nimium rara meritò deploramus. Infima omnium Luna, frigida & humida est, operaturque complexionem phlegmaticam, id est, humidam & frigidam. Super aquas & omnia humida dominium habet. Vnde secundum varium accessum, & recessum causat fluxum & refluxum maris, itemque aquarum augmentationem vel diminutionem, quemadmodum libro priore dictum fuit. Experientia quoque monstrat, in plenilunio crescere medullas, & cerebrū ac huiusmodi humida, quemadmodum in nouilunio ista decrescunt & diminuuntur. Illuminatur diuersimodè, & nunc plena, nunc partim obscura, nunc crescens, nunc decrescens apparet nostro aspectui, ac iuxta diuersitates istas diuersimodè corpora hominum & inferiora cuncta disponit. Eius lumē terris singulariter deferuit tam in illuminando, quàm in agendo, eò quod terris sit proxima: neque vllius aliorum syderum tam efficax & manifesta est in his inferioribus operatio, id quod in ægrotantibus manifestissimè cernimus. Minimo spatio suam circum-

latiq.

lationem absoluit: suo motu mensium distinctionem facit. Et cum quantitate sit minor cæteris planetis, maior tamen ob vicinitatem apparet hominibus. In scripturis nonnunquam bonam habet significationem, veluti in Canticis Cantorum. Quæ est ista quæ progreditur quasi aurora consurgens, pulchra ut luna, &c. Et in Psalmis, Thronus eius sicut Sol in conspectu meo, & sicut luna perfecta in æternum. In malum verò, Sapiens ab ea trahit comparisonem, cum ait, Stultum ut lunam mutari. Et in Apocalypsi mulier illa gloriosa Sole amicta, lunam visa est habere sub pedibus. Per quod significari dicunt sacri Theologi, omnem mutabilitatem seculi huius & transeuntium in eo. Secundum lucis enim pleniorē ad terras infusionem, bonam habet comparisonem: secundum instabilitatem autem & variationem, accipit malam.

*Cant. 6:  
P salm. 88.*

*Ecclesi. 27.  
Apoca. 12.*

CAP. XXIII. De Solis nimia præcellentia super cæteros planetas.

**I**Nter hos verò sex iã dictos planetas mediū locū Sol obtinet, qui solus per sese lucidus cum à nullo lucē accipiat: ipse astris omnibus lumen præbet. Omnes enim stellas erraticas in suis orbibus, & fixas in firmamento, sua luce illuminat, singulisq; lumen illud in quo cernuntur donat, hoc ipso patenter in se Dei patris luminum gerens similitudinē. Ipse enim admirandi fulgoris atque efficacissimæ virtutis de sua natura existens solus de se lucem habens, sui luminis atque ardoris vim, sparsis flagrantibus radijs circuinquaque diffundit, cælestia & terrestria cuncta illuminans, atque efficacissimè in eis operans. Omnia siquidem astra (ut auctor est Aristoteles, & veritas confirmat) à Sole suum lumen accipiunt, & per lumen quod à Sole accipiunt, suos operantur effectus. Visum est tamen quibusdā præter hoc Solis lumen, debere ea habere lucem aliquā propriā, quæ causā esset ut lumen à Sole procedens in hoc quā in illo planeta, aliter operaretur. Nō est tamen id necessariū, ob hoc scilicet propriā lucē aliquā ponere. Sufficit enim ad hāc diuersitatē operationis, ip'a subiecti varia dispositio. Vnde lux Solis (iuxta doctrinā Astronomorū) in Saturno infrigidat, in Marte calefacit, & ita in cæteris quemadmodum iuxta diuersam naturam astrorū idem Solis lumen diuersas colorū apparentias facit, ut suprà declarauimus. Omnino itaque probabilior videtur

*Solis præcellentia.*

*Omnium stellarum lumen à sole esse.*

*Quorundam opinio.*

illorum sententia, qui vnicum ponūt luminis fontem à quo lux omnis deriuetur, ipsum videlicet Solem, qui in planetarum medio ordinatissimè consistit, tanquam Rex in medio regni sui, in medio gradiens suorum Principum atque magnatum, qui sunt proximi ipsum hincinde circundantes planetae, sub se habens Lunam, Mercurium, Venerem: supra se verò Martem, Iouem, atque Saturnum: proximos autem habet, hinc quidem igneum & bellicosum Martem, ardentibus, radijs flagrantem: illinc verò placidam & amœnam Venerē, sua limpidissima ac placidissima luce suauiter resplendentem: illum velut potentem & animosum armigerū, hanc vt suauem coniugem. Quod tamen ne Gētili opinione excipiat, præmonemus, vt ne arbitretur quis iuxta figmenta poetica, in cœlestibus vera nos ponere coniugia, cōcubitūque & generationes prolium. Sunt enim figmenta ista vanissima, neq; veritatis quicquam possidentia. Secundum tamen similitudinem quandam, Venerem dicimus Solis esse coniugem. Est enim coniugis officium, suo viro indiuidua societate adherere, neque ab eo sese plus iusto elongare. Ita Venus semper Solem comitatur, siue oriatur, siue occidat, indiuidua societate, comitem illi se adiungens, estq; ipsa tota foeminea, & placida lucis resplendentia blandissima, foeminearum qualitatū effectiua: vt ille totus est masculus, aureo superabundāti fulgore, virili maiestate replendus, & virilium qualitatū maximè effectiuus. Vnde quemadmodū Solis calor magnos & fortes animos facit atque constantes, sic Venus molliores, faciles, & pios, ac minus stabiles, cuiusmodi in foeminis plerunq; cōspicimus. Item vt Sol vitalem calorem præbet, sic Venus vitalem humorem videtur suo cōcursu adferre: necq; vitam pariter efficiunt, vt simul vir & mulier ad proles generationē concurrunt. Post hos autē planetas (qui Soli velut propinquiore, sunt Principes) infinita circūdatur multitudo aliorum firmamenti, quibus tanquam militū innumerabilium è longinquo subsequentiū exercitiis vndequaque circūdatus atque circūstipatus incedit, in magnificentissima gloria, singulis proprium suum lumen ex diuersijs thesauri sui velut in militiæ stipendium persoluens. Ob quam nimiam excellentiam, veteres Poētæ Solem dixerunt esse patrem Deorum hominumq;. Quod ideo dictum videri potest quoniam in omnium generatione ipsius actionem

necesse

Venus est  
soli quasi  
pro coniugē.

Arist. 2. 6.  
Phys.



neceſſe eſt concurrere, vt cauſſam vniuerſalem, ſine qua effectus nullus poſſit generari. Ipſe præterea omnibus aſtris perpetuò lumen cõmunicans, ſimul & cū hoc agendi in hæc inferiora virtutem, hoc modo non immeritò omnia dicitur in aſtris omnibus operari, dum quod illa agunt, ab illo accipiunt, vt agant. Eſt autem cauſſa admodum rationabilis ex parte naturæ, cur licet præcellentiſſimus Sol exiſtat, tamen neque ſupremo neque inſimo loco debuerit collocari. Cùm enim Sol principium ſit atque fons luminis & caloris vitalis à quo & cætera aſtra lumen recipiunt, & viuientia omnia vitam, ſi eſſet Sol terræ proximus, nimio calore eam exureret, nec poſſet ipſa ferre eius ardorem, ſicq; viuentiũ conſumeret vitam, forſitan etiam ſuprema aſtra non ita commodè poſſet illuminare. Si verò econtrariò, Sol locũ haberet ſupremũ illic, vbi agit Saturnus, terra calore ſufficiente deſtitueretur, nec poſſent viuientia commodè in vita cõſeruari, & aſtra inferiora non ſufficienter potuiſſent à tam diſtante Sole illuminari. Propter quod ſapientiſſimus naturæ inſtitutor, & cõſeruator Deus, Solem voluit in medio eſſe collocatũ, in tali gradu, vt à ſuperioribus atque inferioribus medio criter diſtaret, ſicq; terræ neque nimium vicinus eſſet, neque nimium elongatus. Illud quoque de Solis proprietatibus non eſt prætereundum, quòd ſicut Mars calidus exiſtit, ita ſimiliter & Sol. Multa tamen inter eos eſt differentia, quoniam Solis calor temperatus eſt efficaciſſimus & viuificatiuus, omniumq; viuientium perfectiuus, quemadmodum ipſa monſtrat experientia, eius calore cuncta viuificari, & perfici, fructuſq; & omnia ipſius maximo calore matureſcere, & ad perfectum peruenire. Martis autem calor eſt conſumptiuus. Eſt enim Sol effectiuus caloris, cuiusmodi eſt calor cordis: qui eſt vitalis, & corpori vitam donans, atque cuſtodiens. Mars verò effectiuus eſt caloris, cuiusmodi eſt calor choleræ: quæ vbi dominari poteſt, conſumit & depaſcit omnia: quemadmodũ patet in febricitatibus. Maniſeſta quoq; in effectũ harum caliditatum apparet diuerſitas, quoniam illi in quibus Sol ſecundũ bonum aſpectum dominatur, cordis ſunt temperatè calidi, & animo verè magno, verè fortes, & magnanimi. In quibus autem Mars dominatur, corda habent intemperatè calida, & animo ſunt feroci potiùs quàm verè magno: dicunturq; audaces magis quàm magnanimi. Exceſſus

*Calor Solis differt à calore Martis.*

riam apertissimè cecinit, apertissimeque, per singulas proprietates pinxit, Psalmo. 18. vbi pro eo quod communis Græcorum atque Latinorū lectio habet, In sole posuit tabernaculum suum: iuxta veritatem Hebraicam (sacro Hieronymo interprete) sic legimus, Soli posuit tabernaculum in eis (nempe cælis) & ipse tanquam spōsus procedēs de thalamo. Exultauit, vt gigas (siue vt fortis) ad currēdā viā, à summo cælo egressio eius, & occurſus eius vsque ad summum eius. In quibus verbis dum (iuxta quod in Hebræo legitur) Soli dicit positum in cælis tabernaculum, significat ipsum in medio planetarum, quasi in medio cæli locū possidere. Eundē verò spōsum appellans, significat decorem & formosam pulcritudinem spendoris eius, in quo exoritur mundo, cū maxima gratia & gaudio atque exultatione cūctorū viuentiū: quēadmodū omni gloria & decore adornari solet spōsus in die solēnitatis suæ. Procedit autē spōsus iste de thalamo, quādo ab occasu surgit, & in oriēte mundo oriri incipit. Vt gigas fortis exultat ad currēdā viam, quādo magna alacritate quasi gigas fortissimus intra 24. horarū spatiū totū mundū percurrit per omnia respiciens, omnia quoque illustrans & viuificans. A summo cælo est egressio eius, quia ab oriente oritur: & occurſus siue reuersio eius vsque ad summum cæli est, quando rursus in orientē reuertitur. Vel etiam à meridie, quādo in maxima eleuatione est, & quasi in summo cælo tendit ad occasum, iterūq; suo ordine ad meridiē reuertitur. Nec est qui se abscondat à calore Solis, quoniam circumiēs terram, perlustrat omnia, nihilque relinquit quod non lumine contingat, virtutisq; efficacia immutet. Quæ omnia diuinus Psalter, penitissimè consideratis conditionibus Solis admodū iucundis similitudinibus expressit. Hinc & doctissimus ille idiota sacer Frācisus, Solē cæterarū creaturarū dominū doctissimè nominauit illiterat⁹, eundēq; præ cæteris omnibus patenter in se Dei gestare similitudinem sapientissime cecinit indoct⁹, in suo cātico quod Deo ex creaturis patria lingua decātauit, atque à Solis præcellētia specialiter cāticum Solis nominauit. Ipse, inquit, Sol multo ardore ebulliens siue feruescens diffundit eircunquaque radios miranda splendoris irradiatione, mirā tu gerens, ô altissimè, similitudinem. Qui insuper discipulos docuit, oriente sole debere omnem creaturā magnas agere gratias Deo ob tā-

*Frācisus  
quomodo  
Solē magnū  
ficabat.*

ti iubaris gloriosum splendorem orbi redditū, cuius virtute cuncta lætificantur atque viuificātur in terris, cuius accessu lætificantur omnia, & quasi iuuenescūt, atque vigorem resūmunt, horridæ tenebrę fugiunt, grauis sapor ē membrīs pel-  
litur, ægris dolor lenitur, & valetudo melior languentibus redditur, noctiū tempestates sedantur & cohibentur, dissipā-  
turque nubes & nebulae ante faciem aduentus eius, illu-  
siones quoque noctium, & demones amici tenebrarū effugiūt.  
Quomodo e contrario Solis abcessu, hæc omnia incommo-  
da reuertuntur, quasi absente eo quē metuerunt? Deniq; tā  
in scripturis quā in alijs sanctorum patrum scriptis, & in  
Ecclesiastico vsu, æternam patris sapientiā Iesum Christum  
dominū nostrū frequentissimē Soli comparatū inueniem⁹.  
Vnde & illud Psalmi quod prius secūdū literā de Sole corpo-  
rali interpretati sumus, sancti Theologi pijsimē & verissi-  
mē secundum mysticam intelligentiam ad Christum domi-  
num accomodant, quā intelligentiam in Elucidatione libri  
Psalmorū circa locum iam adductum plenius (Deo donante)  
explicabimus. Hinc & per aliū Prophetā dicitur, Vobis timē-  
tibus nomen meum orietur Sol iustitiæ, quod est sapientia  
vera. Et in libro Sapientiæ, Damnati impij queruntur sibi  
non luxisse Solem iustitiæ & lumen intelligentiæ. Rursum  
alio in loco, ex persona Dei dicitur, Solem nube tegam:  
quod rectē sic intelligi potest: Diuinitatem humanitate ve-  
stiam, & occultabo. Sunt insuper alia in scripturis inspersa  
plurima, quæ secundum mysticam intelligentiam accomo-  
datissime Soli æterno possent applicari: nos tamē finē faci-  
mus theologandi, ne nimia prolixitate cuiquam efficiamur  
onerosi, atque ad naturalia contemplanda reuertimur.

CAP. XXV. De circulis maioribus, & primū de  
Aequinoctiali.

**A**D cognoscendum autem melius in particulari plane-  
tarum motum, præcipuē verò Solis & Lunæ, descri-  
bēdi sunt iuxta Astronomorum doctrinam circuli aliquot,  
secūdū quos eorū motus facilius poterit cognosci. Ad hoc  
enim circuli isti signantur, & secundum imaginationem mō-  
strantur in cælo, vt ex eorum designatione facilius possit  
motus illorum explicari. Describunt autem duplices circu-  
los, maiores videlicet & minores.

*Maiores circulos vocant, qui totam spheram in duas*

*part-*

Malac. 4.

Sap. 5.

Ezec. 23.



*partes aequales diuidunt.*

*Minores autem, qui diuidunt quidam sphaeram, non tamen in partes aequales, sed una pars diuisionis maior est altera.*

Sunt autē circuli maiores, numero sex, nempe æquinoctialis, zodiacus, colurus æquinoctiorum, colurus solstitiorū, circulus meridianus, & horizon. De quibus nunc per ordinem est dicendum. Et primum de æquinoctiali.

*Est itaque æquinoctialis circulus quidam diuidens totam sphaeram in duas partes aequales, æquē distans secundum omnes suas partes ab utroque polo mundi.*

Est autem polus Græcum vocabulum, significans verticē vel summitatem rei. Vnde polos mundi vocamus vertices mundi, duo scilicet puncta extrema & summa in cælo sibi directē ex opposito respondentia, ita quod, si protraheretur linea rectissima ab altero ad alterum oppositum, illa directē transiret per centrum & medium punctum totius mundi, haberetque duos istos polos pro terminis suis. Est itaque æquinoctialis circulus, qui totā mundi sphaeram in sui medio in partes aequales diuidens, secundum omnes suas partes æqualiter distat ab utroque polo mūdi. Quācunque enim in hoc circulo partem assignaueris, inuenire non poteris vllā quæ vni polo sit quā alteri propinquior, estque huius circuli centrum idem cū centro mūdi, & pertransit axis mūdi cētrū æquinoctialis. Appellatur autem circulus iste varijs nominibus. Primum quidē æquinoctialis dicitur, eo quod Sol cū directē sub ipso inuenitur, æquinoctiū facit. Est autē equinoctium, quādo nox diei est æqualis, quod nonquā contigit, nisi quādo Sol sub hoc circulo directē moueri inuenitur: quod bis cōtingit singulis annis: semel videlicet in verē in principio Arietis, & semel in Autūno, in principio Libræ: ob eandem causam etiam dicitur Aequator, videlicet diei & noctis. Dicitur quoque cingulū primi mobilis: quoniam sicut homo in medio corporis cingulo se cingit (ita vt si in supremo capitis inteligatur punctus, inuenietur cingulum ipsum secundū omnem sui partem æqualiter secundum modum aliquem ab eo distare) ita tota sphaera primi mobilis intelligitur velut cingulo isto circumdata & circumcincta. Et quemadmodum quando homo cingulo circumcingitur, ipsum medium cinguli quodam modo idem censetur cum medio humani cor-

*Aequator.  
Cingulum  
primi mobilis.*

poris: ita circulus iste æquinoctialis totius sphaeræ, & mundi medium habet pro suo centro, & medio. De duobus autem polis, iam supra diximus: quod is qui semper nobis apparet, arcticus dicitur: is verò qui nunquam nobis, sed semper antipodibus se ostendit, nominatur antarcticus, eò quod arctico opponitur.

C A P. XXVI. *De circulo Zodiaco, & signis eius.*

**P**ost hunc verò est circulus zodiacus, qui & ipse sphaeræ diuidit in duas partes æquales, sed secundum obliquum, ita ut prædictum æquinoctialem obliquè pertrāseat, secundum vnā partem declinās ad Septentrionem à polo arctico, secundum alteram verò ab antarctico ad meridiem. Intersecat autem zodiacus ista æquinoctialem, vicissimque intersecatur ab eodem in duas partes æquales, ita ut amborū idem sit centrum. Illud tamen est notandū, quod inter omnes circulos, zodiacus iste solus habet latitudinem. Nam cæteros omnes imaginamur siue latitudine, hic autem habet latitudinem. Intellegitur enim directissimè per ipsius mediū pertransire linea quædam ipsum secundum latitudinem diuidens in duas partes æquales, ex vtraque parte sex gradus relinquens. Siquidem XII. graduum est eius tota latitudo. Atque hæc linea ecliptica nominatur, eò quod eclipsis fiat, cū sub eadem hac linea simul inueniuntur Sol & Luna, quemadmodum posteriùs declarabitur. Secundum longitudinem verò totus zodiacus in duodecim partes æquales diuiditur, quæ vulgò duodecim signa appellantur, nempe,

*Aries, Taurus, Gemini, Cæcer, Leo, Virgo, Libra, Scorpis, Sagittarius, Capricornus, Aquarius, & Pisces.*

Quorum sex priora dicuntur Septentrionalia, arctica, vel borealea, eò quod ab æquinoctiali tendāt ad Septentrionem & tendūt versus polū arcticū. Sex autem posteriora, dicuntur meridionalia, vel australia, vel antarctica, eò quod tendāt versus meridiem, vnde surgit auster, & tendunt versus polū antarcticum. Appellantur enim signa arctica, quæ polo arctico sunt viciniōra, ut sex priora: signa vero antarctica, quæ polo illi sunt viciniōra, ut sex posteriora. Nullū enim est signū, quod æqualiter distet ab vtroque polo mundi. Ex quo patet manifesta differētia duplex, inter zodiacū & æquinoctialē, cū partes æquinoctialis æqualiter ab vtroq; polo mūdi distet. Habet autē singula horū signorū lōgitudinem gradū

xxi. Vnde patet omnia signa zodiaci esse quadrangula, nō quadrata. Omne enim quadratū latera habet æqualia, quadrangulū verò nō itē. Appellatur autē hic circulus, primo quidē & vulgariori nomine Zodiac⁹, vocabulo ex Græco ideomate accepto. Nam zoon Græcis significat viuens, vel animal. Vnde hic circulus, quia signa dicitur ferre animalium dēversorum, Arietis scilicet, Tauri, & Cancrī, & cæterorum, idcirco videtur zodiacus appellatus. Simili causā Latina appellatione signifer nuncupatur, quoniā in xii. signa diuiditur, eū & varias habent animantium figuras. Nōnulli zodiacum dictum putant a vita, quōd Sol sub hoc circulo gradīens vitam rebus præbeat, dū per hunc motum in zodiaco, secūdū accessum, & recessum, causā est generationis, & corruptionis. Græce enim zoē vita dicitur. Ab Aristotele verò in secundo libro de generatione circulus obliquus appellatur, cuius ratio patet ex præcedentibus. Sub hoc autem circulo zodiaco & Sol, & cæteri omnes planetæ suos proprios motus perficiunt, neque vnquam extra zodiacum possunt inueniri. Sol verò nō solum sub zodiaco, verum etiam sub linea ecliptica regia via semper incedit, nō declinās, neque ad dextrā neque ad sinistram, nunquam à medio zodiaci vel ad latum vnguem defectens. Quam ob causā, hæc linea ecliptica alio nomine via Solis appellatur. Cæterorum verò planetarum nullus sub ecliptica perpetuò currit, sed declināt ab ea, vel hinc, vel inde, sic tamen vt non abeant extra zodiacum.

Omnes Planete sub  
Zodia motum absol-  
uunt.

Linea ecliptica.

CAP. XXV. De coluri solstitiorū, & æquinoctiorum.

**A**D distinguendum autem solstitia duo, æstiuum & hyemale, alium imaginamur circulum transeuntem per polos mundi, & per principia Cancrī, & Capricorni, qui est colurus solstitiorum. Quem circulum cū Sol attingit intrans Arietem, sit solstitium æstiuū, quoniam Sol altius scandere non potest, neque lōgius declinare, sed descēdere incipit & reuerti versūs mediū zodiaci: propter quod stare dicitur. Nō enim realiter stare putandus est Sol, qui nunquā quiescit, semper infatigabilis: sed quia non ascendit vltra, neque eleuatur altius, vt ex signis hyemalibus hætenus abscenderat, idcirco stare reputatur, & quasi gradum sistere, non quidem à profectione & cursu, sed ab ascensu & eleuatione. Est autē tunc solstitium æstiuum, cū Sol hunc circulū tangit in Cæro, quoniam Cancer signum æstiuū est, æstatisq; principiū, quod

Solstitiorū distinctio.

Æstiuū solstitium.



# DE CAELO ET MVNDO

**Hyemale  
Solstitiū.**

quod nostris temporibus est die xij. Iunij. circiter festum Barnabæ Apostoli. Cū verò hunc circulum attingit Sol ex parte altera versus polum antarcticum in principio Capricorni, solstitium habetur hyemale. Solstitium quidem, quia definit tum Sol à nobis recedere, nec progredi potest longius, & iterum ad nos incipit reuerti, ad signa, videlicet nostro polo, & nobis vicina. Hyemale autem, quoniam Capricornus hyemale signum est, hyemisque principium, quod nostris temporibus est die xij. Decembris, circiter festum Lucie. Ponūt quoque punctū solstitij hyemalis, & æstivalis. Vnde punctus solstitij æstivalis, est primus punctus Cancri, vbi circulus iste interfecat zodiacum. Et dicitur punctus solstitij æstivalis, quia cū Sol in ipso existit, habetur æstiuum solstitiū. Primus autē punctus Capricorni, vbi ex parte opposita diuiditur zodiacus eodem hoc circulo, vocatur punctus solstitij hyemalis. Cōsequēter ad distinctionē æquinoctiorū aliū imaginamur circulū, similiter trāseūtē per polos mūdi, sed per principia Arietis, & Libræ. Quē circulū cū Sol attingit in principio Arietis (quod fit x. Martij, circiter festū beati Gregorij) habemus vernale equinoctiū. Aequinoctiū quidē, quoniā dies ac noctes habentur equales. Verum autem, quoniam Aries signū est veris, eiusque principium. Et punctus iste primus Arietis, vbi interfecatur zodiacus, hoc circulo trāseunte, vocatur punctus æquinoctij vernalis.

**Aequino-  
ctorum di-  
stinctio.**

**Aequino-  
ctiū Verna-  
le.**

**Aequino-  
ctiū Autū-  
nale.**

Cū verò ex opposito Sol attingit hūc circulū in principio Libræ xij. Septembris, in festo exaltationis sanctæ Crucis, habetur æquinoctiū Autumnale, quoniā Libra autūnale signū est, Autūni que principium. Et punctus ille vbi interfecatur zodiacus, punctus æquinoctij autumnalis dicitur. Habemus itaque quatuor punctos, secundum quos fit totius sphaeræ diuisio, temporumque distinctio. Habemus & circulos duos in polis mundi sese ad angelos rectos sphaerales interfecantes, secundum quos fit æquinoctiorū & solstitiorū secundum quatuor partes anni ordinata varietas: hos autem duos circulos vocant Græca appellatione coluros. Cuius nominis interpretationem variē assignant.

**Meridianus.  
Zenith.**

CAP. XXVIII. De Meridiano & horiZonte.

Vnt præter hos duos circuli alij maiores, meridianus, & Shorizō. Meridianus est circulus quidā qui trāfit per polos mundi, & per zenith capitis nostri. Est autem Zenith ca-  
pi-

pitis nostri, punctus directè suprapositus capiti nostro. Punctus autem diametraliter illi oppositus Nadir vocatur. Pro cuius intelligentia notandum, quòd si protrahatur iecūdum imaginationem linea recta ab extrema vsque ad extremum cæli, per medium terræ, simul & per verticem capitis hominis alicuius, punctus vnus terminatiuus illius lineæ dicitur Zenith, ille scilicet directè capiti suprapositus: alter verò, qui ex opposito responder, dicitur Nadir. Circulus ergo ille qui tranſit ab vno polo mundi per zenith capitis nostri vsque ad alium polum ex opposito consistentem, à quo iterum per nadir siue punctum zenith oppositum reuertitur ad primū polum: hic dicitur Meridianus illi per cuius zenith & nadir tranſit. Ex quo manifestum est, quòd illi quorū est idem zenith capitis, eundē habent meridianum: quorū verò diuersum, diuersos habent meridianos. Dicitur autē circulus iste meridianus, quia ostendit punctū meridiei: & quandoquē Sol hunc circulum tangit, merides est illis, quorum hic est meridianus: & quando eundem circulum tangit in hemisphærio inferiori, tūc est media nox illis, quorū est hic meridianus. In quacūq; enim regione sit homo, in quolibet die anni, quando Sol motu raptus primi mobilis tēgit istū circulum in superiori hemisphærio, est punctus meridiei. Quando autē in inferiori hemisphærio ad eundem circulum peruenit, est punctus mediæ noctis. Per meridianos etiam longitudo cognoscitur locorum, & distantia eorum abinuicem: cuius consideratio ad Geographiā spectat. Horizon verò est circulus diuidens hemisphærium inferius à superiori. Totam namque sphæram diuidit in duas partes, siue in duo hemisphæria (Hemisphærium enim ferè medietas dicitur) quorum vnū à nobis videtur, alterum non videtur. Semper enim à nobis tantū altera pars cæli videtur. Illud autem quod sub aspectu nostro est, hemisphærium superius appellamus, & peculiariter nostrū dicim⁹. Illud verò quod infra nos, & nostro subtractum aspectui, dicimus hemisphærium inferius, neque nostrum illud apellamus, sed nostrorum potius antipodum. Dicitur autē horizon Græca appellatione, quasi finitor. Nam horizon significat finis, siue definitio, aut terminus. Vnde Horismos, finitio, siue definitio. Dicitur ergo horizon, id est finitor, vel terminator: quia scilicet terminat & finit partem cæli visam à non visa, & illam partem

Nadir.

Horizon.

partem visus transit vbi visus noster terminatur, & vbi nobis apparet calum terræ coniungi Nam id nobis illinc contingere videtur, vbi est visus nostri terminus. Vocatur etiā circulus hemisphærij, eo quod hemisphærium vnum ab alio diuidat, & vnicuique suum designet. Huius autem Horizontus poli sunt zenith, & nadir, à quibus secundū omnes suas partes æqualiter distat, & nos semper in horizontis nostri centro sumus. Ponunt quoque horizontem rectum, & obliquū. Rectum dicunt esse eorum, qui sub æquinoctiali habitant: vel, quorum zenith est in æquinoctiali: Obliquum autem habent omnes, qui vltra vel citra æquinoctialem habitant. Et hæc quidem de circulis maioribus figuraliter sunt dicta, quibus omnibus comune est sphæram totam in duas æquales partes diuidere, id quod ad oculum de singulis singulatim potest facillimè in sphæra demonstrari.

CAP. XXIX. De circulis arctico, antarctico, tropico Cancrī, & tropico Capricornī.

**C**irculi autem minores (qui sphæram diuidunt quidē, sed in partes inæquales sunt) iiii. arcticus scilicet, antarcticus, & duo tropici, æstivalis, & hyemalis, siue Cancrī, & Capricornī. Circulus arcticus, est circulus quidā paruus, quē describit polus zodiaci suo motu raptus, circa polum arcticū. Circulus verò antarcticus, quē describit polus alter zodiaci, circa polum antarcticum. Ex præcedentibus enim manifestū est, alios esse polos zodiaci, secundum quem Sol mouetur motu proprio, à polis æquinoctialis, secundum quem mouetur primum mobile, item & Sol motu raptus. Cum ergo totus zodiacus simul cum Sole per singulos dies necessario semel per raptum circumuoluitur, necesse est vt circa polos mundi ipsius zodiaci poli circumferantur: Nam poli mundi fixi manent & immobiles, poli autem zodiaci secundū propriū solis motum manent immobiles, secundū raptum tamē primi mobilis simul cū zodiaco circumferuntur circū polos mundi. Illos autē circulos quos sic motu suo circa polos describunt dicim⁹ arcticū & antarcticū. Arcticū quidē circulū, à polo arctico circa quem describitur: Antarcticum autem, ab antarctico polo. Tropicus Cancrī est circulus quem Sol raptu primi mobilis describit existens in principio Cancrī, in puncto Solstitij æstivalis: qui circulus suprem⁹ est, quem Sol potest describere versus circulū arcticum vel polum ar-

*Circul⁹ arcticus, & antarctic⁹.*

*De duobus tropicis.*

cti-



cticum: quoniā tunc in maxima eleuatione est, ita vt alius ascendere non possit, nec proinde superiorem aliquē circulū, aut arcticū polo proquiorē describere. Atque hic tropicus etiam æstiuālis nominatur, quoniā in signo æstatis in dū quod principium est æstatis, describitur. Tropicus autē Capricorni est circulus quē sol raptu primi mobilis describit in principio Capricorni, existens in puncto solstitij hyemalis. Est q; vltimus quē Sol potest describere versus polū aut circulum antarcticū, quoniam alius non potest quam supra prædictum punctum solstitij ascendere, neque à nobis longius recedere, nec proinde vltiorem circulum describere. Vocatur quoque hic in ratione signi, quod est hyemis principium, tropicus hyemalis, quoniam illū tunc Sol describit, cū nobis hyemis incipit. Vèrum huiusmodi appellatio, nō nisi quo ad nos debet intelligi. Siquidem nostri antipodes suum tropicum Capricorni, æque vocant tropicū æstiuāle, vt nos nostrum tropicum Cancrī. Vocantur autē circuli isti Græca appellatione Tropici, à versione vel conuersione. Nam Græcè tropeo, significat retrouerto. Inde trope, reuersio vel conuersio vel mutatio. Circulus igitur tropicus dicitur, quod in eo sit Solis trope, id est, conuersio siue reuersio. Post hos enim descriptos circulos, cū vltius illi nō liceat proficisci, nec tamen stare possit cogitur reuersi, ita vt si à nobis longissimè abfuerit (quemadmodum in solstitio hyemali contingit, mox redire ad nos incipiat, versus nostrū polum ascendendo, quod tamen statim percipi à nobis multum sensibiliter non potest nisi post aliquanta dierum spatia. Si vero proximus nobis fuerit, & in summa super nos eleuatione (quod est in solstitio æstiuāli) cogitur à nobis abscedere versus alterum polum.

CAP. XXX De quinque Zonis siue plagis.

Secundū istos autē quatuor circulos minores, arcticū antarcticū, tropicū Cancrī, & tropicū Capricorni, fit diuisio totius calis in quinque zonas, plagas, siue regiones distinctas, atq; proportionabiliter etiā ipsi terræ secundū eosdē circulos. Vna regio est totū hoc spatiū quod est inter duos tropicos. Et hæc vocata est ab antiquis Torrida zona, propter calorem excessiuum, quem ibi esse dixerunt ob hoc quod Sol perpetuo in ista regione inueniatur. Nā (vt suprà diximus) extra tropicos non potest egredi. Quā ob causam

*Cur tropici dicantur.*

*Torrida Zona.*

dixit.

dixerunt zonam hanc esse inhabitabilē. Alij, tamen omnino id negant, assignantes in hac zona multas habitabiles regiones, vt Ptolemæus & ceteri omnes Geographi. Intelligi tamen potest illud antiquorum dictū, quod non sit admodū conueniens habitatio pro humana natura, maxime iuxta tropicos. Homines enim locorū illorum nigerrimi sunt, & breuis vitæ, ac parua staturæ, quod procedit ab excessu caloris consumēte in eis humidū radicale, vt non possint nec in iustā quātitatis mensurā excrecere, nec in cōmunem hominum durationē vitæ protendere. Sub æquinoctiali autem experientia sentire facit esse regionis temperatissimas atque habitationi maximè accommodas, quod fieri dicunt propter æquale præsentiam & absentiam Solis, per quā æqualem vicissitudinem fieri videtur maxima temperies regionū illarum, & optima loci illius dispositio. Illæ verò duæ regiones, quæ sunt à circulis arctico & antarctico vsque ad polos mundi, similiter dictæ sunt inhabitabiles, propter nimium frigus ob nimiam Solis distantiam, tamen si secundū veritatem nō sint prorsus inhabitabiles. Nā intra circulum arcticum tradit Ptolemæus esse multas hominum habitationes, sed non multum aptas habitationi: id quod nimius pallor hominum illic habitantium, & nimia longitudo supra quam staturæ humanæ cōuenit, satis indicant. Aliæ vero duæ regiones, quarum altera est inter circulum arcticū & tropicū Cancri, altera verò inter circulum antarcticum & tropicū Capricorni, propter temperiē, sunt optimè habitabiles. Neque enim Sol nimium eis propinquus est, neque nimium elōgatus, & quodā modo mediæ constitutæ inter torridā zonā & regiones illas frigidas supremas, illinc quidē calorē participātes, hinc verò frigiditatem, ita optimā accipiunt contemplationē. Harum autem zonarum particularior determinatio ad Geographum magis, quàm ad Physicū spectat. Quapropter nobis ista sic generaliter dicta sint satis.

CAP. XXXI. De eclipsi Lunæ, quomodo, & quando fiat.

**S**uperest, vt de cælestiū luminarium eclipsibus non nihil dicamus. Erit enim non inutilis huius rei consideratio. Et primū quidem Lunæ eclipsim determinemus. Pro cuius notitia attēdendum est, quod Luna licet moueatur, semper sub circulo zodiaco, nō tamē sub linea illa ecliptica, quā supra diximus esse viā Solis: sed ab ecliptica deuiat, & suo motu

*Regiones  
frigidissimæ.*

*Regiones  
temperatæ.*

in lineam propriam describit (quæ linea Lunæ dicitur) inter  
 secantem prædictam eclipticam lineam in duobus punctis  
 diametraliter oppositis, quos duos punctos vocant caput &  
 caudam draconis. Propter quod nunquam contingit Solem  
 & Lunam directe & diametraliter ad invicem opponi, nisi cū  
 alter fuerit in capite draconis, & alter in cauda. Neque item  
 perfecta fieri potest eorū coniunctio, nisi simul ambo vel in  
 capite, vel in cauda draconis inueniantur. Cū enim Sol  
 perpetuò sub linea ecliptica directe inueniatur, Luna verò  
 nunquam nisi in duobus his punctis, manifestum est, diame-  
 traliter coniunctionē non posse fieri, nisi ambobus in vno  
 horū punctuorū existentibus: neq; diametralē oppositionē,  
 nisi in his punctis sibi ex opposito constituentur. Dicimus  
 autē diametralem oppositionem, quando sic opponuntur, q̃  
 eadem diameter intelligatur cōtingere centrū vtriusq;: ita  
 vt linea protracta à centro Solis directe terminaretur in cē-  
 tro Lunæ. Similiter & cōiunctionē diametralē dicimus. De-  
 inde & hoc sciendū est ex perspectiua, q̃ omne corpus opa-  
 cū obiectū corpori luminoso, facit vmbra. Et quidē si corp⁹  
 luminosum fuerit mai⁹ corpore opaco obiecto, illuminabit  
 plus q̃ mediā partem corporis illius contra se positā, reliquā  
 verò partem relinquit obscurā, & vmbra facit pyramidalē,  
 quæ continuo minor fit, & ad acutiem tēdit. Vnde sequitur,  
 q̃ terra minor existens Sole, ipsi obiecta, pro medietate sua,  
 aut plus q̃ pro medietate illuminatur, secundum quam respi-  
 cit aspectum Solis: reliqua verò pars obscura manet, & vmbra  
 facit: quæ vmbra semper directe porrigitur versus nadir  
 siue punctum oppositum ipsius corporis luminosi: atque  
 ita vmbra terræ directe semper protenditur versus nadir So-  
 lis. Quibus præmissis dicendum est, quòd cū Sol & Luna  
 sibi invicem diametraliter modo prædicto opponuntur sub  
 linea ecliptica, ita vt ille sit in capite, hæc in cauda draconis,  
 aut econtrario, ille in cauda, hæc in capite, tunc vera habetur  
 eclipsis Lunæ. Est enim directa interpositio terræ (quæ est  
 corpus opacum) inter Solem & Lunam: propter quod terra  
 interposita impedit, ne ad Lunam possit à Sole venire lumē,  
 ac proinde (cū non habeat lumen nisi à Sole) necesse est  
 eam lumine deficere, quod est eclipsari. Nam eclipsis non  
 aliud est quàm destitutio siue defectus. Quòd autem tunc  
 sit directa terræ interpositio inter Solem & Lunam, mani-

Caput &  
cauda dra-  
conis oppo-  
sita.

Quomodo  
Luna sit  
eclipsis.



festè patet, quia si protraheretur linea recta à capite draconis usque ad caudam, Sole existente in capite, & Luna in cauda, linea illa haberet pro terminis duo centra, Solis & Lunæ, & transiret per centrum terræ. Ex quo etiam consequitur, quòd Sole existente in capite draconis, Nadir ipsius Solis est in cauda draconis. Atque ita (iuxta prædicta) necesse est ut umbra illa quæ fit à Sole, per interpositionem terræ, directè protendatur versus corpus lunare: quoniam semper umbra (ut diximus) versus Nadir corporis luminosi protenditur.

CAP. XXXII. *Nunquam fieri eclipsim Luna, nisi tempore oppositionis.*

EX prædictis fit manifestum, quod nunquam potest haberi Luna eclipsim, nisi tempore oppositionis, siue plenilunii. Nunquam enim aliàs contingit alterum prædictorū planetarum esse in capite, & alterum in cauda draconis: neque aliàs unquam contingit simul illos inueniri sub ecliptica linea diametraliter oppositos: quod tamen est necessarium, ut fiat Lunæ eclipsim. Nunquam item contingit terram interponi inter Solem & Lunam (curus interpositio caussat Lunæ eclipsim) nisi cum in his punctis sibi inuicem fuerint opposita. Extra hos enim punctos quotiescunque lineam protraxeris, à centro Solis ad centrum Lunæ, nunquam linea illa per centrum terræ inuenietur transire: quod argumentum euidentius est, eam diametraliter non interponi. Itē ex prædictis caussa manifesta est, quare non semper in oppositione Lunæ ad Solem habeatur Lunæ eclipsim. Oppositio enim singulis fit mensibus, raro autē eclipsim: nimirum quia non in qualibet oppositione Luna inuenitur sub linea ecliptica, nec in capite, nec in cauda draconis. Nunquam autē eclipsim Lunæ fieri potest (ut diximus) nisi quando Luna simul cum Sole sub ecliptica inuenitur.

CAP. XXXIII. *Quòd aliquando fieri possit eclipsim Lunæ partialis.*

Quamuis autem perfecta & totalis Lunæ eclipsim non possit fieri, nisi cum sub linea ecliptica diametraliter opponitur Soli, potest tamen fieri eclipsim imperfecta & partialis, cum propè caput aut caudam draconis fuerit ferè diametraliter, quamuis non omnino diametraliter opposita Soli intra metas siue terminos eclipsim, qui sunt 11 gradus ante & post caput vel caudam draconis secundum longitudinem.

Luna

Quare non  
semper fit  
in opposi-  
tione ecl-  
psim.

Luna enim existens ita propinqua ad oppositionem diametrallem Solis, intra tale spatium, secundum partem sui eclipsatur, magis vel minus, iuxta quod vicinior est capiti, vel caudæ draconis, aut ab eis distantior. Non tamen planè totaliter eclipsari potest, nisi cum in capite aut cauda fuerit diametraliter Soli opposita. Est tamen aduertenda differentia inter eclipsim, Lunæ totalē, & vniuersalē siue generalem. Totalis enim eius eclipsi dicitur, quando penitus, & totaliter secundum omnes partes priuata est Solis lumine. Generalis autem siue vniuersalis eius eclipsi dicitur, quando generaliter omnibus apparet luminis defectus. Ex quo consequitur omnē eclipsim Lunæ, siue totalem, siue partialem, esse generalem. Luna enim eclipsim patiens vndecunque videatur, talis apparebit. Corpus enim quod denigratum est, aut in maculam habet vel obscuritatem, siue in toto, siue in parte, vndecunque aspiciatur, talem denigrationē aut obscuritatem habere certitur. Ita luna vmbra terræ persusa & obscurata, vndecunque videatur, iudicabitur vt priuata Solis lumine, siue secundum totum, siue secundum partem. Non ergo conuertuntur eclipsi Lunæ totalis & generalis, cum etiam partialis probata sit esse generalis. Secundum eā enim partem qua aliquibus lumine priuatur, nemini potest apparere aliter quam luce priuata, nec secundum eam partem aliunde videtur illuminata: cuius contrarium est in eclipsi partiali Solis, vt ex sequentibus fiet manifestius.

CAP. XXXIIII. De eclipsi Solis quando & quomodo fiat.

Cum verò Luna est in coniunctione ad Solem, si coniunctio fiat diametraliter sub linea ecliptica, ita vt coniungatur Luna Soli in capite vel in cauda draconis, per interpositionem Lunæ inter Solem & nostrum aspectum, continget nobis Solem eclipsari. Cum enim Luna sit corpus opacū & nō trāsparens, penitus illuminari à Sole non potest, sed illuminatur tantum à Sole secundum suā medietatem, vel maiorem partem (eò quòd Sol maior sit Luna) projiciturque vmbra versus aspectum nostrum, & obumbratur nobis claritas solis, sicque nobis sol eclipsatur. Quid nō est ita intelligendum, quasi Sol verè possit lumine priuari, cuiusunque corporis obiectione. Est enim hoc planè impossibile, cum Sol à seipso, & nō ab alio suum habeat lumen. Sed quantum ad nostrum iudiciū, nostrumque aspectū, dicitur eclipsari, quia sci-

*Quomodo  
Sol eclipsatur.*

licet nobis videtur eius lumen deficere, quod nobis propter interpositionem opaci lunaris corporis non appareat.

Quomodo autē superius de Luna diximus, quod perfectē & totaliter non eclipsatur, nisi cum ipsa sub linea ecliptica opponitur Soli in capite, aut cauda draconis: ita de Solis eclipsi dicendum est, quod perfecta fieri non possit, nisi quando est diametralis coniunctio Lunæ & Solis sub ecliptica linea in capite aut cauda draconis, ambobus in capite, aut ambobus in cauda existentibus, & diametraliter sibi inuicem ita oppositis, ut eadem diameter per utriusque centrū transeat. Potest tamen fieri partialis Solis eclipsis, etiā tunc quando Luna est in coniunctione ferē sub linea ecliptica, prope caput aut caudam draconis, intra metas, vel terminos eclipsis, de quibus prædictum est. Inter eclipsim autem Solis totalem, & partialem hæc differentia est: quod in totali eclipsi, existente coniunctione directē in capite vel in cauda draconis, totum corpus Solis illis obumbratur & obtenebratur, quibus est eclipsis, ita ut nihil videāt de glōbo Solis. In eclipsi autem partiali, quādo coniunctio tantū est prope alterum dictōrum punctōrum, non obtenebratur totū corpus Solis, sed solum pars aliqua, ubi contingit interponi lunam nostro aspectui. Et contingit interdum hanc eclipsim ita modicam esse, ut vix percipiatur, nisi macula aliqua sub solari corpore. Ex prædictis patet ratio, quare non semper in cōiunctione Solis & Lunæ videamus Solem eclipsari, quoniam videlicet non in omni coniunctione, Luna in aliquo prædictōrum punctōrum inuenitur, aut propē intra metas eclipsis, sed frequentius in alia parte zodiaci Soli coniūgitur, extra punctos prædictos. Manifestum est insuper omnino non posse fieri Solis eclipsim, nisi tempore coniunctionis & nouilunij, quemadmodū non potest fieri eclipsis Lunæ, nisi tempore oppositionis, & plenilunij: quoniam videlicet aliās non contingit Lunam obijci inter Solem & nostrum aspectum.

CAP. XXV. *Multiplex differentia inter eclipsim Solis, & Lunæ.*

Inter eclipsim autem Solis & Lunæ, non vnica differentia est. Primum enim hoc ex dictis patet, quod eclipsis Solis requirit coniunctionem in eodem puncto, vel prope idem punctū: Lunæ verò eclipsis exigit oppositionem in punctis oppositis. Prior habet fieri tempore nouilunij, posterior in tempore plenilunij. In priori, Luna interponitur in Solem &



terram. In posteriori, terra inter Solem & Lunam obijcitur media. In priore, umbra Lunæ terram obscurat, in secunda umbra terræ corpus Lunæ obfuscat. In priori, tantū sit luminis ab aspectu nostro subtractio: in posteriori, etiam realis luminis priuatio. Sunt præter has duæ aliæ nobiles differentię, quarum prior hæc est, quòd eclipsis Lunæ (siue totalis *Eclipsis 30.* sit, siue partialis) semper est generalis in omni terra: eclipsis *La* autem Solis, nunquā est generalis. Priorem partem supra de *et vniuer-* clarauimus. Posterior verò ita probatur, quoniam non simul *sa.* omnibus Sol eclipsatur, neq; omnibus simul apparet lumen deficiens, sed dū hi Solem eclipsari percipiunt, illi luce Solis fruuntur, & dū ad hos eclipsis peruenit priores illi lucis fulgorem iā receperūt. Quia enim Sol in eclipsi suū lumen nō perdit, sed tantū eius claritas obumbratur, ex interpositione Lunæ fieri potest, vt quibusdā obscuretur, quibusdā autem non. Cū enim Luna sit multò minor tota terra, & Sol multò maior Luna, nō potest umbra Lunæ totam terram coeperire: maximè, quia (iuxta prædicta) umbra terrę secundum acutiem pyramidalem cōtinuò minuitur, propter quod etiam si terra esset æqualis tantū Lunæ, adhuc non posset penitus ab ea obumbrari. Multò minus ergo nūc, vbi secundū veritatem multò est maior (cōtinens videlicet eā trigesies nōnies) poterit ab ea penitus obumbrari. Vnde contingit fieri eclipsim in vna regione, non autem in alia, imò contingere potest vt duorū vicinorum satis propinquè commorantium vel consistentium, alter habeat eclipsim, alter non, vt pote si intra vnius aspectum & Solem sit interposita Luna, non autē inter alterius aspectū: aut ille sit in umbra Lunæ, hic autem non: vt pote si illū tangat pyramidis acuties umbrę lunaris, non autem hunc aliquantulū distantem ab altero. Nequaquā ergo potest fieri Solis eclipsis generalis in vniuersa terra. Tunc enim totā terrā posset obumbrare Luna, quod est impossibile. Totalis autem eclipsis Solis, aliquibus potest fieri. Ad hoc enim non amplius requiritur, q̄ vt Sol in aliqua parte per directam interpositionem Lunæ penitus subtrahatur illic inhabitantium aspectui. Tunc enim nobis est totalis Solis eclipsis, quando nostro aspectui totaliter eius lumen subtrahitur, propter directam interpositionem corporis lunaris inter Solem, & nostrum aspectum. Verū interim dum nobis ita totaliter eclipsatur in alijs partibus terrę, nec partiali-

ter videbitur eclipsari, eò quòd quantum ad illas partes terræ, non sit interpositio Lunæ, sicque generalis esse non poterit. Altera differentia est, quod eclipsis Solis incipit à parte occidentali corporis ipsius, eò quod Luna per proprium motum venit ab occidère. Sed eclipsis Lunæ venit primo à parte orientali corporis eius, eò quòd ipsa propria motu ab occidente veniens intrat umbram terræ, quam primo tangit in parte sui corporis orientali: veruntamen prius partem umbræ occidentalem ingreditur.

## CAP. XXXVI. De nouilunio &amp; plenilunio.

**O**portunè quoque hoc loco, & de nouilunio & plenilunio, & varia lunæ illuminatione dicendum. Aduertendum proinde est, quod cum luna ex se lumē nō habeat, sed omne suū lumen recipit à sole, omnis ratio mutationis, & variæ illuminationis, per respectus varios ad solem debet cōsiderari. Est enim luna corpus admodum opacum, quod non potest à solis lumine (quantūvis forti & valido) totaliter penetrari, sed tantum secundum mediam partem, vel amplius, ab eo potest illuminari. Illic autem illuminatur, ubi à sole respicitur. Propter quod nō semper in eadem sua parte lumen habere cernitur, eò quod non semper secundū eandem partem à sole respicitur, sed nunc desuper, nunc ab infra, nunc à latere hoc aut illo. Et secundum hanc illuminationem diuersam, contingit omnis in luna mutatio. Quando enim luna est coniuncta soli, ita ut pariter inueniantur sub aliqua parte zodiaci, superior eius medietas, quæ est versus astra, est illuminata: inferior verò medietas versus terram, obscura est, projicitque umbram. Et tunc nouilunium dicimus. Hebræi verò neomeniam appellabant, id est, nouum mensem. Distinguebant enim menses per lunæ cursum, ita ut semper à nouilunio menses inchoarent, suasque calendas ipsum diem coniunctionis habebant. Deinde verò, cum luna suo motu celeriori à sole incipit recedere, incipit simul & lux eius à parte superiori ad inferiorem permutari, incipitque nobis lux aliqua apparere in nostra medietate. Et quanto luna à sole amplius declinat, tantò magis à parte superiori lumen recedit, & in parte laterali (propter lateralem solis aspectum) illuminatur: primum quidem ut cornuta modicè, & appellatur bicornis, deinde pleniori lumine, & quarta crescens vocatur: quæ cum plena fuerit, quasi semicirculus apparet, quando est luna septima.

*Nouilunium.*

prima. Post hanc verò quartam primā incrementi lunaris, continuo ad plenitudinem circuli tendit, secundum ampliorē à sole declinationem, vsque dum ad similitudinem plenius circuli venerit (quod fit luna 14.) ita ut sol & luna inueniantur in partibus zodiaci oppositis. Tuncque pars eius inferior versus nos, totaliter illuminatur superiori omnino remanente priuata lumine, appellaturque plenilunium, eò quod *Quid plenilunium.* nobis tunc plene illuminata videatur, licet secundum veritatem æquē semper sit illuminata. Atque hic finitur medietas mensis lunaris. Post hoc iterum incipit luna soli appropinquare, & per consequens ab inferiori parte lumine priuari, & versus superiorem partem lumine crescere, rursusque ut cornuta à parte altera, & semicirculi in modum apparet, luna xxi. donec tandem iterū habeatur ex coniunctione nouilunium. Sicque perpetua hac instabilitate luna mouetur velocissimo suo motu quadruplicem sibi singulis mensibus varians illuminationem.

CAP. XXVII. De eclipsi facta tempore passionis Christi.

**Q**Uæ autem in capitulis præcedentibus de Solis eclipsi dicta sunt, oportunè nimium conducere videntur ad considerationē eclipsis solaris, quā in sacris Euangelij factam legimus media die, pendente in crucis patibulo solis, lunæ, aëthrorumque omnium, imò cæli & terræ conditore Christo Iesu domino & Deo nostro: quæ tam notabilis & supra naturam insolita fuit, ut etiam gentilium historijs, posterorum memoriæ sit prodita: præter quod diuinus ille Dionysius Areopagita, tum in Aegypto apud Heliopolim philosophus, in epistola ad Policarpum se pariter cum Apollonius Areopagitanus summo Philosopho eandem se conspexisse, & cum ea eclipsim admiratione maxima diligenter considerasse testatur. Constat enim ex prædictis, hanc eclipsim nequaquam secundum passionem naturam potuisse fieri, sed supernaturali tantum virtute. Nam tempus passionis Christi minimè conueniebat tempori solaris eclipsi. Hæc enim (ut ostensum & probatum est) non nisi in coniunctione solis & lunæ fieri potest. Tempore verò passionis Christi plenilunium erat, & oppositio lunæ ad solem. Quod præter testimonium Dionysij, qui se asserit cum Apollonius in oppositione eam conspexisse, manifestè ex sanctorum Euangeliorum auctoritate monstratur, quæ describunt Christum tempore Paschalis solennitatis in san-



Et Pasceue passum & immolatum. Paschalem autem solemnitatem (ut ex legis præcepto habebant) Iudæi plena luna celebrare debebant, luna scilicet quintadecima: que madinodum I. gimus Exodi x. i. cap. Non solum igitur tempus non fuit secundum naturam accommodum Solari eclipsi, verum etiam maximè incommodum. Nullo enim tempore impossibilius est eam fieri, quàm tempore oppositionis. Nunquàm enim longius Sol & Luna absunt à coniunctione, quàm oppositionis tempore. Exactius autem cuncta quæ in hac eclipsi contigerunt considerantibus, in vno portento quinque simul concurrunt considerata miracula, quæ ad gloriam immolati in cruce agni, particulatim nos minime pigebit explicare. Primum itaque fuit ex parte temporis, quoniam (ut iam diximus) secundum naturam erat ad eclipsim generationem minimè conueniens. Secundum erat in cursu Lunæ, quæ naturaliter suo motu proprio ab occidente in orientem progreditur. In hac autem eclipsi, visa fuit à Dionysio motu velocissimo reuertens præter naturam ab oriente versus meridiem, usque dum stetit sub Sole, ubi per tres horas quieuit, & Solis lumē mortalibus occultauit. Post verò mortuo domino ad proprium locum versus orientem, motu celerissimo, veluti in instanti regressa est. Atque ita quidem hora sexta & nona apparuit sub Sole, vespere autem occidente Sole, in oriente apparuit opposita Soli. Tertium miraculū fuit ex parte, à qua incæpit eclipsis: nam suprà declaratum est, eclipsim Solarem debere secundum naturalem ordinem incipere à parte Occidentali corporis Solis. Illius autem eclipsis fuit initium à parte Orientali Solis. Nam Luna (ut iam dictum est) retrocessit ab Oriente versus meridiem, sitq; primo Solem tetigit ex parte Orientali. Quartū fuit miraculū ex parte in qua post peractā eclipsim primū cæpit corpus Solare lucidum apparere. In eclipsi enim naturali, pars illa Solis, quæ primū obumbratur interpositione Lunæ, prima incipit apparere lucida post eclipsis medium. In hac autē eclipsi, ordine contrario (quod mirabile est) pars illa quæ primò obscurata fuit, & quæ primū subintrauit corpus Lunæ, postremò apparuit suo lumini restituta. Vltima verò pars Solis, & quæ nouissime Luna intrauit (pars videlicet Occidentalis) primū detecta apparuit, & ab obscuratione libera. Non enim pertransiuit Luna Solem, uti solet in naturali eclipsi.

Quinq; miracula in  
vna eclipsi.

eclipsi, sed sub eo stetit trium horarum spatio, ac deinde non pertranseundo Solem reliquit, sed rursus ad locum unde venerat (id est ad Orientem) redeundo. Quintum fuit miraculum, ex mora & duratione eclipsis. Nam eclipsis Solis secundum naturam diu durare non potest, sed ocysissime, & celerissime absoluitur propter nimiam Solaris corporis ad corpus Lunare super excessum secundum quantitatem, & velocissimum Lunæ motum. Propter quas duas causas concurrentes, non diu potest corpusculum tantò minus, corpus tantò maius nostro subtrahere aspectui. Siquidem (propter motum velocissimum) Luna non diu potest nostro aspectui occultare Solē, corpus tantæ molis, quin aliqua ex parte mox emicare, & effulgere incipiat nostro aspectui. Quemadmodum videmus ad oculum, nonnunquam magni corporis molem nostro aspectui abscondi per minimi corporis interpositionem: quod tamen si vel ad traluerum vnguem aut latum culmum loco moueatur, mox sub aspectum nostrum sese offeret, quod antea fuerat occultum. Vt cum (exempli gratia) ante oculos manum tantum tenentes, ita prohibemus ne conspiciamus globum Solis, qui mox se ingeret nostro aspectui, si vel minimum eam mouerimus. At verò eclipsis ista (de qua loquimur) tam admirabilis & horrenda, non modici temporis fuit, neque ad momentum transiens, sed perpetuum trium horarum spatio, ab hora sexta (ut Euangelista ait) usque ad horam nonam. Cuncta verò hæc miracula beatus pater Dionysius Areopagita, in supradicta epistola, paucis verbis particulariter videtur attingere, quemadmodum ex ipsius epistolæ verbis Astronomicæ rei perito facile fieri potest manifestum.

C A P. XXXVIII. *Quòd eclipsis ista tempore passionis fuerit vniuersalis.*

**S**uper hæc verò omnia, forsitan & aliud miraculum sextum adijciendum erit, secundum naturam, multò etiam magis, quam præcedentia impossibile. Videtur enim eclipsis ista de qua loquimur, fuisse penitus vniuersalis in vniuerso orbe. De quo tamen contrariæ extant sententiæ. Nam aiunt quidam, tantum in Iudæa fuisse hanc eclipsim: & quod Euangelistæ dicunt tenebras factas super vniuersam terram, limitate intelligunt de terra Iudææ. Atque hi nihil opus habent aliud superaddere miraculum. Altera verò probabilior, & scripturæ rationi, atque historicæ fidei magis consona opi-

nio est, quæ vniuersalem dicit fuisse hanc eclipsim, super vniuersum orbem. Est enim hoc magis scripturæ consonum, quæ simpliciter dicit super vniuersam terram factas esse tenebras. Deinde & rationi magis consentaneū est, postquam ad glorificationem pendentis in cruce, mundi conditoris eclipsim fieri voluisset gubernator naturæ, vt miraculū istud palam omnibus in toto mundo exhiberet: quandoquidem ad omnium salutem, agnus ille in Iudæa immolabatur. Et

**Psalm. 117.** decebat apud omnes, lapidem hunc reprobatum cælitus clarificari: ita vt esset etiam exteris nationibus in testimonium abominandi facinoris, tam insolita cōspecta eclipsis. Quod etiam rei docuit euentus. Non enim solus ille in Iudæa Centurio, visis ijs quæ facta fuerant, dixit: Vere filius Dei erat iste. Verum etiam apud Heliopolim in Aegypto Dionysium audiuius cōspecta re admiranda, memorabili verbo exclamasse coram sōdalibus, Aut Deus naturæ patitur, aut mundi machina dissoluitur. Et ex hoc signo apud Athenas (quod in Actis Apostolicis legitur) ignoto Deo fertur aram fuisse inscriptam. Præterea, miraculum illud de retrocessione vmbre solaris in testimonium sanationis Ezechie regis, non in sola Iudæa exhibitum neque perceptum fuit, verū etiam in exteris nationibus. Vnde & regem Babyloniorum legimus misisse ad eum literas, & nuntios, vt inquirerent de portento, quod acciderat super terram: quemadmodum in libris Paralip. legimus. Quanto magis ergo signū istud, quod ad clarificationem Saluatoris mundi fiebat, nō in Iudæa tantū, sed & in exteris regionib⁹ decuit vniuersale fieri? Mōstrat hoc ipsum fides historię, quoniam (vt Eusebius Cæsariensis refert) Phlegon egregius Olympiadū supputator, lib. xii, de hac eclipsi ita testatur: Olympiade cccii magna & excellens inter omnes, quæ autē acciderant, defectio Solis facta est, & dies hora sexta ita in tenebrosam noctem versus, vt stellæ in cælo visæ sint, terræque motus in Bithynia Nicenæ vrbs multas ædes subuerterit. Ex cuius verbis manifestè patet, nec terræ motū peculiarem fuisse Iudææ, nec Solis deliquiū. Id quod ex cōspeditione stellarum probatur. Non enim efficere posset eclipsis solis particularis, vt vllæ stellæ in cælo cōspiciantur, cum lumen solis non tollatur, vnde prohibetur stellarum aspectus. Maius enim lumen obscurat minus. Vnde licet nobis abscondatur globus solis, non ob hoc

lumen

**Psalm. 117.**

**Math. 17.**

**Dionysij  
memorabi-  
le delum.**

**Act. 17.**

**Paral. 32.**

**Eusebius.  
Phlegon.**



lumen eius aufertur, quo obfufcantur ftellæ, vt videri non poffint. Apparet ergo nō folū fuiſſe particulare illā eclipſim.

Quod ſi roges, quomodo fieri poſſit vt fuerit vniuerſalis *Queſtio*  
cum Luna (vt ſuprà dictum eſt) non poſſit ſua interpolatione totum corpus ſolis occultare ab aſpectu noſtro? hoc videlicet eſt, quod dicimus nouum miraculū eſſe, vniuerſalitatem iſtius eclipſis, vt facta intelligatur non ſolū per interpolationem Lunæ inter ſolem & terram, ſed ſimul & per radiorum ſolarium retractionem. Diuina ſiquidem virtute factum creditur, vt ſol quaſi exhorreſcens impiſſimum ſcelus, quod ſu per terram tunc gerebatur, ſuum lumen à terra continuerit (quod nunquā feciſſe legitur ab initio ſeculi) indignum ducens ſuo lumine terrā latificare, quando ſuū creatorē cōſpiciebat tam atroci & ignominioſo mortis genere ab impijs cruciari. Itaq; quēadmodū Lunę eclipſis vniuerſalis intelligitur per reale totius luminis ſubtractionē, ſic & iſtā imaginamur factā, per reale luminis à toto orbe ſubtractionē, quod nunquā ſecundū naturā in eclipſi ſolis poteſt contingere. Et ne cui nouū hoc cōmentum videatur, inuenimus planē hui⁹ ſententiæ fuiſſe B. Hieronymum. Denique q̃ Dionyſius, & alij cum eo Philoſophi in Heliopoli ad contemplationē hui⁹ eclipſis animum intēderūt, nō eſt veriſimile factum eſſe, niſi q̃ etiam ipſi experirētur tenebras. Cū enim nullo modo ſecūdum curſum naturę tempus eſſet eclipſis, nullam habebant cauſſam neque occaſionem ad rem iſtam aduertendi animum, niſi quod eaſdem quas in Iudæa patiebantur tenebras ſceleris perpetratores, ſentirent etiam ipſi, vt fierent rei incognitę admiratores. Vnde veriſimile eſt propter ſubitas, & inopinatas tenebras quas ſentiebant, mox incoepiſſe illos applicare animū ad hui⁹ rei cōſiderationem, quemadmodū ab initio (vt Philoſophus teſtatur) ex admirari coeptum eſt philoſophari. Apparet ergo nō in ſola Iudæa fuiſſe hāc eclipſim particulare, ſed penitus in omni terra vniuerſalē: quēadmodum terrę motus nō ſolū particularis fuit in Iudæa, ſed etiam in alijs nationib⁹, vt retulimus ex deſcriptione digni fide etiam gentilis hiftorici. Quæ vniuerſalis eclipſis cū fieri nō potuerit per ſolam Lunę interpoſitionem, cōſequitur debuiſſe ſolem ſuos cōtinere radios, vt cōcordi teſtimonio, & vna compaſſione terra mota, diſruptęque petrę in inferioribus, & luminaria obſcurata ſuperne, lugerent ſimul

& clarificarent reprobatur lapidē, appensum in cruce Christi Dominum.

CAP. XXXIX. *Solutio cuiusdam obiectionis, & libri conclusio.*

*Obiectio.*

**V**erū contra hanc nostram sententiam obijciat forsitan aliquis: Quonam modo hæc constant, ut Solē dicamus continuisse lumen, stellas tamen in cælo potuisse videri? Siquidem (ut iam antè dictum est) à Sole cætera astra lumen accipiunt. Si ergo (quemadmodum refert Phlegon) stellæ in cælo videri poterant, certè & Solem oportuit luce non esse priuatum. Alioqui & stellas suum lumen perdidisse, ablata nāq; causa, auferri oportet etiam effectū. Huic obiectioni respōdebimus, dicentes, Solē quidem nō secundū substantiā priuatum fuisse lumine, quod illi secundū suam substantiam indeficiens dedit altissimus, sed tantū suum lumen continuisse, & suos radios retraxisse, ut super terrā eos non effunderet, nec aërem solito lumine illustraret. In terra enim seculus erat, quod exhorrescebat, & cuius indignitatem volebat demonstrare. In superioribus autem nō erat cur lumen cōtineret. Proinde quod in priori capite eclipsim istā similem fecimus eclipsi lunari, non ita intelligendū est, quasi sic sentiamus in eclipsi ista lumen verè defecisse Soli, & omninō nō fuisse lucem in substantia Solis, quomodo in sua eclipsi corp<sup>9</sup> Lunæ realiter priuatur lumine: sed tantū in hoc cōstat similitudo, quod sicut Luna in sua eclipsi nullū lumen ad inferiora mittit, sic neq; Sol tunc temporis radios viros aut vllum lumen super terram proiebat. Stat ergo Solem cōtinuisse suos radios, ne inferiūs lucerent super terram: stellas tamen in cælestibus solito lumine fuisse illustratas. Si rursum obijcias, quorsum lunæ interpositione opus fuit, si Solis radij erāt celibendi? aut quid operabatur illa Lunæ sub solari corpore suppositio, si continuerit Sol radios luminis sui? æquē enim nihil lucis super terram fuisset effusum posteaquam iussus est Sol suos continere radios, etiam si Luna non fuisset Soli supposita. Videtur ergo ista Lunæ interpositio prorsus superuacanea. Dicimus Lunā quidē ut creatorem glorificaret, & sceleris horrorem mūdo declararet, suo creatori cōpatientem Dei iussu (à quo indubiè mouebatur) præstitisse quod potuit, eamq; hac in re suum voluisse præstare creatori obsequiū, quoad posset Solem occultando ut

*Obiectio.*

radios

*Solutio.*

radios illius cohereret, & moriens in cruce gloriam mundo  
 patefaceret. Et verisimile est Lunā se directē Soli supposu-  
 isse ex ea parte, quæ respiciebat sceleris hui⁹ nefandissimi lo-  
 cū, id est, inter Iudæam & Solem fuisse interpositā. Quod au-  
 tem secundū naturā Luna sua interpolatione nō potuit, id cre-  
 dimus diuina virtute per solarium radiorū retractionem ad-  
 impletū. Quidā verō etiam densissimarū nubīū ponūt cō-  
 cursum. Sed quæ prius dicta sunt, vidētur magis probabilia.  
 Nā si per nubes totū negotiū gestum fuisset, min⁹ potuif-  
 sent stellæ conspici, quæ facili⁹ obūbrantur nubibus, quā  
 corpus solare. Item non potuissent ita limpidē in Aegypto  
 per Dionysium prædicta considerari, si nubium talis inter-  
 sectio perfecisset negotiū. Sed nos iam à supremo cælorū,  
 in id quod fuit aliquando terræ infimū delapsi, nempe in il- *Psal. 28.*  
 lū qui suo ipsius testimonio vermis fuit, & nō homo, oppro-  
 briū hominum, & plebis adiectio virorum nouissimus, vir  
 dolorū & sciens infirmitates, cuius aspectus tanquā leprosi *Esaia 53.*  
 fuit, & non erat ei species neque decor, cuius præ humilita-  
 te iudiciū sublatum est, lapis reprobatus, agnus occisus, hir- *Psal. 117.*  
 cus pro peccato, caper emissarius in crucem adactus, tandem  
 fessum calamum in eo reponamus. Siquidem bonū est nos  
 hic figere pedem, bonū est calami cursum sistere, atque in hu-  
 ius passionibus conquiescere. Fasciculus enim mirrhæ dile-  
 ctus noster nobis, & sponsus sanguinū ipse est nobis: qui dū *Cant. 3*  
 inter vbera commoratur, miras præbet cordis veras, solasq;  
 puras delicias. Et licet multa admodū iā diximus, in quibus  
 altissima clarescit patris omnipotentia, & magnificentissima  
 refulget eius gloria, veluti de cælestium orbium incompre-  
 hensibili, & inestimabili magnitudine, de astrorū innumera-  
 bili multitudine, de cursus primi mobilis incogitabili cele-  
 ritate, de ordinatissimis singulorū planetarū motibus, de So-  
 lis gloria, de claritate luminarium, de mirabili ordine pleni-  
 lunij, nouilunij, ac alijs huiusmodi compluribus, quæ nostrū  
 animū ad canenda in alacritate spiritus gaudioſa cātica me-  
 ritō valeant prouocare: præeligim⁹ tamen ad libri huius cō-  
 clusionem, in hoc terræ infimo reprobato lapide cōquiesce-  
 re, & super doloribus ac humilitate eius vocē fletus assume-  
 re. Vicit enim admiratio humilitatis eius omnium cōditorū  
 supernorū gloriam. Siquidem in humilitate iudiciū eius sub *Esaia 54.*  
 latū testatur Propheta. Nos proinde ciulationis vocem ele-

uantes,



wantes, lamentationem canamus pēdenti in cruce agno, qui  
tulit peccata mundi, cuius est nihilominus cum patre & spi-  
ritu sancto æterna gloria in secula seculorum. Amen.

FINIT LIBER SEPTIMVS.

LAMENTATIO MORIENTIS IN CRV-

ce agni, propter ouem perditam appensi: quem in terris  
reprobatum, supernè clarificarunt egregia duo  
luminaria, diei & noctis Domini,

**Q**uis dabit capiti meo aquam, & planctum condignum super  
vnguentum?

Vtinam lacrymis inebrientur oculi mei, & fontes mihi exurgant  
a quarum calidarum in medio caput mei.

Vtinam in absyrium vertatur mihi cor meum, & digna amari-  
tudine amariscetur in medio ventris mei.

Peccatum peccauit Hierusalem, & contaminata est vniuersa ter-  
ra prauaricatione.

Virum iustum à Deo donatum signis glorificatum plurimis, intere-  
merunt virum optimum, & mansuetissimum præceptorem.

Non sustinuerunt impij in mansuetudine arguentem, tollere animam  
eius conciliati sunt.

Oblatus est, quia voluit, & non aperuit os suum: sicut ouis ad occi-  
sionem ductus est, & non aperuit os suum.

Propter scelus populi percussus est, & pro humilitate iudicii eius  
sublatum est

Non est agnitus vultus eius, donec in patibulo appensus est.

Ibi clarificata est maiestas eius in cunctis populo, tunc & exteri co-  
luerunt ignotum Deum, quem domestici repulerant oblatum.

Morte turpissima à filiis populi sui condemnatus est: & cum ini-  
quus innocens agnus deputatus est.

Ah, quomodo obscuratum est aurum, mutatus est color optimus?

Quomodo abscondita fuit, agnus Dei, fortitudo tua, cum essent  
cornua & spicula in manibus tuis?

Propterea sededo mærens & gærens: suspirabo & gemam ut co-  
lumba sicut passer solitarius in tecto vociferabor.

Ipsè Rex meus & Deus meus, princeps meus, notus meus, amicus  
& creator meus.

Renouam consolari, & afflictus affligar, sicut mater lugens super  
vngue-

unigenito uteri sui.

Sol cognouit, non cognouit homo: Luna in plenitudine sua vidit exaltatum.

Celi obstupuerunt, illudente Iudeo: & omnis ordo celestium conturbatus est.

Sol retraxit lumen suum, & continuit super iniquitate, quam vidit in terra, radios suos.

Luna respuens plenitudinem suam subito se gyrens per meridiem, soli se supposuit.

Nuditatem appensi operuerunt tenebris suis densissimis: denudauit enim Iudeus ad confusionem patrem suum.

Maledictus puer Cham, & maledicta hac posteritas eius: erunt semini cunctarum nationum, & dispergentur in omnes populos.

Petra scissa sunt, terra mota est: fundamenta montium conturbata sunt.

Inanimes creatura (quibus non est intellectus neque ratio) cognouit creatorem suum: & multa potentia gloriose clarificatus est in eis.

In terris visus non est agnitus: populus peculiaris repulit creatorem suum: in crucem subleuatus est, & claruit maiestas.

Qui gloriantur se habere scientiam Dei, & pollicentur cecum ducatum, quasi talpa non agnoscunt Solem: inanimes creatura (cui non est cor neque ratio) agnoscit etiam nube obtectam.

Reuertere Luna in locum tuum, reuertere: quoniam expirauit Deus consummata clamans omnia.

Restituatur nobis lumen tuum, dominator Sol: ut videamus ad sepeliendum mortuum.

Ita pater, ita Deus, ita dominator dominus: quoniam sic placitum fuit ante te.

Sic sic Christus pati oportuit, & in ligno iterum clarificari.

Propter nos vniuersa ista per te scimus esse completa, omnia propter electos tuos.

Ita pater, voluisti exaltari in ligno dulcem filium tuum, ut exaltatus ad se cuncta attraheret.

Ut cognoscant quoniam ipse est quem misisti in mundum: gloriosius prodigium illum voluisti glorificare in nationibus.

Operiat nos Iesu bone ignominia tua: & impleatur cor nostrum ab ea.

Educ de oculis nostris lacrymas: per diem & noctem non cessent oculi nostri.

Non contineat se super te os meum: & labia nostra confitebuntur

nomini

homini tuo in seculum.

Dicant nunc quæ longè sunt nationes, quoniam regnavit à ligno  
Deus sempiternus.

*Hierusalem Hierusalem conuertere ad Dominum Deum tuum,*

FINIT LAMENTATIO.

## IN LIBRVM VIII. CON- SIDERATIONIS PHYSICAE DE

Anima in genere, deq; potentijs vegetatiuis  
specialiter: item & de longitudine at-  
que breuitate vitæ, Præfatio.



Mnia quæ fecit altissimus, exquisita iuxta  
omnes voluntates eius, summa utique cō-  
fessione sunt admiranda. At verò præ om-  
nibus hominis origo amplius est spectan-  
da Quippe magnum miraculum sunt sin-  
gula hominis membra, singulæ vires, sin-  
gula organa, singulæ operationes. Signa  
quæ rût homines desuper, & prodigia stupida spectant. Mi-  
raculorû omnes cupidi sumus: cû sint hæc omnia intra  
nos verissima, spectatuq; dignissima miracula. Quæ verè  
non sunt miranda, miramur attoniti: vera miracula non est  
qui admiretur. Ecce enim ipsum caput suum quod supra hu-  
meros collo iunxit Deus naturæ, quisquis apprehenderit,  
magnum ille & multo maximum miraculum tenet: quippe  
in quo tam mira sunt opificia suis quæque officinis distin-  
cta, sub vnius cranei osseo tegmine, ut huius miraculi nemo  
sufficiat, nec Physicus, nec Medicus indagare celsitudinem,  
aut dignè etiam admirari. Quàm obrem non frustra Græco-  
rum sapientes solenni præscripserunt apophthegmate, γῶντι  
σῆαυτόν, quod Latinis sonat, Nosce te ipsum. Intra nos enim  
habentes mirabilissima, qualia non sunt in cælo sursum, ne-  
que in terra deorsum, nihil opus habemus foris quæ admi-  
remur, aut in quibus oblectemur expetere. Neque maria no-  
bis in hoc sunt enauiganda, ut quæ mira prædicantur cerna-  
mus cû mirabiliora multò quàm vsquâ locorum inueniri  
possint, ipsi semper circumferamus, atque id quidem verum  
est, &

*Nota.*



est, & indubitatum, etiam si ea tantum quæ corporis sunt consideremus. Quod si ad interiora animæ fuerimus introgressi quasi in secretiora penetralia, rem prorsus diuinam compariemus, in creato corpore. Hac de causa non erit completum nostrum desiderium, donec & hæc Dei magnalia maxima quæ nobis ab anima (siue in seipsa, siue in corporeis organis) insunt, balbutientes, rudi saltem traditione pandamus.

CAP. I. *Quid sit anima secundum veritatem.*

**S**ic est humana generatio misera, ut quæ sibi intima sunt, non nisi obscurissime cognoscat. Quo fit ut animæ cognitio sit nobis eò difficilior, quo ipsa est intimior. Vnde & veteres Philosophi diuersissimas de anima sententias, pro sua quisque secta, reliquere. Qui tamen omnes in hoc conueniunt, quod ipsam ponunt principium earum operationum quas de foris in animatis rebus conspiciamus. Cæterum, sigillatim singulas eorum sententias expendere, non est nostri propositi. Satis habemus, animæ quidditatem simplici veritate describere, eiusque vires & officia deliniare. Quorsum enim attinebit, sopitos & diu iam extinctos errores, resuscitados in lucem reuocare? Animam autem definit Aristoteles hunc in modum,

*Anima est primus actus, perfectio quæ corporis naturalis, potentia vitam habentis, & talis planè, ut eius partes sint instrumenta.*

*Hæc definitio cum sua declaratione apud Arist. ponitur 1. cap. 2. li. de Anim.*

Hoc est, anima est forma substantialis, ipsam materiam seu totum compositum actu perficiens cui inest, quæ potens est suum actum seu operationem vitalem exercere in corpore Physico varijs organis, & partibus ad hoc distincta. Anima hic capitur pro omni anima, siue vegetatiua, siue sensibili, irrationali, siue rationali: cum autem actum primum dicimus, omnes habitus species, potentias, aut accidentarias dispositiones abijcimus: quæ animæ ut sint instrumenta, certe nunquam anima sunt dicenda. Et quanquam actus quidam dici possint (nimirum formæ accidentales) non sunt tamen actus primi & substantiales, sed actus tantum secundi & accidentales. Actus enim secundi sunt, quia à forma substantiali producuntur, & tantum sunt animæ instrumenta, quibus scilicet tanquam instrumentis in suis operationibus, utitur anima, quemadmodum potentia visiva utitur anima ut instrumento ad efficiendam visionem: sicut forma substantialis

## DE ANIMA ET POTENT.

ignis vtitur calore vt instrumento ad quippiā calefaciendū  
Sed anima actus prior est, à qua nimirum omnia ista proce-  
dūt. Quoniā verò nullius artificialis operis anima est, idcir-  
co corporis Physici actus ponitur, hoc est, forma rei natu-  
ralis. Actū enim formā dicimus, & Physicū idē quod natu-  
rale. Nō autē cuiuslibet corporis physici forma est anima,  
sed talis cuius partes sint instrumenta, vel organa, quod om-  
nino idē est, hoc est, organis diuersis adornatū atq; distinctū  
ad diuersas vitæ operationes exercendas. In homine enim  
oculus, auris, manus, os, venter, cor, & cætera omnia sunt or-  
gana diuersa diuersimodē disposita, ad diuersas vitæ opera-  
tiones. Et quæ pauciores inter viuētia habent operationes,  
vt plantæ, conspiciuntur etiam pauciora habere organa, radi-  
ces, medullas, neruulos, atque huiusmodi paucula. Quæ ve-  
rò omnino non viuunt (vt elemēta, vel etiam inanimata mi-  
sta atque metalla) non habent eiusmodi organa, quod nul-  
las habeant vitæ peculiare operationes. Et ne credatur ca-  
dauē etiam animam habere, & ne forma cadaueris anima pu-  
teretur, dicitur anima esse act⁹ eius corporis organici, quod vi-  
tam habeat in potentia, hoc est, quodd per hæc ipsa organa  
possit vitæ officia exercere. At in cadauere, non est ultra ocu-  
lus vel auris in potentia, vt audiat, vel videat, nihilo certē am-  
plius, quā trunci aut elementi cuiuspiam partes. Quare &  
cadaueris forma, per putrefactionē statim hæc omnia vt sibi  
inutilia dissipat, vt paulò post animæ abscēssum, cadaueris  
forma, digitos & nares & oculos & vniuersa prius variē dis-  
posita organa, æquet in puluere & cinere. Repetit Arist. ani-  
mæ definitionem ferè iisdem verbis: Hisce videlicet,

*Anima est perfectio prima, primusq; actus corporis  
naturalis, cuius partes sunt instrumenta.*

Quæ sic quoque redditur,

*Anima est actus corporis Physici organici, vitam ha-  
bentis in potentia.*

Nec minus congruè & ab officijs definiri potest anima,  
hoc modo: Anima est principium quo viuimus, sentimus, at-  
que mouemur.

CAP. II. Diuisio anima, & quæstionis cuiusdam determinatio.

Arist. 3. c. 2  
li. de anim.

**D**ividitur autem anima in vegetantem, sensitiuam, & ra-  
tionalem, iuxta tria præcipua anima officia.

Prima est in omnibus viuētibz: secunda, in sentientibus

ter-

tertia, in omnibus hominibus. In plantis est sola vegetans: quoniam hæ nec sentiunt, nec ratiocinantur. In brutis, est anima & vegetans & sensitiva. In hominibus, est anima & vegetativa & sensitiva, & insuper rationalis: etiam in illis qui debitum ratiocinationis actum, ob indispositionem virium interiorum atque organorum habere non possunt. Verum ex his videtur oriri questio, debeantne in homine poni tres animæ locali situ in diuersis seiunctæ partibus, an magis cōiunctæ. Rursumque si coniunctæ loco, an re plures ponende sint hæ animæ, an ratione tantum differentes, ut una anima hæc tria sortiatur officia atque nomina. Sic item de duabus animabus in brutis questio formari poterit. Sanè hæc ambiguitas solet scholasticis exercitationibus, magnum campum præbere, & sunt hæc de re contraria sentientes Philosophorum sectæ. Nos verò nostri instituti memores, propositam breuitatem tenere cupientes, hoc tantum (quod videtur verisimilius) citra præiudicium eorum quibus contraria magis placet sententia, asserimus: In bruto quolibet secundum rem, unicam inesse animam, quæ à sentiendi officio, sensitiva: à vegetandi officio, vegetativa nominatur, diuersis utiq; (sicut per se claret) rationibus, & hanc animam vegetantem pariter, atque sentientem, per totum quod informat corpus esse dilatatam, quanquam operationum quarundam certas, & determinatas habeat sedes vel officinas, in quibus ipse aut solum aut excellentius perficiantur, quam in cæteris partibus. Sic & de hominis anima sentiendum, eam videlicet unicam esse in omnibus corporis partibus, eandem & vegetatiuam & sensitivā & rationalem à qua corpori sit, ut vegetetur, & sentiat, quæq; homini ratiocinandi potestatem donet.

Includit autē rationale sensitivū, & vegetativū, sicut tetragonus includit trigonum, id est quadrangulare triangulū, & sicut perfectum includit imperfectū absq; ulla cōpositione. Quod ita debet intelligi, quia in quocūq; inuenitur potentia ratiocinandi, in eodem sunt anima vegetativa, & sensitiva, at non e contrario: & in quocunque est sensus, est etiā potentia vegetativa, at nō e contrario. In plantis enim est una vegetativa, non autem sensus vel ratio, quemadmodū in quadrangulari includitur triangulare, sed non e contrario. Non enim ubi tres anguli sunt, statim adsunt quatuor. Vnus enim deest, & vno superatur triangulus à quadrangulo.

*Questio  
unica an  
plures in ho  
mine sint  
animæ.*

*Solutio.*

*Arist. 3. c. 2  
lib. de anim.*



CAP. III. *Quòd sit potentiarum anima subiectum, & an possint ab anima separari.*

De subie-  
cto poten-  
tiarum ani-  
me.

**R**ursum & illud de potentijs animæ quæri solet, an sint in anima, an in coniuncto, id est, corpore & anima pariter iunctis. Itemq̃, si illæ potentie possint ab anima separari, & absque eis perdurare possit anima. Quibus erit breuiter satisfaciendum: dicendo, quasdam vires animæ in anima sola esse, eas nimirum ad quarum exercenda officia corporis organum determinatum non habet, vt sunt voluntas & intellectus, quarum potentiarum operationes exercet anima, nõ per vllũ corporis organum determinatũ, etiã si corporeorũ organorũ iuuetur adminiculo. Quasdam verò esse in coniuncto, id est corpore & anima, seu in ipso composito: eas nimirum: in quarum exercitijs anima eget organo determinato: vt sunt potentia visiva in oculo, memoratiua corporalis, & imaginatiua in cerebro, & ita de cæteris. Inter has igitur vires illæ quæ perficiunt suas operationes non per organum corporeũ, non possunt vnquam ab anima separari, nec sine eis esse anima aut permanere potest. Quæ verò sunt in aliqua parte corporis, & quæ vt perficiant suas actiones, egent organis corporeis, hæc animã nõ cõsequuntur enigratẽ e corpore: & potest vtique rationalis anima absq; huiusmodi subsistere.

Vnde anima à corpore separata nõ habet potentiam vegetandi, neque sentiendi: quanquã ad huiusmodi actiones possibilitatem habet. Non enim idem existimanda est possibilitas sentiendi & sentiendivis naturalis, siue naturalis potentia. Omnino tamen in ipsa anima, potentie istæ radicaliter manent: ita vt si iterum in corpus mitteretur ad informandum, rursum in organis determinatis eas efficeret, quia tamen à corpore separata est, non actu & formaliter in se habet, nisi eas potentias quæ immateriales sunt.

CAP. IIII. *Quòd sola rationalis anima manere potest à corpore separata & quòd sola non educitur de potentia materie.*

**C**onsequitur insuper ex ijs quæ prædicta sunt, cum anima vegetatiua, & sensitiua in plantis & brutis nullã habeat vim neque potentiam naturalem, quæ non sit colligata corpori, non posse eas extra materiam, & corpus separatim permanere, sed necessariò interire simul vt à corpore expelli eas contigerit. Anima verò rationalis, quoniam aliqua parte supereminet corpori, & vires aliquas operationesq; natura-

les habet, quæ à materia non pendeant: idcirco (quatenus rationalis est corpori non penitus immersa, sed aliqua ex parte corpus excedens, & modo quodam per se subsistens) potest separatim subsistere. Nec mori ipsam necesse est, cum à corpore migrat. Ea verò parte qua sensitiva est, & vegetans, non esset separabilis à corpore. Atq; hinc est quod dici solet animam sensitivam & vegetativam educi de potentia materiae non autem creari. Latent enim in materia (ex qua vivens cōcipitur) rationes seminales eiusmodi formarum, sicut & cæterorum quæ animata non sunt, ita ut hæ animæ (sicut & omnes formæ corporeæ) extrahantur de materia, quæ est in possibilitate ad omnem formam per actionem agentis creati. Anima autem rationalis quia præ nobilitate viriū à Deo si- *Anima rationalis nobilitas.* bi datarum secundum quas imaginem Dei in se gerit, superat excedit corporis grossitiem atq; ignobilitatem, ideo de materia virtute naturalis actionis elici non potest. Neq; latent in materia generationis, sed creantur à Deo sigillatim rationales animæ omnes, sicut sigillatim infunduntur in sua quæque corpora, testante Psalmista, quoniam Deus finxit sigillatim corda filiorum hominum. In hoc tamen cōveniunt omnes uires, tam animæ secundum se, quàm totius coniuncti, quòd fluant omnes ab essentia animæ: sicut à forma substantiali procedunt, & conservantur accidentia rei, quæ in materia servantur. Propter quod in anima separata licet realiter non insint potentiæ illæ corporales, quæ in exercitio suarum actionum indigent organo corporeo, secundum radicem tamen in ipsa adhuc latent, & propter solū defectum subiecti, in quo reciperentur, deficiunt, non propter animæ impotentiam, aut naturæ eius permutationem.

## CAP. V. De diversis in anima potentijs.

**Q** Vanquam autem superius animam secundum tres tantum potentias diuisimus in vegetativam, sensitivam, & rationalem, vel intellectiuam, sunt tamen potentiæ primò conuenientes animæ quinque numero, videlicet vegetativa, sensitiva, appetitiva, motiua, & intellectiua. Quare autem animam trimembri tantum diuisione dissecuimus, ratio est: quia duæ illæ potentiæ, appetitiva & motiua, non inveniuntur separatim absque alijs. In quocunque enim est vis sentiendi, in eodem est & vis appetendi & secundum locum se mouendi, atque econtrario: neque in illo viventium hæc se-

parata inueniri possunt, propter quod ex neutra potentiā illarū sumpta est animæ diuisio. Sic neq; voluntas (quæ tamē ab intellectu distincta potētia est) speciale aliquod membrū facit in diuisione animæ, quoniā non inuenitur in vllō viuētium ab intellectu separata. In quocunque enim est intellectus, etiā & voluntas, & e contrario. Vnde sub intellectu eo cōprehēditur volitiuū, sicut sub sensitiuo appetitiuū, & motiuū secundum locū. Generaliter autem distinguūtur in anima diuersæ vires atque potētiae, secundum operationum differentia. Quotquot enim in hominē sunt ab inuicē differentes operationes, quæ ad vnum non spectant organū, tot sunt potētiae ab inuicem diuersæ. Vnicuiq; enim operationi correspondet in anima vis aliqua naturalis ad talem operationem efficiendā. Et quidē si operatio corporalis sit in organo aliquo corporali, aut in vlla parte corporis singulariter apparēs ipsa etiā potentia corporalis videbitur, & ab anima quidō radicaliter effluens, illi tamen organo peculiariter insidēs. Quemadmodum (exempli gratia) homini operatio quædam in oculo adesse cognoscitur, per quā colores percipit, & res coloratas, gratia coloris, dinoscit. Vnde consequitur esse in oculo vim quandam atque potētia talis operationis effectiuam, quæ dicitur virtus visiva. In lingua verō operationem aduertimus, qua saporū percipimus differentias, quod in nullo aliorum membrorū percipimus. Vnde oportet huic operationi, vim quandam ipsius effectiuam respondere, quæ dicitur virtus gustandi. Cū verō operatio ipsa per totum corpus, & singulas partes similiter extendi videtur, oportet & ipsam vim ita per totum corpus expandi. Vnde quia actus tangendi singulis membris cōpetit, necessario & ipse tactus per corpus totum expanditur, ac singula occupat membra. Item de nutritione dicendum & potentia nutritiua. Ex hoc verō intellige, quā varijs sit anima potentijs atque naturalibus virtutibus adornata: vt pote à qua tam multæ, tam variæ, tam nobiles, tam eximie procedere conspiciuntur operationes, vt eius contemplandis vix homo sufficiat, vt ne dicam enumerandis aut plenē comprehendendis.

CAP. VI. Partim esse à perfectione, partim ab imperfectione, quod homo tam varijs habeat potentias.

**Q**uod verō tam varijs vires habeat homo secundū naturalium operationū multipliciū diuersitatem, partim qui-



quidem ab imperfectione est, quoniam omnis discessus ab uno, & simplicitate, ex imperfecto est: partim verò perfecti-  
onis est indicium, quòd per multas has vires ad multas ac  
varias operationes aptius conspiciatur homo, atque naturali  
efficacia idoneus. Vnde est considerandum quasdam res  
esse quæ paucissimas habeant operationes, quæ proinde  
multas potentias non habent. Aliæ sunt quæ multæ sunt per-  
fectionis, sed hanc non nisi per multas obtinent potentias,  
& varie separatas, ut patet in hominis, visu, auditu, phantasia,  
memoria, intellectu, affectu, vi generatiua, digestiua, ac  
cæteris. Sunt præter has res aliæ simpliciores, quæ magis  
ad vnum, & summum bonum accedentes, multam nimis  
perfectionem paucissimis attingunt potentijs. Hi sunt spi-  
ritus illi cælestes, qui intellectu, & affectu nullo utentes  
sensu, nullisque corporeis organis, multò possunt ampliora  
quàm genus humanum possit vniuersum. Super omnia est  
Deus seculorum, qui summam perfectionem simplicissima  
habet potètia atque vnica virtute, quæ nec ab ipsius essentia  
secernitur. Quandoquidem quicquid in Deo ponitur, ab  
eius essentia non distinguitur. Ipsius summæ atque simplicis-  
simæ virtuti omnes nostræ deferuiunt multiplices vires, ut  
magnificent gloriam nominis eius, quæ est sempiterna. Ip-  
se est enim, qui simplicissima sua perfectione, nostra nos  
multiplicatè facit (licet imperfecte) perfectos: cuius proin-  
de magnificæ bonitati nos decet in omnibus dare laudem  
& gloriam.

*Deus perfe-  
ctissim⁹ a-  
ctus & per-  
fectissima  
virtutis.*

CAP. VII. *Consideratio pulchra de correspondentia admi-  
rabili corporis & anime.*

**I**llud verò attenti⁹ cōsiderātibus quantā præbet suauitatis  
dulcedinē, quòd cum corp⁹ res sit crassa, materialis, & ig-  
nobilis, anima verò spiritus, & res nobilissima, talis nihilo-  
minus & tanta inueniatur vnus ad alterū correspōdentia, ta-  
lis hermonia, talis cōsonātia, ut maior vix possit cogitari. Si-  
cut enim corpus hominis super omnia mundi corpora mira-  
bilissime est organizatum, atque pulcerrime distinctū, arti-  
ficiosissimeque fabricatum: ita & anima quæ huius corporis  
inhabitationi deputatur, nobilissima est atque pulcherrima:  
sic corpori correspondens, ut iuxta suam capacitatem & di-  
gnitatē ipsum totū impleat, eiusque omnia organa viuificet  
& informet, omnibus illis cā diuersis organis dando vitam

*Ordinata  
varietas est  
corpori or-  
natu.*

sensum, & motū, atq; operationes peculiariter cuiq; cōuenientes. Et quemadmodum in corpore est maxima & ornatissima diuersitas organorū, quæ tamē omnia secundū pulcherrimum ordinem adinuicem cōiuncta vnum corp<sup>o</sup> efficiunt, nec obstat tāta partium diuersitas, quin in vnu possint corp<sup>o</sup> cōpingi, imō tāto pulchrius, tanto ornatius, & spectabili<sup>o</sup> est hominis corpus, quod ex tanta sit varietate artificiosissimē cōpositum, quā si eiusdē dispositionis essent omnia membra. Ita proportionabiliter anima habet multipliciter nobilissimarum potētiarū, & dignissimorum officiorum, quorū quædā aperta sunt & sensibus exposita, plura verō latēt interi<sup>o</sup>, certissima tamē experientia à nobis percipiuntur & cognoscūtur. Habetq; anima diuersa ista officia, iuxta proportionē & exigentiā organorū corporaliū, ita vt quot sunt membra organica distincta secundū qualitates, totidem sine etiā virtutes & officia distincta ipsi<sup>o</sup> animæ. Diuersitas enim organorum & instrumētorū in corpore, arguit diuersitatem potestatum, virtutum & officiorum ex parte animæ. Nec tamen tanta hæc multiplicitas scindit, sed ornat animæ unitatem. Quemadmodū enim vn<sup>o</sup> idēq; homo diuersa potest habere officia, & artes diuersas, quas exercet per varia & dissimilia instrumenta, sic anima diuersas habet virtutes, quas exercet per dissimilia organa. Est autem hoc in magnū animæ ornatū & gloriā, quod ita diuersis sit instructa præditaq; virtutibus (quæ omnes, radicaliter ab ipsa in corpus effluāt) vt nullum omnino sit in corpore membrum quomocunque dispositum, quod non sua maiestate impleat, & cui non pro sua natura debitam virtutem atque potentiam infundat: ita vt nullum membrū relinquat vacuum, cui nō vitam, sensum, & motum cōcedat: nullum etiam sit organū, quod non pro suæ naturæ exigentia debitam sibi virtutem ab animæ plenitudine recipiat, vt oculus sumit videndi virtutem, auris audiendi, lingua gustandi, manus operandi, pedes ambulandi, genua sese incuruandi, atque voluendi, & ita in singulis membris. Ecce verò mirabile istud inter corpus & animam matrimoniū, ecce pulcherrimā consonantiā & admirabilem coniunctionem inter membra corporis organica ex vna parte, & virtutes seu potestates animæ ex parte altera. Vide, quomodo singula organica membra singulis virtutibus desponsantur ac velut nubunt & coniunguntur inuiolabili inse

*Cōtēplatio  
pulcherrima  
matrimo-  
niū inter  
corpus &  
animam.*

inseparabiliq[ue] societate. Vides ex parte vna corpus velut subtratum, cum multitudine diuersissimorū eorūdemq[ue] pulcerrimorū organorum: ex aduerso autem animam vides hoc corpus sibi desposantem, in corpus istud intrātem, totā plenam nobilissimis potentijs, & talibus potentijs, quæ singulis corporis membris respondeant. Quid hoc matrimonio pulcrius? quid hoc spectaculo iucundius? Verè qui hæc iunxisti, magnus es Domine, & mirabilia opera tua: tu es Deus solus, & præter te nō est alius, tibiq[ue] gloriā canit omnis compago corporis nostri & vniuersa anima plenitudo, qui viuis benedictus in æterna secula. Amen.

CAP. VIII. De potentijs animæ vegetatiuæ in speciali.

**V**T autem per ordinem nūc de singulis determinemus, primò cōsideranda est potentia animæ vegetatiua, quæ alio nomine nutritiua appellatur.

Arist. 2. lib.  
de anima  
4. cap.

*Habet autem hac potentia vegetatiua tria præcipua officia, alere, augere, & generare.*

Vnde potentia vegetatiua diuidi potest in potentiā nutritiuam siue altricem, augmentatiuam, & generatiuam: quæ tres potentia reperiuntur in vitam habentibus. Prima est propter conseruationem substantiæ ipsius viuientis.

*Omne enim viuens quandiu viuit nutrirī oportet.*

Quia enim stabilia non sunt viuentia, sed in fluxu continuo, propter virtutem igneā perpetuo cōsumentē, & partes aliquas deuantem, idcirco ad cōseruationem substantiæ animalis operatur anima circa alimentum, vt ex eo cōtinuo instaret, quod per resolutionem deperditur. Nam vbi continua est absque reparatione resolutio, fieri non potest, vt durabilis sit talis rei substantia. Quapropter rectè dixit Aristoteles, viuens eousque nutriente indigere, quousque perseuerat, alimento autem priuatum non posse subsistere. Secunda vis est augmentatiua, qua nimirum anima ipsum corpus in iustā & naturæ conuenientem potest perducere quantitatem. Nullum enim viuentium ab initio habet perfectā suam quantitatem, sed perpusillum est cū vitam recipit:

Arist. 2. li.  
de anima.  
4. cap.

Anima verò continua operatione sua, circa alimentum occupata, non solum curat id quod defluit, restaurare, verum etiam maiorem adijcere quantitatem dum plus infulcit sua actione, quā sit consumptione deperditum. Est autem huius virtutis à priori differētia, quoniā nō oportet viuens om-



ne quandiu uiuit augeri, nutriri uerò & ali simpliciter omnibus uiuentibus necessarium est. Est tamen secundum re harum duarum potentiarum idem obiectum, sed ratione tantum diuersum. Alimentum enim & nutrit & auget: sed quantum reparat quod deperditum est nutrit: in quantum uerò etiā maiorem quantitatem reddit quā præsuit, auget. Et est quidem anima principalis harum operationū effectrix, pro instrumento tamen habet naturalem calorem, per quem cōcoquit, & alterat nutrimentum (quod ante nutritionem est alito cōtrarium & dissimile) ut fiat simile, & aptum quod traieciatur in membra corporis alendi. Quia enim nutrimentū dissimile est ipsi quod nutriri & augeri debet, impossibile foret ex alimento fieri nutritionem aut augmentationem, nisi ipsum alteraretur, ut simile fieret alito. Hæc autem alteratio rectissimè attribuitur calori, quo tanquam instrumento & causa secunda utitur anima: de quo plura suo loco dicemus in sequentibus capitulis.

CAP. IX. De uirtute attractiua, digestiua, retentiua, & expulsiua.

Sunt autem particulares quædam vires, potentijs iam dictis subseruientes, utpote sine quibus fieri non possit nutritio, vel augmentatio.

Eæ sunt, uirtus attractiua, uirtus retentiua, uirtus digestiua, & uirtus expulsiua.

Quatuor  
potentie.

Attractiua.

Quia enim in perfecta nutritione singula membra oportet nutriri, ideo necesse est, ut in quolibet membro uirtus sit quædā, per quam nutrimentum attrahat quo nutriatur, non secus quā in magnete uirtus est, quædam & efficacia ad se attrahendi ferrū. Verū quia non potest membrū ex attracto nutrimento ali siue nutriri, nisi ipsum quod attractum est, omnino secundum speciem simile fiat ipsi membro nutriendo: ob hoc uirtute digestiua opus habet, per quam nutrimentū cōcoquatur & transmutetur, ut simile sit membro alendo, sicque ipsi sufficiat nutritioni. Nam impossibile est nutritionem fieri, nisi prius ipsum alimentum simile factum sit nutriendo. Nutritio enim (ut suprā indicauimus) fit ex alimento prius dissimili, facto tamen simili, antequā fieri possit nutritio. Quia uerò non potest uirtus naturalis agere in instanti, sed tempore eger, ut digerat alimentū ac simile reddat alito, idcirco ne dissipetur materia attracta, retentiua uirtute

Digestiua.

rute est opus. Nihil enim ad nutritionem proficeret attraxiſſe alimentum, ſi deeſſet virtus ipſum retinendi, donec ſecundum qualitatem conuenientem eſſet immutatum: quemadmodum videmus nonnullos interdum ſumere cibum vel potum, ſed ante concoctionem ſiue digeſtionem congruam, ſtam vel per os vel per poſteriora eiſcere. Sed quoniã, in omni alimẽto impuritatẽ eſt cõmiſtio, quæ per digeſtionem ſeparantur ab eo, quod nutritioni eſt accommodum, idcirco ne illæ impuritates ad nutritionem perficiendam ineptæ in hominis corpore remanentes putrefactionem & morbos generent, neceſſarium fuit virtutem ineſſe membris ad expellendum, eiſciendumque quod nutritioni non conuenit. De his autem particularius diſſerere, Medicorum potius eſt quàm Phylicorum.

Retentiuæ

Expulſiuæ.

## CAP. X. De potentia generatiua.

Generatiua.

44.

**T**ertia viſ animæ vegetatiuæ eſt, potẽtia generandi, quia ſcilicet viuens potens, eſt generare ſibi ſimile, ſecundum ſpeciem. Quam potentiam Ariſt. dicit eſſe præcipuam, ita vt iuſtum putet potentiam vegetatiuam à generatiua tanquam præcipua denominari. Ait enim opus generationis eſſe aliorum finem nutritionis ſcilicet & augmentationis. Nam ad hoc animal nutritur & augetur in iuſtam quantitatem, vt cũ perfectum fuerit, gignat ſibi ſimile. Naturaliſſimum enim & præcipuum opus (vt Ariſt. ait) eſt generare ſimile, & in quo viuẽtia maxime aſſimulantur ſummæ illi diuinæ bonitati, quæ ſua virtute progignit vniuerſa. Item & ſecundum æternam durationem. Quia enim in hoc à Deo deficiunt, quod ſecundum numerum, vt ille, æterna permanere non poſſunt: idcirco dum ſibi ſimile generando, ita in ſpecie permanent, quodammodo æternitatis participes fiunt, atque ad diuinæ durationis aliquatenus accedunt ſimilitudinem, quantum ipſorum permittit, conceditque natura. Eſt autem hæc virtus, nec in Solis animalibus, neque etiam in omnibus. Non quidẽ in Solis animalibus, quoniã quidẽ & plura cõplures eandẽ vim participant. Vim enim generatiuam habent, quibuſcunque à Deo ſemen eſt datum. In ſemine nempe virtus eſt formatiua ſimilis ſecundum ſpeciem. Hinc & natura prouidiſſimus, benigniſſimusque inſtitutor Deus, Cũ de terra veller arbores, harbaſque, verbo ſuæ inſuſionis educere, iam de generationis vi ſolicitus, ſemen pariter in eis

Ariſt. cap. 4. 2. lib. de anima.

Neque ſolõ animal ne- bi ſimile ge nerat.

Genef. I.

## DE ANIMA ET POTENT.

voluit inueniri. Sic enim ait, Germinet terra herbā virentem, & facientem semen, & lignū pomiferum faciens fructū iuxta genus suum, cuius semen in semetipso sit super terram. Post cuius verbū in sacra historia subditur. Et factū est ita. Et protulit terra herbam virentem, & facientem semen iuxta genus suū, lignūque faciēs fructū, & habens vnū quodque sementem, secūdū speciem suā. Ecce quā sollicita & diligens hic fiat seminis mentio, vide quomodo ab initio fuit de generandi virtute sollicita Dei prouidentia. In quibusdam verò nō solū ex semine sit simile secūdū speciem, verū etiā ex ramusculo tātum præciso absq; vllō semine arbor crescit aut herba similis illi, à qua desumpta est particula. Quod autem non in omnibus animalibus, neque in omnibus viuentibus inueniatur, per experientiā est manifestum. Nā quædam sunt animalia spōtaneā generationē habentia, quæ nō ex seminis propagatione, sed putrefactione nascūtur: quarum inter hæc quædam indifferenter, vel ex putrefactione nascantur, vel ex semine. Illa etiā quæ ex diuersarū specierū cōmitione generantur, non sunt nata generare sibi simile. Vnde mula (quæ ex commitione equi & asinæ gignitur) ne scit generationē. Est autem huius potentie à priorib' duabus differentia, quoniam operationis illarū effectus cōpletur, & manet in ipso subiecto, in quo insunt potentie. Effectus autem operationis virtutis generatiuæ extra subiectū est ipsius potentie. Potentia enim nutritiua & augmentatiua, ipsum suum indiuiduum in quo est, nutrit atque augmentat. Nulla autē res per potentiam generatiuam seipsam generat, sed aliud distinctū indiuiduū, simile tamen secūdū speciem. Ex quo manifestè patet, nobiliore ac digniore esse virtutem generatiuam duab' potentijs prioribus. Siquidem ista ad speciei cōseruationem immediatè ordinatur, illæ verò immediate ad sustentationem & perfectionem indiuidui. Species autem mobilior est indiuiduo, vt pote quæ per se pars est vniuersi, non hoc aut illud indiuiduum. Vnde (quæ admodū suprà diximus) nutritiua & augmentatiua ad generationem tāquā ad finē ordinantur. Aduertendum insuper, quod circa idē obiectū aliquo modo versatur potētia generatiua, circa quod versari dicimus nutritiuam & augmentatiuam. Quomodo enim potentia nutritiua ex alimento nutrit, & augmentatiua ex alimento quanto auger: sic & generatiua a-

limen.

*Que nō ge-  
nerant si-  
miles*



limento vtitur ad suæ operationis exercitium. Semel enim ex superfluo est alimenti.

CAP. XI. *Pulchra seminis consideratio.*

**M**erito verò cōsideratio seminis (quo vtitur virtus generatiua ad suæ operationis exequutionem) videri debet profundius cōtemplantibus, nimium admirabilis. Quid enim? An non superadmirabile est, ex modico semine (quod de herbula, aut arbore qualibet decisum fuerit) in terram coniecto, pullulare virentem herbam vel arborem, eandemq; tēporis accessu sumpto ex terræ visceribus congruo alimento, iustam sibi quantitatem adijcere, & partes omnes sibi iuxta naturæ suæ conditionem adaptare varietate tam pulchra, dispositione tam spectabili, tamque admirabili ordine, ut hominis ingenium nec herbula: vnus sufficiat comprehendere artificium? Considera enim in arboris è semine processione, quo modo in terram inferne radices mittit, easque ita infigit solide, ita hærere facit in intimis terræ visceribus ut post modicum vix euelli aut dimoueri nisi vi magna nō possit quomodo sursum stipitem ac truncum mittit quem externe quidem vestit cortice velut indumento, aduersus aëris inclementiam, & frigoris æstusque iniurias. Intime verò medulla posita est, & circumquaque venæ maiores atque minores per totum corpus trunci dispersæ, exque mirabili ordine adinuicem minores à maioribus procedentes, per quas nutrimentum singulæ partes ad se attrahunt. In superiori verò parte, quàm mirabiliter prodeunt de stipite folia in quibus similiter venarum & arteriarum conspiciamus stupendam connexionem. Et est quidem foliorum eadem figura, eadem lenitas vel asperitas, similis ferè longitudo, latitudo, color idem, idem sapor, idem odor, & per omnia maxima est arborum eiusdem generis similitudo. Taceo florum pulcritudinem, & fructuum dulcedinem, ac in virisque mirabile artificium. Hæc videlicet omnia originaliter ex seminis vnus prodire virtute. Sed & in semine animalis, atque ideo in semine hominis (ex quo videlicet proles humana secundum corpus nascitur) nōne illud vel maximè stupendum est, quod ex virtute illa, quæ in tā vilissima atque penitus diformi, & sordida materia inest, talis ornatur membrorum tam pulchra compositio, tam cōuenientissimus ordo, tam efficax dispositio membrorum, tam eximia singularum partium coniun-

iūctio? Videlicet vt in infimo pars aliqua lata fabricetur, su-  
 per quam ipsum corpus debeat firmè cōsistere, & qua debe-  
 at moueri de loco in locū: cuius partis extremū multiplicē  
 habeat diuisionem, vt sit velut in particulas dissecta mate-  
 ria, hoc est, vt pes habeat suos digitos in extremitatibus: at-  
 que hæc rursū partes talem habeāt ordinem, vt quæ primo  
 loco ponitur cæteris sit & altitudine & crassitie maior, at-  
 que ita deinceps suo ordine, vt sit nouissimus digitus omni-  
 um tenuissimus, & minimus. Item vt partes hæc sic diuise, in  
 extremo pedis secundū quinarium numerum, ita regulari-  
 ter & vniuersaliter distinguantur, vt monstrum iudicetur, si  
 quando in vno pede senaria inueniatur distinctio. Iterum vt  
 harum partiū quælibet in sui extremitate ex parte superio-  
 ri duritiem habeat vnguīs mirabili artificio, & subtilissima  
 coniunctione ita adglutinati carni & pelli, vt nulla possit  
 excidere violentia quātūvis comprimantur pedes, aut vr-  
 geantur multis laboribus. Item vt lingule hæc partes, suas ha-  
 beāt iuncturas, in quibus possint incuruari, & prior quidem  
 maior non nisi vnā huiusmodi habeat in sui medio, cæ-  
 teri verò binas. Et hæc quidem omnia in pedis & manus cō-  
 positione manifestè apparent etiam extrema tantum confi-  
 deranti. Ex aduerso autem in supremo loco quomodo artifi-  
 cio maximo pars componitur rotunda, quæ cranio vno in su-  
 periori parte tegitur, hoc est osseo tegmine ita durissimo,  
 & indissolubili, vt per annos plurimos in terra iacens non  
 possit omnino cōsumi, quod quidem cranium carne & cute  
 operitur, vnde crinium egreditur defluxus, partem illā vn-  
 dequaque circūuertiens. Sub hoc autē cranio, mobilis quæ-  
 dā & tenerrima formatur substantia, quā cerebrū dicim⁹, eāq;  
 secundū diuersas partes variæ formatam vt diuersarū viriū  
 aptum possit esse susceptaculū & organū diuersarū nobiliū  
 operationum, in qua insuper rotunda parte suprema ab ante-  
 riori parte consistunt oculi, in sua concauitate pulcrè firma-  
 ti, sic tamen vt facillime mobiles, quibus sunt etiam sua ci-  
 lia & supercilia. Sub his sunt nares, ad latus autem aures: sub  
 naribus autem oris apertura ad ingressum cibi, & per circui-  
 tum mandibule dentibus plenæ, quorū i; qui in ipso ingres-  
 su consistunt, tenues sunt & acuti, ad dissectandum atque scin-  
 dendum impositum cibū: posteriores verò crassiores sunt &  
 plus quàm duplicati, qui partes cibi iā anterioribus dentibus  
 conci-

concisas possint velut molendo in minutissimas particulas conterere: propter quod etiam molares appellantur. A parte autem capitis posteriori, omnib<sup>9</sup> clausis, nulla conspicitur apertura, sed nervi fortes, & iuncturæ mirabiles illic cōsistunt, qui caput partē supremam cū humeris parte inferiori conglutinant: ita ut cum caput humeros non contingat, pulcrè tamen absque onere per colli interpositionē ab eisdem gestetur. Hinc verò ab humeris velut duo rami extenduntur brachia duo, ad opus quodlibet per agendum, eaq; in medio curuabilia in cubitò, extremitates autē similiter in digitos ordinate diuisas habentia, ut de pedibus supra diximus. Deinde nobilissimū membrū cordis ita mirabiliter in medio animalis positū cōsistit habens ad sui caloris temperamētum circū iacentē pulmonē, aërem sua respiratione continuo in modū follis attrahentem, sicq; suū calorem temperatē: vicinū etiam habēs epar sanguinis officinā, & stomachū velut totius corporis coquū, alimenti totius susceptiuū. Habet insuper splenem, habet renes, habet intestina omnia, mirabili connexionē & conuolutionē disposita. Quòd hæc (inquam) omnia quæ tantū figuraliter attingimus, & alia intus recondita multò mirabiliora, ita ordinate, ita perpetuo in corpore hominis siue etiam animalis alterius ex seminis tam vilissimæ substantiæ virtute efficiantur, quis non ista maximum reputet miraculum? Nōne recte tibi videtur domino dixisse Psalmista, Mirabilis facta est scientia tua, ex me confortata est, & non potero ad eam? Nōne & nos in præfatione libri hui<sup>9</sup> recte videbimur hoc asseruisse, quòd prodigia semper secum circumferāt homines quibuscumque miraculis magis admirabilia? Et quidem nō ita multū videretur admirandum, si totam hanc connexionē dispositionemq; membrorū quā in nobis ipsis conspici<sup>9</sup>, per semetipsum ita sua omnipotenti virtute Deum asseramus cōdidisse si quomodo in principio Adā creauit de terra, & de eius costa Euā, absque vllius virtute seminis, terram solam pro materia accipiens, & totam virtutem per sese administrans: ita & nostra corpora in sua dispositione atque pulcherrima proportionē per se idem ipse similiter fabricaret. Item si ut in principio arbores & herbas creauit, absq; virtute seminis, ita & nūc potētissima sua iussione eas de terra faceret prodire. Scimus enim quoniā nō est ei impossibile, neque difficile om-

*Psal. 138.*



Psalm. 71.

ne verbum. Non nouum est nobis, si magna faciat illè, de quo scriptum est, Qui facit mirabilia magna solus. Verùm quòd hæc humani corporis dispositio ex operatione est virtutis, quæ latet in paterno semine (fœtidissima & vix nominanda substantia, quàm absq; abominatione nemo conspiciat) quodque in eo tam præclara lateat virtus, corpus tam admirabile sic efficiendi atque fabricandi, quod tota illius admirabilis dispositionis efficacia in illo realiter inexistat, id nobis merito in immensum aggrauat pondus considerationis nostræ, id prorsus stupidos & attonitos reddit, cogitque exclamare nos, & voce aperta confiteri, quòd non solum ipse magnus sit in semetipso, neque solum magnus in magnis, sed & in abiectissimis, contemptibilissimisque, & minimis gloriosus.

CAP. XII. De longitudine & breuitate vitæ: & primum de calore naturali, atque humido radicali.

**A**nima autem ipsa vegetatiua, per virtutem vegetatricem licet verè prima sit, & præcipua causa supra dictarum operationum, nutritionis, & augmentationis, eget tamen ad hoc (vt supra tetigimus) calore naturali pro instrumento, quo mediante suas istas operationes perficiat. Cuius quidè naturalis caloris, tanta est necessitas in corpore humano, & operationibus illius sustentationi necessarijs, vt absque eo nequaquam possit anima in corpore permanere, ipsoque deficiente, omnino necessariū sit animalis vitam deficere. Hic autè calor naturæ igneus est, & perpetuo nutrirī debet atque foueri in corpore hominis: quemadmodum flammam candelæ, & flammam quæ est in lychno lampadis, nutrirī ad oculū cernimur, atque ita necessario nutrirī, vt nutrimento cōsumpto mox flamma euanescat. Oportet ergo donec calor iste in homine permanserit, nutrimentum aliquod illi suppeditari, in quo foueatur atque conseruetur. Hoc autem nutrimentum est humidum radicale (vt appellant Medici) id est humiditas naturalis, & ab initio generationis simul cum calore naturali siue radicali congenita animali per principia generationis. Natura enim quæ in corporibus omnibus viuentibus per virtutem principiorum generatiuorum posuit naturalem calorem, eadè ad cōseruationem rei, & naturalem disposuit humiditatem, quæ calorem velut cibaret, atque foueret, ad eum modum quo ab oleo pascitur flamma, quæ in lampade cernitur. Hoc autem radi-

*Humidum  
radicale.*

radicale & naturale humidum, cum cōtinuò debeat pascere vorantem igneum calorem, eumque in humano corpore fouere, faciliè minimo tempore absumeretur, si nō ipsius fieret cōtinuo reparatio, quemadmodum statim oleum in lampade deficeret, si non statutis horis oleum infunderetur nouum. Atque ad hoc necessaria est sumptio alimēti cibi atq; potus, ex quibus separatum humidum reparat humiditatem radicalem & intertenet. Ipsum verò siccum quod inde accipitur, ad reparationem est sicci, quod per actionem caloris resoluitur. Non enim solam humiditatem in corpore ignis absumit, verum etiam partes carniū, ac ceterorum membrorū ex omnibus tam siccum quàm humidum resoluens, propter quod tam cibo quàm potu animal indiget. Humidum autem istud radicale, nutrimentum radicalis caloris, non debet esse humidum omnino aqueum, sed potius aëreum pingueque & viscosum, siue vnctuosum: quomodo flamma nō simplicis aquæ humido nutritur in lampade, sed humiditate pingui & vnctiosa, cuiusmodi est oleum, aut cuiusmodi est in candela seuum. Oportet ergo tale esse etiam humidum nutrimentale, quo radicale humidum debet reparari, id est, non pure aqueum, sed pingue, dulce, viscosum. Quare etiam ad humidi radicalis reparationem non videtur potus ipse per se sufficere. Non enim videtur ex ipso solo sufficiens posse elici pinguedo, sed concoctio cum cibo, & ex cibi substantia solidiori facta commistio, addit humido illi viscosam pinguedinem. Et quantò humidum illud pinguius fuerit, tantò ex ipso minus calor consumit: quemadmodum videmus flammam in candelis ex seuo recenti atque pinguiori factis minùs in seuum defæuire, diutiusque in illis conseruari.

CAP. XIII. De caussa longitudinis aut breuitatis vitæ.

Ex horum ergo duorum proportionem, id est, calore naturali & humido naturali attenditur in omnibus viuētib; longitudo vel breuitas vitæ, secundum videlicet proportionem calidi ad humidū: vt illa in quibus optima sit horum proportio, lōgissimæ vitæ iudicentur: ea verò in quibus minor proportio, vitæ breuioris. Ad quod tamen plenius intelligendum aduerte, qđ simpliciter sola quantitas materię alicuius rei nequaquam vitā faciat lōgiore vel breuiore. Nam ad oculū videmus quādam arbores paruulas diutius perdu-

rare alijs multò secundū molem maiorib⁹. Idem & in herbis cernimus, in brutis quoq; & hominib⁹. Neq; vniuersaliter caliditate excedentia maioris sunt durationis. Si enim fuerit nō proportionatū & humidum, citius etiam alijs deficiūt, in quibus nō tanta est excellentia caliditatis. Facit enim immo-  
dicus calor nō p̄sente humido sufficiente ad pabulū, ad rei celerem consumptionem, vt in hominibus multūm cholericis. Rursūm frigiditas multa vitā non facit longā. Si enim calor non fuerit proportionatus, vt possit sufficienter dominari, abundātia frigiditatis extinguunt, & necessariò animal suffocato naturali calore perit: vt videmus in ijs qui sunt vehementer flegmatici, item & in senibus in quibus dominatur frigiditas. Item neque siccitas multa per se causā est longæ vitæ. Nam senes multæ sunt siccitatis: per hanc tamen ad corruptionem vergunt. Infantes autem plurimos videmus per multam humiditatem deficere, cū videlicet calor multo humido opprimitur: quemadmodum ligna viridia ignem opprimunt & extinguunt subtus latentem. Hinc etiam euenit, arbores illas quæ prope aquas nascuntur, minoris esse durationis, & animalia aquatilia plerūque breuioris esse vitæ, q̄ gressibilia. Abundat enim in eis humidum, idq; non pingue & firmum, sed magis aqueum. Harū ergo qualitatum nulla per se potest assignari causā longitudinis & breuitatis vitæ, sed calidum & humidum æquata (vt ait Aristoteles) præcipua huius rei sunt causā. Quod tamen non ita debet intelligi, quāsi humiditas & caliditas in æquali virtute causā sint diuturnioris vitæ, sed quia in debita & bona proportionē disposita. Oportet enim calidum habere dominium super humidum. Alioquin non conuenienter ex eo posset nutriri. In nutritione enim, id quod nutritur oportet agere in id ex quo nutritur. Actio autem non fit, nisi agente super passio habente, qualecunque dominium. Quod ergo Aristoteles ait calidum & humidum æquata esse causā diuturnioris vitæ intelligi debet bene proportionata: ita videlicet vt humidum non excedat calidum, ipsumq; suo excessu suffocet: neque vicissim calidum sic excedat absque proportionē humidū, vt ipsum cito excedat atque absumat.

*Calidū &  
humidū vi-  
tæ duratio-  
nis causā.*

*Complexio  
sanguinea  
diuturna.*

CAP. XIII. Quæ complexio faciat vitam diuturniorem.

EX prædictis patet, inter complexionē hominū diuturniorem vitam præbere eam quæ appellatur sanguinea.

Est



Est enim hæc calida & humida, estq; humidi & calidi, & humidum est æreum non aqueum: liquidem ærei respondet ista complexio qui natura calidus & humidus est. Estque in hac calor temperatus, quoniã non igneus est, sed æreus. Aër enim nõ in summo habet caliditatem. Cùm ergo in hac cõplexione caliditas sit satis tẽperata, & humiditas multa, eaq; pinguis & viscosa (quæ nutritioni calidi maximiẽ est accommoda) non videtur ad vitæ prolongationem alia esse conueniẽtior ex quatuor cõplexionibus. In cholerica enim excedit calor igneus, & siccitas non præbet sufficiens pabulũ excedenti calori. In flegmatica, humiditas nimia obruit calorem debilem, & dum nõ potest super humidum dominari, modicus calor, consequitur non posse rectè digeri humidũ, sicque multæ fiunt corruptiones, & animal perit. In melancholica verò complexione, nimia siccitas est & calor modicus. Est enim in modum terræ frigida & sicca. Harum autem qualitatum utraque vitæ obest, quæ in calido & humido cõsistit. Si tamen fiat harum complexionum committio, poterunt etiam aliæ bonæ compositiones inueniri, ad vitæ conseruationem valdè accommodæ. Complexio enim cholerica & flegmatica, dominante cholera & proportionato flegmate, diuturnam præbet vitam. Sanguinea & melancholica non mala est, vbi melancholia fuerit minor. Et forsitan talis possit fieri compositio, quæ ad vitam melior esset quàm pure sanguinea.

CAP. xv. *Proportionem quatuor primarum qualitatum originalem esse causam longitudinis vitæ*

**L**icet autem dicamus (iuxta Aristotelem & alios medicos idem asserentes) calidum & humidum æquata & bene proportionata, ad eum modum quo prædictũ est, causas esse vitæ diuturnioris: originaliter tamen non solum ex duabus his qualitatibus debet sumi ista cõsideratio, sed ex proportionem quatuor primarũ qualitatum. Illa enim complexio in animali est effectiua vitæ longioris, in qua calidum, frigidũ, humidum & siccum bene sunt adinuicem proportionata secundum exigentiam vitæ animalis: ita videlicet vt calor obtineat dominium super cætera, sic tamen frigiditate temperetur, vt non nimium excedat ipsam humidum (quo habet nutrir) proportionem, ne subito absumpto nutrimento depereat: quomodo vehemens ignis citò consumpta materia mox

*Proportio  
quatuor  
qualitatum  
durationis  
origo.*

collabitur, iterumq; humiditas ita sit per adiunctā siccitatē temperata, vt nō sit nimia, neq; excedat caloris proportionē, ne videlicet nimia humiditate obrutus calor extinguatur, quomodo si igni ardenti superfundatur aqua copiosa. Et in quibuscunque huiusmodi temperamentum inuenitur quatuor primarū qualitatum, hi in se habent principium diuturnæ vitæ. Veruntamen quia in hoc tēperamēto calidū & humidum præcipua sunt, habentq; dominium, quibus alia duo frigidum & siccum solum ad contemperamentum adijciuntur, ad illorum mediocritatem cōstituendam, excessumq; vitæ disconuenientem prohibendum, idcirco duarum tantum qualitatum expressam faciens mentionem Aristoteles, dixit calidū & humidum esse principia longioris vitæ. Cū tamē addit æquata & pportionata, indicat tacite & alias duas qualitates, quarū additione fit vt calidum & humidum proportionentur, atque æquantur. Si enim calori deesset temperās frigiditas, excederet humidi proportionem. Et si nō adesset humiditati temperans siccitas, vtiq; excederet proportionē caliditatis. Duas autem illas qualitates, caliditatē & humiditatem, dominari oportet in complexione longioris vitæ, quoniam sunt qualitates vitæ, id est viuētibz necessariæ, & animalis substantiæ potissimum cōuenientes, primario tamen caliditas, ac secundo humiditas, quæ caliditatem habet fouere. Propter quod in cōplexione vitæ longioris primum locum calor obtinere debet, humiditas verò secundū. Frigiditas autem & siccitas, mortis principia sunt, vbi inualuerint. Vnde senes quō amplius ad mortem tendunt, eō magis siccos & frigidos efficit cernimus. Et mortua statim corpora maxima occupat frigiditas atque siccitas: omnis autem fugit calor & humiditas. Ex quō patet, frigidū & siccū esse se mortis principia, & vitæ maximē contraria, vbi contigerit ea dominari. Propter quod complexio illa breuissimæ vitæ est, in qua ista dominantur, aut etiam eorum alterum, siue per se frigiditas, siue siccitas. Nam illa directē calori aduersatur, in quo est vitæ principium: hæc verò humiditati, quæ est primæ vitalis qualitatis fomentum.

CAP. XVI. *Quomodo illa quæ in principio multam habent humiditatem, ad longam vitam sint bene disposita.*

**N**Otandum autem, q̃ illa corpora ad longam vitam sunt bene disposita, quæ in principio maximam habent, sed tamen

tamen proportionatā humiditatem, ita vt videatur calor aliquo modo latere sub tāta humiditate, vt multo tempore perdurer calor antequam possit humiditatem coniūctam penitus euincere, & manifestum obtinere dominium; modò non tanta sit, vt omnino calorem obruat ac suffocādo extinguat. Quæ verò in principio sui ortus admodum paucam habent humiditatē, vt statim calor possit euincere & quasi superior apparere, nō sunt diuturnæ vitæ. Simile enim videm<sup>9</sup> in ignibus. Plerūque enim ignis ille qui subijcitur lignis viridibus, in quibus adhuc est multa humiditas, diutius delitescit, iacetq; absconditus priusquam possit super materia appositā potiri dominio; & interdum quidem, prorsus quasi extinct<sup>9</sup>, apparet atque oppressus, quandoq; tamen vigore resumpto resistens fortiter, agensq; viriliter, tandem adhuc gloriose emicat, & in altum flammā sustollit quasi in victoriæ signū. Et manifestum est talem ignem multò esse durabiliorem, q̃ sit ignis alius stipularum aut straminum aliorūque lignorū valde exiccatorum, qui in materiam ob humiditatis defectū statim obtinet dominium. Atque hinc contingit non rarò, vt isti qui in infantia, imò in pueritia grauissimè fuerint periclitati de vita, & perpetuo quasi in langore vexati, longissimam vitam viuant, cernanturq; in ætate prouectiori valere bellissimè, postquā humidum illud, sub quò calor eorum periclitabatur, & sub quo modo quodam oppressus delitescibat, iam fuerit euictum, & calor post longam patientiam obtinuerit principatum. Quemadmodum ad oculum cernimus, ignes ex carbonibus sulphureis compositos, aqua perfusos, post paululum multò voraciorem flammam dare, & calorem maiorem, simul etiam durare longius. Hinc iterum contingit eos interdum qui per totam vitam languere videntur, longam tamen vitam ducere. Signum est enim in eis quòd nec calor tantus sit qui omnino possit manifestè in humidum dominari, neq; tantum humidum, vt possit extinguere calidum: sicq; calor ob modicitatem non multum potest humidi consumere, ac proinde humidū minus cōmiscetur extraneo, remanetq; purius, & ad caloris nutritionem magis efficax. Attamen quia calor tantus est, vt se possit aduersus humidum defendere, & illius saltem aliquid (quamuis non ita multum) ad suam nutritionem excedere, idcirco in vita animal permanet: languens tamen propter sufficientis



caloris defectum, & quia non satis quātum operationes animalī cōuenientes expetūt, dominatur. Pater etiam ex prēdictis ratio, quare illi qui prēcoci sunt ingenio, id est, ante multam aetatem valde ingenio pollebentes, plerumque conspiciantur prēmatura morte occumbere, ut vix interdum vir-

Ingeniosi cō-  
sue mori-  
sur.

tem, rarō autem senilem attingant aetatem. Est enim signum, quod ab initio paucam eis fuerit humiditas & multa caliditas. Humiditas enim multa impedit ingenium. Vnde qui multum habent sanguinem, non sunt ingeniosi; eō quod sanguis sit humidus: sed qui paucum sanguinem & non ita humidum habent, utrunque cholera mistum, id est, satis siccum & igneum. Quia ergo in his ab initio pauca est humiditas, citō calor dominatur, & acquirunt siccitatem ad operationes sensui & ingenij requisitas. Superuincēs enim sua actiuitate caliditas, citō corpori dat cōuenientes operationes, quas mediante calore corpus habet: ac proinde ante consuetum tempus ambulant, loquuntur, discunt, morantur, phantasiantur, dū alij propter multum humidū dētrius impediuntur ab operationibus vitalibus. Vbi autem minus est humidū, & plus calidi: manifestum est citius ibi calidi nutritionem deficere: & vbi citō dominatur calidū, citō quique deficere ipsum necesse est. Proinde manifesta ratione colligitur, eos qui prēcoci ingenio sunt, debere etiā prēmaturā morte occumbere.

Pater insuper ratio, quare cū extera multa animalia cōspiciamus vel mox in sua natiuitate, vel paulō pōst, operationes suas cōuenienter exercere, utpote moueri, ambulare, & alia eis cōuenientia opera. Homo tamen per multū tempus absque sibi cōuenientibus operationibus remanet. Nulla enim humiditas in causa est, propter quā etiam mēbra infantilia ligari debent fascijs, eō quod deficiente siccitate nō sint solida membra. Hoc autem in alijs animalibus nō est necesse fieri: homo enim prae omnibus alijs animalibus abundat humiditate, propter quod etiam longioris est vitæ, omniaq; animalia vitæ diuturnitate superat, paucis admōdū exceptis, ut elephanto & cēuo, & si quæ sunt similia. Hæc enim animalia tradunt longam admodum habere vitam. Cætera autē animalia domestica, quæ hominibus in usu sunt, ad oculum videntur multo breuiorem homine vitam ducere, quantumvis molē excedant, ut equos, boues, oves, canes, aliaq; huiusmodi. Præterea habetur ex iā dictis causa quare ij qui paucio-

si nutriuntur cibo, diutius viuant: qui verò maiori, breuiore habeant durationem. Item, quare ij qui multum indulgent veneri, minus viuant, item & ij qui immoderatis atteruntur laboribus Exiccant enim multa seminis emissio, item & immodicus labor. Velocior autem siccitas, mortem accelerat. Illis tamen qui nimia sunt humiditate pleni labor conducit moderatus ad vitam proteſtandam. Efficit enim bonam siccitatem & temperatam, vt non obruatur calidum ab humido, & superflua digerat exiccando, ne fiat corruptio.

CAP. XVII. *Quare per nutritionem res non possent perpetuò seruari.*

**V**erum ex his quæ prædicta sunt, posset quispiam dubitare, atq; ita nobis obijcere, Si calidum est vitæ principium, & humidum radicali nutritur, ac humidum illud per nutrimentum reparatur, qui sit vt non perpetuo possit in aliquo viuente, vita per nutritionem seruari? Tandiu enim animal in vita permanere natum est, quadiu calor naturalis ipsi non deficit: adeo vt si perpetuo calor naturalis indeficiens in corpore permaneat, simul permaneret & anima ipsum informans. Calor autem per humidum nutritur, & humidum per alimentum reparatur. Quare ergo ad hunc modum non potest corpus congruo nutrimento per virtutem nutritiuam perpetuo conseruari absq; corruptione? Huic quaestioni talis adhibenda est responsio, Humidum radicale quanquam nutriatur humido nutrituali ex cibo & potu adueniente, nunquam tamen reparatur ad tam bonam qualitatem, vt antè fuit, sed continuo minuitur à principio actionis, caloris in ipsum. Per commistionem enim extranei (vt docet Aristoteles in libris de generatione) continuo ipsa virtus speciei minuitur, neque humidum ita bonum reparatur, vt fuit ab initio antequam deperditur. Vnde fit vt continuo defectu tandem penitus humido deficiente, cogatur ipsum animal siccitate deficere, calore nimio superante nec habente pabulum. Quemadmodum videlicet cum aqua infunditur vino, quo plus infuderis aquæ in vinum, eò fit vinum minus forte, & minus habens virtutem suæ speciei, ad conuertendum scilicet in se extraneam substantiam. Et licet in principio per modicam admistionem non depereat virtus vini, quoniam adhuc potens est conuertere infusum in suam substantiam, si tamè diu pergis aquam infundere, tandè ita debilitabitur, virtus speciei vini, vt prorsus ab

aqua superetur & extinguatur omnis virtus vini ab aqua deu-  
urcta. Atque hoc pacto manifestè videmus quomodo per nu-  
tritionem non posset fieri indiuidui perpetuatio: sed necesse  
est hoc modo animal deficere, cum eousque res deueniret, vt  
necessarium humidum radicale perdat. Quod si homini ad-  
eisset per nutritionem virtus reparandi humidum æquè bo-  
num, vt est illud quod deperditur, tunc posset homo abique  
corruptione seruari.

CAP. XVIII. *De virtute ligni vitæ in Paradiso.*

**A**Tque ita sanè intelligendum est, quod in Genesi legi-  
mus de ligno vitæ, quod erat in paradiso, ex cuius fru-  
ctu prohibebatur sumere Adam, posteaquam peccasset, ne ip-  
sum comedens viueret in æternum. Sic enim ait Dominus,  
Ecce Adam quasi vnus ex nobis factus est sciens bonum &  
malum: nunc ergo ne forte mittat manum & sumat etiam de  
ligno vitæ & comedat, & viuat in æternū. Et post pauca sub-  
ditur, Eiecitq; Adam & collocauit ante paradysum voluptatis  
Cherubin, & flammeū gladiū atq; versatilem ad custodiendā  
viam ligni vitæ. Nā (vt sacri Theologi tradūt) talis erat virtu-  
tis huius arboris fructus, vt per eum possit virtus speciei re-  
parari & conseruari absque defectu. Quemadmodū enim a-  
liæ arbores in cibū illis erant, ad operationem deperditi per  
calorem naturalem (qui etiam in primis parentibus ante pec-  
catū inerat, & suo modo agebat, id quod ex præbito eis Dei  
voce alimēto manifestè cognoscimus) ita hæc arbor in me-  
dicinam potius, quàm in cibum creata fuit, vt de eius fructu  
sumentibus virtus speciei cōfirmaretur, & ita præseruaretur  
ab omni defectu, vt per caloris actionem & humidi deperdi-  
tionem, extranei quæ humidi aduentum nō imminueretur  
bonitas ipsius humidi, neque per consequens imminueretur  
calor. Fiebatque per huius fructus virtutem, vt humidum æ-  
què bonum esset quod reparabatur, atque id quod per actio-  
nem caloris naturalis deperiit, eratq; medela aduersus hanc  
(ratione nutrimenti) debilitationem. Atque hinc processisset  
absque corruptione hominum vita, arboris istius beneficio,  
donec Deo placuisset à statu illo animali in altiore (qui nu-  
tritione non indigeret) transferre. Verū nos longè ab illo  
tam efficaci fructu elongati sumus: via ligni huius præclusa  
est Adæ, & cunctis posteris, via incognita est natis in exilio.  
Paradysus voluptatis ignotus est in terra laboris habitanti-  
bus.



bus. Atque vt etiam sit via cognita, ecce ad custodiam stat Cherubin tenēs flammeum gladium atq; versatilem, vt spes nulla sit nobis de fructu ligni huius cōsequendo. Neque est qui vel ramulculū nobis possit adferre ligni illius, vt ipsum plantemus in terra nostra. Atque vt forte donetur, non arbitror ego tam singularis gratiæ & eminentiæ lignum ex paradiso voluptatis allatum, in terra hæc miseræ atque laboris vegetari posse, aut suas radices in arenosam istā terram (quæ spinas & tribulos inutiles melius germinare nouit) defigere. Quapropter talis iam est nostra conditio, ita se nobiscum res habet, vt velimus nolimus, semel nobis sit moriendum, iuxta verbum Domini ad Adam omnium nostrum nomine dicentis, Terra es, & in terrā reuerteris. Vnde & sanctus Apostolus, *Genes. 3.* Stolidus, Statutum est omnibus hominibus semel mori, post *Hebre. 9.* hoc autem, iudicium.

C A P. XIX. *Quomodo vnumquodq; viuens habeat determinatam periodum.*

**E**X prædictis facillè potest mōstrari, vnumquodq; viuens habere certū limitē & definitum terminū vitæ, eumq; secundum cōplexionis varietatem diuersum longioremque vel breuiorē. Cū enim nō possit humidū radicale atq; bonū reparari, necessariò cōsequitur ipsum paulatim debilitari. Quidquid autem continuò debilitatur & diminuitur, tandē in totū collabatur necesse est. Est enim vnicuiq; vitæ & durationi præfinitus terminus nouissimū illud & extremū vitalis operationis, quādo nō vltra potest calor naturalis ab humido nutriri, cogiturq; viuens deficere. Quemadmodum in vino terminus quidā certus est, quando non vltra infusam aquam poterit in se conuertere, imò separetur ab aqua, & vinum esse desinit virtute speciei penitus deficiente. Vnde illa quæ simpliciter meliorem habent complexionem proportionemq; calidi & humidi vitalis, longiorē habent suæ durationis periodū, & quod optimā habet hanc proportionē, durationis est longissimæ. Ecōtrario autem, quod malam habet hanc cōplexionem siue proportionem, breuiorem habet durationem. Hic autē terminus vitæ naturalis dicitur, quoniā videlicet secundum naturalem complexionis virtutem, ipsum viuens tamdiu persistere est potens, virtute cōuerſua ipsius speciei ad tantum vsque tempus sese valente porrigere siue extendere. Vnūquodq; enim viuens tādiu naturaliter potēs

*Period⁹ seu terminus naturalis.*

est viuere, quamdiu calor naturalis in eo potest permanere, & quamdiu humidum radicale in ipso potest calorem nutrire. Hoc autem est, quādiu per nutritionem potest humidum radicale sufficienter reparari. Manifestum ergo est, vni- quodque viuens secundum suam naturalem complexionem præfixum & determinatum sibi terminum habere suæ durationis. Possumus autem in hac re facere cōparationem vel diuersorū generum, vel diuersarū specierum, vel diuersorū indiuiduorū eiusdem speciei. Vnde secundum cōparationem viuētiū diuersi generis, dicimus quasdam arbores quibusdam animalibus esse longioris vitæ, quasdam etiam minoris. Secundum cōparationem diuersarum specierum, dicimus homines esse plerisq; brutorū animalū diuturniores, ut mulum dicimus equo diuturniorem, & herbas quasdam vitæ longioris præ alijs. Quasdam enim tantū annos sunt, & singulis quibusq; annis occidunt. Aliæ verò ad annos plures secundum indiuiduum iam permanent. Secundum indiuiduum autem eiusdem speciei fit cōparatio, cum dicimus, hunc hominem esse illo diuturniorem, hunc equum illo equo, & ita in ceteris. Nonnunquam etiam in eadem specie fit cōparatio in communi, secundum distinctionem sexus vel conditionis, ut cum dicimus, in passeribus masculos minis viuere q̃ feminas (iuxta Aristotelis dictum) eò q̃ masculini passerēs plurimam sequantur venerem. Item cum dicimus agricolas plerosq; moderato labore sese exercitantes longiorem vitam ducere, quàm otiosos clericos: homines quoque sobrios & castos, plus quàm gulosos & luxuriosos.

CAP. XX. Non semper res ad naturalem vsque terminum pertingere.

**Q**uamuis autem secundum virtutem cōplexionis vnaquæque res habeat sibi determinatum vitæ terminū, ultra quam secundum naturam complexionis non possit vita protendi, rarissimè tamen contingit ipsa viuētia huiusmodi terminum attingere, neq; vel nullecimus quisque hominum ad huiusmodi naturalem cōplexionis terminum pertingit. Dicitur enim terminus vitæ, non q̃ viuens ipsum debeat assequi, sed quia secundum extremam naturalis complexionis virtutem ipsum viuens eousq; potest pertingere, & non potest terminum illum transire. Vnde in Iob de hominibus dicitur, Posuisti terminos eius qui præteriri non poterūt. Non ergo

Raro ad naturam peruenit.

Iob. 14.

ergo terminus iste talis est, quem debeant attingere, sed quē possint attingere, & quem non possint trāfire. Fit autē mille modis ut viuens ad determinatū sibi terminū non perueniat, maximē autē in viuētibz rationalibz, id est, in hominibz: ē quibz vix millesim⁹ quisq; ppositū finē cōsequitur. Nam mors & corruptio nō solū accidit modo prædicto, per naturalem defectū humiditatis, sed frequenter ab extrinseco accidit corrūpere, quod per violentiā aufert à viuēte vitā partes discōtinuādo, aut quomodocūq; noxiā & corruptiuā qualitātē inducēdo. Quēadmodū ante oculos quotidie cernimus, multas arbores validissimas per multos annos adhuc potentes in vigore perdurare, si permitterentur in sua radice præseindi secuti, sicq; vitam ante complexu ignis terminum finire. Ita boues & boues aliq; omnis generis animalia per singulos dies trāclantur plurima. Quantos autē videmus in hominibz ante tempus vel gladio occumbere; vel fame perire, vel peste consumi, vel aquis suffocari: imō verō sola gula, quot absumit hominum millia, adeo ut vulgata sentētia merito iactetur, plures gula quā gladio absumi. Plurimos etiā quotidie videmus hominū infirmitatū generibz subito suffocari, strangulari, aut aliā quomodolibet exhalare animā. Et (ut theologi illius philosophi Seuerini Boëtij verbis concludamus) hominē, si corpūs spectes, quid imbecillius reperire queas? quos sepe multatam vel morsus, vel iniuriæ, quæque repræsentat necat introitus.

CAPIT. XXII. De altero termino diuina præscientia.

Propter hæc ergo necesse est alium ponere terminum vnicuiq; viuētiū, qui sit non secundū naturalis cōplexionis virtutē, sed secundū præscientiā & cognitionē Deitalem videlicet, ad quē indubiē viuētia peruenient, & ultra quē nequaquā trāsbūt: ita ut nec ultra progrediantur, neq; citra occumbent. Qui autem talem cognouit rerū terminū, sol⁹ est omniscius Deus. Ut enim mors ē omnibz hominibz certissima, ita mortis hora est incertissima: neq; de die illa aut hora quisquam nouit, præter illum cui nihil est absconditū, qui æquē futura atq; præsentia in prospectu habet, ante quem futurum omne & præteritū est præsens. Est autem differentia inter duplicem hunc durationis terminum: q̃ primum non possit viuens secundū naturæ virtutē transcendere, potest tamē citra illū defecere, ipsūq; nō assequi: alter

*Terminus  
præscientiæ  
quē omnia  
atingunt.*



autem talis est, ut frequenter possit viuens, quantum ad virtutem suæ naturæ & cōplectionis attinet, longè vltra ipsum transire, Vcluti cum robustus aliquis iuuenis subito transfiditur gladio, aut suspendio præfocatur. Semper autem viuens hūc terminum attinget, neque ante ipsum vquam deficiet, tamen si simpliciter antè possit deficere. Qui enim hodie occiditur, aut quomocunque moritur, potuit (absolutè loquendo) ante septem dies interfici & mori. Ac de hoc termino, si quis dictum accipiat illud ex Iob supra adductum, Breues dies hominis sunt, numerus mensium eius apud te est: constituisi terminos eius qui præterire non poterunt, oportebit hoc vltimum non simpliciter intelligi, quasi absolutè termini isti non possint præteriri, sed conditionate, subintellecta Dei præscientia. Quod enim à Deo præscitum est contingens, absolutè quidem contingens est, & absolutè potest ita non fieri. (Est enim contingens, ac proinde potens fieri, & potens non fieri) sed sub conditione præscientiæ præsupposita, non potest non fieri: quoniam necessariò consequitur, ipsum ita futurum, si ita Deus præcognouit. Nō enim potest falli Dei præscientia.

CAP. XXII. De mutatione ætatis humanæ in diuersis mundi ætatibus.

Considerandum autem hoc in loco, quid causæ sit, quòd in diuersis mundi ætatibus ita diuersa fuerit humanæ vitæ duratio. Nam id manifestè ex sacris discimus historijs. Si quidem in principio mundi duratio humanæ vitæ vltra nō gentos extequebatur annos, versus millenarium procedendo. Post diluuiū verò Dominus constituit temp<sup>9</sup> humanæ vitæ, 120. annorū. Quod tamen nō est accipiendum secundum extremam durationem vitæ humanæ, sed secundū bonā valetudinem, & fortitudinem bonæ cōplexionis. Nam multis temporibus post diluuiū adhuc vltra definitū illud tempus homines vivebāt, Iacob enim terminum illū excesserat, antequā in Aegyptū descenderet. Erat enim annorū 130. cum ingrederetur Aegyptum. Omnes autem dies vitæ eius fuerunt 147. anni. vixerat etiam Isaac pater eius 180. annos. Et Abraham primus Patriarcha 175. Hi tamen multo tempore post diluuiū fuerūt. Siquidem ætas vna fuit intermedia à diluuiio vsque ad Abraham. Tunc ergo post diluuiū 120. annis. sani & robusti vivebant homines. Postmodum verò in Psal.

numerus multum imminutus est, cum Psalmo 89. dicitur, Dies  
 annorum nostrorum in ipsis 70. anni. Si autem in potentatib<sup>us</sup>,  
 80. anni, & amplius eorum labor & dolor, in quibus verbis in-  
 dicatur, tempus vite humane in bona valetudine posse pro-  
 tendi usque ad 70. aut in melius complexionis usque ad 80  
 annos, mutatumque est prius illud tempus 119. annorum, in tem-  
 pus 79. aut 80. annorum. Nunc vero hac nostra aetate per an-  
 nos ut minimum viginti facta videtur declinatio. Iam enim  
 vix quinquaginta anni sunt vite hominis, quibus fortis ac  
 validus potest durare. Paucissimi sunt, qui non anno sexage-  
 simo canis perfunduntur, & viribus multum imminuuntur.  
 Quod autem ultra est, senectutis & defectus est tempus: &  
 quod ultra annum est sexagesimum, certe labor est & dolor.  
 Manifestissime ergo ex scripturis sacris hae vite humane  
 tempora ita monstrantur variata. Potest autem causa horum  
 ex supra declaratis elici per similitudinem. Sic enim de nu-  
 tritione dicendum est respectu individui, quomodo de ge-  
 neratione respectu speciei. Ut enim nutritio ad individui sus-  
 tentationem, sic generatio ad speciei conservationem a na-  
 tura est ordinata. Quemadmodum autem nutritio ipsum in-  
 dividuum non potest absque corruptione conservare immor-  
 tale, sed tandem deficere ipsum est necesse, ob hoc quod per  
 nutritionem humidum non ita bonum reparatur ut erat ipsum ab-  
 sumptum, sicque continuo deficit calor naturalis fomentum  
 atque vigor, propter quod tandem necesse est rem devenire  
 ad interitum, calore naturali eiusque pabulo penitus deficiente:  
 ita generatio quantum ad speciem, non ita bonam ac for-  
 tem ac validam reparat speciem, ut in principio fuerat: & quo  
 amplius per generationes species multiplicatur viventis, eo  
 continuo magis ac magis debilitatur virtus primarie com-  
 plexionis, quae in primis erat individui, sicque modo paulatim  
 debilitatur virtus complexionis humane, ac consequenter  
 durationis tempus efficitur brevius. Neque id solum in  
 hominibus, sed indubie & in bestiis, & in plantis, herbis, at-  
 que arboribus, eorumque fructibus veritatem habet. Nihil  
 enim dubium est, quin arbores istae, quae nostra sunt aetate,  
 longe sint dissimiles secundum virtutis efficaciam, atque etiam  
 secundum durationem, illis arboribus quae fuerunt in  
 prioribus seculis. Illud tamen notandum, quod in humana spe-  
 cie maior sit debilitatio, quam in genere brutorum anima-  
 lium.

lium. Et hic rursus magis quam in plantis. Est enim in homine triplex causa defectus, in brutis duplex, in plantis simplex. Homo enim pro nutrimento habet ceterorum animalium carnes, & fructus terræ. Quanto autem cibus iste virtute deficit, tantò minus sufficiens est ad reparationem humani corporis. Vnde non solum ex hoc breuior est hominum nostræ ætatis duratio, quòd ipsa virtus speciei iam sit debitor duplex, lior, & complexio infirrior, ut non tam diu sufficiat ad reparationem deperditi & ad fouendum in corpore naturalem calorem, verumetiam ex parte alimenti, quòd magis materiale est, & minoris virtutis nostra ætate, quàm fuerit in generationibus prioribus: sicque necesse est ut humidum radicale iam magis commisceatur extraneo, quàm in præteritis generationibus miscebatur. Quanto enim id quòd ex cibo sumitur minoris fuerit virtutis, tantò à calore naturali citius absorbitur, neque ita diu potest fouere calorem: ac proinde oportet magis fieri humidi extranei commultionem cum humido radicali, vnde oritur vita breuior. Omnis ergo defectus iumentorum illorum quibus homo in cibum vitur, ad humanæ speciei recidit detrimentum. Item omnis defectus herbarum & arborum, quibus vitur in pabulum homio, in ipsius cedit detrimentum. In animalium autem irrationalium (quæ ex herbis terræ viuunt) damnum etiam cedit herbarum defectus, præter eam quam à propriæ complexionis defectu in se habent debilitationem: habent ergo ipsi duplicem minoris durationis causam, homo verò triplicem, plantæ autem simplicem tantum, secundum hanc comparisonem. Vnde secundum rationem, non videtur esse tanta distantia durationis arborum atque plantarum, secundum diuersas mundi ætates, quanta est iumentorum: neque tanta iumentorum, quanta est hominum.

CAP. XXIII. Quod iniquæque species viuentium, suum habeat naturalem terminum.

Quomodo itaque propter hunc cōtinuum defectū diximus singulis indiuiduis esse determinatum & præfinitum suæ complexionis terminum: ita & de speciebus dicere non irrationabiliter possumus, esse videlicet unicuique speciei suum determinatum terminum, secundū speciei naturalem virtutem. Atque enim hoc de specie & de indiuiduo, cōtinuus probat defectus. Si enim per generationem reparare



tur species inæquali virtute ut ante fuerat, posset quidem rectè sentiri generationem sufficere ad perpetuandam speciem: quomodo indiuiduū posset immortale per nutritionem seruari, si ipsa repararet indiuiduū in tam bono statu quàm antè fuerat. At verò cùm iam demonstratū sit, & sanctæ auctoritatis scripturæ, simul & ocularis experientia hoc doceat, generationem non potuisse conseruare speciem absque maximo & summe notabili ipsius defectu: manifesto inferitur cōsequio, quòd tandem aliquando speciei virtus vsque adeo sit debilianda, ut non sufficiat ad vltiorem sui conseruationem, aliorumque indiuiduorum multiplicationem: sicq; prorsus collapsa cogetur deficere ad eum modum quo indiuiduum (non obstante nutritione) tandem cogitur penitus in seipso deficere, neq; per nutritionem potest perpetuò seruari. Itaque etiam si naturalem sequamur rationem, ipsa nobis monstrat omnes rerum viuentiū species, non posse perpetuò stare, ac tandem necessariò corrumpi debere. Errant ergo non solum contra fidei regulā, sed contra rationis normam, qui omnes præcipuas species vniuersi dicunt naturaliter esse incorruptibiles, & à parte posteriori æternas licet aliquando accepisse eas fateantur durationis principium. Quod etiam vulgò dici solet, per generationem res naturales secundum speciem perpetuari, si veritatem habeat, intelligi debet non de perpetuatione simpliciter, sed secundum quid: quatenus videlicet longissimum illud tempus quo species conseruantur vsque ad consummationem seculi, perperuitas quædam ab hominibus aestimetur.

CAP. XXIII. Quòd humanam speciem mirum in modum gula atque luxuria debilitant.

**P**Ræter verò supra adductam causam naturalem velocitæ humanæ defectionis, inuenimus etiam gulam & luxuriam, humanam speciem mirum in modum infirmare, quæ tamen inter causas extrinsecas veniunt computandæ cùm non insint homini hæc vitia à natura, nisi fortè quatenus aliquam habet prauam inclinationem ad eiusmodi vitia, ut est homo ab infantia sua pronus ad omne malum. Inter hæc autem duo, luxuria per se facit ad speciei debilitationem. Est enim luxuria nimius & inordinatus coeundi affectus. Coitus autem nimium frequens ad vanam delectationem, non iuxta naturæ ordinem ad speciei conseruationem, sobrie

sobriè in vsum vocatus, facit, vt semen (per quod seruetur generatio) non ita potentis sit virtutis ad speciei reparati-  
onem, quàm esset si sobriè parcusque ac iuxta naturæ ordi-  
nem administraretur. Procedit item ex luxuriæ vitio, quòd  
ante debitam maturitatem & perfectionem naturalem ad va-  
lidam generationem sufficientem, videmus homines ante  
tempus generationi intendere. Quid enim? An non ante  
oculos cernimus, puerulos adhuc atque puellulas copulari  
coniugio, amplexibus vacare, intendere generationi, quorū  
anni si pariter iungantur, vix ætatem attingent virilem? vt  
meritò in prouerbiū sit tractum, Pueros nostra tempestate  
generare pueros. Ecce enim iam de testa pullos educunt  
quibus adhuc testa, è qua iam prodire, adhuc ret. Iam natulos  
gestant in vlnis, qui pridie emerferunt è cunabulis. Vix à la-  
cte auulsi, lactant de se genitos: & patres matresque appel-  
lantur, qui necdum ex ephebis excesserunt, quibus nomen  
aliud quàm puerorum non competit. Scilicet in brachijs  
prolem gestant noui patres familiās, quos adhuc conuenie-  
bat præceptorum patrumque genibus impositos, ad discipli-  
næ institutionem ac morum informationem, virgis cædi.

Qui autem possit fieri, vt hoc pacto non plurimū debilitetur humana propago? Quemadmodum enim granum im-  
maturū aut semen non debita maturitate perfectum, gigne-  
re non potest fructum conuenientem & fortem, multaq; du-  
rationis: ita & in hominibus dicendum videtur, eos, qui sic  
antè tempus suæ propria perfectionis, generationi vacant,  
non posse efficaciter suæ speciei conseruationem perficere.  
Vnicuique enim rei tunc cōuenit generare sibi simile, cū  
suam fuerit adepta perfectionem. Huiusmodi ergo qui lon-  
gè adhuc absunt à sua perfectione, quomodo feliciter sibi  
simile generabunt? Et licet verum sit, hominem in anno  
x i i i i. (quod ad masculos attinet) in anno x i. (quantum in  
fœminis) ad generationem vt plurimum sufficere, manife-  
stum est tamen, non posse illis tam perfectam inesse gene-  
randi virtutem, vt posteaquam in robur virile euaserint. Do-  
nec enim ad ipsius indiuidui augmentationem plurimum  
debet esse intenta vegetatrix potentia, non ita sollicita esse  
potest de specie, ad generationis semen perficiendum. Ve-  
rum posteaquam augmentatione debitam indiuiduo indu-  
xit quantitatem, tum liberior ad speciei multiplicationem

potest intendere, efficitq; tunc semen (quod de alimento superfluo resoluitur) potentiùs ad generandum sibi simile.

Cæterum, gula ipsa quanquã per se videatur magis ad indiuidui detrimentum pertinere (cò quòd per ipsam nimia fit commistio extranei cum radicali humido, & calor minuitur, ac velut obrutus nimia infusione extranei debilitatur, atque exstinguitur) vergit tamẽ mediãtẽ ad speciei detrimentum. Nam cum per indiuidua debeat generatio fieri, constat ad debilitationem singularium hominum generantium cõsequi infirmitatẽ generationis. Nam (cæteris paribus) eos qui fortiores sunt & melioris complexionis, videmus progignere proles fortiores ac durabiliores illis qui infirmi sunt ac debiles. Vnde non dubium est, hominem frugaliter viuentem & conuenienti mediocritique alimento viuentem ad generationem bonam esse magis aptum eo, qui vorator est atque ebriosus. Quemadmodum enim cibo ac potu immodico impeditur bona nutritio & indiuidui diuturna cõseruatio: ita etiam generatio & bona speciei multiplicatio. Adde & hoc quod plerique nimia venere seipsos exhauriunt. Facit enim nimia seminis emissio celeriorẽ exiccationem & humidi consumptionem. Vnde etiam in animabus brutis videmus illa quæ maximẽ Veneri incumbunt, celerius morte absumi. Propter quod Aristoteles dixit, passerum masculos minus viuere scemelliste: cò quòd masculi (vt ipse ait) plurimam sequantur Venereĩ. Verũ illud ad indiuiduum videtur spectare, quantum ad ipsum Venere viuentem. Quantum verò ad prolem genitam, etiam in speciem vergit detrimentum. Qui enim immoderatẽ rei Venereæ indulget, & se prius quàm natura docet, ratioq; postulat, non potest hic nisi debilem gignere prolem, cò quòd semen non possit in eo tantæ esse virtutis, quantæ foret si hæc in re esset moderatior. Cum enim semen multa sit perfectionis & magnæ nimium virtutis (vt supra ostendimus) verisimile est ipsum multò satis egere tempore, vt suæ virtutis accipiat perfectionem, & vt plenam accipiat ad suas operationes efficiendam.

CAP. XXV. Excretio deestatioq; gula, atque luxuria, genus humanum infirmantium.

**E**st proinde nimium deestanda hominum plurimorũ praua peruersitas, petuersaq; prauitas, qui hisce vitijs abo-



minandis atque execrandis ita sese scædè commaculant. Similes facti iumentis insipientibus, equis & mulis, in quibus cum non sit intellectus, solam insequentes sensus concupiscentiam ad quælibet sensui arrendentia absque interiori retinaculo suo motu feruntur. Imò verò longè superant iumentorum irrationabilium conditionem homines à Deo cõditi rationales. In nulla enim iumentorum specie ita videas mala prædicta ( cibi dico ac potus, reiç; Venereæ abusus) latissime patere, vt in specie humana, quæ ob rationis priuilegium meritò debuit ab illis esse alienissima. Nam iumenta mensuram sibi constituunt, sensus voluptatem, & cum gratum ali quid propositum fuerit, eatenus inde sumunt, quatenus oblectatur sensus: vbi autem abscesserit delectatio, caput auellunt, neque sumunt vltra. Propone (exempli gratia) equo aut asino sitienti aquã limpidissimã, propone (inquã) in abũdantia videbis donec sitis fuerit extincta, donec appetitus ille sensus fuerit sedatus, non habituros requiem: mox verò vbi impletum fuerit sensus desiderium, capite auerso desinunt haurire. Ita & in pascuis vberrimis videmus, posteaquã facietas facit sensum non vltra herbis delectari, à pastu cessare animalia, & vel sopori se dare, vel obambulationi. At verò inter homines facilè inuenias, imò non quæ sitos passim obuios videas, qui nulla sibi posita mensura, etiam sensibus omnibus reclamantibus atque abhorrentibus, cibum potumque ingurgitant, donec crepet venter, indignum existimantes cessare à poculis, aut à conuiujs abscedere. Item in animalibus videmus, ea admodum sobriè rarissimeque vti Venere, & id plerunque statutis anni temporibus. Homines verò qui per rationem etiam perpetuò se refrenare poterat, irrationabilitate superantes irrationalia pecora, nullum faciunt modũ, etiam ampliora quàm possunt scædissimè attentantes. Rursum animalia irrationalia à natura deputatum sibi modum seruant, neque nisi quantum natura caussa speciei seruandæ extimulat, re huiusmodi vtuntur. Homines verò nulla habita ratione multiplicationis speciei, nulla cõsiderata honestate, modos indebitos, & quales natura horret conjunctiones adinueniunt: sic in omnibus oprimi creatoris & piissimæ naturæ donis abutentes, in suam temporalem perniciem, multò verò magis in sempiternum interitum, paratum reuelari in die nouissimo, quando veniet iustus ille

*Vide hominum intemperantiam.*

scelerum ultor, summa districtione exquisiturus rationem  
de omnibus humano generi donis collatis, Deus in æternâ  
secula benedictus. Amen.

FINIT LIBER OCTAVVS.

PSALMVS HOMINVM GENERI

commemorativus, pro donis magni Dei  
futuris atque presentibus.

**A**t tendite genus hominum ad beneficia creatoris vestri, quanta  
contulerit vobis, tota virtute considerate.

Ex his autem quæ iam presentitis in tempore isto, transite ad cõ-  
siderationem eorum quæ sunt quidem nunc abscondita ab oculis ve-  
stris, sed exhibenda in tempore suo.

Quod ad tempus hoc attinet, ecce corpus mirabile, & nobilem ani-  
mam donavit nobis: calorem vitalem ad operandum in corpore mira-  
bili ipse iniecit corporibus nostris.

Cibos omnigenos ad abundantiam præstitit vobis, ut reficiamur ex  
eis ad abundantiam consolationis nostræ.

Ad sustentationem corporis escam donavit ad sufficientiam: non  
desuerunt ab initio quæ nostro conducere pastui.

Per annos singulos germinat nobis terra præstantissimos fructus  
suos: cuncta semina è matre terra progignunt fetus suos.

De terra prodire facit benignissimus creator Deus firmamentum  
panis, & vino quod letificet cor hominis, hortos implet vinearum.

Neque verò solum necessaria præbet sustentationi nostræ, sed etiã  
quæ ad voluptatis perficiunt oblectationem, abundè ministrat nobis.

Poterat quidem panis sufficere ad confirmandum corda filiorum  
hominum, & aquam sitis refrigerium.

Non hac tamen ipsi pro sua munificentia videbantur sufficientia:  
delicias etiam voluit adycere, & magnificas ciborum diuitias.

Præter namque panem confirmantem dedit carnes iumentorum ma-  
gnorum atque parvorum: carnes volatilium, natatilium, & gradien-  
tium super terram.

Insuper & fructuum suavisimorum miram varietatem ex consimi-  
libus ferè lignis prodire iubet: mellis quoque dulcedinem, & vini in-  
cunditatem voluit adycere.

Non erant autem hac omnia humano pastui necessaria: sufficisset  
utique nutrimento hominum horum minus quàm dimidium.

Attamen sic ipse voluit, qui gaudet magnificè benefacere, ita illi rō sum fuit diuiter enutrire filios suos.

Ita illi complicitus gustum quandam prabere superuentura aeterna dulcedinis; quam licet non sit contemplatus oculus, ipse tamen absconditam seruat se diligentibus.

O quā magna multitudo dulcedinis tuae domine, quam preparasti diligentibus te, quā eris beatus qui manducabit panem in regno Dei.

Si nunc ita diuiter, ita magnificè, ita delicatè enutrit corpora nostra, mortis corruptioni necessitatis lege succubitura: o quanta praestabis olim resuscitatis, morteq; solutis, in praesentia vultus tui!

Quomodo satiabimur, apparente gloria tua, quomodo inebriabimur ab ubertate donus tua: potati voluptatis tuae torrentibus?

Nunc quidem donec Ada debito subiaceamus, cibo tuo instauramus corpora nostra, vsque dum adueniat terminus quem constituisisti vnicuiq; ad persolutionem debiti.

Quod calor vitalis (quem in se uisisti nobis) depascit, instaurat alimentum a te subministratum nobis, donec tandem virtute deficiente mors adueniat quam superinduxit nobis iniquitas nostra, & iustum decretum tuum.

Illic verò absq; metu mortis, & corruptionis pauore persistemus stabiles, nihil erit consumens, nihil instaurandum in locum deperditi.

Tua enim virtute longè illinc omnis profugabitur consumptio, interitui, & mors non accedent ad tabernaculum sanctum tuum.

Non patietur tibi ille tuus, quem apud te manducabimus, in perpetuum dissolui compositionem corporis nostri, in perpetua immortalitate gloriosi indissolubilesq; conseruabimur.

Panis quem ibi propones conuiuiis tuis, non exhibebit laborem dentibus; molis non egebit dentium vt conteratur in eū.

Illabatur per se dulciter vt mel gutturi nostro, & penetrabit suauitas eius vsque ad intimum cordis nostri.

Implebit suauitate animas nostras: omnia ossa nostra dicent, Domine quid simile potest esse huic dulcedini?

Gloria patri, & filio, & spiritui sancto.


Sicut erat in principio, & nunc & semper, & in secula seculorum. Amen.

FINIT PSALMVS.

IN LL



# IN LIBRVM IX. CONSIDERATIONIS PHYSICAE, DE SENSIBVS EXTERIORIBVS, eorumque organis, & sensibilibus, Præfatio.



Ræter potentias illas vegetatiuas quibus omne viuens ab auctore omnium Deo donatum conspicimus, vel ad sumptius conseruationem siue perfectionē, vel ad suæ speciei sustentationem, experimus in animalibus esse alias quasdam vires exteriores, quibus rerū extra existentium mirabili modo

possunt species atque simulacra in se suscipere, absque ulla reali susceptione corporum illorum quorum apprehendunt simulacra: sicque fit, ut cætera omnia tam animata quam inanimata, possint hisce viribus animalia varijs modis apprehendere quædam quidem longius absentia, quædam vicinius præsentia, iuxta virium harum diuersitatem, secundum perfectionem maiorem atque minorem. Has autem potentias sensitivas dicimus, & vulgata appellatione ab officio sensus appellamus. Horum quidam organum habent exterius patens, reliqua ipsas non nisi exterius præsentibus & ubiectis, percipiunt, ut visus oculum habet pro organo, & non nisi præsentia obiectis oculo colores percipit: quos proinde sensus exteriores rectè appellamus. Ac de his nunc præsentis libri aggredimur determinationem, de illis qui interius latet absconditi, post expeditum horum qui iam propositi sunt tractatum, sermonem (Deo donante) facturi. Ita enim ordo exigit disciplinæ, ut de ijs quæ nobis nunc sunt notiora, sensibusque nostris magis exposita, prius absoluaatur determinatio, quam ad ignotiora & occultiora fiat progressus.

CAP. I. De numero sensuum externorum, & specialiter de Visu.

**D**E potentijs, quas exteriores sensus appellamus, dicturi, commodum quot sint, & quæ ipsorum obiecta præmitteremus.

*Sunt autem sensus exteriores quinque, Visus, Auditus, Odoratus, Gustus & Tactus. Obiecta quoque eisdem sunt, hæc videlicet, Visibile, Audibile, Gustabile, Odorabile, & Tangibile.*

*Quinque sensus exteriores. Quisque obiectus.*

## DE SENSIB. EXTERIORIB.

Omne enim sensibile, vel est visibile, vt colores, lux & lumen: vel audibile, vt soni: vel odorabile, vt odores: vel gustabile, vt sapor: vel tangibile, vt calidum, frigidum, siccum, & humidum. Vnde color est obiectum visus, hoc est, id quod per se à sensu visus percipitur, & cuius ratione cætera colorata videntur, sub colore intelligendo lucem & lumen, quæ etiam per se sunt obiecta visus. Sonus, est obiectum auditus: sapor, obiectum gustus: odor, olfactus: qualitas tangibilis (sub qua sunt calor, frigiditas, humiditas, siccitas) obiectum est tactus: ita vt nihil percipiat auditus nisi ratione soni: nihil gustus, nisi ratione saporis: nihil odoratus, nisi ratione odoris: nihil tactus, nisi ratione tangibilis alicuius qualitatis. Ad clariorem prædictorum intellectum faciunt quedam diuisiones Aristotelis, ipsum sensibile in aliquot membra secantes. Prior est,

*Sensibile, quadam per se, quadam per accidens sentiuntur.*

Id est, eorum quæ sensu percipiuntur, alia ratione suæ naturæ, & non ob aliud inexistens percipiuntur, alia ob aliud inexistens. Prioris exempla sunt quinque sensuum obiecta, color, sonus, &c. Posterioris sunt omnia horum obiectorum subiecta, vt homo, equus, lapis, planta, &c. Ratione coloris videntur, soni causa audiuntur, odores ab odoratu percipiuntur, & non ex propria natura. Altera diuisio.

*Sensibile per se, alia sunt vniuscuiusque propria sensus, alia communia cunctis. Proprium sensibile est, id quod alio sensu senti non potest, & circa quod error fieri nequit.*

Id est, quod vnico sensu exteriori per se seu speciem percipitur, & circa propriam, quod sensus non errat seu decipitur, ita vt videat non colorem pro colore, aut audiat non sonum pro sono, odoretur non odorem pro odore: & ita in cæteris, licet ignoret quid sit habens colorem, &c.

*Sensibilia communia sunt quæ nullus sunt propria sensus, sed omnibus communia.*

Cuius sententia ex definitione præcedenti facile patet, sunt huiusmodi, motus, quies, numerus, figura, & magnitudo seu quantitas continua permanens. Hæc enim à pluribus sensibus exterioribus percipiuntur, licet non ab omnibus, vt motus, & tactu & visu est perceptibilis, secundum Aristotelem.

**H**abent autem hi quinque sensus, suum quisque organum & medium.

*Organa sunt hæc, oculus, aures, lingua, nares, nervus tactivus.*

Aqueus siue crystallinus, in quo recipitur species & eius virtute fit visio in oculo. Dicunt enim in centro huius humoris perfici visionem. Et propter hunc humorem Aristoteles dixit oculum esse aqueum: quod probat etiam ex aquæ effluxu, cum oculus fuerit confossus, & ex providentia naturæ, quæ circa pupillam circumposuit albuginem pinguem, & calidam in modum adipis illis animalibus, quæ sanguinem habent, item & palpebras: hoc ingeniosè factum dicens à natura, ut humor ille pupillæ per frigus non aliquando coagularetur vel congelaretur. Ab hoc autem humore ulterius tendunt ad cerebrum, à duobus oculis duo nervi, qui in vnum conveniunt sese interfecando, qui cernunt opticus, id est visivus dicitur. Notandum verò quòd tñ oculus, quàm anima, quàm etiam potentia visiva, videre dicitur, verum, id diuersis intelligitur modis. Oculus enim videt, quia visionis actum in se habet. Anima videt tanquam efficiens præcipuum actus videndi, & visiva potentia tanquam efficiens instrumentale.

CAP. II. *De obiecto visus, colore, & luce.*

**S**unt autem quæ videntur (vt diximus) colores, lux, & lumen, quanquam lumen non proprie terminet visum. Est enim lumen species lucis, & lux in lumine videtur, & ipsum de se spargit per medium in organum: sicut color diffundit suam speciem in organo, & per eam videtur. Species autem propriè non videtur, sed per ipsam videtur id à quo diffunditur in sensum. Vbi notandum, quod color vt in oculo suam speciem diffundat, requirit luminis illustratione. Nō enim potest color immutare medium, neque proinde movere sensum, nisi cadente super ipsum aliūde lumine extrinseco. Lux vero non eget alieno lumine, quandoquidem ipsa secum lumen affert, in quo videtur. Vnde si sic esset color, semper esset visibilis tam de die quàm de nocte. Imò vero per contrarium superueniente extrinseco lumine lux impeditur, ne videri possit: si superueniat, inquam, lumen maius. Nam maius lumen obfuscat minus: quemadmodum manifestè patet in luna, & stellis, quæ latent, donec solis lumen



Arist. 7. 2.  
lib. de ani-  
ma.

abscedar, post cuius abscessum videri incipiunt, si aliud nō interfit obstaculum. Attendendum verò quod diximus, ut color videatur requiri ad luminis alieni illustrationem. Nā quædam reperiuntur duabus rationibus visibilia, partim ratione coloris sui, partim ratione luciditatis, vel fulgoris. Patet hoc secundum in lignis putridis, oculis cætorum, vermibus, quibuldam & piscium ossibus. Hæc enim in nocte, & si quando ab eis lumen extrinsecum secludatur, videntur secundum lucem quam habent. Per diem autem cadente super ipsa extrinseco lumine secundum colorem proprium longe alia videntur. Vnde & falli non raro cōtingit eos, qui sulphurata in cætorum oculos impingunt, aut aduersus trūcos putridos nocte consurgunt, ossaue huiusmodi pro re quapiam pretiosa decepti colligunt, existimantes se aut carbones videre ignitos, aut homines armatos cōtrā stantes, aut preiiosa quæque metalla reperire. Hæc ergo corpora sic duabus rationibus visibilia, ratione quidē coloris (quæadmodū alia corpora) nō vidētur nisi in lumine, ratione autem fulgoris illius, non nisi in tenebris. Sūt autem quæ secundū idem, & de die videntur, & de nocte, quemadmodum videlicet flamma ignis medio diē videtur in lumine etiam non proprio. De nocte verò videtur per lumen proprium, quod de se diffundit. Secundum idem tamen videtur, quamuis nō in eodem lumine.

CAP. III. *Quibus rebus conueniat color.*

Quibus cō-  
uenit color,

**N**on inuenitur autem color proprie acceptus, nisi tantū in corporibus terminatis, hoc est opacis, & quæ translucentia siue penitus diaphana non sunt. Licet autem solum color ille qui in extremitate apparet corporis opaci, super quod cadit lumen à corpore lucido, moueat visum atque ab oculo videatur, est tamen secundum veritatem color etiam in partibus interioribus ipsius corporis opaci, æque atque in extrema, quemadmodum ad oculum patet in corporis diuisione, vbi manifeste color in vtraque parte se offert, qui non per diuisionem illic generatur, sed ante diuisionem præfuit, tametsi non apparuit. Quod autem non videatur nisi ille qui est in extremitate, inde est, quod hic solū lumine illustretur. Nam ad colorem qui interius est, non potest luminis fulgor pertingere. Atque hoc est, quod Aristot. in lib. de sensu & sensato,

Color.

*Colorem actu sensum vel sensationem facientem  
definit esse extremitatem perspicui in corpore ter-  
minato.*

*Quid color  
actu sensum  
mouens.*

Solum enim ille color, qui in extremitate est corporis opaci, visum mouet: quoniam lumen adueniens corpus tale in sua extremitate tantum facit esse perspicuum.

*Perspicuum est, quod est quidem visibile, non autem  
per se, sed per alienum colorem.*

Id est, corpora diaphana, id est, translucentia, vel transparentia, quæ visum non terminant, sed perspicua sunt (ut aer, aqua, celestia corpora, & quædam alia corpora solida) non sunt colorata, neque per se sunt visibilia, nisi quatenus luminis sunt in se susceptiua, ratione cuius fiunt visibilia. Vnde celos non videmus ut coloratos, neque aërem, neque aquam, sed tantum ut luminosa, cum lumine fuerint illustrata.

*Potentia perspicuum est, id in quo nunc id ipsum in-  
est, nunc tenebræ.*

Id est, quod aptum est suscipere lumen, actu tamen non habet: cum autem corpora huiusmodi luminis susceptiua, lumine vacant, tenebræ dicuntur,

*Sunt enim tenebræ priuatio luminis in corpore sus-  
ceptiuo. Est autem perspicuum omne aptum medi-  
um visui (cui fuerit lumine collustratum) per quod  
color possit videri.*

*Perspicuum  
versus me-  
dium.*

Vnde Aristoteles definiens colorem, ait,

*Color est, motiuus eius, quod est perspicuum actu,  
& id est ipsius natura.*

Id est, color est qualitas emittens sui speciem visibilem per corpus perspicuum, lumine collustratum, idque suapte natura. Non est autem actu perspicuum vel diaphanum, sine lumine. Perspicuum ergo actu mouetur, & immutatur à colore, quatenus videlicet color in perspicuum imprimit suam similitudinem, ipsum verò perspicuum consequenter immutat visum. Atque ita per mediū perspicuum color immutat visum. Sic etiam lux medium perspicuum prius immutat, lumen in ipsum diffundendo, ac per mediū ita immutat visum. Admodum verò aptè hoc natura disposuit, ut corpus perspicuum, quod est visus medium, nō habeat vllum in se colorem. Si enim colorem aliquem in se haberet proprium, color ille impedimento esset discernendis coloribus. Nā quicquid

## DE SENSIB. EXTERIORIB.

per tale medium videretur, consimilis coloris iudicaretur, veluti cū per vitrum rubeum, quod infra se habet rubedinē, cernimus, quicquid conspiciamus apparēt rubēum. Providē ergo hoc natura disposuit, ut medium visus per quōd debeat color discerni, careat nativo colore. Ob hoc verō & lumine proprio, siue propria luce carere videtur, ne luci cuilibet percipiendā praebeat impedimentum.

*Lumen autem (iuxta Arist.) est actus huiusce perspicui, ea nimirum ratione, qua perspicuum est.*

CAP. IIII. Medium visus nequaquam impedit visionem.

**Opino De** **E**X prae dictis patet, non recte sensisse Democritum, qui existimabat, si totum spatium, quo cernimus, esset vacuum, acutius expeditiusque singula posse videri; adeo ut formica possit per medium vacuum in caelo videri. Sic enim ista procedit imaginatio, quasi perspicuum intermediū impediat visionem, quod veritatem non habet, cū potius eam adiuvet, imō sine eo non possit fieri. Si enim esset vacuum inter caelum, & oculum nostrū, nihil penitus possit eorū quae in caelo sunt, à nobis videri. Mediū enim, primū à colore vel luce immutatur, & per ipsum mediū perspicuum immutatur consequenter immutatur oculus. Illud tamen verū est, quod medium si incrassatum fuerit, impedimentum praestare possit, ut quantō magis à perspicuitate recedit, tantō agrius per ipsum fiat, velut cum aer in nubium densitatem ingrossatur, quēadmodum per aquam difficilior fit visio, quā per aērē, cum tamen utrunque sit medium visionis. Quod autē medium actu perspicuum esse debeat, & lumine collustratum, ut fiat visio, quaeri solet, an ex parte coloris hoc sit, an ex parte oculi. Est autē probabilius, quod ex parte coloris hoc procedat, quoniam videlicet color suapte natura non potest immutare medium, nisi actu perspicuum, & lumine collustratum, neque potest nisi lumine super ipsum cadēte, suam speciem in aērem imprimere. Nā (quantum ad oculum attinet) experimur, hominē in tenebris densissimis positum videre candelam lucentem à longe, quod argumentum esse videtur pro oculo, quod ipse ex sua natura nō requirat sui ipsius illuminationem, sed ex parte ipsius coloris, qui non potest aliter nisi in perspicuum actu suā speciem imprimere. Et illa quae iam suprà diximus, in tenebris videri ratione sui fulgoris vel luciditatis, ab oculo non illuminato videntur. Cum



autē oculus per suam potentiam visuam possit nullo lumine illuminatus percipere flāā & huiusmodi fulgorem, videtur ipse quantum ex se non requirere illuminationem allicuius luminis extrinseci, vt videat colorē. Propter quod dixerunt nonnulli esse in oculo quandam lucem, qua sufficiat (etiam si extrinsecolumine non illustretur) quātum ex sua natura, apprehendere visibilia. Quod tamen non videtur de luce propriē dicta veritatē habere, sed tātū de claritate, limpiditate, ac perspicuitate, quæ est in pupilla ad modum crystalli resplendentis. Lux autem propriē dicta non illic ponēda est, eadem ratione qua nec color. Quomodo enim si color aliquis proprius esset in pupilla, impediret colorum distinctionem, atque ob hoc denudatum esse oportet organū visus ab omni colore, vt omnium possit colorum specie abscque impedimento suscipere, & de omnibus iudicare: ita & de luce proportionabiliter apparet dicendum.

GAP. V. De auditu & eius organo.

**I**nter sensus exteriores secundo loco ponitur auditus, cuius est sonos omnes atque voces, & eorū differentias percipere. Quomodo autem de visu diximus, quod consistit in quodam aqueo, in humore, scilicet crystallino, qui est intra oculū: ita de hoc sensu dicunt, quod sit in quodā aëreo, siue in quodam aëre connaturali circumdato membranula, & intra aurem diligenter abdito, prouideque conclusio, ad quē cum species soni per aërem extrinsecum delata fuerit, susceperitque intra se speciem soni: ita caussatur auditio, sitque ibi soni perceptio: sicut visio sit in pupilla oculi, suscepta in eā coloris specie. Hunc autem aërē natium prouida natura, siue potius naturæ prouidissimus institutor egregiē munivit (ne lædi facile possit quouis aëris impulsu) mirabili curuatione, quæ in aure apparet, iter ipsum ad hoc auditus organum multis anfractibus, & tortuoso meatu reddens admodum difficile: ne si rectā esset ingressus, aër vehementer commotus faciliē vsque ad organum violēter se ingerēs, ipsūm læderet atque destrueret. Nūc verò cum per tot curuitates atque anfractū aër pertrāsīt, antequā ad organū intrinsecus latēs pertingat, frāgitur eius violentia, ne possit nocere. Quēadmodū videmus aquas in rapidis torrentibus, vbi recto currūt tramie, maximo ferri impetu, vbi verò anfractū

Cōparatio  
pulcra.

plu-

## DE SENSIB. EXTERIORIB.

plures, & incuruaturæ occurrerint, frangitur impetus, & ad partes illas, quæ post has curuaturas sitæ sunt, mitiores veniunt aquæ, fracta nimirum per alueum tortuosum nimia impetuosi curlus violentia. Cuius simile & in oculi pupilla consideramus, cui ne à subito ingrediente nimio lumine, aut etiam ab aëre nimium propinquo euenire possit vlla læsio, naturæ auctor præuia contulit munimenta, albuginem videlicet, & reticulos anteriores quibus a læsione & offensione pupilla seruatur: vt non immerito diligentissimam Dei erga se custodiam postulans dixerit Propheta, Custodi me domine vt pupillam oculi. Rursum quomodo in pupilla diximus nullum esse colorem, ad hoc vt omnium esse possit colorum perceptiua, sic & de hoc aëre dicendum, quod nullum in se proprium habeat sonum, vt absq; impedimento omnium possit sonorum differentias suscipere. Quod autem manum adinouentes auri, audire nobis videamur intra aurem sonum quendam ad modum cornu oblcure sonantis, non arguit sonum aliquem esse in organo auditus. Est enim sonus iste in aëre, qui extra pelliculam est, inter manum & organum auditus, qui intra auris anfractum cõchisus, atque coarctatus, per manum arctam compressionem aut digiti immisionem, nec exire valens, mouet membranam qua aër connaturalis clauditur, à qua mouetur organum auditus, sicque causetur sonus.

Est autem huius soni intra aurem perceptio in homine signum incolumis auditus, ita vt si manu admota auri, aut digito immisso non percipiatur sonus huiusmodi, signum sit læsi aut male dispositi auditus: quemadmodum argumentum est sani visus, si oculus obiectus solari radio, vel admoto propius lumine candelæ, non immotus persistat, sed ocyus sese voluat, & palpebras tremulas frequenter claudat ne nimio lumine ipse ostundatur, & sensus ipsius hermonia dissoluatur. Quibus autem hoc deest, visum habent læsum. Vnde cæcos videmus admota lucente candela oculos nihil retrahere: & surdi vel surdastri manum auri apponentes, sonum illum supra dictum intra aurem non percipiunt.

CAP. VI. De sono qui est obiectum auditus.

**E**st autem sonus proprium obiectum auditus, ita vt nihil nisi gratia soni audiri possit, & quicquid auditur gratia soni audiatur.

*Est autem sonus, motus eius, quod eo motu moueri*

*potest.*

*Psalm 116.*

*De sono qui  
audimus in  
tra aurem  
immisso di  
gitæ.*

• *biectum*

*potest, quo moventur ea quæ resiliunt à corporibus  
lenibus, cum quissiam percutit.*

*auditus so-  
nus.*

Hanc definitionem patet esse causalem, & hic redditur sen-  
sus: Sonus est qualitas quædam causata in medio ex colli-  
sione siue percussione duorum corporum adinuicem, qui cum  
totum oppleuerit medium usque ad organum auditus, efficit  
auditionem. Ad quemlibet enim sonum causandum tria re-  
quiruntur, scilicet percutiens, percussum, & medium. Quan-  
quã horum aliqua secundum rem interdum contingit coin-  
cidere, utpote cum vnum duorum fungitur officio, veluti  
cum quis virga violenter percutit aërem, idem aër quatenus  
violenter ictus habet rationem percussus, quatenus verò in  
se sonum recipiens, dicitur medium. Vñ autem corpus per  
se solum non potest sonum efficere. Notandum verò, quod  
sonus non in ipso est subiectiue quod percutit, neque quod per-  
cutitur, sed in medio circumstante (aëre scilicet, vel aqua)  
quod ipsum in se recipit. Cum enim ex ictu mallei super  
campanam sonus editur, non est ille subiectiue neque in câ-  
pana percussa, neque in percutiente malleo, sed in aëre cir-  
cumsistente, & per impulsum siue ictum moto & circūgyrato, in  
quo suspicitur soni qualitas. Vnde quod campana sonare di-  
citur vel malleus, extrinsecè intelligitur, quatenus videlicet  
sonus edunt sua percussione, quemadmodum Solem dicimus  
calidum, qui tamen verè calorem non habet, sed caloris  
est tantum effectiuus. Atque ita corpora sonora dicimus,  
quatenus soni sunt effusiua, vbi fuerint icta. Aër verò tam-  
etsi in se habeat subiectiue sonum, non tamen ab eo secun-  
dum concretum aliquod vulgò vsitatum denominatur. Non  
enim dicitur aër sonans, neque etiam (iuxta communem vo-  
cabuli acceptionem) dicitur sonorus, tametsi sono sit in-  
ordinatus. Quia in re manifesta inter sonum (qui est obie-  
ctum auditus) & inter obiecta aliorum sensuum differen-  
tia est, quoniam color subiectiue est in re, quæ per ipsum vi-  
detur, & odor in re est, quæ per ipsum odorem tantum per-  
cipitur, sapor item in re quæ gustatur, & tangibilis quali-  
tas in re quæ tangitur. Solus autem sonus non est in re, quæ  
auditur, sed ab ea tantum procedit, & in medio recipitur.  
Solus etiam sonus in ipso medio realiter existit. Cæterorum  
item obiecta sensuum tantum sunt in medio intentiona-  
ter, videlicet secundum suam speciem. Fit autem sonus non  
absque



absque locali motu. Cū enim sonus non fiat sine collisione & concussione, percussio verò non absque motu, cōsequēs est, nec sonum posse fieri absque motu. Sic autē fieri dicunt sonum in collisione corporum, quomodo in aquæ superfici fieri videmus, si iniiciatur lapillus. Videmus enim circa locū iniectionis in aqua fieri circulos, & primū quidem minores, ac deinde cōtinuo maiores in lōgā distantia, iuxta quod iniectio magis fuerit violenta, aut maior fuerit aquæ circa locum iniectionis cōmotio. Ipse autē locus iniectionis videtur esse centrum omnium illarum circulationum, & circum ipsum sese gyraunt per circuitū apparentes illi circuli. Ita dicunt, cū facta fuerit in aëre collisio duorum corporum, ipsum aërem fortiter impulsū per circuitum se gyrare (ita vt locus collisionis sit quasi centrum huius circumgyrationis) idque in circulationes continuo maiores, cum quo motu pariter & sonns dispergitur à loco collisionis, donec tandem ad aurem vsque perueniat.

CAP. VII. *An sonus realiter debeat ad organū vsq; diffundi.*

**Q**uomodo verò sonus ad aurem perueniat, an secundū se ipsum, an secundum suam speciem, dubium est. Quīdam dicunt, ipsum sonū sese realiter multiplicare vsq; ad organum auditus, atque ibi suā speciem imprimere organo, vt percipiatur ab auditu. Probabilior tamen est contraria sententia eorum, qui dicunt, in aëre quidem proximo & circumdante locum percussione, per circuitum ad aliquam distantiam realiter sonum caussari, iuxta vehementiam collisionis, quousque videlicet per hunc istū aër mouetur per circuitum huius percussione: in partibus autē elongatioribus non esse realiter sonū, sed speciem soni ab ipso sono qui est in partibus vicinioribus diffusus: quomodo color de se speciem diffundit in mediū, per quod attingit in organū visus. Neque enim caussa videtur ob quam amplius debeat sonus per suam realem præsentiam immutare organum, quàm color. Vnde videtur (iuxta hanc probabiliorē sententiā) sic se habere aër proximus corpori sonanti, eiūque contiguus, & sonū in se habens, quomodo corpus coloratū. Ipsum verò aërem remotiorē, ad modum aëris immutari specie coloris. Vnde quod suprā diximus, sonum tunc efficere auditionem, cū vsque ad aurem totū oppleuerit mediū, intelligendum est, partim secundum se, partim secundū suā speciem. En

id quidem omnino videtur rationi magis cōsentaneum, Vīdemus enim in corporibus duris nonnunquam ex paruuli corporis super durum aliquod collisione sonū fieri, qui locū aliqūē valde magnum immutat: vt si quis in templo magno, lato, & alto silicem paruulū super lapideum pauimentum desuper cadere sinat, absque aliqua singulari vehementia, auditur statim sonus vsque ad extremam partem templi. Nequaquam autem videtur sonus realiter per omnes angulos eius diffundi. Cū enim dicant per aëris motum sonū deferri, quo pacto id videatur rationi consonum, vt ex tam paruuli corporis ictu totus aër, qui in tam amplo loco est, dicatur localiter moueri? Itē cū leui ictu in cymbalo fit tinnitus: ictus vtiq̃ leuissimus est: nec rationabile videtur, vt tā minimo & leuissimo ictu totus dicatur aër, qui in tēplo est, moueri. Auditur tamen sonus cymbali vsque ad extremos angulos. Vnde verissimile videtur, quod sonus lapilli istius ut cymbali in partibus elongatioribus non nisi intentionaliter inueniatur, realiter autem tantum in partibus proximo loco collisionis.

CAP. VIII. *Non semper maiorem sonū audiri remotius.*

**Q**uod si quis interroget, quo pacto tam modicus sonus tam longē possit immutare aërem, & paruuli corporis tam modica percussio, quo tam latē possit speciem soni pargere: cum corpora multo maiora collisa etiam fortī nō tam longe spargant, neque tam latē diffundāt suam speciem. Vnde si magnum pondus plumbi desuper caderet super parimentū lapideū, vix tam lōge audiretur quā sonitus par-  
ti cymbali, aut cadentes desuper lymphidi lapilli super duro lapideo pauimento, Huic quæstioni non admodum diffi-  
culter adhibetur responsio, facta analogia ad naturam colorum. Nam vt in coloribus non semper ille longius immutat visum qui quantitate maior est, sed qui ex sese clarior & purior similior (que admodum color albus quātitate modicus, longius immutat visum quā color niger quantitate maior: item color rubeus & ceruleus multo longius quā videtur aut fuscus) sic & de sonis dicendum, quod quidam ex natura sunt magis immutatiui medijs, & speciem suam citius latiusq̃ diffundentes, quā alij: vt soni acuti maius sunt motiui auditus, quā graues. Atq; hac ratione cōtinere potest, vt corporū sonantium, illud longius audiatur,  
quod

quod minorem edit sonum, quàm ipsum quod longe efficit realiter maiorem. Et fieri potest, vt duorum corporum sonantium id quod latius realiter diffundit sonum, non ita longe audiat, vt illud quod non ita longe realiter sonum fundit. Potest enim vehemens & fortis corporum quorundam concussio late sonum spergere, quo modo & late mouet aerem per circuitum: ipse tamen sonus editus non est de sui natura speciei late diffusiuus: alter cum sonus modicus, acutus, clarus, & limpidus, ex collisione leui generatus, late suauiter dispergat speciem, & per distans admodum medium possit eam ad auditum transmittere. Nouissime de sono in generali & illud aduertendum est, quod recipi possit non solum in aere, verum etiam in aqua: tamen si in aqua minus percipi possit, fitque sub obscurior, eo quod propter eius crassitatem velut hebescat & suprimatur. Potest quoque etiam homo in aqua audire (tametsi obscurius) quandiu per tortuosum & curuum iter in aurem prohibentur aquae ingredi. Vbi verò locum hunc occupauerint aquae, qui est intra aurem, & ad pelliculam qua aer connaturalis tegitur peruenerint, indisponitur organum, ne amplius percipiat sonos.

CAP. IX. De voce, quomodo fiat, & quibus conueniat

Voci definitio.

**E**st autem quædam particularis species soni conueniens solis animantibus licet non omnibus, quam vocem appellamus, definiturque ab Aristotele hoc modo,

*Vox est ictus aeris respiratione attracti, quidem ab anima fit ea quæ in partibus collocatur, ad eam partem quæ gurgulio appellantur.*

Quæ definitio hunc in modum est intelligenda: vox est sonus caussatus ab ictu aeris ab anima respiratione attracti, & percussi ad vocalem arteriam, cum alicuius significationis imaginatione. In qua definitione sonus pro genere ponitur. Cetera verò ad exclusionem aliorum sonorum quæ voces non sunt adduntur. Cum enim dicitur vox est sonus aeris respirati ab anima, manifestè ostenditur, vocem non nisi rebus animatis competere: neque illis quidem omnibus, sed ijs tantum quibus conuenit respiratio. Aer enim respiratus dicitur, qui est per respirationem attractus, qui postquam impetu fuerit concussus ad vocalem arteriam, siue gurgulionem, hac concussione sonum efficit. Manifestum enim est, quod aer per respirationem attractus in quantum huiusmodi non efficiat



voce. Alioqui perpetuò homo vocē ederet, cum perpetuò  
 elpiret. Sed neq; per solam aëris prius attracti emissionem.  
 Nam & silens homo emittit attractū aërem. Verūm cū in-  
 us contentus aër cum impeiū concutitur ad latera gutturis,  
 ad vocalem arteriam ita demū vox efficitur. Ex quo primū  
 videns est ratio, quare pisces in aqua vocem non forment.  
 Nam sola enim respirantia possunt vocem edere, piscibus autem  
 non est respiratio. Item neque vocalem habent arteriam aut  
 ergullionem. Quidam tamen pisces sonitum aliquem fa-  
 ciunt attritu branchiarum, qui vox non est dicendus, quem-  
 admodum neque sonus quem faciunt apes & muscæ confri-  
 catione siue impulsu alarum. Imò neque quilibet sonus ex  
 artibus humani corporis factus vox dicitur, quemadmodū  
 manuum complōtio, aut pedum concussio non dicitur vox,  
 quod nō sit ex collisione aëris respirati ad vocalem arte-  
 riam. Patet etiam quod sonus ille quem faciunt dormiētes  
 cum stertunt, non mereatur vocis appellationem, tamen si fiat  
 aëre per respirationem attracto. Non enim fit hic sonus  
 per concussionem aëris ad vocalem arteriam. Quod autem  
 dicitur in definitione, cum imaginatione, id est, intentione  
 quid significandi, ideo additur, quia hæc est natura vo-  
 cis, & ad hoc vox ordinatur, à natura tam in hominibus,  
 quam in brutis, ut per eam aliquid significetur. In homini-  
 bus quidem, ut inuicem sibi possint indicare mentis con-  
 ceptum & animi cogitatum, inuicemque sibi secreta animi  
 patefacere & communicare, non necessitatis solum, sed etiā  
 utilitatis gratia. In brutis autem, ut affectus sensuales possint  
 aperire: verbi gratia, concupiscentiam cibi aut potus, iram,  
 timorem, gaudium. Quemadmodum cum canis latrat, iram  
 indicat aduersus incognitum, vel cibum exposcit à domesti-  
 co, quasi patefaciens cibi defectum, & sui postulans fieri me-  
 moriam. Nonnunquam verò ad gaudium ostentandum &  
 complausum, exclamant, latrantque blandius, utunturque bru-  
 ta singulis affectibus exprimendis accommodatis vocibus,  
 iisque diuersis, iuxta quod prudens species unicuique  
 natura indidit. Unde canes nunc latrantes, nunc gementes,  
 nunc eiulantes, nunc velut secundum multiplicatum sonan-  
 tes ad diuersorum affectuum demonstrationem percipimus.  
 Hinc quoque Aristoteles aliam breuiorem vocis definitio-  
 nem, hanc videlicet.

*Vox est sonus quidam animantis.*

*Quæ ex præcedenti supplenda & intelligenda est.*

CAP. X. *Quomodo respiratio item & lingua ad plura conducit, & de vocali arteria.*

**A**D exactius verò perspicendum naturæ ipsiusque naturæ auctoris beneficium, attende non simplex esse respirationis officium. Nam primum conducit respiratio ad præcordiorum calorem temperandū. Nam a corde calor nimis egreditur ad præcordia, qui nisi continua aeris attractione refrigeraretur, impossibile foret animal in vita perdurare, facileque caloris excessu absumeretur. Propter quod Deus naturæ pulmonem circum præcordia velut follem posuit per circuitum, qui aërem sese aperiens ac dilatans continuo attrahat, iterumque se comprimens eijciat, ut attrahat alium: sicque perpetuò, donec animal vivit, hanc servat vicissitudinem, hac autem respiratione non egent animalia exanguia, neque illa etiam, quæ licet modicum sanguinem habeant, non tamen tantum, ut præcordiorum ab eo inflammatio huiusmodi exposcat refrigerationem: cuiusmodi sunt pisces in aquis habentes mansionem, ubi non potest fieri respiratio. Et quantum ad hunc usum est respiratio necessitatis, propter scilicet animalis vitam conservandā. Alterū verò ad quod ordinatur respiratio, non necessitatis simpliciter est, sed tantum boni gratia, & ad utilitatem siue commodum animalis, hoc est, ad vocem formandam, per quam animi aut sensus exprimat affectus atque cogitatus. Atque ita etiam de lingua cōsideramus, quòd ad duo à natura deseruiat: quorum prius est, ad vitæ animalis quandam necessitatem, ad gustandum videlicet & discernendum inter sãpores, quod in animali est propter nutritionem, ad cibi convenientis acceptionem vel disconvenientis abiectionem. Alterum verò est solum boni & commoditatis gratia, videlicet loqui & verba formare: quod simpliciter non est necessarium humanæ vitæ: quãdoquidem & muti absque hoc officio vitam servant. Propter quod etiam primum officium in omnibus hominibus cernitur habere lingua, donec vivunt: secundum verò quibusdam deficit. De vocali autem arteria, ad quã superius dictū

*vocalis arteria quid sit.* **Q**uid est fieri debere collisionem aëris ad formandam vocem, notandum est, quod distinguitur à via cibi. Est enim alius meatus per quem cibus transit ad stomachum, & alius per quem aër

per

per respirationem attrahitur, voxque formatur. Nam via cibi ad stomachum tendit, via autem aeris siue vocalis arteria ad pulmonem, cui adfert aërem pro cordis refrigerio: estque via aeris multo arctior & angustior, quam sit via cibi. Et quia non longè a via cibi vocalis arteria distat, idcirco profundissimus naturæ auctor operimentum ei desuper posuit, quod dum animal cibum sumit, viam vocis claudit, ne aliud alimenti a suo tramite deviatis, inque ipsam incidens, animali adferat vitæ periculum, ipsum suffocando aut strangulando, quemadmodum nonnunquam accidere videntur eis qui inter epulas profusus solent cachinnari: quod ubi contingit, non cessat pulmo tussim concitare, & aërem veris partem superiorem fortiter pellere, ut vel impetu eiciatur (si fieri potest) quod aeris tramitem impedit, & nisi pellatur, animal strangulat.

## CAP. XI. De vocibus articulatis &amp; inarticulatis.

Quædam autem voces sunt, quæ certis articulis possunt distingui, & secundum particularum aptam distinctionem percipi, ut etiam respondentibus literarum figuris describi possint, quemadmodum experientia monstrat, illa nos certis characteribus depingere, quæ ab hominibus vocibus articulatis proferuntur. Est enim inter articulos vocis characteres huiusmodi mirabilis quædam correspondentia, per quam fit ut vnum horum alteri respondeat, possitque alterum alterius fungi officio. Quidquid enim per vocem præsentem facimus, id per scripturam correspondentem sentes quoque agimus: uniusque literæ ipsæ quædam vicæque absentium voces. Illa autem vox quæ nullis certis distinguitur articulis, ut possit correspondentibus characteribus figurari, sed prorsus indistincta est, & membris non distingui, dicitur vox inarticulata. Cuiusmodi sunt voces brutorum animalium, ut bouis mugitus, ouis balatus, canum latratus, equorum hinnitus, itemque aviû garritus: quanquã per artem & humanam industriam harû quasdam videmus pauculas quot articulatas voces formare, quæ ab illis famis inedia, & portuno præcentu, potissimè extorquetur. Id quod de tacito ac coruis Satyricus Persius testatur his versibus, Quis cuit psittacu'n suu'n chæres? Coruos quis docuit verba notæ conari? Magister artis ingenique largitor, venter. Voces & puerorum clamantium, & ebriorum atque furiosorum vociferantur.

Quid articu-  
lata vox

Quid vox  
inarticulata



ferantiū, hisq; consimiles, articulatae non sunt, cum nullis figuris respōdentibus possint depingi. Quis enim bouis mugitum, quis canis latratum aut eiulatum depingat vllis characteribus? Sic & muti vocem quidem dant, qua tamen eam non debite articulareq; distinguunt, vocem non proferunt articulatam. Vbi attendendum est, qd longè aliud est loqui, aliud vocem formare. Neq; enim quicumq; vocem formant, loquuntur. Loqui enim dicuntur illi tantum, qui verba formāt. Non omnes autem qui vocem edit, verba format. Non formant enim verba, nisi qui articulata profert vocem. Nam voces inarticulatae verba nō dicuntur. Procedit autem hāc articulata eloquentia ex mentis conceptione, neq; inuenitur nisi in humana specie. Ex ratione enim & mente oritur articulata eloquentia: quā dum id quod ordinatè concipit & apud se cogitat, suae naturae consorti, id est, conuenientibus hominibus cupit significare, vocem talem edit secundū suos articulos & membra apte distinctā, quē id quod in mente est possit debite & ordinatè (iuxta quod in ea est) representare.

*Litterae vocis  
vicariae.*

Verū quia vox nō potuit nisi ad praesentes fieri, neq; sonare potest ad nimium distantes, frequenter autem vsu venit, vt quis longè absentibus proditum velit animi sui conceptum, hinc & scripturā adinuenit humana ratio articulatam, qua vocis defectum suppleat. Nam litterae apud absentes vocis vice funguntur. Est autem & scriptura quaedam inarticulata, non minus q̄ vox: qualis videlicet est quam puerili antequam characterum formam effingere sint edocti, incerto calami tractu depingunt. Aduerte tamen non esse solum voces articulas eas, quē in idiomate aliquo determinatam habent significationem. Nam cū interdum homines ad iocū animi gratia, linguam peregrinam aut barbarā se loqui fingunt (veluti si fingens peregrinum me idioma loqui, pleno ore dicam buskābarbucachum, vel alia huiusmodi) voces utiq; sunt articulae, non tamen in vllō idiomate (quod equidem sciam) quidquam significat. Attamen potest omnis vox articulata ad significandum imponi, & vox ad placitum institutum fieri significatiua, quemadmodū voces novas quotidie videmus recipi ad significationem, quē antehac in nullo idiomate fuerunt significatiuae. Sciendum est etiam, quod solae voces articulae ad placitum instituentium significant. Omnia enim idiomatica quantumcunque barbara, vocibus v-

*Vox natus  
raliter sig-  
nificatiua.*

tuntur

natur articulatīs ad sui animi conceptus exprimendos. Neque ullum est idioma aut esse potest, quod inarticulatīs utitur vocibus: pleræque tamen voces inarticulatæ sunt significatione naturaliter, nimirum omnes illæ quas ex naturæ instinctu videmus animalia bruta ad aliquam sensus passionem indicandam formare. Neque solum in brutis, verum etiam in hominibus, ut ploratus infantium, gemitus infirmorum, suspirium dolentium. In animalibus etiam brutis, latratus canum, mugitus bouum, balatus ouium. Ad huiusmodi autem articulatæ vocis formationem, non sufficit pulmo & vocalis æteria, sed alia insuper instrumenta sunt necessaria, quæ vocant articulationem. Nam præter illa duo (quæ ad simplicem vocem formandam sufficiunt) requiruntur etiam lingua, palatum, dentes ut minimum quatuor, ad quos fiat velut natio atque colatio & duo labia, per quæ fiat expressio. Et quibus hæc instrumenta deficiunt, aut fuerint impedita, vocem hi efficiunt inarticulatam. Vnde vetulas dentibus deficientes videmus vix articulatam vixque distinguibilem personam posse edere, item & eos qui linguam non habent integrâ, vel non liberam & ligatam. Sed hæc de voce articulata inarticulata dicta sufficiant, quæ ob hoc prolixius aliquandè deduximus, quod ab alijs plerumque videremus ommissa, cum sint tamen valde digna consideratione physica. Vox enim huiusmodi articulata est qua homo manifesto & specialem Dei beneficio cætera animalia præcellit, propter quod sonus etiam peculiaris ad eam habet instrumenta, quæ illa non habet.

*Requisita  
ad vocem articulatam.*

CAP. XII. De sono qui appellatur Echo.

Quandoque autem auditur sonus quasi rediens illuc unde fuit emissus, & velut sonus soni vestigium subsequens. Quod fieri accipiendum est per reflexionem soni repercussum obiecto corpore, sicque reuertentis ad aurē: qui sonus, cum angustior adueniat ad aurem (utpote reflexus & repercussus, admodum pilæ resiliens à loco ad quem directè fuerat obiectus) merito posterior tempore auditur. Fit autem hæc reflexio & repercussio maximè circa montes aut sylvas & arces, aut in corporibus concavis, ut in templis habentibus lectantes testudines. Et illic tardius subsequitur Echo primum sonum, ubi latior est reuerberatio, distatque longius idem de fit repercussio. In templis verò breui & apta testudine percipitis, vix Echo auditur subsequi, sed simul cum prima

*Echo.*

## DE SENSIB. EXTERIORIB.

voce se adiungens, quali sonum duplicat, & mirū cantanti-  
bus est subsidiū, si pauci sint: quēadmodum cōtra onus gra-  
ue, si nimij, eo quod subsequens foris reflexio prioris emis-  
si soni, grauet & velut opprimere laboret sonum directū,  
emissum posterius. Vbi notandum, quod (iuxta Aristotelis  
sententiam) semper sit soni repercussio & reflexio, quamvis  
non semper percipiatur. Interdum enim ita debilis est refle-  
xio, vt nō val. at percipi: quemadmodū lumen quidem sem-  
per reflectitur & reuerberatur, sed plerūque tam infirma est  
verberatio, vt lumen nō iudicetur, quemadmodū in vmbra  
candelæ per noctem contingit, vbi in vmbra est quā dā lu-  
minis reflexio, sed non iudicatur à sensu propter debilita-  
tem. Nam si non esset reflexio luminis, sequeretur per diem  
loca omnia plena esse tenebris, ad quæ non pertingeret di-  
rectus Solis radius, atque ita loca plurima destituta essent lu-  
mine. Sed quia lumen Solis admodum potens est, ideo e-  
tiā reflexum ipsius luminis facile cernimus. Ita ergo di-  
cunt in omni sono fieri reflexionem, sed non semper audi-  
tu percipi. Et quanquam communiter Echo non nisi in ter-  
minatione soni auditur, sit tamē priorum partium soni æ-  
que reflexio, sed non aduertitur propter partem soni suble-  
quentem, quæ fortius immutat auditum (cū sit sonus di-  
rectus) quam Echo, cum sit sonus reflexus. Verba autem A-  
ristot. sunt hæc;

*Fit Echo, cum aër factus vnus ob vñs vel locum qua ter-  
minauit ipsum atque dissolut prohibuit, unde refiit, ve-  
luti pila repulsus.*

Quorum sensus ex præcedentibus claret.

CAP. XIII. Quòd visus nobilior est auditu, & quomodo vi-  
sus auditum anticipat.

**Q**uoniam verò visus mouetur à suo obiecto, absq: mo-  
tu locali, & absq: reali sui obiecti in mediū effusione,  
tantum speciē obiecti absque omni corporali immutatione,  
per medium deferens suscipiendū. auditus verò nō nisi per  
exteriorem motū corporalem, & realem obiecti proprii in  
mediū effusionem: ideo visus spiritalior & nobilior iu-  
dicatur, quàm auditus, ac per cōsequens cæteris etiam sensi-  
bus auditu minus spiritalibus. Visus enim omnium sensuū  
spiritalissimus est, & per cōsequens maxime sui obiecti fa-  
cilime perceptiuus. Atq; hinc etiā est quod dici solet, vi-  
sus



um anticipare, siue anteuertere auditum. Prius enim ad or- visus antea  
 ganum visus peruenit obiectum ipsius secundum suam speciem cipat audire  
 quam ad auditum perueniat ipsius obiectum. Quia enim so- tum  
 nus diffunditur per motum localem, qui successiue fieri de-  
 bet, & tempus postulat (cum sit motus corporalis) color au-  
 tem absque motu corporali suam speciem diffundit in oculo, ad  
 eum modum quo lux suum diffundit lumen (id est, in momen-  
 to absque successione) idcirco non mirum videri debet si vi-  
 sus citius percipiat colorem aut lucem quam auditus sonum.  
 Hoc autem est, visum anticipare vel anteuertere auditum.

Quod experientia quidem nobis ad oculum in nonnullis  
 manifestat. Qui enim à longè spectant cædentes ligna in  
 syluis, prius vident securim ferientem truncum, quam so-  
 num ex percussione sequentem aduertant. Sinò prius in al-  
 lum eleuasse eos securim ad iterum feriendum cernunt, quàm  
 prioris ictus sonitus ad aurem fuerit delatus. Idem vident  
 qui à longè mulierculas super aquas linteorum immundicia-  
 rum eleuato ligno excutientes spectant. Id ipsum quoque & in  
 orruscatione contingit, dum prius fulminis splendorem ocu-  
 lus cernit, quam ad aurem tonitruui sonus pertigerit, cum ta-  
 men secundum veritatem tonitruui concussio præcedat.

CAP. XIII. Quomodo in homine visus & auditus ad sin-  
 gularem finem ordinantur.

Illud autem consideratione operum Dei & naturæ valde Nota  
 admirabile est, quod in humana specie non solum plura  
 voluit ponere organa, & nobiliora, quam sint in speciebus  
 inferioribus brutorum animalium, verum etiam eadem illa quæ cõ-  
 munitè dedit homini & alijs animalibus, in humana specie  
 ad vsus quosdam peculiares, & secundum singularem ali-  
 quam excellentiam constituit. Visum enim & auditum com-  
 munem fecit etiam alijs animalibus, eatenus videlicet, qua-  
 tenus suæ cõueniret naturæ, ut scilicet à lōge possent alimen-  
 tum & sibi conuenientia videre ac prosequi, aut disconueni-  
 ens & inimicum fugere, itemque per sonum vel incitari ad id  
 quod cõueniens est, vel absterreri ab eo quod discõueniens.  
 peculiariter etiam propter hominis utilitatem (cui à natura  
 cetera sunt subiecta) ut per humanæ vocis sonitum possent  
 irigi & gubernari, quemadmodum animalia domestica vi-  
 demus ad vocem hominum vel accedere, sumendi pabuli gra-  
 tia, vel effugere, & à tentato desistere, propter vocis terrorem.

*Arist. in li. de sensu et perium.* In homine autem peculiariter hi sensus altioris boni (ut Aristoteles ait) id est, disciplinæ & prudentiæ gratia sunt. Ostendunt enim (ut ipse ait) plurimas rerum differentias, ex quibus consurgit contemplatio, & circa agibilia humanasq; actiones discretio. Hinc senes plerunq; prudentiores sunt, utpote plures habentes diuersarum rerum experientias, quæ ex particularibus rebus sæpius visis vel auditis gignuntur in homine, per cōparationem intellectus. Est tamen differentia quædam inter visum & auditum, q̃ visus ad plura per se dinoscenda secundum se melior promptiorq; habetur, & quantum ad ea quæ corpori sunt necessaria, magis homini deseruit, quoniam ubiq; sese offerunt visibilia, non item audibilia: neq; sic ad animalis bonum & vitam intertendendam est necessaria sonorum, ut colorum perceptio atque discretio. Omnia enim corpora occurrentia colorem habent, insuper etiam sensibilia communia magis visus discernit, quam auditus. Soni verò in paucis inveniuntur, & nō ita passim occurrunt. Vox autem in paucioribus reperitur. Per accidens tamen auditus melior est, & quantum ad animam verè utilior, quoniam disciplinæ plurimum confert, propterea quòd ad disciplinam capiendam hic sensus optime subseruiat. Sermo enim quo docens utitur, non nisi per auditum capitur, atque ita rerum utilissimarum, & dignissimarum cognitio, auditus ministerio in nobis comparatur. Vnde fit, ut qui à natiuitate cæci fuerunt, nullum habeant impedimentū quin evadant doctissimi atq; sapientissimi. Nati autem surdi admodū nō possunt esse sapientes, tametsi ex visis possint habere magnam in particularibus experientiam ad ea. Hæc tamen utilitas de qua loquimur, ipsi auditui per accidens conuenit. Sermones enim illi pleni disciplinæ, quantum ad ipsum corporis auditum, nihil amplius efficiunt in homine, quàm si aliam quamlibet edas vocem: quomodo in brutis animalibus videmus, quòd nihil amplius accipiant ex sermonibus plenis prudentiæ, si in aures eorum insonentur, quàm ex vocibus nihil significantibus. Sed intellectus est, qui per auditus ministerium tantam homini confert sublimitatem. Visus ergo per se ad plura, eaque animali secundū vitam corporis magis necessaria est melior, auditus verò per accidens ab ea quæ mentem oblectant, & intellectui conducunt utilior

ior habetur. Qua de re forſitan in libro de intellectu & voluntate latior fiet determinatio.

CAP. xv. De olfactu, & eius obiecto.

**P**ost viſum atq; auditum, tertio loco ponitur olfactus, qui perceptiuus eſt, atq; diſcretiuus odorum. Eſt autem hæc *Olfactus* potentia ſita in duabus carunculis, quæ ſunt intra nares ſimi- *inſtrumen-*  
les capitibus mamillarum, quæ ſunt organum olfactus. Eſtq; *tū et obie-*  
hoc organum ſecundum aliquam participationem nature ig- *ctum.*  
neæ & igneum aliquid, quemadmodum organum viſus ſu-  
prà diximus eſſe de natura aquæ, & auditus de natura aëris.  
Ad quod organum cum odor à corpore odorifero diſfuſus  
pertingit, fit odoratio. De modo autem quo odor à corpore *Mediū olfa-*  
odorifero diſfuſus contingit ad olfactum, notandum ſicut de *ctus eſt aër*  
ſono dictum eſt, ad eius diſfuſionem requiri motum locale, *& aqua.*  
ita ad odoris diſfuſionem ſumalem quādam euaporationem  
ſiue exhalationē. Corpora enim odorifera dicuntur euapo-  
rationes quaſdam & (vt dicam) effumationes aliquas effice-  
re, per tenuis vaporis ab eis reſolutionem. Cuius ſignum eſt,  
quod temporis ſucceſſu minui videntur, id quod per euapo-  
rationem ſatis probabiliter videtur cōtingere. Vnde per diē  
(quando calor viget) flores experimur magis odorem diſ-  
fundere, quàm per noctem. Cuius non alia videtur cauſſa,  
niſi quod calor diei educit ſumoſitates aut vapores à corpo-  
re odorifero: frigus autem noctis, quodammodo condensa-  
atque conſtringit odorabilia, ne tunc ita ſumoſitates effun-  
dant. Maniſteſtiſſimè verò ad oculum cernimus, cum odori-  
fera (vt thus & ligna boni odoris) cremantur per multam ſu-  
moſitatum exhalationem copioſiſſimum effundi odorem.  
Vnde licet hanc euaporationem oculus aperte non ſemper  
percipiat, eſt tamē omnino rationi id perſuaſibile ex his quæ  
cernimus, à rebus odoriferis virtute caloris cuiuſdam, qui in  
odorifero eſt, aliquam fieri euaporationem, per quam odor  
diſfunditur ad organum olfactus: à quibuſdam quidem groſ-  
ſiorem, à quibuſdam verò ſubtiliorem iuxta naturam & diſ-  
poſitionem corporis odorem fundentis. Ex quibus ratio cla-  
ret, ob quam corpora quædam nullum de ſe fundūt odorem,  
quia ſcilicet nullam de ſe fundant euaporationem, neque  
effumabilia ſunt: quæ etiam temporis ſucceſſu non viden-  
tur minui. Imò nec in igne poſita minuiuntur, quemadmo-  
dum aurum, quod dicunt eſſe minimè odorabile, quoniam



ex eo nihil, resolutur, propter quod & igne nihil deperdit.

Aduertendum tamen, quòd multa corpora aliquem de se odorem fundunt, & aliquam euaporationem, quem tamen non facile homo percipit, eò quòd homo sit imperfecti odoratus, neque possit nisi excellentiores odores percipere. Vnde dicit Aristoteles, ferrum habere odorem, & magis es, aurum autem nequaquam. Nobis tamen vulgo ut non aurum, ita nec ferrum, neque argentum videntur odorem diffundere. Quòd autem homo imperfectum habeat hunc sensum oderatus, experientia satis monstrat, quoniam quidam animalia quædã acutius exactiusque olfaciunt ut canes & vultures. Vnde hunc sensum præ omnibus dicunt in homine esse imperfectissimū, causam assignantes, eò quod iuxta cerebrum eius organum sit positum. Homines autem in cerebri magnitudine & frigiditate, cætera animalia excedere, compertum est. Vnde oportet organum olfactus (quod ignæ naturæ est, calidoque & sicco perficitur) impedimentū aliquod accipere ex vicinitate cerebri in qualitatibus contrariis excellentiis, ut non ita exacte possit singula percipere, quomodo in alijs animalibus, in quibus nō est tanta cerebri frigiditas aut in magnitudo, aut in quibus nō est tanta vicinitas huius organi ad cerebrum.

CAP. XVI. *Quomodo odoratus in hominibus secundum aliquid perfectior est, secundum aliquid imperfectior.*

**V**idetur tamen quod hic dicitur de imperfectione odoratus in homine, secundum debitam moderationem sane intelligendum, non quidem ut simpliciter sit peior olfactus in homine, sed quantum ad aliquid. Simpliciter enim dicendum potius, quòd præcellat hominis odoratus. Pro cuius intelligentia aduertendum est, quosdam esse odores, qui grati sunt aut ingrati olfactui, ipsique vel delectationē vel tristitiam afferunt per accidens tantum, & propter alterum, nempe propter saporem & alimentum, quemadmodum odor carnis igne concoctæ & ad esum aptæ ipsi olfactui gratus est, & propter saporem & propter cibum, ut scilicet ex odore tali grato attrahatur ad appetendū & quærendū huiusmodi cibum. Nam sicut saporibus cibariis sunt delectabiles, & grati esurienti, ita & odores. Odores tamen ad saporibus ordinantur. Vnde saturatis & expletis posteaquam sapor sit ingratus, non amplius gratus est odor ille, qui pro-

Duplex  
odor.

propter saporem expetitur, sed incipimus fastidire quod antè  
 appetebatur. Vnde etiā fit, vt odor idē qui vni animali est  
 ingratus & exetabilis, alteri sit placēs & delectabilis, pro-  
 pter saporem ad quem ordinatur. Quemadmodum (exempli  
 gratia) cani est odor cadaueris gratus, eò quod & sapore ob-  
 lectetur. Homini verò, quēadmodum sapor, ita & odor de-  
 testabilis. Sic alijs odor, ijs qui saporem & esum amant, non  
 est ingratus: contrā vero, illis est abominabilis odor, quibus  
 sapor displicet. Hi ergo odores qui sic propter saporem ap-  
 petuntur, sunt per accidens appetibiles. Alij verò sunt odo-  
 res qui per se afferunt delectationem, & non propter alterū: *Odores nō*  
 cuiusmodi est odor florum, ita & aromatum odoriferorum, *propter sa-*  
 quæ non nisi ad olfactum pertinent. Hæc enim non propter *pore grati-*  
 gustum experuntur, neque gratia alimentis, sed propter ip-  
 sam odoris in se gratiam. Inter hos autem duplices odo-  
 res ponit Aristot. talem differentiam, quod primos commu-  
 niter & homines & bruta percipiant, quoniam æque scilicet  
 vtrique alimentum accipiunt, quod per odorem cognoscūt  
 esse naturæ conueniens vel disconueniens. Secundos autē  
 odores solum dicit hominem odoratu percipere. Non enim  
 videmus canes (quanquā acuti admodū olfactus) vllō mo-  
 do moueri ad florum odorem: & si canis in gramine locum  
 sibi quærat cubandi, non videtur magis ad locum vbi flores  
 sunt odoriferi, caput reclinare, quā ad locū aliū, vbi simi-  
 les non fuerint. Si tamen florum odorem perciperet, vide-  
 tur quod magis ad locū boni odoris naturaliter olfactus or-  
 gano ferretur. Cū ergo homo non solum odores illos qui  
 propter alimentum expetuntur aut fugiuntur, olfactu perci-  
 piat, verū etiam illos qui per se & nullius alterius gratia ol-  
 factū oblectāt: manifestū apparet quod simpliciter in homi-  
 ne quāvis in alijs animalibus olfactiua potentia nobilior sit  
 atque sublimior. Quātō enim potētia quælibet latius se ex-  
 tendit, tantō videtur nobilior. Et præcipua ratio ob quā ho-  
 mo præter animalia cætera etiam odores per se appetibiles  
 percipiat, videtur esse nobilitas, & præcellentia ipsius po-  
 tentiæ in homine supra potentiā similem in brutis alijs:  
 quemadmodum in homine auditas nobilior est & sublimi-  
 or, quā in alijs animalibus, eò quod non solum sonos dis-  
 cernere, sed articulatas vocēs distinguere possit. Quod autē  
 superius diximus imperfectū esse hominis olfactū, propter  
 cere-

cerebri magnitudinem, frigiditatem, & propinquitatem, ita accipiendum est, quia si fiat comparatio olfactus humani, & olfactus canini ad vnum aliquem odorem qui vtrique sit perceptibilis, id est, ad odorem comestibilis, talis odor citius & longius mouebit canis olfactum quam hominis. Et huiusmodi odorem aliquem contingit canem percipere suo odoratu, quem minimè percipiet hominis odoratus. Leporis namque qui per viam transit, odorem percipit suo acuto odoratu, què nequaquam sentit hominis olfactus. Ac iuxta hunc modum & de alijs sensibus intelligendum venit, si quid aliquando simile dicatur, videlicet aliquem ex eis meliorem aut perfectiorem inueniri in bruto quolibet quam in homine.

CAP. XVII. Non oportere odorem realiter ad organum vsque diffundi.

**D**E euaporatione autem illa & effumatione per quam diximus odoriferum immutare olfactum, an debeat fieri vsque ad organum olfactus, quaestio est, similis illi quæ prius de sono & motu locali aeris facta est, an debeat vsque ad organum sonus per motum deferri. Quare proportionabiliter de hac fumali exhalatione dicendum videtur, quemadmodum illic de soni per motum localem aeris diffusionem: videlicet non esse necessarium, vsque ad organum olfactus realiter diffundi odorem per euaporationem, sed sufficere, quòd per locum propinquum odorabili realiter per euaporationem diffundatur odor, qui deinde in medio suam speciem fundit, sicque per suam speciem ad organum vsque pertingit. Videtur autem hoc manifestare experiètia, quoniam animalia quædam ad maximam distantiam dicuntur odorari, ita vt rationi, consentaneum non videtur, à corporib<sup>9</sup> ipsis odorabilibus in tam longum spatium fieri euaporationem.

Quòd autem in loco propinquo odorabili fiat realis euaporatio, similiter probat experientia: quoniam si quis transeat per agrum valde odoriferum, quando maxime odor viget, sentiet se realiter quasi impleri per euaporationem fumositatum, quas intra se suscipit. Iuxta quem modum illi qui iuxta cibos proximi versantur coqui & culinarij, ciborum

*Culinarij  
quare parum  
edant.*

odore pleni dicuntur. Vt plerumque etiam de delicatissimis ferculis vel nihil vel parum admodum valeant māducare: quòd ideo fieri videtur, quoniam intus existens prohibet extraneū. Quo autē pleni sunt, nisi fumositatibus eiusmodi cibo-



eborū, quas per olfactum & per respirationē intra se suscipiunt, propter crassam euaporationem, quæ sit decoquente igne, ac resolvente abundanter vapores, atque exhalationes à cibo qui coquitur. Ad eundem modū qui in penu plenum odorifero vino ingrediuntur, mox se quasi impleri sentiunt, adeò vt nonnunquam velut ebrij appareant egredientes. Qui verò à longè tantū cibi vel potus odorem percipiunt, eos non sic impleri experimur, neque vllum ex longo odoratu accipere fastidium, imò accenduntur magis & anhelant, vt diu odore perceptum commodum cibum tandem accipiant. Vnde argumentum sumitur, quòd nullam in se substantiam odoriferam per euaporationem susceperint, sed specie tantū sint odoris allecti.

CAP. XVIII. De diuersitate olfactus, & organi eius variā dispositione.

**N**Otandum verò, quòd non idem est in omnibus odorā *Duplex odorandi*  
 di modus. Quædam enim sunt quæ per respirationem *modus*  
 odorant, alia verò absque respiratione. Homo enim & cætera *duo.*  
 animalia in quibuscunque est respiratio, non odorant nisi per respirationem, videlicet per attractionem aëris. Cuius causam assignant ex parte organi olfactus, quod in animalibus respiratione vtentibus cooperculo in modum ostij est munitum, vt nihil possit ad carunculas illas, in quibus situs est olfactus, pertingere, nisi operculum illud leuetur, & quasi ostiolum aperiatur: quod fit per attractionem aëris, non vtique per os, sed per nares. Monstrat enim hoc experientia si tibi flos quantumlibet odoriferus ante nares teneatur, nunquam eius odorem percipies ab organo, donec aërem continens absque respiratione, aut donec tantū per os respiras: nisi videlicet per nares aërem trahas ad apertionem operculi: sicque simul cum aëre attracto odorem ipsum vel odoris speciem ad organum olfactus adducas. Sunt autem alia animalia quæ olfactum habent, & tamen nequaquam respirant, vt pisces, apes, muscæ, & formicæ. De his enim experientia certissima monstrat, quòd odoratum habeant. Nam muscæ de longe ad escam veniunt odore allectæ. Apes verò flores an ad mel exugendum conuenientes sint, an ininūs, odoratu discernunt. Non enim videtur, quo sensu alio id faciant. Et formicas manifestissimè ex hortis videmus ad apothecas rerum dulcium conscendere in multo numero, sola allectas *odo-*

## DE SENSIB. EXTERIORIB.

*Quorundam  
anim. lam  
oculi palpe  
bris non o  
periantur.*

odoris dulcedine. Hæc tamen omnia non respirant. Necessè est ergo aliud esse modum in his animalibus olfaciendi, quam sit in respirantibus. Pro cuius notitia aduertendum est quòd sicut animalia non omnia eundem habent modum videndi, sic nec omnia eundem habent modum odorandi. Quædam enim animalia oculos habent molles. Et hæc palpebras habent, quibus molles oculi obuoluuntur, & operiuntur, ut claudi possint neque semper pateant. Si enim operculum non haberent, molles eorum oculi facile susceperent læsionem. Molle enim facile suscipit læsionem, nisi aliquo munimento defendatur. Quædam verò animalia duros habent oculos in modum cornu aut solidi vitri. Et his operimentum palpebrarum natura non contulit, neque aliquid quo claudi possint, sed patentes semper esse permisit. Nam propter duritiem non est eis periculum læsionis. Illis autem mollibus oculis non semper præsentibus sunt neque expositi colores, neque percipi possunt ab eis nisi reuelato operculo, nisi palpebris disiunctis. Qui autem nullum habent operculum, semper sibi expositos habent colores, neque illius egent operculi ablatione ut videant. Ita sane, & in odoratu dicendum animalia illa quæ respiratione viuunt, olfactum habere à natura reconditum & operculo clausum: quare non nisi huius ianue apertione recipiunt odores. Fit autem hoc aeris per nares attractione. Cætera verò animalia nullum habent huiusmodi operculum, propter quod semper præsentibus sibi habent semperque expositos odores, neque operculi reuelatione indigent. Possunt ergo absque respiratione odorare, quod non possunt priora animalia respirantia. Ex quo consequitur, animalia respirantia in aqua non posse odorare, cum illic nequeat fieri respiratio. Pisces tamen in aqua id possunt, eò quòd respiratione non habeant opus.

### CAP. XIX. De Gustu & eius organo.

*Gustus in  
frumentū  
& medium  
& obiectū*

**G**ustus inter exteriores sensus quartum locum obtinet, sapores discernit, in lingua habens suum organum. Non tamen linguam totam, sed neruum, qui in lingua latet absconditus. Cæterum, caro ipsa porosa linguæ, quæ in neruum operit & abscondit, medium est per quod fit gustatio. Habent enim gustus & tactus hoc sibi peculiare, quòd medium habeant coniunctum, quoniam videlicet organum ipsum & medium, simul sunt in vnum corpus & in vnum membrum composita:

Sen-

Sensus autem alij, de quibus iam antè determinauimus, nēdum habent extrinsecū, aërem scilicet vel aquam, per quā species obiecti ad sensum defertur. Ad hoc ergo ut fiat gustatio non sufficit, quòd propriè afferatur obiectum, id est sapor, vel sapidum aliquid, sed necesse est quòd tangat carnem linguæ, atque in eam suam imprimat speciem, quēadmodū non potest fieri visio coloris, nisi immutato aëre, & impressa in eum sua specie. Quemadmodum enim se habet aër ad colorem in ordine ad visum, ita sapor ad carnem linguæ, in ordine ad gustum. Quomodo autem color ut in mediū aërem suam imprimat speciem, requirit illuminationem, sonus verò aëris motum, & odor euaporationem: ita sapor ut linguā immutet, suamq; speciem in eam imprimat, requirit humoris saluaris coniunctionem. Oportet enim lapidū coniūgi & commisceri saluari humori, qui à natura semper est *Saluaque* circa linguam, ut immutetur gustus. Vnde quando in febri- *sum cōferat* cibus nimia siccitate humor iste deficit, a grotos ipsos nul- *animali* lo videmus oblectari sapore. Sunt enim eis omnia quasi insipida, propter ariditatem linguæ & humoris defectum: nisi fortè, aqua aut fructus aliqui, qui secum humiditatem afferūt aliqua ex parte suppleant saluaris humoris officium. Cū verò saliuam aliqua amaritudine contingit esse infectam, malè iudicat lingua, dulce reputans amarum, propter infectionem saluæ. Est autem saliuā ab omni sapore denudata, ut commodè posset omnem saporem discernere. Non est autē saluaris iste humor propriè medium gustus, quemadmodū neque lumen medium est visus, neque euaporatio mediū est odoratus. Sed est conditio quædam obiecti, requisita ut cōuenienter sensum immutet, & tale quiddam, sine quo obiectum nequit immutare suum organum.

C A P. XX. Quomodo gustus est quidam tactus, ut nihilominus secundum veritatem diuersa potentia.

**H** Vnc autem sensum gustus, dicit Aristoteles admodum certum esse in hominibus, quòd quidam tactus. Tactus autem certissimus & optimus est in hominibus, quemadmodū posteriùs declarabitur. Verū de huius dicti intelligentia dubitare, solent, an senserit Aristoteles, secundum rem verè eundem esse sensum tactus, & gustus, neque realem esse penendam diuersitatem, an secundum similitudinē potius id debeatur intelligi. Est autem secundum hoc probabilius,

*Gustus est quidam tactus.*



bilius, vt tantum secundum assimilationem quandam dictum intelligatur, quomodo statua hominis interdum appellatur quidam homo. Vnde non simpliciter ait, gustum esse tactum, sed quedam tactum, tali nimirum adiecta diminuyente particula, quomodo statua hominis quidam homo dicitur, non simpliciter homo. Cōsistit autē similitudo hæc in eò quod supra tetigimus, quod sicut gustus habet medium cōiunctum cum organo, sic & tactus. Item quia vtriusque organum ponitur neruus. Secundum veritatem tamen probabilis est ponere duas distinctas potentias, quarum vna per se percipiat saporum distinctionem, altera qualitates tangibiles, caliditatem, frigiditatem, &c. Cuius est argumentum, quod in lingua dicunt, Medici posse lædi gustum absque hoc quod lædatur tactus. Et cum defectu salivaris humoris lingua non percipit saporum, tangit nihilominus, & qualitates tangibiles nihilominus percipit. Videntur ergo secundum rem distinctæ esse potentia, quarum vna læditur vel impeditur absque altera.

Varij sa-  
pores.

Sunt autem saporum multæ species, quemadmodum & colorum. Est enim sapor dulcis & amarus, qui sunt saporum contrarij. Sunt præterea saporum alij, pinguis, falsus, austerus, acutus, acerbus, acidus, & alij quidam, quos Aristoteles in lib. de sensu & sensato secundum analogiam & comparisonem ad colores extremos atque medios accipit.

#### CAP. XXI. De tactu & eius organo.

**I**nter omnes sensus exteriores nouissimus est tactus, vt omnium materialissimus atque crassissimus. De cuius organo dixerunt aliqui, quod sit iuxta cor proportionem habens qualitatum tangibilium. Sed experientia docet, sensum tactus per totum corpus esse expansum, ac proinde etiam eius organum. Vbicunque enim & in quacunque parte inuenitur operatio alicuius sensus, illic & potentiam talem adesse cōsequitur: & vbi potentia adest, oportet ibidem esse & organum eius: quemadmodum si visionem experiremur in pede, oporteret & illic potentiam visiuam cōstituere, simul & oculum, aut aliud visui organum præter oculum assignare. Quia ergo tactum fieri experimur per omnia corporis membra, idcirco & potentiam tactivam & organum ipsius consequens est per totum corpus fateri expansum. Est autem eius organum, non caro, vt quidam existimauerunt. Nam tangibile immediatè applicatum carni immutat tactum: quod non

face-

ceret, si tactus organum esset caro. Est enim maxima seu  
 propositio ab omnibus vera concessa.

*Sensibile positum supra sensum nequit efficere sen-  
 sationem.*

Vnde si caro esset organum tactus, non posset tangibile  
 apprehendere absque medio sibi applicatum. Nervus ergo  
 qui carne vestitur, ipse est tactus organum, qui per omnia  
 membra expansus, animali dat in omnibus partibus tangen-  
 di potentiam. Caro autem nervo huic pro medio est, neque  
 requirit aliud. Tangibile enim carnem contingens, per eam  
 qualitatis tangibilis speciem transmittit ad nervum tactivum,  
 ibique fit tactio. Obiectum autem tactus est qualitas tangi-  
 bilis, hoc est caliditas, frigiditas, humiditas, siccitas, grave &  
 leue, asperum & lene, durum & molle, viscosum & frangibi-  
 le, grossum & subtile. Omnia enim hæc sensu tactus perci-  
 pimus, principaliter tamen quatuor primas qualitates, sub  
 quibus aliæ comprehenduntur.

CAP. XXII. *Tactū omni animali donec vivit esse necessarium.*

Inueniuntur autem in hoc sensu tactus multa singularia,  
 quæ non ita sunt in alijs iam determinatis sensibus. Pri-  
 mum enim tactus solus omni animali inest, & semper quam-  
 diu vivit ut in sit, necesse est, neque potest esse animal sine  
 tactu, neque potest aliquid habere tactum, quod non sit ani-  
 mal. Vnde solus tactus ad esse animalis requiritur. Cæteri ve-  
 rò sensus ad bene esse, ut declarat Arist. ult. c. 3. libri de ani-  
 ma. Visus enim, inquit, additus est animali. quo vitam in aëre  
 aut aqua aut aliquo perspicuo sibi vendicet. Auditus, quo ei  
 aliquid indicetur. Odoratus, quo odore à longe percepto ad  
 alimentum se conuertat. Gustus quo iucundum sit ei alimen-  
 tum, & triste refugiat. Hæc autem omnia ad esse animalis  
 non faciunt, sed tantum ad bene esse. Et verisimile est, quæ-  
 dam esse imperfecta animalia, in quibus nec gustus quidem  
 reperiatur, utpote terræ affixa aut in alimento suo perpetuo  
 natantia. Nam cum speciali nullo egeant cibo, sufficiatque  
 eis id in quo perpetuo natant, aut cui affixa sunt, non eis gu-  
 stu est opus, quo alimentum secundum sorem discernant,  
 sed tactus eis sufficit, quo alimentum percipiant. Gustus enim  
 illis convenit animalibus quæ cibum habent disquirere at-  
 que eligere per saporis dijudicationem, & alium quidem be-  
 currentem ut noxium relinquere atque respuere, alium

*Arist. 3. li.  
 de anima.*

*Tactus omni animali simpliciter necessarius.* verò vt salubrem, & conuenientem admittere atq; deglutire, aut non occurrentem diligenter venari. Quòd si in aliquot locis Aristoteles videatur contrarium dicere, esse videlicet tactum & gustum omni animali necessarios, gustus improprie accipi debet, secundum quòd tactus ipse vt alimenti perceptiuus, gustus quidam in eiusmodi imperfectis animalibus appellatur. Ratio autem quare sensus tactus sit omni animali, quàm diu est simpliciter necessarius, hæc est, quia tactus sequitur proportionem & harmoniam qualitatum primarum animali omnino necessariam: quam harmoniam statim vbi dissolui aut destrui contigerit, ipsum quoque animal mox interire necesse est, simul cum sensu tactus proportionem illam consequente. Et quamdiu manet in homine harmonia illa quatuor primarum qualitatum sufficiens ad vitam conseruandam, tam diu neque tactus destruitur. Pari- ter ergo & vita & tactus in animali ex eadem causa deficiunt. Aliorum autem sensuum nullus proportionem illam primarum qualitatum necessariam animalis subsistentiæ cõsequitur. Nam quamuis omnes sensus in quodam temperamento, & in quadam proportionem rectè dicantur consistere, ita vt illa dissoluta harmonia, dissipata sit potentia illa sensitua, quæ ex ea consequebatur (quemadmodum visus destruitur temperamento illo quod in oculo est dissipato) potest tamen manere illa præcipua, & prima harmonia primarum qualitatum, quæ ad animalis vitam conseruandam requiritur, dissolutis alijs temperamentis. Itaque fit, vt absque cæteris omnibus sensibus possit tactus solus in animali persistere.

CAP. XXIII. *Quare tactum natura auctor per totum corpus voluit expandere præ omnibus alijs sensibus.*

**E**X hoc verò simul ostenditur, debere necessariò per totum corpus expandi sensum tactus. Quomodo enim proportio illa & harmonia qualitatum primarum vitæ animalis necessaria, nulli membro debuit abesse, ita neque tactu potuit vllum membrum destitui. Quemadmodum si per totum corpus idem esset illud temperamentum, quod est in oculo, ad quod consequitur visus, indubiè consequens esset, per singula membra diffusum esse sensum visus. Est autem singularis etiam necessitas, ob quam debuit tactus non in vna aliqua parte tantum (vt cæteri sensus) specialem ha-

*Quare natura tactum per corpus totum expandit.*



habitationem accipere, sed per omnia corporis membra diffundi. Videlicet quia excellentiæ qualitatium tangibilium, id est, ipsæ tangibiles qualitates, ubi in excellentia fuerint, per se natæ sunt corrumpere ipsam animalis vitam. Cæterorum autem sensuum obiecta quantumcunque excellentia, non sunt per se corruptiva animalis, quanquam ipsum suum sensum valeant corrumpere, ut (verbi gratia) excellens lumen cadens super oculum, non potest animal interficere quanquam possit visum indisponere, imperficere, aut penitus auferre. Item sonus quantumvis vehemens non potest animal interimere per sese, quāquam auditum possit obruere, perturbare, aut perimere. Nam quod nonnulli graui sonitu tonitruui inueniuntur subito deficere, non ex sono est, sed ex vehementi percussione, vel ex fulminis aduentantis virtute, aut consimili modo. Neque odor neque sapor in quantacunque sit excellentia, per sese corrumpit animalis vitam. At verò excellens caliditas aut frigiditas, facillimè animalis vitam aufert propria sua actione. Iam verò, si in vna tantum parte fuisset repositus sensus tactus, non esset à natura sufficienter prouisum animalis vitæ: cum passim occurrant & in omnia membra corporis offerant sese tangibiles qualitates, quæ per suam excellentiam à partibus illis, ubi tactus non esset, facillimè animali inducerent corruptionem. Quemadmodum (exempli gratia) si lumen excellens imaginemur per sese corruptiuum esse vitæ animalis, non habeat autem homo nisi oculum potentem percipere lumen: hoc posito, si oculus tantum in vna parte corporis habeat locum, contingit animal ipsum facillimè interire, cum videlicet à tergo vel à pedibus lumen tale excellens (non aduertente oculo) animal corripuerit: eritque iam absumptum animal prius quàm percipiat oculus corruptentis qualitatis excellentiam. Rectè ergo ad animalis vitam conseruandam naturæ auctor sensum tactus per membra omnia extendit, ut nusquā quidquam posset corruptiuum occurrere, quod non statim deprehenderetur, deprehensumque pro virili caueretur, aut fugeretur. Cæterorum autem sensuum nullum obiectum per se actiuum est, nisi in partem illam in qua sensus talis positus est, ut color & lumen quatenus visibile, non agit, nisi in oculum, & sonus non nisi in aurem, & ita in cæteris: propter quod sufficit pro totius corporis commodi-

## DE SENSIB. EXTERIORIB.

tate, vnicum esse membrum, in quo tales sensus habeant suā sedem, & ad quod obiecta omnia dijudicanda perferantur. Qualitates autē tangibiles, in omnē partem corporis equè sunt actiue, neque determinatum aliquod membrū spectāt. Ideoque prouisum oportuit animali ex omni parte, & yndique vigilem adhiberi custodiam, ne alicunde subito ab excellenti qualitate arreptum, ante tempus occideret.

CAP. XXIIII. *Tactum non penitus esse denudatum à primis qualitatibus, sed tantum ab earum excellentijs.*

**I**llud quoque in tactu peculiare est, nec vlli aliorum sensuum conueniens, quod ipsius solius organum à qualitatibus illis quas habet sensus, pro obiectis nō est denudatum. Ceterorum enim sensuum organa (ut suprà ostendimus) nihil eorū quæ ipsi percipiunt, actu habent: vt oculus ab omni est colore & lumine proprio liber: aer naturalis organū auditus ab omni proprio sono: organum olfactus ab omni proprio odore, organum quoque gustus ab omni proprio sapore. Huius autem tactus organum non videtur esse à primis qualitatibus denudatum, quoniam (vt iam dictū est) primarū qualitarum temperamentum & harmoniā consequitur. Oportet ergo qualitates aliquo modo in ipso organo tactus inueniri, videlicet secundum temperamentum, & mediocritatem quandam. Ab excellentijs tamen qualitarum tangibilium, ipsum denudatū esse oportet. Ad hoc enim tactus datus est animali, vt per eum percipiat excellentias qualitarum tangibilium: quas nō posset percipere, si ab eis non haberet suum organū denudatū. Atq; in hoc non omnino ab alijs sensibus dissonat. Est enim eius organum sic denudatum à suo obiecto, quomodo ipsum perceptibile est à sensu. Nā tactus qualitarum primarum secundum suas excellentias est perceptiuus. Eas autem secundum hunc modum (id est secundum excellentias) organum ipsius non habet, sed tantum secundum mediocritatem & contemperationem.

CAP. XXV. *Quā fiat vt molles carne, tactus sint melioris atque etiam melioris ingenij, e contrario autem in duris.*

**E**X hoc autem quod tactus dicitur consurgere ex proportionē primarum qualitarum, consequitur quantū in homine fuerit tactus melior, tantū meliorem debere esse illius hominis complexionem. Ac rursum quia iuxta corporis bonam complexionem, est qualitas ingenij, sit vt ex bonitate &

e & præcellentia tactus, rectè etiam argui possit bonitas vel præcellentia ingenij. Propter quod Aristoteles libro secundo de anima, in capitulo de odore, ex præcellentia tactus arguit hominem esse animalium prudentissimum. Quoniam enim homo (ut ipse ait, & veritas confirmat), certissimum habet tactum, atque in hoc vno superat atque euincit cetera animalia, cum in alijs sensibus ab animalibus quibusdam superetur: hinc fit, ut homo animalium prudentissimum cognoscatur. Siquidem ex tactu, mentis aptitudo vel ineptitudo, id est, ingenij bonitas aut prauitas deprehenditur. Duros enim carne, mente hebetes & ineptos, molles verò, benè aptos esse dicimus. Quæ quidem Aristotelis dicta ita possint intelligi: Ingenij enim aptitudo consequitur bonitatem complexionis & bonum temperamentum humani corporis, eò quod corpus humanum sit animæ in suis operationibus instrumentum. Vnumquodque autem operans (cæteris paribus) melius agit secundum dispositionem instrumenti quo utitur: quemadmodum scriptor calamo apto melius pingit, quàm inepto & prauo. Vnde cum anima quantum ex se in omnibus æquè sit potens operari & apprehendere, oportet ex diuersitate corporis, ut instrumenti, provenire diuersitatem ingenij. Itaque bonam corporis dispositionem & proportionem sequitur bonitas ingenij. Eandem quoque bonitatem complexionis in homine consequitur bonitas tactus. Melioris autè tactus experimur esse illos qui carne molles sunt, quàm eos qui sunt duri carne. Vnde illos qui sunt molles carne experimur facillimè affligi in cōtactu vel levis excellentiæ alicuius tangibilis qualitatis, quàm alius carne durior vix per ciperet, si non in maiori excellentia ipsius organo admoueretur. Manifestum ergo est, ex eadem radice proficisci hæc tria, nempe bonitatem tactus, bonitatem ingenij, & carnis mollitiem, ex aduerso autem prauitatem tactus, ineptitudinem ingenij, & carnis duritiem. Propter quod, rectè ex eo quod oculis, & sensui patentissimum est, videlicet ex carnis mollitie, argumentari possumus, quod occultum est, nempe ingenij bonitatem: non quidem ut ex causa effectum, sed quemadmodum duorum effectuum ex eadem causa prodeuntium is qui manifestior est, arguit eum qui est occultior. Sic de carnis duritie ad prauitatem complexionis & ingenij. Hoc tamen aduertendum est, quod interdum

*Molles carnes aptissime.*

*Duplex mollities.*



contingit inueniri in quibusdam carnis aliquam mollitiem ex nimia humiditate & nimia abundantia flegmatis, quales videmus homines qui in locis frigidioribus atq; humidioribus generantur, multum carneos succoq; plenos, propter quod molles carne iudicantur. Verum hæc mollities bonitatem non arguit ingenij, quoniam ex mala complexionem & non bona contemperatione, procedit, neq; propriè & verè eiusmodi carne molles dicendi sunt, sed potius succosi, aut alia quauis appellatione nominandi. Neque de hac mollitie volebat sua dicta intelligi Aristoteles. Cæterum ex carnis mollitie & complexionis bona dispositione, aut ingenij bonitate, argumentari non rectè possumus aliorum sensuum bonam dispositionem: neq; econtrariò ex aliorum sensuum bona dispositione argumentabimur ingenij bonitatem, aut carnis mollitiem. Cōtingit enim ingeniosos esse carne molles & bonæ cōplexionis, in quibus non sit visus bonus, aut integer auditus, siue odoratus. Vicissimq; contingit optimū habentes visum, siue auditum, siue olfactum parum esse ingeniosos: nimirum quia stat in homine bonam esse complexionem secundum qualitatū proportionem animalis vitæ necessariam, vbi tamen illa quæ in organis prædictorum sensuum exigitur, non fuerit admodum bona.

CAP. XXVI. *Quod Christa domino pro sue complexionis nobilitate, passionem omnes fuerint maximè afflictua.*

*Passio  
Christi  
summe af-  
flictua.*

**E**X prædictis manifestè consequitur, admodum rectè ac pie sanctos patres id tradidisse de amarissima Christi filij Dei passione, quòd ipsius personæ fuerit summe afflictua, multò amplius quàm si hominū cæterorū vlli earundem pœnalitatū fuissent inflicte passionem. Decens enim & rationabile erat, vt homo ille qui simul erat verus Deus & homo verus, corpus haberet iuxta dignitatem dispositum in complexione optima, & nobilissima harmonia primarū qualitatū, videlicet vt corpus illud quod sibi mirabili & ineffabili vnione voluit vnire Diuinitas verbi, & in vnitate assumere suppositi, complexionem haberet maximè nobilem: quo sic animæ nobilissimæ omnibusq; gratijs, & donis summe plenæ, corpus responderet iuxta suum modum absolutissimū atq; perfectissimum. Quod amplius etiam fiet credibile, si ipsum corporis huius attendamus nouū opificem. Non enim cæterorum more corporum virilis seminis efficacia corpus istud

contemperauit, neque composuit, sed virtus ille ex alto descendens, de qua Gabriel paronymphus Virginem matrem *Luca. 1.* alloquens Mariam, ait. Spiritus sanctus superueniet in te, & virtus altissimi obumbrabit tibi. Et ad Ioseph in somnis angelus, *Matth. 1.* Quod enim in ea natum est, de Spiritu sancto est. Hic ergo potentissimus, sapientissimus, optimusque est artifex, qui corpus illud de quo loquimur, absque temporis mora in momento perfecit, quiq; anima corpori ac pariter vtrumq; verbo in vnitatem suppositi mirabiliter copulauit. Quis autem absque artificis huius iniuria possit asserere, opus illud, in quo ita singulari ac præcellenti modo sese præsentem exhibuit, imperfectum fuisse & mala proportionem distemperatum? Quomodo non magis perfectissimum corpus iuxta suam rationem fuisse illud credimus, quod tali animæ omnium præcellentiissimæ iungi debebat, & non animæ tantum creatæ in tempore, sed verbo genito ante secula? Habebat ergo Christus dominus corporis dispositionem vtrique optimam & præcellentiissimam, qualem nec vnquam habuit quisquam, nec potest esse habiturus. Quod si ita pium est credere, statim fit consequens (vt iam ostensum est) eum carne fuisse tam molli, tam tenera, tactu tam bono, tam viuaci, plus q̃ vllus fuerit hominum ceterorum. Afflictiones ergo omnes quas in corpore sustinebat ab initio suæ natiuitatis, ad exitum vsq; suæ felicitis consummationis (præter quod plurimæ extiterunt) fuerunt illi singulari modo summè afflictiuæ. Quapropter nimium vanè iudicant, qui passionibus his filij Dei vel omnino nihil, vel parum admodum commouentur, ea causa quod putent ex diuinitatis vnitæ commercio pœnalitatem & afflictionem omnem illi fuisse leuiorem. Facile (inquiunt stolidi quidam) erat illi hæc siue illa perpeti. Deus enim erat, nō (vt nos) homo purus. Imò verò hac ex parte, superdignissimæ Diuinitatis societas secundum accidens modo quodam fecit cuncta grauiora, & magis afflictiuæ reddidit quæcunq; in corpore perculit: dum propter dignitatem verbi æterni corpus illi vniendū in proportionem nobilissima componi debuit, ad quam infallibili consequio in carne tenerissima & viuacissimo sensu maxima consequitur passibilitas. Ad cuius veritatis cōfirmationem plurimum facit, si cōsideremus filium Dei non ad hoc nostram sibi assumptisse naturam, vt seculi huius frueretur delitijs, ac dura euaderet.

Psal. 109.

Luc. 24.

Matt. 20.

Esa. 53.

Verum ad hoc potiùs de loco pleni gaudij in hanc descendisse lacrymarum vallem, ut iuxta verbum Prophetæ, de torrente in via biberet, nimirum vt pro generis humani persolvendo debito, amarissimas amaritudines ad probrosissimam vsque mortem gustaret : atque aded ab ipsa hora sui partus semper quæ duriora fuerunt elegit, paupertatem, egestatem, nuditatem, esuriem, fatigationem, & quæcunque sunt huiusmodi. Nonne (ait idem ipse post mortem loquens discipulis) oportuit Christum pati, & ita intrare in gloriam suam? Et alibi, Filius hominis (inquit) ministrari nõ venit, sed ministrare, & dare animam suam in redemptionem pro multis. Neque ignorabat Propheta Esaïas, quid loqueretur, cum in spiritu venturum illum prævidens, virum dolorum appellaret, & scientem infirmitates. Est ergo prædicta pia patrum assertio rationabilis omnino, & pietati consona, ac præter hoc ratione etiam & auctoritate haud minimum corroborata. Neque nos huius rei tractatum nacti locum tam commodum silentio præterire potuimus, quin suauissimi ac planissime mellei nostri Iesu amaritudines plusquam felleas reduceremus tibi o lector Philochriste in memoriam. Tu verò quæ paucis indicata sunt, quæso latius apud te rumina, ac mentis pariter & affectus in ima reconde.

CAP. XXVII. De conuenientia quinque sensuum ad inuicem.

*Sensus recipit speciem absq; materia.*

**H**Abent autem sensus isti quinque iam secundum particularem determinationem expediti, quædam in quibus conueniant: habent & quædam in quibus differant.

*Primum quidem omnibus hoc est commune, formas siue species rerum absq; materia suscipere.*

Id est, sensibilem speciem & similitudines, absque reali imutatione, aut vllius partis sensibilis, reali intra sese susceptione. Comparatur enim sensus hac in parte ceræ, quæ cum a sigillo impressam sibi recipiat similitudinem, nullam tamē ferri, vel auri, vel alterius vllius materiæ vnde facta est, partem in se accipit, sed absque materia tantum impressam formam siue effigiem. Patet autem hoc experientia in singulis sensibus. Cum enim per visum oculus videt parietem, neque ipse paries, neque parietis vlla pars in oculum recipitur, imò neque ipse color, neque coloris vlla pars, sed tantum species vel similitudo ipsius quæ per medium intra oculum diffunditur, quæ species eius similitudo est, oculo ipsum illud repræ-



repræsentans à quo est impressa, nempe parietis colorem. Sic & in aurem (cùm campanam audit sonantem) neque cāpanæ sonantis, neque aëris sonum habentes, neque etiam ipsius soni pars aliqua ingreditur, sed tantum species soni quæ sonum ipsum repræsentat auditui, & cāpanam facit audiri, à qua diffunditur sonus. Idem & in alijs sensibus dicendum. Ex hoc autem ratio patet, quare plantæ, tametsi animā quādam habeant, nempe vegetatiuam, non tamen sentiunt, quoniam videlicet nullam rem sensibilem valent absque materia suscipere. Potest enim planta in se recipere, & continuo recipit dum nutritur & augetur, qualitates tangibiles, calidum, humidum, frigidum, & siccum. Ex his enim quomodo omnis generatio, ita & omnis nutritio est. Sed ista non recipit absque materia, sed simul cum ea suscipit: ac proinde planta ut nimis terrea & nimium crassa, non potēs absque materia rerum species suscipere, sensitiua iudicatur carere potentia.

CAP. XXVIII. *Sensum corrumpi ab excellenti sensibili.*

*Et etiam omni sensui commune, quòd ab excellentia sui sensibilis corrumpitur.*

Ut excellens lumen corrumpit visum, & sonus excellens auditum, excellens qualitas tangibilis dissoluit tactum. Est enim sensus velut harmoniā quādam atque in mediocritate disposita compositio. Vnde quemadmodum harmoniam concentus dissoluit, qui fides vehementius pulsauerit, & concentus melodiā perturbat: ita excellens sensibile sensus proportionē natum est destruere atque dissipare. Quemadmodum autem concentus saluatur melodia, donec mediocriter pulsantur fides: ita saluus consistit sensus, donec temperatum & mediocre contemperatur sensibile. Dicimus autem in proposito sensibile excellens, quod excedit, exuperat quæ sensus proportionem: ut homini nimia lux aut lumen magis excessiuum quam ferat hominis oculus, cuiusmodi est humano oculo lumen illud, quod directe in Solis rotam insipienti offunditur. Et contingere potest, ut quod huic sit excellens sensibile, alteri non sit excellens: quemadmodum lumen splendentis Solis, hominum & animalium cæterorum plurimorum oculis non est excellens: noctuæ autem oculus est excellens: quapropter ipsum ut sui visus corruptum fugit, tenebrarum querens latibula, donec Sol agit su-

## DE SENSIB. EXTERIORIB.

per terram, Luna autem procedente vel stellis, audet & ipsa procedere, agnoscens sibi temperatum lumen. Quemadmodum autem sensibile excellens sensum corrumpit, ita sensibile ex altera parte nimium deficiens, & nimis parvæ quantitatis, vel intentionis, non est natum sensum convenienter immutare. Sensibile enim minimæ quantitatis, non bene potest à suo sensu discerni.

*Insuper commune est omnibus sensibus habere suum determinatum obiectum, à quo patiantur: suum determinatum organum, in quo operentur: ac medium, per quod ipsorum organa ab obiectis immutentur.*

Ita ut nunquam sensus nisi determinatum suum obiectum percipiat, neq; nisi in suo organo operetur suam sensationē, neq; nisi per medium. Quemadmodum videlicet visus non nisi colorem aut lumen apprehendit, nunquam nisi in oculo visionem efficit, & semper per medium interueniens aëris vel aque. Quod autem vniuscuiusque sit organum, quod obiectum, & quod medium, suprà iam determinauimus.

*Item nullus sensus potest proprii obiecti alterius speciem in se suscipere, neque alienum obiectum percipere.*

Ut visus non potest sonum videre, neque caliditatem, neque odorem, neque saporem: neque olfactus colorem potest odorare, & ita in cæteris.

### CAP. XXI. De alijs quibusdam sensuum convenientijs.

**P**raterea & hoc sensibus commune est, quòd congruam requirunt distantiam sensibilis ad sensum, ut neque nimium distet sensibile à sensu, neque ex altera parte nimium sit propinquum.

Nam sensibile positum suprà sensum (iuxta Aristotelis dictum) non efficit sensationem: quemadmodum videmus de colore proxime oculis admoto, quem absque medio nequaquam videre sufficimus. Et si qualitas aliqua tangibilis immediate super neruum tactus poneretur, non perciperetur à tactu. Atque hinc est, quòd visus (qui in humore crystalino situs est) neq; oculi ad palpebrā, neq; carneā tuniculā, quæ est circa oculos, percipit: neque tactus carnem sentit, qua vestitur ipsius neruus. Si verò plus iusto elongetur sensibile, ut iuxta proportionē sensus ad ipsum nō possit in orga-

*Oculus  
quare non  
videat pal-  
pebram.*

num

um suam speciem imprimere, vel non sufficienter, tunc vel non fit, vel malè, & imperfectè fit sensatio. Oportet ergo esse mediocrem distantiam, iuxta proportionem sensus & sensibilis. Nam in hac re determinata mensura non potest constitui. Quod enim meo visui nimium est distans sensibile alterius visui est proportionatum. Ita fit, ut quod ego vel non ideo, vel admodum imperfectè, id alius perfectissimè certat: cum tamen secundum rem in equali consistamus ab obiecto distantia. Ita eundem sonum, qui melioris est audis, faciliè percipit, quem alius in eadem positus ab obiecto distantia nequit percipere. Et manifestum est, quosdam tamen esse visus, ut de ijs quæ admodum longè distant, rectius iudicent, quàm de ijs quæ minùs distant. Contrà verò, sunt qui parum distantia exactissimè percipiunt, magis autem distantia minimè.

*Est etiam omnis sensus sui obiecti & privationis opposita perceptivus.*

Ut visus lucem percipit & tenebras. Quomodo enim visus e luce iudicat, ita & de tenebris. Sunt enim tenebræ luminis privatio. Verum non sic privatio visum mouet, ut habet visus. Non enim tenebræ videntur per aliquam speciei diffusionem (quam enim speciem de se funderet pura privatio?) sed tantum per absentiam lucis. Tenebræ enim sunt privatio luminis in corpore perspicuo, apto nato suscipere lumen. Sic iudicatur aliquid absconditum, vel insonum, id est, sine sono: itè inodorum & insaporum, hoc est, absq; odore & sapore, per eosdem sensus per quos odorabile & sonorum. Aduertendum quoque est, quod in singulis sensibus terminus significans privationem dicitur tribus modis. Quemadmodum (exempli gratia) inuisibile dicitur tripliciter. Primò, quod omnino videri non potest, ut Deus, Angelus, sonus, caliditas, & huiusmodi. Secundò, quod difficulter videri potest, ut lumen admodum debile, quemadmodum est lumen in umbra per reflexionem, & color admodum parvus & obscurus. Tertiò, quod visui nocet & aduersatur, ut excellēs lumē & improporionatū, quod non absq; dāno cernitur. Sic inaudibile dicitur, quod vel non potest audiri, ut color: vel difficulter, ut sonus nimium tenuis: vel quod prauū habet sonū: Ita inodorabile, & ingustabile, quod omnino odorari vel gustari nequit, aut quod difficulter potest, aut quod prauum habet odorem, siue saporem.

Sic

*Tenebræ  
quomodo  
videntur.*

*Inuisibile  
dicitur tri-  
bus modis,  
ut relique  
termini pri-  
uatiui.*



## DE SENSIB. EXTERIORIB.

Sic & de intangibili dicendum. Cæterum, ipsæ sensus diffinitionibus sunt manifestatæ. Et hæc quidē de sensibus exterioribus & eorū sensibilibus ita declarata sufficiant. Nunc verò ordinato progressu, exterioribus percursis, ad interiores transeamus: ut quomodo mirabilem in externis utcūq; ostendimus naturæ auctorem, sic & in internis nō minus magnum, neque minus admirabilem (quantum dabitur) cōmonstremus: ut sic tã in ijs quæ intrā sunt, quàm in ijs quæ extrā apparēt, glorificetur sapiētia cōditoris nostri, qui & intima & extima nostra, eadem sapiētia cūcta formauit, qui in trinitate, & vnitate viuit semper benedictus in secula. Amē.

## FINIT LIBER NONVS.

### PRO CONSIDERATIONE PARVVL

li in membris oculi, ad gloriam magni artificis  
qui eum admirabilem condidit, Psalmus

**V**enite qui queritis miranda, & videte quod commonstro vobis  
digito ista: pomulum istud parvulum attendite, quod me demonst-  
rante, conspiciatis oculis vestris

Consistite ex aduerso mihi, & lumen oculorum vestrorum (ut si-  
que si libet amborum) defigite in pomulum istud: ecce claudio oculum  
alterum, ut vnum hunc considerare valeatis attentius.

Est ne ex vobis aliquis, qui pomuli huius sufficiat miranda compre-  
hendere: qui explicare ad plenum possit nobis rationem compositionis eius.

Si tu iactabundus asseris posse te omnem eius explicare rationem: age, virum te præbe, & compone nobis aliud simile.

Calidum, frigidum, humidum, siccum, ecce appono tibi in abundantia: fac, si potes, pomulo huic quod tibi demonstrat in meo vertice meus digitus, fac (inquam) si potes, pomum huic simile.

Quid enim? si rationem omnem pernostris cōpositionis eius, & omne comprehendis artificium: præbisti tibi copiosa materia, quid obstat quo minus condus nobis opus simile?

Ecce enim calidum, frigidum, humidum, & siccum apposita sunt tibi, ex his autem est omnis membrorum compositio.

Quod si labori operis non te putas sufficere, elige tibi artifices industrios & operarios fortes: experire in omni adiutorio, nū opus simile poteris efficere?

Ergo

Ergo si fateris supra omnem artis virtutem eminere opus, da gloriam auctori omnium: & fateri minimum esse quod nosti agnosce mihi esse quicquid tibi videris de opere eius cognoscere.

O pomum paruulum. O menbrum pusillum, oculus qui consistis dedicatus in excavata domo tua, in specu mirabili in medio faciei, loconefastissimo: quàm nobilem habes in te virtutem, & quàm admirabilem seruas potentiam!

Inmensio inter vallo super me eleuatur Luna in orbe suo: superas in vniuersam aëris regionem, & ignis globum transcendit per mare.

Sol verò longè scandit altius: ac super hunc incredibili spatio electa stella quæ sunt in firmamento, consistunt immobiles.

Attamen super hac omnia tu conscendis altius, & superas omnia: que tamen (quod est omnium mirabilissimū) locum deseris, in quo posuit altissimus conditor tuus.

In specu vultus excavata, quasi in rupe tua munita manes, & non rederis: transcendis tamen elementa omnia, Lunam, Solem, atque cuncta sydera.

Vere magnus, qui te fecit ita mirabilem, qui talem in te posuit virtutem: si non est ille magnus artifex mirabor ubi inueniemus quem te appellabimus artificem.

Qui talem in te nouit compositionem efficece humidi sicci, calidi, frigidi, ut tali præmineres virtute si non est in illo sapientia, claresco ego quòd nusquam inueniatur sapientia.

O magne Deus, quàm es magnus in omnibus operibus tuis: & in te minimis quàm gloriose te ipsum monstras maximum!

O quam debes esse in te ipso lucidissimus, qui hanc opacam creaturam tuam tali donasti natiuo lumine: ut tanto distàtia intervallo, ut nullo negotio possit percipere.

Potentiam, sapientiam, & omnem perfectionem lux beatissima, o ascribo tibi absque mensura: agnoscat hoc ipsum omnis homo, in quo posuisti dona tua.

Non pergo ego longius, digitum impono ori meo: stupore me obtinuit in præcellentia magnitudinis tue.

Hoc tantum abscedens loquor ad gloriam tibi, multos ego videres hominibus artifices: hæctenus autem non contingit videre tuum uilem.

Gloria patri, & filio, & spiritui sancto.

Sicut erat in principio, & nunc & semper, & in secula seculorum. Amen.

FINIT PSALMVS.

IN LIBRVM X. CONSI-  
DERATIONIS PHYSICAE, DE  
POTENTIIS SENSITIVIS IN-  
TERIORIBVS.

PRAEFATIO.



Amet si magnum videatur stupendumque miraculum in organis exteriorum sensuum de quibus iam in præcedenti libro tractatum est, multò tamen iudicaret homo magis admirandas vires illas, quæ sub osseo capitis tegmine interiùs delitescunt, in abscondita substantia cerebri, si eas posset oculis contemplari, si ipsam **cerebri** substantiam, eiusque nobilissimam complexionem, & admirabilem virtutis dignitatem, cellularumque pulcerrimam distinctionem, & officiorum in diuersis partibus varietatem, oculari posset cognitione deprehendere: quæ tamè vix ulli digna admiratione suscipiunt, propterea quòd abscondita sint ab oculis hominùm & paucissimis vel tenuiter cognita. Post exactam ergo præcedenti libro exteriorum determinationem, volumus suo hunc ordine ad omnipotentis omnium exteriorum pariter atque interiorum conditoris gloriam, de his quoque interioribus sentiendi viribus nonnulla dicere, quantum tenuitas nostri ingenij vel ab alijs tradita capere, vel diligenti consideratione examinata potuerit peruestigare. Postremo loco quædam de somno & vigilia pro loci opportunitate annexuri, cum somnum à natura in sentientibus omnibus ad virium sensitiuarum reparationem à Deo cernamus institutum. Nihil autem est operum Domini, quod non omni sit consideratione dignissimum.

CAP. I. De sensu communi & eius loco atque officijs.

**S**unt autem sensus interiores sensus communis, imaginatiua, phantasia, æstimatiua, memoria, & reminiscencia.

Inter quas potentias primo loco constituitur potentia quædam locum habens in anteriori parte cerebri, ad quam ex omnibus sensibus exterioribus species transmittuntur, omnium illorum quæcunque per sensus externos fuerint apprehensa. Quam ob causam, notissimo nomine sensus com-



munis tam apud Philosophos quàm apud Medicos appellatur, nimirum quòd omnibus exterioribus sensibus æque sit *Sensus communis.*  
communis, quòd æqualiter species omnium exteriorum sensuum suscipiat. Propter quod ab Aristotele comparatur centro circuli, ad quod tendunt omnes lineæ à superficie circuli protractæ. Sic enim omnes sensus exteriores à sensu communi interiori tanquam à centro egrediuntur, & sensoriũ suorum simulacra singuli ad eundem reducunt, per neruos qui à singulis eorum ad ipsum proficiscuntur. Ab oculo enim neruus dirigitur ad anteriorem partem cerebri, itemq; ab aure, à lingua, ab organo tactus, & à neruo tactiuo, qui omnes in parte cerebri anteriori (vbi sic sensus situs est) quasi ad centrum vnum conueniunt. Istique sensus communis iste velut fons, à quo occulto miraculo sensus exteriores profluunt atque procedunt, recipientes videlicet ab eo spiritus sensitivos, per quos suas exercent in suis organis operationes. Ac rursus, quasi finis est eorundem sensuum exteriorum: vt pote ad quem velut ad commune consistorium sua quisque sensata ineffabiliter statim deferunt atque transmittunt. Ad hunc sensum spectat, primum quidem sensibilia prius diuim exterioribus sensibus percepta, pariter velut vnità apprehendere, sicque diuersorum sensuum obiecta adinuicem comparare, vel componendo, vel diuidendo: vt pote iudicando hoc esse colorem, istud sonum, illud odorem: vel hoc esse coloratum, vel album, vel nigrum, illud odoriferum, istud calidum, &c. Item de eadem re potest hic sensus iudicare quòd sit alba, dulcis, calida, humida, odorifera & sapida. Cùm enim in lacte visus touenerit albedinem, gustus dulcedinem, tactus caliditatem, odoratus bonum odorem, sensus communis acceptis singulorum sensuum particularibus iudicijs, ijsque in vno simul compertis & adinuicem collatis, iudicat lac istud esse album, calidum, dulce, & odoriferum. Deinde per eundem hunc sensum iudicat homo se videre, audire, gustare, tangere, odorare, & sic de omnibus actibus omnium sensuum exteriorum. *Hæc Sensus communis officia.*  
enim sunt duo sensus huius communis officia, videlicet sensibilia exteriora sensibus exterioribus diuim percepta vna apprehensione cognoscere, & de actibus sensuum ipsorum iudicare.

C A P. II. *Necessitas ponendi sensum communem di-*  
*stin-*

# DE SENSIB. INTERNIS

*strictum à sensibus exterioribus.*

*Sensus communis necessarius.*

**N**Entrum autem prædictorum officiorum per vllum sensum exteriorum potest fieri. Impossibile namque est, ut sensus aliquis exterior sensibilia diuersorum sensuum diiudicet comparando adinuicem. Non enim potest sensus aliquis diiudicare, distinguere, & comparare aliqua adinuicem, nisi vtrunque cognoscat: quemadmodum non possum inter res duas discernere, nisi vtrunque cognoscā. Cum ergo sit impossibile, sensum aliquem exteriorum diuersorum sensuum obiecta apprehendere (nam quisque suum tantum obiectum apprehendit) consequitur, fieri nequaquam posse ut sensuum exteriorum aliquis inter obiecta diuersorum sensuum discernat. Et tamen id animali erat necessarium, posse inter sensibilia diuersa discernere. Oportebat ergo talem aliquem communem sensum poni, qui sensibus exterioribus excellentior, de eorum sensatis ferret iudicium. Alioqui quid opus fuisset diuersis sensibus ad distinctè percipiendum sensibilia, si non esset qui potuisset inter ea discernere? Quod si quis dicat, pluribus sensibus posse hanc fieri sensibiliū distinctionem, vno sensu vnum obiectum, altero alterum cognoscente: an non id videbitur ad distinctionem posse sufficere? Minimè. Quemadmodum enim impossibile est duos homines ferre de rebus diuersis iudiciū, nisi vtrique tota sit causa cognita, nisi adinuicem communicantes in comune conferant vterque suam cognitionem, neque sufficit, quod hic illius, iste alterius causam probissime norit ad recte discernendum atque diiudicandum: ita nequaquam sufficere potest sensuum diuersitas, ad sensibilibus diiudicationem, nisi vnus sit superior iudex, ad cuius consistorium & cognitionem pariter omnes sua sensata adducant. Iterum officium illud iudicandi de operatione sensus: ut cum homo apprehendit se videre, audire, &c. nequaquam sensui exteriori potest competere. Non enim potest visus cognoscere se videre, neque auditus cognoscit se audire, Cum enim obiectum visus sit color vel lux, consequitur nihil posse videri aut visu percipi, nisi quod color est vel coloratum, aut lux vel lucidum. At verò visio (quæ est operatio visus) neque color est, neque colorata, neque lux est, neque lucida. Quo pacto ergo sensu visus percipietur? quomodo fiet ut possit videri? Ita & de alijs sensuum operationibus in analogia ad suos sensus, proportionabili-

ter est dicendum.

*Vnde communis est regula, quòd nullus exteriorum sensuum super suum actum reflectitur.*

*Regula cō-  
munis de  
sensibus.*

Reflecteretur autem super suum proprium actum, si visus posset percipere se videre, vel auditus se audire, &c. Sensus ergò communis ponendus est, qui de operationibus singulorum exteriorum sensuū possit iudicare. Percipimus enim per sensum communem nos videre, dum ab oculo simulacrū rei visæ ad ipsum transit. Ponitur autem hæc virtus in anteriore parte cerebri, cellulam habens satis amplam, in loco ubi concurrunt nervi sensitiui quinque exteriorum sensuū, qui locus admodum medullosus & humidus est. Nam humido perficitur, eò quòd humidum facillè sit perceptivum. Hoc est autem potentia huius officium, omnium sensibiliū formas mori, ut exterioribus sensibus fuerit sensata, suscipere. Quamobrem iuxta huius partis bonam dispositionem, iudicamus homines esse faciliis capacitatis & bonæ apprehensionis, bonique iudicij. Vnde Physionomi tradunt, & mō strat experientia, faciliis apprehensionis esse, qui frontē habent cornutam: quod non dubium est ratione bonæ dispositionis cerebri in hac anteriori parte provenire. Contrā verò qui fronte sunt obtusa & nimium rotunda, malè iudicantur apprehensionis, quòd cerebrum in hac cellula non habeant sufficienter dispositum. Denique & in vulgato proverbio receptum est, ut homines rudes & iudicio carentes, dicamus carere sensu communi.

*Frons cornuta quale  
signum.*

CAP. III. De virtute imaginatiua, eiusq; officio, & loco.

**P**ost hunc sensum communem proxima est alia quædam potentia, ordinata ad conseruandas species in sensu communi à sensibus exterioribus receptas. Sensus enim communis in præsentia obiecti exterioris sensati, speciem illius recipit, simul ut exteriori sensu percipitur. Sed non est eius officij, species istas abcedente obiecto, & exteriori sensu à sua operatione desistente, in sese conseruare: sed ad alteram spectat potentiam sibi proximam, quam imaginatiuam appellamus. Est enim hæc imaginatiua velut cellarium, specierum à sensu communi præsentis obiecto susceptarum conseruativum atque conseruativum: propter quod, vulgò thesaurum formarum eum appellant. Quemadmodum autem sensus communis (cuius est recipere) perficitur humido, ita hæc

*Imagina-  
tiua.  
Imaginati-  
ua, cellariū  
sensus com-  
munis.*



## DE SENSIB. INTERNIS

potentia perficitur siccitate quadam & duritie ad benè conseruandum. Nam sicut humidum benè recipit, ita siccum benè conseruat. Et vbi cum humiditate moderata fuerit siccitas, non omnino malè recipiet, neque malè seruat. Consistit autem hæc virtus simul quidem cum sensu communi, in anteriori parte cerebri, ac velut in protra capitis: estque locus ille cerebri in quo consistit imaginatiua, minus medullosus, minusque humidus, & aliquatenus magis siccus, quam sit pars illa, cuius sedes est sensus communis. Non enim talis intelligi debet hæc siccitas, quasi in parte ista cerebri, omnino debeat dominari. Est enim id contra rationem cerebri, quod de se frigidum & humidum est: sed hoc tantum volumus, partem illam esse minus humidam & medullosam, atque ita aliquo modo magis siccam & magis duram, quam sit altera pars anterior. Ex prædictis ergo patet differentia inter sensum communem & inter hanc imaginatiuam potentiam. Sensus enim communis presente exterius obiecto, suscipit suam speciem ab exterioribus sensibus ad se transmissam: sed non conseruat in obiecti absentia. Vnde in hoc cum exterioribus sensibus aliqua ex parte communicat, & egeat præsentia obiecti. Imaginatiua autem, species & simulacra rerum sensatarum retinet & conseruat. Vnde cum in absentia rem ipsam statim apprehendimus, non sensus communis, sed huius imaginatiuæ est operatio. *Quæstio* tamen moueri solet, an sensus communis ad nullam moram possit species susceptas in absentia obiecti in se retinere: quibusdam dicentibus, quod omnino nō possit nec ad tempus modicum, quemadmodum neque sensus exterior. Alijs contrarium sentientibus, quod ad tempus aliquantum possit speciem susceptam retinere, & circa ipsam operari, per eam de re sensata etiam absente iudicando: maximè donec alia non adueniat, quæ ipsam expellat, sibi que cedere cogat.

### CAP. IIII. De potentia aſtimatiua.

*Aſtimatiua.*

**P**ost imaginatiuam istam (de qua iam dictum est) ponitur virtus alia, cuius est officium ex speciebus in imaginatiua seruatis elicere intentiones non sensatas, id est, nullo sensu alio perceptas, videlicet neque exterioribus sensibus, neque sensu communi. Quemadmodum (exempli gratia) ouis per sensum exteriorem visus apprehensa forma lupi, eaque ad sensum communem transmissa, & ad imaginatiuam deducta,

non

non ibi sistit, sed ex specie formæ lupi intra imaginatiuam suscepta elicit intentionem & existimationem inimicitæ, propter quod etiam mouetur ad fugiendum à conspectu eius. Hæc autem intentio siue existimatio inimicitæ à sensu alio percepta non fuit. Nam visus non videt amicitiam, aut inimicitiam, neque etiam sensus communis, cum sensus communis non nisi ea, quæ per sensus exteriores sunt sensata comprehendat. Imaginatiua verò noui nihil fabricat, neque nouas elicit intentiones, sed ea tantum quæ sibi à communi sensu transmittuntur, seruanda custodit. Oportet ergo, præter hætenus enumeratas potentias, aliam esse posteriorem prædicta imaginatiua, quæ ex speciebus in ea seruatis non sensatas intentiones (iuxta specierum naturam & conditionem) possit elicere. Per eandem hanc potentiam ouis audiens vocem nati sui miserabiliter balantis, ex specie vocis intra imaginatiuam suscepta, elicit intentionem & existimationem defectus pabuli: atque ita mouetur ad præbendum vbera: qui quidem pabuli defectus, nullo sensu fuit ab oue perceptus. Sic pulli gallinæ audientes matris vocem, eliciunt intentionem congregationis sub alas ad quas proinde confugiunt. Ita canis videns præbentem sibi alimenta aut blande colludentem, elicit intentionem amicitæ, & cauda applaudit. Vides tamen subsannantem aut sentiens percutientem, elicit intentionem inimicitæ, contractisque naribus hostiliter aduersus illum latrat, aut etiam si potens est, ferociter insurgit. Ita odore percipiens cibum bonum, ex ipsa odoris specie elicit intentionem cōuenientæ, aut disconuenientæ, iudicans scilicet hunc cibum sibi esse conuenientem aut disconuenientem. Harum autem intentionum aut existimationū nulla sensu est perceptibilis. Est autem hæc potentia secundum quam animalia bruta ad cōuenientes sibi actiones mouentur, mouendo videlicet se secundum locum, aut alia quælibet operando, secundum suæ naturæ conditionem. Per hanc enim prosequuntur quæ sibi conuenientia sunt, & ad ea secundum locum se mouent: detestantur verò & fugiunt ea quæ sibi sunt disconuenientia: agunt quoque ea quæ per hanc potentiam ex speciebus perceptis eliciunt agenda. Quemadmodum in exemplis supra positis, ouis lupum (quem inimicum iudicat) fugit: nato vero (quem dilectum & indigentem iudicat)

*Quomodo  
estimatiua  
intentiones elicit  
non sensatas.*

*Æstimatiua in animalibus principium motus.*

vera præbet ad cibum (quem conuenientem visu vel olfactu percipit) sese mouet canis, amico applaudit, verbera minantem fugit, domino suo & benefacienti applaudit cauda, & amice sequitur: alienum verò, & quem inimicum reputat, iracundo latratu hostiliter insequitur: atque ita in cæteris. Quapropter hæc virtus æstimatoria non solum apprehensiuæ, sed etiam motiuæ.

CAP. V. *Duplex est modus æstimatoria potentia in operando, vel mouendo.*

*Per æstimatoriam aues indificant.* Sicut autem quædam animalium operationes, in quibus secundum istam potentiam mouentur quidem, sed aliter quàm prædicto modo. In exemplis enim suprapositis, per intentiones elicitas à rebus sensatis diximus animalia moueri ad tales vel tales operationes siue motiones, in quibusdam verò tanquàm secundum naturæ instinctum, & impressionem naturalem æstimatoriæ inditam operantur atque mouentur: quemadmodum aues secundum naturalem impressionem certo anni tempore ad generationem à natura statuto nidos sibi construunt, formicæ congregant per æstatem, quod per hyemem comedant, apes mellificant & structuras mirabiles extruunt, aranea texit telam, animalia perfectiora certis temporibus coeunt generationis gratia, atque ita in alijs huiusmodi. Hæc autem non videntur ex vllis sensatis per æstimatoriam in animalibus elicita. Quod enim avis ista æstimat, siue iudicat, nunc esse ædificandum nidum, & ex tali materia taliqûe forma & ordine, id ex nullius rei sensatæ specie elicit. Neque enim dici potest, ita hoc eam agere aut iudicare ex eo quod aliàs vidit suæ speciei aues similia similiter agere. Manifestum namque est, quod ex naturæ instinctu id faceret avis, etiam si nunquam id ab alijs suæ speciei antè conspexisset. Et manifestum est non tam disciplinabilia esse volatilia, vt tam artificiosam structuram ad vnum conspectum possint addiscere, quam nec artifex industrius multa consideratione posset assequi. Nequaquam ergo ex rei prius sensatæ specie istas eliciunt intentiones. At tamen per æstimatoriam hanc potentiam in his agendis mouentur, sed alio modo. Est enim eis naturalis impressio, quæ æstimatoriam naturaliter mouet ad ea sic certo tempore, certo modo, & ex certa materia peragenda. Propter quod videmus omnia animalia eiûsdem speciei consimiliter operari eodem



dem tempore, eodem modo, & ex eadem materia. Natura enim in omnibus vna est. In ijs verò in quibus mouentur secundum proprias intentiones, iuxta primum suprapositum modum elicitæ, non vno eodemque modo, neque omni tempore similiter agunt. Videmus enim canem, qui dum esurit ad alimentum odore tractus accurrit, postquam saturatus fuerit, nihil cibi odore amplius permoueri, nec vltra accurrere: nimirum quia id quod prius iudicabat conueniens & prosequendum, iam non vltra tale æstimat. Ob hunc autem supradictum duplicem modum mouendi secundum æstimatoriam potentiam, quidam eam diuidunt in æstimatoriam naturalem & animalem. Ex prædictis patet manifesta differentia inter æstimatoriam & imaginatiuam. Ad imaginatiuam enim solam non sequitur prosequutio, aut fuga, licet possit sequi delectatio vel tristitia: vt cum homo tantum imaginatur aliquid, videlicet magnificas epulas, amplos honores, multas diuitias, potest in eorum sola imaginatione delectari, quemadmodum econtrario ex sola imaginatione terribilium rerum, vt mortis, suspensionis, combustionis, potest contristari. Nunquam autem ex sola imaginatione oritur in animali prosequutio, aut fuga, nisi accedat æstimatorie potentie iudicium. Sic enim est imaginatio nuda, quomodo inspectio alicuius picturæ: quæ quidem si fuerit pulchra, & delectabilis rei representatio, poterit efficere delectationem: si autem horribilis fuerit, poterit efficere horrorem. Nemo verò ex hoc mouetur. Veluti si picta in lance poma aspiciam non oritur prosequutio, neque mitto manum ad ea accipienda. Et si conspiciam inferni caminum magno hiatu flammam emittentem depictum in tabula, non fugio, neque manum retraho. Non est enim illic æstimator conuenientis, neque hic disconuenientis: propter quod prosequutio non oritur nec fuga. Pueros verò cernimus subinde paruulas manus ad poma in lance depicta extendere, quod secundum æstimationem iudicent poma esse manducabilia, quæ admodum prosequuntur. Secundum eundem modum, meticulosi homines cum in tenebris existentes de rebus horribilibus cogitant, frequenter aut exclamant, aut fugiunt, quod quasi præsens aliquid terribile sibi existiment, utpote speciem defuncti alicuius, aut cacodæmonem.

*Differentia  
inter æsti-  
matoriam et  
imaginati-  
uam.*

*Nota.*

*te species.*

**E**st autem huius æstimatorum potentia, non solum elicere intentiones non sensatas, verum etiam species in imaginatiua seruatas ad inuicem componere, diuidere: ut cum ex compositione specierum motus & auri aliquando per se & diuisim sensatorum fingimus nobis montes aureos: & ex specie Indiarum vel Arabiarum, de qua aliquando loquentes audiui-  
mus, simul cum prædictis composita, fingimus montes aureos, in India vel Arabia. Ita agit in sensu exteriori pictor, cum exterius in tabula quam pingit, humano capiti (iuxta illud Horatianum) ceruicem iungit equinam, & varias rerum tentat coniungere formas. Ita phantasiatur hominem sine capite, domum sine tecto, equum sine ventre, & huiusmodi. Et in prædictis quidem comparat species diuersas ad inuicem. Componit etiam hæc virtus res sensatas vel species earum, cum intentionibus elicitis, & non sensatis. Ut cum ouis iudicat lupum esse inimicum. Lupi enim habet speciem quem vidit, inimicitiam autem elicit ex figura. Interdum verò intentiones cum intentionibus coniungit, ut cum iudicat inimicum hunc fugiendum, cum iudicat hunc beneficium sibi pastorem esse assequendum, alienum verò non sequendum, sed fugiendum. Quidam autem hoc officium diuidendi & componendi attribuant alteri potentia, quam ab æstimatorum putant esse distinctam, appellantes eam peculiari nomine phantasiam. Nobis tamen in proposito magis placet, ut phantasiam cum æstimatorum eandem potentiam reputemus, quam nihil refert æstimatorum an phantasiam appellemus. Neque enim ratio sufficiens videtur, ob quam necessariò ponenda sit harum virtutum distinctio. Nihil enim prohibet unam esse eandemque potentiam, quæ & non sensatas intentiones ex speciebus rerum sensatarum eliciat, & species vel intentiones ad inuicem componat atque diuidat. Imò admodum conuenienter hæc videntur uni conuenire potentia. Ovis enim componendo intentionem amicitia cum forma lupi, sic iudicat lupum esse inimicum & fugiendum. Et sciendum quod hæc interiores potentia admodum diuersis appellationibus à diuersis nuncupantur. Quidam enim, secundam potentiam suprapositam vocant phantasiam, & hanc virtutem tertiam componentem & diuidentem appellant imaginatiuam. Vnde vulgò dicere solent Medici, quod imaginatio faciat casum: quod de

*Phantasia.**Diuerse harum potentiarum appellationes.*

phan-

phāraſia intelligūt. Alij vero malūt ſecundā illā vocare inaginatiuam, & meo ſanè iudicio rectius ab imaginibus videlicet & ſimulacris quæ conſeruat, hoc eſt, à ſpeciebus rerum ſenſatarum. Hanc autem tertiam, rectius vocant æſtimatiuam, ab æſtimando ſiue iudicando. Per hanc enim iudicant animalia & æſtimant quid fugiendum, quid proſequendum, ad quid accedendum, à quo recedendum, quid amicum, quidūe inimicum, vt per huius iudicium omnino ſe regunt atque gubernant animalia. Ariſtoteles verò plerumque inaginatiuam & phantaſiam pro eodem videtur computare, & nunc quidem ſecundam potentiam intelligere, interdū tertiam. Aut enim, animalia per phantaſiam vel imaginatio nē moueri. Moueri manifeſtum eſt autem ad æſtimatiuam hoc pertinere. Alibi autem dicit, æſtimatiuam ab imaginatione differre. Et quoniam tam diuerſa in his appellatio eſt, vt facile poſſit conſuſionē gignere, certius poſſunt hæ vires à ſuis officijs denominari, & ſecundum officiorum expreſſionē diſtingui, quàm ſecundum alias apellationes.

CAP. VII. *Quòd æſtimatiua eſt in homine aliquanto nobilior.*

**C**onſiderandum eſt autem, quòd quantum ad formas atque ſpecies ſenſibiles, non eſt differentia inter homines & alia animalia, cū ſimiliter ab exterioribus ſenſibilibus immutentur, primum videlicet in ſenſum exteriore impreſſa ſpecie, ac deinde ad ſenſum communem tranſmiſſa, & in inaginatiua ſeruata. Sed quantum ad intèriones prædictas, inter hominem & cetera animalia eſt differentia: quòd animalia cetera percipiunt huiusmodi intentiones ex quodam naturali inſtinctu, quemadmodum ouis ex ſpecie lupi naturaliter fugam elicit, iudicatque ſibi fugiendum tali forma apprehenſa. Homo verò tales intentiones elicit per quādam collationem. Et ideo illa quæ in alijs animalibus dicitur æſtimatiua ſolum, in hominibus aliquanto altiori denominatione cogitativa recte appellatur, quòd per collationē quandā huiusmodi intentiones adinueniat. Vnde etiam interdum ratio particularis appellatur. Eſt enim collatiua intentionum indiuidualium, ſicut ratio intellectiua vniuerſalium. Vnde homo ex apprehenſione formæ lupi, non naturaliter mouetur ad fugam. Nam ſi videat eum ligatū catena forti, aut alio modo conſtrictum, vt non timeat nocumentū, non ſolum nō fugiet ab eo, ſed etiam accedet ad vidēdū &



contemplandum propius, tanquam dignum curiosa inspectione spectaculum. Verum per quandam collationem, dum videt eum ad se hostiliter accurrere, & conspicit fortem impetuosè accurrentem, apprehenditque vte fortio rem & à quo timet superari, ita fugam eligit, aut resistantiam, iuxta quod (facta collatione) magis videtur eligendum. Subseruit quoque hæc potentia rationi, cum illi fuerit coniuncta, vt in hominibus. Per eam etiam ratio & intellectus dirigit hominē in omnibus actionibus particularibus, quæ ad corpus spectant. Quomodo etiam intellectui ad intelligendum subseruit, dicitur posterius suo loco.

## CAP. VIII. De loco &amp; dispositione huius æstimatoriæ.

*Æstimatoria  
cur posita  
in medio  
cerebri.*

**H**abet autem potentia ista phantastica & æstimatoria locum in medio ventriculo cerebri, sita in medio, inter memoratiuam à parte posteriori, & imaginatiuam ex parte anteriori tanquam indifferenter ad vtramque sese potens cōuertere. Nā circa species quæ in imaginatiua seruantur, manifestum est eam operari, dum ex eis (vt iam diximus) elicit intentiones non sensatas, dū (species illas componendo & diuidēdo) format sibi quas vult imagines & intentiones. Ad memoriā verò se conuertit, quando in ea (vt posterius dicemus) suas intentiones reponit, & quando vult, rursus eas inde accipit vt circa eas phantasiatur. Medius autē cerebri ventriculus in quo hanc potentiam sitam dicimus, locus est admodum calidus, ad quem multi spiritus continuò ascendunt: propter quod in continuo motu est, plusquam aliæ vires prædictæ. Atque hinc experimur mirabilem huius potentiæ in phantasiando, componendo, & dijudicando celeritatem & instabilitatem, & facilem de vna ad aliam transitum. Maximè verò febricitantes id experiuntur, propter spirituum inflammatorum continuam sursum agitationem, qui in phantasia operantur mirabiles compositiones & diuisiones. De virtute autem huius potentiæ, miranda tradunt Medici, quòd frequēs in humanis corporibus ex ea fit realis immutatio, quemadmodum etiam quotidiana nos docet experientia. Illi verò qui hanc potentiam (quam vt vnā tractauimus) in duas malunt diuidere, priorem vocant phantasiam, quæ componit & diuidit species in imaginatiua seruatas: posteriorem verò dicunt æstimatoriam, quæ (vt dictum est) intentiones elicit ex speciebus in imaginatiua seruatis.

*Phantasia  
& æstimatoria  
officiū*

## CAP. IX. De memoria sensitiva.

**Q**uomodo autem sensum communem diximus habere proximum sibi repositorium suarum specierum à sensibus exterioribus susceptarum : ita & hæc vis æstimatiua proximum sibi habet à posteriori parte cellarium, atque repositorium suarum intentionum à speciebus imaginatiue per compositionem & diuisionem elicitarum: Quemadmodum enim necesse fuit sensum communem habere tale repositorium, eò quod ipse species in absentia diu seruare nō posset, propter continuò noua occurrentia sensibilia, atque etiam propter complexionem organi sui, quod ad suscipiendum, non ad conseruandum est à natura dispositum: ita virtuti æstimatiuæ necessarium fuit habere cellarium, in quo suas intentiones recoderet, eò quod non posset in se eas diu cōseruare, propter cōtinuā aliarum aduentantiū susceptionem atque efformationem : propter quod adiunctum debuit habere tale cellarium, in quo iam elicitas intentiones absconderet, ac veluti in thesaurario reponeret, ad quod oportuno tēpore posset recurrere, quoties sibi placitū esse huiusmodi intentiones resumere. Hæc autē virtus intentionum eiusmodi sic conseruatiua appellatur memoria siue vis memoratiua, quæ ob causam prædictam rectè thesaurus intentionum potest appellari, sicut imaginatiuā nuncupare solet thesaurum formarum. Quemadmodū enim imaginatiua conseruat species rerum, sic memoria conseruat intentiones specierum. Licet autem vtrūque hoc cellarium (imaginatiuæ scilicet & memoriæ) deseruiat æstimatiuæ siue phantasie, memoria, tamen præcipuus ipsius est thesaurus. Et (vt manifesta id comparatione ex sensibilibus declarem) imaginatiua comparata ad æstimatiuam velut fouea est, vnde effodit homo argentum vel aurum, & tanquam ager in quo metitur frumentum: memoria verò est tanquam arca in quam effossum infertur atque reconditur aurum vel argentum, & tanquam horreū in quod congregatur frumentū ab agro. Quo modo enim ex terræ venis effoditur aurum, sic ex speciebus imaginatiua seruatis æstimatiua elicit intentiones. Et quomodo aurum effossum infert homo in arcam, sic erutas elicitasque intentiones recondit in memoriam.

Memoria.

Cōparatio  
pulcra.

## CAP. X. Virtutis memoratiuæ locus quis, &amp; quomodo dispositus.

*Triplex  
memoria  
acceptio.*

**A**ccipitur autem nomen Memoria tripliciter. Primum, pro ipso actu memorandi, cum videlicet ad intentionē seruata in memoria phantasia excitata, actu rei præteritæ recordatur. Secundò, pro habituali memoria, quomodo rem illam dicimur vulgò habere in memoria, cuius intentionem sic seruata apud nos habemus, vt cum voluerimus, possumus actualiter de ea meditari, vel phantasiari, etiam si actu nihil de illa cogitemus. Tertiò (vt in præsentī loco principaliter oportet accipi) pro ipsa virtute & potentia, quæ intentiones ab æstimatione accipit & retinet. Quæ quidem virtus locum habet in posteriori parte cerebri, & est nouissima potentiarum interiorum. Vnde ex occipite, phisyonomi rectè coniungunt memoriam. Qui enim bonum occiput habent, & quasi tumorem quendam magnum in occipite, hi plerunque bonam habent vim memoratiuam, quemadmodum experientia ad oculum mōstrabit animum aduertenti. Et quoniam siccū est bene conseruare, oportet hanc partem cerebri magis siccam esse, & aliquantulum duram, minusque humidam, & mollem quàm sint partes aliæ cerebri priores. Neque sufficit siccitas talis & durities, qualis est in parte imaginatiuæ, sed est subiectum memoratiuæ maioris siccitatis quàm imaginatiuæ. Nam imaginatiuæ non incumbit tam diu seruare susceptas à sensu communi species, quam retinere debet memoratiua suas ab æstimatione vel phantasia acceptas intentiones. Imaginatiua enim maxime propter phantasiā siue æstimationem est, vt tamdiu teneat species rerum, donec cōuenienter phantasia intentiones eliciuerit, & velut negotiata operataque fuerit circa eas. Non autem propter sensum communem, vt ipse rursus inde accipiat in rei absentia sensationem. Memoratiua verò ordinatur ad firmam retentionem intentionum susceptarum, quas in ea recondit æstimatione, vt post longum etiam tempus (cū opportūm fuerit) possit hæc ad illā habere recursum, & velut depositum reposcere, cū iterum vti placuerit. Vnde hæc virtus memoratiua, dici debet præcipua virtus conseruatiua.

*Celeriter  
apprehen-  
dentes, ma-  
la sunt me-  
moria.*

CAP. XI. De memoratiua virtutū diuersitate ex organi dispositione.

**E**X prædictis de perfectione memoriæ in siccitate patet ratio, quare ij qui excellenter sunt bonæ apprehensionis, plerunque non admodum valeant memoria, quoniam vide-

lice-



licet in eorum cerebro nimia est humiditas, à qua boram illam & celerem habent apprehensionem. Illi verò qui mediocris, & vtcunque tardæ sunt apprehensionis, plerunque magis pollent memoria. Nam tarditas illa apprehensionis, argumentum est maioris siccitatis: quæ tarditatem illam efficit in apprehendendo, in conseruando autem apprehensa, confert. Illi verò qui omnino sunt non dico tardæ, sed malæ apprehensionis, vt sunt nimium hebetes, quibus vix quidquam potest imprimi, nequeunt esse bonæ memoriæ propter nimiam duritiem, quæ difficillimè recipit impressionē.

Possumus autē memoriæ differentias, secundum diuersitatem sigillatis impressionis distinguere, hoc modo. Sigillū enim si imprimatur in materiam valde mollem, suscipiet quidem facilè impressionem, & figuram accipiet à sigillo impressam, sed nimium leuiter ab ea deperibit, neque est impressio stabilis. Ita sunt quidam quibus ob nimiam humiditatem substantia cerebri est nimium mollis. Et hi facile quidem recipiunt impressionem, intentionemq; transmissam à phantasia citò suscipiunt (quemadmodum facilè est in luto imprimere vestigium) sed non diu retinēt quod impressum est, moxq; eius obliuiscuntur, & euanesceat quod fuerat memoriæ commendatū. Si verò materia sigillāda sit nimium dura (vt pote cornea) adeò vt vix possit qualemcunque suscipere impressionem, ne sic quidem bona erit conseruatio, eò qd sufficiēter non potuerit imprimi imago. Atq; huiusmodi sunt, quibus est cerebrū nimis durū, vt vix suscipiat à phantasia impressionē, aut nimis tenuiter suscipiat. Quæ impressio quoniā nimium superficialis est, facile obruitur: quemadmodum in tenaci & cōpacta terra modice impressum vestigium, quanquā magna violentia impressum, facilè tamen oppletur puluere, nec perdurat ad vllum tempus. Si verò in materiā satis mollem, non tamen nimis mollē, sed vtcunq; duram, fiat impressio, apta ac bona erit sigillatio. Efficiet enim mediocris mollities (quæ ex temperata est humiditate) vt ad suscipiendum sit materia idonea. Mediocris autem durities (quæ ex mediocri est siccitate) hoc præstabit, vt firmum permaneat quod est impressum. huiusmodi sunt, quibus subiectū memoratiuæ bene temperatū est, vt neque nimis durum sit, neq; nimis molle. Hi enim non difficulter recipiunt impressionem, & difficulter deleri, auferriq; permittunt quod

*Comparatione sigillati multiplex ostenditur memoria.*

fuerit impressum. Quorundam verò memoria secundum aliquid bona, & secundum aliquid mala dicitur. Qui enim ita durum habent cerebrum, vt difficulter satis impressionē accipiant, non tamen ita durum, quin forti impressione (id est, magno labore, & longa frequentique meditatione) bene possint & perfectè tandem imprimere, non minus etiam quam alij qui videntur facile receptiui: hi secundum aliquid mala dicuntur esse memoria, quatenus nimia exigitur difficultas in imprimendo. Non tamen omnino mala, sed secundum aliquid bona, quatenus videlicet id quod ita magno labore & diligentia (bene tamen & perfectè) acquisierunt, felicissimè retinent, vt per omnē vitam vix possint obliuisci.

*Quod labore multo acquiritur, stabile est.*

Atq; huiusmodi videmus nonnullos, ea quæ antè multos annos improbo valde labore memoriæ insculpserūt, potius quàm impresserunt, in longam ætatem ea ipsa optime tenere: adeo vt iam senes possint grammaticorum rudimentorum canones quasi ex recenti depromere memoria. Est autem hoc signum magni laboris, quem in huiusmodi ediscendis impenderunt adolescentes. Nam quæ paruo negotio ediscuntur, memoriæ quæ imprimuntur labore modico, hæc vt plurimum facile excidunt, iuxta quod vulgò dici solet, cito deperire, quod cito acquiritur: contrà verò, fixius hære quæ cum difficultate acquisierimus.

CAP. XII. Senes & pueri quare non bene memorentur.

EX his patet ratio, ob quam senes plerunque videmus esse obliuiosos, ac male memoriæ. Facit enim in eis continuus defectus humiditatis, & nimia exiccatio cerebri, pariter & frigiditas calore naturali deficiente nimium excrefcens, vt cerebrum plus iusto exiccatum & induratum, non bene possit impressiones suscipere. Propter quod (vix tenui relicto vestigio intentionis impressæ) facile ipsum obliteratur, quemadmodum suprà diximus, de ijs qui sunt supra modum hebetes. Intelligimus autē hanc malā memoriā in multū senibus, quantum ad ea quæ in senectutis tempore commendant memoriæ. Nam ea quæ in adolescentia siue in iuuentute ætateque virili (cum adhuc valerēt vigore corporis) memoriæ impressa vsque in senectutem seruauerūt, ea tenacissime retinent, neque obliuiscuntur facile. Quod enim cerebro (donec molle esset ac bene dispositum) bene perfectèque semel fuit impressum, in senectute quanquam dure scat

atque

*De memoria sensu non oatu digna.*

atque exiccetur, nihil per hoc impressioni nocetur, imo magis ipsa videtur hac ratione firmari. Quemadmodum (exempli gratia) si in certam iam mollem imprimatur sigillum, atque ac plene ipsa suscipiat imaginem, impressa autem convenienter imagine fingamus ceram illam in modum cornu indurescere, manifestum est, per hoc susceptæ figuræ nullū fieri detrimentum. Imò verò sit tanto ipsa firmior atque solidior, quanto magis induruerit materia. Cæterum, quod ad nouas impressiones attinet suscipiendas, nihil dubium est, duritiem istam superuenientē magnum præstare impedimentum. Atque ita profecto se habet senū memoria. Pueri verò, propter rationem contrariā, memoriam in principio nullam habent, vel admodum modicam, propter nimium humiditatis excessum, quæ in eis maximè abundat in annis prioribus. Impedit enim ista ne impressionem possint retinere, quoniā humidum malè retinet. Imò verò cū nimia fuerit, impedit etiam susceptionem. Quemadmodum videlicet si in aquam aut lutū nimia cōmistū aqua sigillū imprimas, nulla relinquitur impressio. Tametsi enim verum sit humidū esse bene susceptiuum, id tamē intelligi debet de mediocriter humido. Oportet enim tantā esse siccitatem, vt sufficiat ad suscipiendum. Arist. verò in lib. de memoria & reminisc. aliam assignat in senibus & infantibus causam vtrisque communē, videlicet quod in continuo sint motu: illi quidē, propter decrementum: hi verò propter augmentū. Videbitur ita men- diligentius rei veritatem contēplanti, causa alia superius assignata esse potior, magisquæ præcipua.

*de puerorū  
memoria.*

CAP. XIII. *Quare quadam memoria diutius inhereant, quadam citius abeant.*

**N**on solum autem inter homines diuerfos secundū organī diuersam dispositionem consideramus memorię diuersitatem, verū etiā in eadem memoria quædam attēdimus fixius hærentia, quædam citius euanescētia. Nā id vniūquenque in sese docet experiētia, quædam eorum quę cogitauimus, aut cognouimus hære diutius, alia ocys effugere. Huius autem potissima causa esse videtur bono & fortis in memoriam impressio. Quantò enim fortius aliquid in memoriam impresseris, tantò minus potest effugere. Cōtingit autē id dupliciter. Primū quidē vnica vehemēti impressione cū intentio ipsa multa vehemētiq; sp̄ritu & phantasia



tasia in memoriam deferatur, illique à phantasia seu æstima-  
 tiua diligentissimè commendatur, & velut in profundo col-  
 locatur, fortiterque ex phantasia vehementi ad id ipsam cõ-  
 uersione memoriæ infigitur. Ac tunc quidem ita se habet  
 phantasia, tanta diligentia & vehementia memoriæ hanc re-  
 sic commendâs quomodo solent homines rem quam nequa-  
 quam perditâ, vellent custodibus magna attentione & mul-  
 ta vehementia fideliter commendare. Et quomodo ea quæ  
 bene seruata volumus, & nequaquam perdis sustinemus, in  
 profundo & in intimis penetralibus reponimus (quæ e-  
 nim in propatulo aut in ipso statim vestibuli ingressu ex-  
 posita sunt, facilè auferuntur) ita ea quæ volumus nobis ex-  
 cidere, & de quibus aliàs aliquando phantasiari volumus  
 atque cogitare, quasi in profundo reponimus memoriæ.

Huiusmodi autè sunt vel ea quæ nos vehemèter offendunt,  
 de quibus vltionem oportuno tempore intendimus medi-  
 tari, quemadmodum de Iunone apud Virgil. dicitur, Manet  
 alta mète repostû Iudiciû Paridis. Sic & canes eorum à qui-  
 bus grauitè affecti sunt plagis, agnitionem profundissimè  
 retinent memoria. Item beneficia singularia solent grati in  
 profundo collocare memoriæ, si quando oportunam pos-  
 sent referre gratiam. Cuius egregiû etiam in bruto animali  
 exèplum describit Aulus Gel. in lib. Noctiû Atticarum, de  
 leone quodam, dñatum ad bestias seruum, propter veteris  
 amicitia beneficium, memori sua gratitudine à morte præ-  
 seruâte. Secundo modo infigitur aliquid memoriæ, nõ quidẽ  
 propter vnâ aliquâ vehemètem impressiõem, sed per fre-  
 quentem ipsius quod in memoria repositum volumus reuo-  
 lutionem, & sæpius iteratam talis rei cogitationem: quomo-  
 do facere solemus in disciplinis, vbi aliquid didicim⁹, quod  
 seruatum volumus. Frequentè enim illius cogitationem  
 reuoluimus, vt singulis cogitationibus aliquo in memori-  
 am relicto phantasiati vestigio, tandem firma solidaque qua-  
 si per habitum relinquatur impressio. Et hic modus est dis-  
 ciplina maxime accommodus. Non enim potest memoria  
 melius feliciusque stabiliri in re apprehensa semel & cogita-  
 ta, quàm per frequentem eius meditationem & imaginis cre-  
 brain reuolutionem. Nam prima illa per vehementiâ for-  
 tis impressio maxime ex rebus insolitis fit, accedente aliqua  
 perturbatione insoluta in homine: vt cum homo ex nimia  
 sibi

ibi facta iniuria vehementissimè irascitur, aut ex magno accepto beneficio plurimùm latatur, potissimùm cum præter opinionem & spem ista euenerint, ut cum ab eo quis accipit iniuriam, à quo minimè credebat: aut ab eo beneficium, à quo minimè sperabat. Itè cum de præsentì malo aliquo graui grauius tristatur, aut cum ex re aliqua admodum insolita magna consurgit in homine admiratio: in huiusmodi enim absque frequenti meditatione facile sit impressio tantum per vnā rei cognitionem. In ijs autem quæ ad disciplinam spectant, plerunque non ita euenit, sed frequenti meditatione est opus. Neque difficile fuerit ista in corporalibus per analogiam declarari. Potest enim tam fortis fieri vnica sigilli impressio in materiam, ut alteram adijcere non sit opus. Quòd si vnica impressione non sit perfecte expressa imago, frequēs expressio, repetita perficiet, quod fortitudi prioris impressionis deerat. Atque hoc est quod in libro de memoria, & reminiscētia ait Aristoteles, meditationes (id est, crebras imaginū repetitiones) tueri memoriam atque confirmare.

*Aristoteles  
de memo-  
ria, & re-  
miniscētia*

CAP. XIII. De memoria angusta, & ampla: & prouida Dei dispensatione.

Inueniuntur autē quidā memoriam quidem habentes bonam, sed angustam & modicam neque nisi paucorum susceptibleam. Alij verò amplam habent & plurimorū conseruatiuā. Primi plerunque ex hoc cognoscuntur, quòd tumorem in occipitio habeant nō magnum, sed tamen apertè dispositū. Atque huiusmodi frequenter sunt, qui magno pollent ingenio, & frontem habent cornutā magnāq; sinciput. Posteriores verò magnum habēt tumore, & in altum vtrūq; ascendentem, vel à posteriori parte protensum. Et hi plerunq; nō ita magno sunt ingenio. Nō debet autem vtrisque horū eadem esse ratio studij, neque idē in memoriæ cōmēdādo conatus. Nō enim omnibus omnia conueniūt, sed vnicuique iuxta sui ingenij qualitatē, suaq; cōplexionis dispositionē sunt instituenda sua studia. Primis expedit, pauca, eaque optima in memoria reponere, maximeque necessaria: & cauendum illis est, ne in angustum hospitium nimis multa velint per vim intrudere, atq; simul cogitare amplius quàm possit angustia ferre memorialis horrei. Non enim hoc illis cedet prosperè, si tentauerint. Eligant proinde optima, & scitū

*Diligentes  
attende.*

& scitu dignissima, maximeque necessaria, quæ in memoria recondant, maximè autem generales veritates & vniuersaliores notitias, ex quibus alia possint plurima elicere. Qui verò alterius sunt conditionis, his magis licitum est per multa vagari, & plura sibi in memoriam recondere. Habent enim horrea ampliora, & in quæ plura possint inferre. Id tamen prouideant, ut hæc multa secundum congruum disponent ordinem, alioqui paruum ex multis possessionibus fructum relaturi, quod huiusmodi hominibus sæpenumero so-

*Vide prouidentiam Dei* let accidere. Vbi enim non est ordo, adest mox cōfusio. At *desistende* autem, quàm prouidè, quàm sapienter, sua dona bonorum omnium largitor distribuit, vnicuique prout opus habent ad mensuram dispensans, nulli verò Deus omnia dedit. Illi enim qui bono sunt ingenio, quibus bona est apprehensio, bona imaginatio, bona æstimatiua siue phantasia, hi plerunque memoriam cernuntur habere angustam. Qui autem in prioribus utcumque deficiunt, in posteriori frequenter supplementum accipiunt. Nimirum, quia bene ingeniati (id est, bene apprehendentes & æstimantes) non ita multis egēt in memoria conseruandis. Ex pauculis enim quæ in sua angusta memoria tenent, absque magno negotio possunt plurima per suum ingenium & inuentionem efficere. Non est autem opus multorum iam perfectorum conseruatione, si absque negotio promptè possis ea ex tempore prout necessarium fuerit fabricare. Neque necesse est multa secum deferat præparata antequam egeat, qui omnia quibus eger, mox ubi indiguerit, ex sese poterit adinuenire. Atque ita qui magno sunt ingenio, & æstimatiua præcellunt, cum ex seipsis plurima possint adinuenire, atque ut fuerit oportunum de nouo fabricare, nihil opus habent, ut multa secum iam fabricata, iam adinuenta semper circumferant. Illi verò qui ingenio sunt tardiores, qui per sese ad inueniendum vel fabricandum non multum sunt idonei, his opus est, ut ea quæ operata sunt, diligenter custodiant, & quæ adinuerint (vel per seipsos, vel per alios) diligenter conseruent. Quæmadmodum (verbi gratia) si quis artem habeat, ubi licet locorum fuerit, ex terra aut lapidibus passim obuijs facili labore (modici pulueris, quem ipse nouit admistione) fabricandi aurum huic quorsum opus erit, si peregrinari velit, multo se auto onerare, quod per omnem viam secum circumferat?



ferat? Nōne huic sufficiet, quōd secum ferat puluerem aut substantiam illam modicam, per quam possit vbi libet locorum ex materia obuia facere sibi aurum, quantum indiguerit? Illi verō qui hanc artem nesciunt, necesse habent pro totius itineris necessitate copiam auri secum deferre. Ita sane prudens omnium bonorum largitor Deus mirabili sapientia cuncta distribuit, vt in omnibus ipse laudetur & glorificetur benedictus in secula. Amen.

CAP. XV. *Quomodo reminiscencia differat à memoria.*

**N**on est autem idem reminiscencia & memoria, neq; reminisci & memorari, cum hoc etiam brutis conueniat, illud solis hominibus. Reminiscimur enim alicuius rei, quādo ipsam prius cognitā, sed obliuioni datā, & elapsā ē memoria, per alterum in memoria conseruatū, iterum reducimur ad memoriā. Hoc est, cū rei alicuius habuimus notitiā, quā rem nō possumus memorari cū volumus, atque ita ex aliquo quod adhuc in memoria nobis remanet, procedimus ad illius rei oblitę cognitionem. Si enim (exēpli gratia) hereterno die librum aliquo in loco reposui, cuius loci hodie nequeo memorari, & quantūcūq; de hoc cogitē, nō mihi occurrit locus, exciditq; memoria, ita vt nō possim illius pro meo placito memorari, si deinde (ad rē illā obliuioni datā reuocandā in memoriā) reuoluā apud meipsum loca omnia in quibus pridie fui, & eos cū quibus habui colloquiū, & negotiorum quę in vnoquoq; locorū egerim, sicq; ex memoria alicuius horū deuenio in cognitionem loci illius vbi librū reposui, iā dicor huius loci reminisci, cuius tamen simpliciter non potui memorari. Ex quo patet, qd ad reminiscendū plura requiruntur, q̃ ad memorandū. Nam ad memorandū sufficit, quōd de re prius cognita iterū cogitemus, vt pręterita est & antē cognita. Id enim adijci oportet, quoniam non dicitur simpliciter memorari, quisquis de re antē cognita iterū cogitat. Nam si quis rem aliquā antē cognitā penitus obliuiscatur, eādēq; post annos vel dies aliquot denuō addiscat, ita quasi nūquam antē cognouisset, neque aliquando se cognouisse in pręterito attendit, hic nō memorari rē illam dicetur, sed denuō addiscere. Qui enim memoratur, is ex specie conseruata apud sese mouetur ad cognitionem rei antē cognitę. Qui autem non ex conseruatione speciei apud se mouetur ad cognitionem, saltem se-

*Quomodo  
reminisci-  
mur.*

cundum partem aliquam, is nō memorari dicendus est. Aliquādo verò hæc commista sunt, vt rem aliquam partim memoremur, partim de nouo addiscamus. Veluti cūm mihi cuius hominis notitia penè exciderat memoria, nondum tamē penitus. Seruatur enim adhuc aliquo modo in memoria eius species, sed tā debilis, vt per se solā vix sufficeret ad talis rei cognitionem reducendam, nisi simul aliquid extrinsecū accederet, quod secundum partem aliquam denuò docendo memoriā adinuaret. Ad memorandum ergo requiritur & sufficit, rem antè cognitā vt talem iterum cogitare. Reminiscētia autem plura exigit. Requiritur enim præcedens obliuio, & velut discontinuata, siue interrupta memoria. Quorum enim non præcedit obliuio, eorum non reminiscimur, sed memoramur. Non tamen quælibet rei oblitę resumpta cognitio, reminiscētia dicitur ( alioqui iterum discere esset reminisci ) sed cūm fit illa notitię resumptio ex aliquo memorato & non oblito, ex quo procedimus ad vltiorem notitiā eius, cuius memoria exciderat. Neque satis est, quod aliquantum tempus intercesserit, quo illius rei non habuimus actualem memoriā, sed necesse est ita fuisse rē extra memoriā, vt volentes ipsius memorari, non potuerimus per propriam speciem. Vnde quod antè diximus ( iuxta Aristotelis sententiā ) reminiscētiā esse memorię discontinuatę & velut interruptę, id non est intelligendum secundum actum, sed secundum habitum. Tunc autem dicitur secundum habitum memoria discontinuata, quando etiā volentes memorari, non possumus. Patet insuper, posse nos reminisci eius rei, cuius species adhuc seruatur in memoria. Frequenter enim id contingit, vt species in memoria seruata tunc non occurrat, neque se offerat phātasīę, quando maximē quæritur. Nam id sæpenumero nobis accidit, cūm rem aliquam maximē cogitare volumus, tunc eam velut effugere, & quantumuis requiramus non occurrere, ita vt sæpius hac ex causā nobis ipsi grauiter in patientia conturbemur. In tali ergo statu positi, si propter rem illam cuius propria species non occurrit, & quæ vltro sese non offert iterum cognoscendam, ad aliud aliquid quod actu memorię occurrit cōuersi, ex tali aliquo redeam ad cognitionem rei quā quærimus, vtique reminiscimur rei illius, eò quod ex altero memorato non per speciem propriam, illius notitiā in nobis

recuperauerimus, mansit tamen verè in nobis species talis rei, licet non tunc occurreret, cum quaereretur. Id enim frequenter nobis usu venit, ut quoddam hac hora volenti memorari nequaquam occurrit, hora sequenti etiam vltro non requisitum sese offerat: quod utique non fieret, si penitus species ipsa emigrasset. Quomodo enim in ampla supellectili contingit interdum, ut illud quod penè ante oculos est, non inueniamus, etiam tunc cum maximè quarimus, quod postmodum ubi quaerere desinimus, vltro sese offert conspectui: ita & in speciebus, intentionibusque seruatis in memoriae cellario (sunt enim illae supellex memoriae) contingit saepe numero, tunc minimè occurrere ipsa etiam quae verè secundum speciem suam praesentia sunt, quando diligentissimè sollicitissimeque quaeruntur, quae postmodum absente solitudine sese non requisita produunt.

*Interdum res  
dum maximè  
quaeritur,  
minimè in-  
uenitur.*

CAP. XVI. *Quare bruta non possint reminisci, & quid sit  
virtus reminiscendi.*

Colligimus ex praedictis, verum esse quod ait Aristoteles, memoriam quidem & in irrationalibus animantibus inueniri, reminiscentiam non item. Experientia enim certa discimus, animalia memorari, quemadmodum canis videns eum à quo aliquando caesus est, recordatur verberum & inimicitiae, propter quod latrās in fugam se conijcit. Reminisci autem non possunt. Qui enim reminiscitur, rem illam de qua vult cogitare non offerentem seipsam cogitationi, proponit per aliud velle inuestigare, & ad hoc faciendum medium quaerit ordinatum, per quod possit in illius deuenire notitiam. Tanta autem facultas non est irrationalibus animantibus, ut ita ordinatè à proposito possint ab vno procedere ad aliud. Quanquam enim ex vno possint venire in aliud per sensus cognitionem & aestimationem, non tamen nisi quantum naturaliter vnum ex altero cōsequitur, quemadmodum ex apprehensa forma lupi, ouis ad inimicitiae aestimationem transit, & ex voce proles apprehensa transit ad amicitiae aestimationem. Verum id non, nisi ex natura est ordine, quoniā videlicet secundum naturalem inclinationem ex vno illorum, in eis alterius cōsequitur aestimatio. Non possunt autem bruta id quod vltro non sese offert proponere sibi inquirendum, atque inuestigandum, atque propter hoc medium quaerere, inuestigareque ad illud rememorandum quod quaeritur opportunum.

*Aristot. in  
lib. de me-  
mor. & re-  
minis.*



*Memoria  
& remini-  
scentis a-  
est<sup>o</sup> diuersi.*

Hoc autē ad reminiscētiā requiritur. Quātū ergo ad actus reminiscendi atq; memorandi, videtur manifestū quod non vnum memoriæ, & reminiscentię actus diuersi sint. Quod si de ipsis potentijs interrogetur, qualis sit ipsa reminiscendi virtus, an sit ipsa potentia memoratiua in homine nobilior q̄ in alijs animalibus, vnde hoc habeat vt sic possit discurrere, an alia aliqua sit potentia distincta, verisimilior videbitur responsio, quod non vna aliqua potentia singularis debeat poni ab alijs prædictis distincta, vnde habeat homo vt possit reminisci. Neque tamen cū memoria videtur esse eadē potentia. Memoria enim ad hoc non sufficit, vt ita ordinatē proponat inquirere quod non occurrit, neq; eius est mediū sibi proponere ex quo ordinatē procedat alterū. Hæc tamen ad reminiscētiā diximus spectare. Non videtur ergo virtus reminiscitiua eadem esse potentia cū memoratiua. Virtus autem æstimatiua secundum eam nobilitatem quam in homine obtinet (vī suprà diximus) sufficere videtur ad reminiscendi actum. Potest enim in homine discurrere in particularibus, eaq; ad inuicē conferendo, ex vno ad aliud ordinatē procedere, atq; ex alio aliud peruestigare, quēadmodū ratio in vniuersalibus. Neque solū, in seipsa potest ex vna intentione elicere aliam, verumetiam in memoria (quod ipsius est cellarium) ex vna offerente se specie ducatum accipere potest perueniendi ad alteram latere volentem.

CAP. XVII. *Qui bene reminiscatur, & quomodo debeat fieri bona reminiscētia.*

ET quoniam reminiscētia non ad memoriam spectat, fieri potest, vt is qui bonam habeat reminiscētiā (id est, qui bene facileq; reminiscitur) mala sit memoria: is verò qui malè reminiscitur, bona sit memoria præditus. Imò plerunq; ingeniosi (in quibus est bona æstimatiua & bona imaginatio) non ita bonæ sunt memoriæ, attamen bene admodum reminiscuntur, quoniam bene & ordinatē sciunt procedere ad eius quod quærunť inuestigationem. Contrā verò contingit, admodū bona esse memoria eos qui malæ sunt reminiscētię: vt homines malè ingeniati memoria pollentes optime memorantur: malè tamen reminisci possunt, si quid nō occurrat, eò quod æstimatiuæ defectu non possint ordinatē procedere, & per media congrua quod intendunt peruestigare. Sciendum autem est quod ad reminiscendum oportet acci-

*Bene inge-  
niati bene  
reminiscū-  
tur, sed nō  
semper be-  
ne memo-  
rantur.*

accipere medium conueniens secundum aliquem modū ad id cuius volumus reminisci. Oportet enim id quod accipitur ad inuestigandū aliud, habere cum illo aliquam habitudinem vel similitudinis vel coëxistentiæ, vel ordinis, vel dissimilitudinis, vel contrarietatis, vel cuiuslibet coniunctionis. Solemus enim rerum gestarum, quarum nos cœpit obliuio ex ijs, quæ simul tempore gesta sunt recordari. Et cum quid eorum quæ memoriter tenemus fortè nos fugerit, ut non ad voluntatem mox succurrat, ad ea quæ antecedūt conuerimus memoriam, sicq; ex ijs, quæ præcedunt ea quæ secundum ordinem subsequuntur, reuocamus ad memoriam. Item ex vno contrario in recordationem alterius obliti contingit deuenire: ex similitudine quoque reminiscimur similibus: item ex vicinia, & ex ordine quolibet vnius ad alterū. Et quia vna eademq; res habitudinem habet ad plura, suntq; ex vno plura nata consequi secundum diuersum ordinem, hinc est, quod etiā conuenienti assumpto medio ad reminiscendum non semper contingit reminisci eius, quod quæritur. Sæpe enim mediū quod assumitur, ducit nos ad id quod non quærimus, & impeditur quæsitæ recordatio.

## CAP. XVIII. De somno &amp; vigilia.

**P**rius autem quàm sensitiuarum virium claudamus determinationem, superest, ut de somno & vigilia vel pauca dicamus. Sunt enim hæc, sensus passionēs (ut ait Aristoteles) & circa sensum habent fieri. Neque enim in vlla specie inueniuntur somnus & vigilia, nisi vbi inuenitur sensus. Nam plantas nemo dicit vigilare aliquando, aut dormire, quoniam sensum non habent. Cætera autem animalia sensum habentia, interdum vigilare, interdum dormire percipimus. Quod ametsi nō de omnibus compertum sit experientia, ob quorundam sensuum imperfectionem: putat tamen Aristoteles rationi consentaneum, omne quod sensum habet vel vnicum (utpote solum factum) aliquando dormire, aliquando vigilare. Sunt autem somnus & vigilia contrariæ passionēs, & proinde circa idem habent fieri, adeò ut cuicumque conueniat vigilare, eidem & dormire, atque econtrario. Contraria enim circa idem habent fieri subiectum. Vnde nullū animal vel semper dormire potest, vel semper vigilare. Sed aliquando quidem dormire, aliquando vigilare debet. Est autem vigilia, sensuum libertas atque solutio, cum sensus ani-

*Aristo. lib.  
de somno  
& vigilia  
tia.*

*Quid som-  
nus & vig-  
ilia.*

malis liberi sunt ad operandum suas operationes, obiecto, oblato, & impedimento secluso. Somnus verò, sensuum vinculum est, atque ligamen, quo ligantur sensus, vt non possint suas exercere operationes, etiam si obiectum offeratur, & impedimētum omne extrinsecum remoueatur. Nam id manifestè in dormientibus cernimus, nullo sensu eos, donec somni passione premuntur, quidquam percipere. Neque enim vident coràm astantes, neq; audiūt, neque tactu aliquid percipiunt, donec expergiscantur. Non sufficit autem vnum aliquem sensum animalis ligatum esse, ceteris solutis: sed necesse est omnes sensus quos animal ipsum habet, esse pariter ligatos. Non quælibet tamen sensuum ligatio, somnus dicendus est. Sunt enim morbi quidam priuantes hominem sensu atque motu, & dicunt esse venas quasdam in collo, quas si quis apprehendat atque constringat, ipsum animal mox sensu ac motu priuatum collabitur. Manifestum quoque id est in morbo apoplexiæ, quæ penitus hominem motu & sensu priuat. Non appellatur tamen huiusmodi sensuum ligatio, somnus. Somnus enim quies est sensuum à natura illis deputata ad recuperationem virium. In morbis autem huiusmodi nulla est sensuum quies aut reparatio, sed potius destructio atque debilitatio.

CAP. XIX. *Duplex somni utilitas in animalibus.*

**V**T autem cognoscatur, quod non temerè neque frustrà Deus naturæ in animantibus somnum posuerit, aduerendum est duplicem ipsius somni in animalibus esse utilitatem, imò necessitatem. Primum enim ad animalium virum facit reparationem. Omnis enim virtus naturalis, quæ non absque fatigatione perpetuò potest exerceri, aliquando indiget quietis intermissione, vt possit instaurari quiete, quæ nimia fatigatione deficeret. Id manifestè videmus in motu progressiuo animalium. Quia enim in perpetua continuitate ambulare nō valent, necesse est subinde quiescere, ac demum resumptis viribus progrediatur. Ita & organa sensuum, quoniam nimia vigilia fatigantur, indigent intermissione quietis, vt resumptis reparatisq; viribus, iterum ad suorum officiorum possint aptam functionem redire. Sunt autem vires iste, tam exteriores sensus, q̃ interiores, maximè tamen videntur propter interiores sensus somnus esse necessarius; Secundo est somnus utilis atq; etiam necessarius, propter virtutes

*Quorsum  
Deus som-  
ni indidit  
animalib?*

*Secunda som-  
ni utilitas.*

vege-



vegetatiuas. In animalibus enim virtutes vegetatiuæ (nutritiua scilicet, augmentatiua, & generatiua) impediuntur per exercitium virtutum animalium. Quâtò enim vires animalis, id est sensitiuæ & motiuæ, magis intenduntur, tantò naturales, id est vegetatiuæ, magis remittuntur. Propter quod in hominibus studiosis, & in re qualibet multum sensu occupatis, peior fit nutritio atq; augmentatio: in hominibus autem ignauis, quique animalibus viribus minus vtuntur, melior fit nutritio atque augmentatio maior. Et multum vigilantes macrescere videmus atq; pallefcere, somniculosos autem vehementer impinguari. Quoniam ergo virtutes naturales per exercitiū virtutum animalium impediuntur, ideo propter salutē animalis, ipseusq; valetudinē firmandam prouidē naturæ auctor tempus somni instituit: vt animalibus viribus ligatis, naturales virtutes (sine quarū operatione non diu potest animal subsistere) tū possint liberius pleniusq; suis actibus vacare, atq; ea quæ ad animalis vitam intertenendā sunt necessaria, conuenientius operari. Atq; hinc est, quod vulgò dici solet, somnum non minus q̃ cibum ad bonam valetudinem conducere, somnoq; moderato nō minus q̃ cibo hominem nutriri: cōtrariò autem, nimia vigilia non minus q̃ immoderato ieiunio corpus exiccari, atq; tabescere. Non quidem ob hoc, q̃ ipse somnus sit hominis nutrimentū, sed quia efficit, vt naturales potentia suæ conuenienter operationes exerceant, & quia eius defectus impedit alimenti debitam conuersionem in substantiam rei, propter impedimentum virtutum naturalium, per immoderatum & nimis diuturnū animalium virium exercitium. Hinc aptè per Sapientem dicitur, *Vigilia honestatis, tabefaciet carnes.* Et prudenter viri sancti, quibus cura est edomandæ carnis eiusque molestijs, & afflictionibus debilitandæ, ne supercrescat spiritui, vigilijs æquē atque ieiunijs insistent, scientes carnis vigorem non minus somni q̃ cibi subtractione infringi atque imminui. Hoc enim est, quod querunt, carnem videlicet atterere & velut suppressere, ac iuxta Apostolum, castigare, & in seruitutem redigere, vt dominetur spiritus.

*Nota at-  
tentē,*

*Eccles. 31.*

*I. Cor. 9.*

CAP. XX. *Quomodo somno vtiliter iuxta Dei institutionem vtendum.*

**Q**Uoniam ergo ad duo hæc somnus ab auctore naturæ Deo est institutus, videlicet ad sensuum reparationē &

vegetatiuarum viriū adiumentū, nequaquā sapientis hominis fuerit, prorsus sibi somni velle quietē subtrahere. Non enim minus peccatū habebit huiusmodi, q̄ si alimentū sibi ipsi velut in totū subtrahere, aduersus sapientissimī Dei ordinem & institutionem. Vnde & benedictus Dei filius cū in mundo nobiscum conuersaretur, somni necessitatem nequaquā à se repulit, sed quomodo ceteras humanæ naturæ infirmitates, ita etiam hanc sensuum à somno ligationem in sese voluit suscipere. Nam & in naui super ceruicā eum dormiuisse legimus, & à discipulis fuisse excitatum. Est autem sapientis eatenus somno moderatē vti, quatenus ratio dicat eundē esse conducibilē: quomodo alimento vir bonus frugaliter vti debet pro intertenenda corporis vita, non pro eodem enutriendo ad lasciuiā. Et hac in re, necesse est vnusquisque attendat suę complexionis qualitatem. Quomodo enim in alimento sumendo non omnibus vna est mensura ponenda, ita nec somno. Quod enim huic ne satis quidem est, illi est nimium. Quidam enim ad sensuum eorumque organorū reparationem pauco indigent somno, etiam post multam vigiliā: moxq; vbi paululum quieuerint, exurgunt alacres ad pristina animalium virium exercitia. Alij verò longiori egent somno antequā possint eorū vires recuperari. Videtur autē ista diuersitas ex varia dispositione siue cōplexione cerebri provenire. Et sollicitē quisque sibi debet attendere, vt discat quantū sit sibi ad virium reparationē necessariū. Quomodo enim moderatus somnus cuncta organa viriū animalium apta reddit, & bene disponit ad sibi cōgruas operationes, ita cū nimius fuerit, reddit ea pigra, tarda atq; inhabilia ad exercendas cōuenienter suas functiones. Vnde homines nimio somno deditos, videmus esse pigros, desides, oscitabundos, graues, & velut immobiles malæ apprehensionis, mali iudicii, tardi motus, imò non ita limpide videntes oculis, neq; etiam (si diligentius quis aduertat) lingua ita exactē gustantes, & omnino in omnibus quæ ad vires animales spectant operationibus inueniuntur inhabiles. Cū econtrariò qui moderati sunt somni, conspiciantur ad omnia pròpti & alacres, viuacitate quoque sensuum gaudentes.

CAP. XXI. *Quomodo generatur in animalibus somnus.*

**E**st autem somnus ex euaporatione, cū videlicet à corde eleuantur vapores sursum versus cerebrum, qui illic infri-

gida-

*Somnus  
quomodo  
fit.*

igidati à cerebri frigiditate & condensati opplent meatus spirituum sensitiuorum, ne possint à cerebro in organa sensuum diffundi. Cum enim vapores isti sic incrassati meatus illos occupauerint, per quos cerebrum diffundit spiritus sensitiuos ad organa sensuum, itemque à posteriori parte illos meatus per quos spiritus motiuos diffundit ad organa motus, tunc contingit sensus omnes ligari, sicque animalia contingit & motu & sensu priuari per spirituum sensitiuorum & motiuorum defectum. Non enim potest in oculo fieri visio, nisi mediante spiritu sensitiuo, qui illi à cerebro per nervos ad hoc à natura dispositos (quæadmodum apertè in anatomia est videre) diffunditur: sic & de omnibus sensibus alijs dicendum. Hoc ergo visionis instrumento absente nequit in oculo visio fieri. Ita non possunt se membra mouere secundum locum, nisi per spiritus motiuos, qui similiter à cerebro transmittuntur ad membra. Omnes enim spiritus animales (id est, tam sensitiui quam motiui) in cerebro gignuntur, & à cerebro in cætera organa atque membra deriuantur. Sensitiui tamen, suos meatus habent maximè in parte anteriori, ortum habentes à sensu communi, à quo nervi oriuntur, ad organa singulorum sensuum. Motiui verò suos habent meatus à parte posteriori, à ventriculo memoriæ, à quo in nucam subiacentem diffunditur spiritus motiuus: atque ita per nucam consequenter diffunditur ad omnia corporis membra. Fit autem somnus fortior, aut debilior, iuxta quod vapores isti plenius occupant meatus spirituum sensitiuorum. Cum enim vapores multum fuerint grossi, & ita multi ut totos meatus sufficienter oppleant, grauis est somnus, neque leuis est excitatio: quemadmodum in illis est, qui multo potu sunt obruti. Cum verò vapores fuerint subtiles, neque multum ingrossati, aut non ita multi fuerint, ut meatus ipsos sufficienter penitus implere, somnus est debilior, & est faciliior excitatio: quemadmodum in illis qui frugaliter sunt refecti. Vnde etiam fit, ut ij qui venas habent valde amplas, non admodum fortis sit somni, faciliusque excitentur: eò quod vapores non sufficienter meatus spirituum implere, sed propter latitudinem qua ex parte facile transeunt spiritus, velut cedentibus varibus in via latiori. Qui autem angustiores habent spirituum meatus, somno grauiori premuntur, & excitantur difficilius, eò quod obstitens vapor facilius impediatur transitum

*Motu cui priuentur dormientia.*

*Somnus fortis aut debilis, vnde de.*



## DE SENSIB. INTERNIS

spirituum:quemadmodum ad oculum videmus, in via angustiori consistentem facilius prohibere occurrentis cuiuspiam ingressum ac transitum, quàm in via latiori. In lata enim via facile est transire volentem (si celer agilisque; extiterit) ad partem aliquam sese injicere, & ocyus transire. Ita sanè, qui amplos habent meatus, frequenter expergiscuntur etiam vltro, & levissimo excitantur strepitu. Frequenter enim, propter amplitudinem viarum, spiritus animales sua celeritate illabuntur in organa sensitiua atque motiua, & facile aliquem sibi parant celere transitum, sicque; frequenter & facile contingit animalia cuiusmodi expergisci. Expergiscitur enim animal, mox ut spiritus ipsi animales transitum acquirunt ad sua organa. Tunc enim fit sensuum solutio, in quo consistit vigilia. Fit etiam somnus maximè post sumptum cibum, quod tum eleuentur copiosius vapores somnum generantes: & maximè cum talia fuerint alimenta (cibi atque potus) quæ multas de se fundant fumositates, aut admodum crassas, ac pingues. Non quilibet tamen vapores causant somnum. Quidam enim potius somnum impediunt, ut vapores acuti & salsi. Item cum fuerint cum cholera multa commisti. Tunc enim somnus impeditur, quemadmodum docet experientia, cum vinum nimium acutum biberimus, aut nimium calidum, & cum choleram in nobis moueri sentimus. Oportet enim vapores somnum inducentes esse dulces, facile in cerebro ingrossabiles pinguesque; & velut mulcebres. Alioqui non patiuntur se ligari spiritibus, qui sunt in cerebro, magis timentes destructionis nocumentum, quàm reparationis profectum.

**C A P. X X I I.** *Somni pars aliqua pro nutritione, aliqua pro generatione, aliqua pro sensuum reparatione.*

**Q** Vanquam autem supra diximus, somnum naturaliter ad duo ordinari, videlicet ad subsidium auxiliumque; vegetatiuarum potentiarum, quæ in animalibus per virtutum animalium usum & exercitium impediuntur, & ad reparationem virtutum animalium quæ in suis exercitijs fatigantur continuo labore: videtur tamen ipsa vegetatio (tanquam animalis subsistentiæ magis necessaria) priorem locum secundum temporis ordinem obtinere, & tempus etiam amplius quam animalium virium reparatio sibi vèdicare. Nam quod ad animalium virium reparationem attinet, videtur illi modicum tempus posse sufficere: quemadmodum experiuntur interdum studiosi, cerebro ut-

cunq;

*Post cibum  
maximè fit  
somnia.*

cunq; defatigato, facillè illi posset subueniri, si vel sedentes in sella studij capite aliquantulum reclinato in manu paululum cessent ab exercitio, & miram præsentiunt in tantilla requie subleuationem. Quòd autem pluriū horarū tempus ad somnū exigatur, magis videtur propter vegetatiuas esse potentias. Et planè hoc experientia docet, in principio somni maximè nutritionem adiuuari, minimè autem sensuum fieri reparationem. Experimur enim eos qui in principio aut paulò post principium somni excitantur ante somni medium, animalibus viribus esse multò magis destitutos, q̃ si omnino nō dormiuissent: neq; id solū momentū, verum etiā per multū tempus, imò per totum nōnunquam subsequētis diei spatiū. Et videntur qui sic post somni principium excitantur, quasi ebrii, nullo sensu, nullo etiam motu rectè vtentes, quasi animalib; viribus omnino perturbatis, neq; vlla sentitur reparatio. Cæterū, ipsa sensuū reparatio maximè videtur circa finem somni post medium eius fieri. Prius enim sibi natura animalis prospicit de eo quod ad esse ipsi est necessariū, q̃ de eo quod ad bene esse. Nutritio enim, ad esse animalis requiritur. Sensuum autem vsus, nō ad esse ipsius, sed ad bene esse exigitur. Pueros enim & moriones videmus absq; sensuū bono vsu, validos corpore persistere. Si tamen plus iusto somno extenditur, rursus deinde cerebrum indisponitur. Propter quod multū ingenio cōducit, summo mane è suauistrato exurgere, dulcesq; relinquere plumas, videlicet vt sensibus repatis antequā iterum indisponātur, somnū abrum-patur. Maximè verò ijs qui castitatē mentis atq; corporis seruare volunt incōtaminatā, & nec illusionib; fœdarum imaginū, nec spurcijs pollui nocturnarum immunditiarum, somnus caprolixus ille somnus matutinus diligēter est cauēdus. In fine nāq; somni experientia mōstrat, huius rei maximum esse periculum. Quod ideo esse videtur, quoniam in principio somni & per tēpus maximum ipsius, nutritiua & augmentatiua suas potissimū operationes exercent: perfectā autem sufficienter nutritione, circa somni finem, videtur potentia generatiua secundum ordinem suo officio succedere. Quia enim secundum ordinē tēporis prior esse debet nutritio & augmentatio generatione (propter quod in pueris nō prius generatiuæ potentia operationem experimur, q̃ nutritiua, & augmentatiua ad iustā perfectionem eos perduxerint) ideo prius

*Principiū  
somni ma-  
ximè pro  
nutritione  
facit.*

*Matutinus  
somnus ca-  
pitati peri-  
culosus.*

## DE SENSIB. INTERNIS

prius nutritioni insititur, postmodum verò generationi. Quod etiam inde est, quia semen ex superfluo est alimenti, atque ob hoc nutritione perfecta in illud quod superfluit alimenti se conuertens vegetatrix potentia agit in ipsum, & efficit ut in seminis naturam conuertatur, & circa seminis dispositionem atque perfectionem tum maximè agit, efficiturque ad generationem homo paratior atque pronior nutritione perfecta. Atque hinc fiunt in phantasia illusiones fœdardum imaginum, generatiua potentia suum actum quæritante: & non rarò fiunt coinquinationes inordinatæ corporum, quas euadere possunt qui tempus illud præueniendo somnum antequam eò pertingat, abrumpunt. Et licet in aurora sit somnus carnalibus maximè suauis, ijs videlicet qui Venerem amant & corporis delicias: veris tamen Dei amatoribus, castitatisque & omnis virtutis zelatoribus somnus ille maximè est fugiendus.

CAP. XXIII. *Quomodo in homine contingant insomnia.*

Contingit autem in somno sensus interiores interdum solui, exterioribus sensibus in suo vinculo permanentibus: apparentque tunc phantasmata & variæ imagines in phantasia atque in æstimatiua: quas apparitiones, imaginationesque & phantasiationes vocant somnia, vel insomnia, (ut videtur) à somno, quoniam videlicet in somno fiunt. Fiuntque hæc somnia maximè post medium somni, cum iam vapores incipiunt minui ac subtilari, & ita primum sensus interni soluuntur, incipiuntque operari exterioribus sensibus in suo ligamento nihilominus permanentibus: eò quòd vapores adhuc meatus occupent, quibus à cerebro ad ipsorum organa transmitti debent spiritus animales. Causa autem quare somniantes omnia iudicent ita se habere ut somniât, videtur esse ex defectu operationis sensus communis. Quòd enim dum vigilantes multa phantasiatur, componentes & diuidentes, non ea sic habere putemus quomodo nobis in phantasia occurrunt, inde videtur esse, quia sensus communis iudicat & cognoscit per sensuum exteriorum obiecta, nihil tale esse præsens. Quòd enim nec à visu, nec ab auditu nec ab aliquo aliorum sensuum ut actualiter sensatum percipit, id ipse iudicat non adesse. Atque ita quanquam vigilantes multa phantasiatur, non tamen illa ut præsentia iudicamus, quoniam sensus cõmunis

*Somnus autem  
vix nō pro  
bandus.*

*Somnia quomodo  
fiât.*

*Somniantes  
quare omnia  
sic esse  
putant ut  
somniaut.*



obis contrarium iudicat. In somniantibus verò quia sensus exteriores ligantur, neque sensus communis, nisi quæ ab ipsis recipit, iudicat, iratum deest, quæ phantasie atque æstimationis falsas compositiones, & diuisiones iudiciaque refutet, & cōvincat esse falsa mēdacia. Itaque fit, ut videātur verè præsentia, & sic se ut apparent habere, nemine præsentē qui euincat falsitatem. Atque hæc est etiam causa, quare in tenebris phantasiantes terribile aliquid homines terreantur, & exclamant ac fugiunt: præsentē autem lumine, eadē imaginātes, non ita terreantur: quoniā videlicet absente lumine, nō potest id quod æstimationis præsens est, argui quod non ita sit. Nam lumine absente, nequit iudicari quid corā sit. Lumine autem allato, manifeste iudicat sensus communis per visum, nō adesse quod habet imaginatio phantasie. Quemadmodū videlicet cū vanus atque mendax homo miranda proponit, si nemo adsit qui falsitatem redarguat, credūtur vera esse quæ narrantur. Si verò adsit qui arguat falsā eiusmodi proponentem, manifeste quæ comprober nihil talium sic esse ut dicit, nemo credet talia proponenti, neque se quisquam propter mendacis hominis confutati verba loco mouebit, quicquid tandem ille dixerit.

CAP. XXIIII. De somnis supernaturalibus, & naturalibus.

**D**istinguntur autem multipliciter somnia. Quædam enim desuper à Deo legimus imitti, quemadmodum in diuersis scripturarū passibus inuenitur: de somnijs videlicet Iacob & Ioseph, de somnijs Pharaonis: item quæ pinceræ & principis pistorum regis Pharaonis, de somnio Nabugodonosor, & plerisque alijs. Hæc enim omnia à Deo benedictio videbātur ad futurorū præsignationē immissa: Vnde Ioseph cū expositurus esset somnium Pharaoni, dicebat: Quæ facturus est Deus ostendit Pharaoni. Et iterū: Absque me Deus respondebit prospera Pharaoni. tacite sic indicās, quodd & somniorum illorū immissio foret à Deo. Id ipsum apertissimè & Daniel coram rege Nabugodonosor: Est Deus (inquit) in cælo reuelans mysteria, qui indicauit tibi rex Nabugonodofor, quæ ventura sunt nouissimis temporibus. At rursus: Qui reuelat mysteria, ostendit tibi quæ ventura sunt. Sed & in nouo testamento multa solet per somnia immissa sanctis hominibus Deus futura demonstrare. Vnde Ioseph legimus ab Angelo Domini in somnis

Seniorū & Juniorū.

Somnia sunt per naturalia.

Genes 41.

Danie. 2.

Mat. 1 etc.

admo

## DE SENSIB. INTERNIS

admonitum, de virgine Maria accipienda, de filio in Eegyptum adducendo, & reducendo. Quare autem Deus ita in somnis velit futura indicare, causa videtur, quia tunc sensus hominis magis sunt quieti, exterioribus omnibus ligatis, interioribus etiam circa paucissima vel omnino circa nulla occupatis, ac proinde diuinæ impressionis & internæ commotionis facilius susceptiui. Huiusmodi autem somnia non passim vulgaribus solent accidere, sed illis qui sunt præminentes, vel sanctitate, ut in quibus magnum & singulare aliquid Deus operari disponit, vel dignitate, aut auctoritate, ut in ijs qui sunt in administratione regnorum. Quod enim Abraham, Iacob, Ioseph, Danielis, Iudæ Machabæo, & huiusmodi somnia fuerint à Deo immissa, propter ipsorum fuit præcellentiam. Quod autem Pharaoni & Nabugodonosor, propter ipsorum dignitatem, vel certè ad diuini nominis gloriam & amicum Dei glorificationem fuit. Quod etiam magistris pistorum atque pincernarum Pharaonis fuit somnium præsagium futurorum immissum à Deo, propter Ioseph exaltationem factum fuisse creditur. Nihilominus Deo liberum est, cuiusque voluerit, etiā pessimis, somnia immittere. Alia verò sunt somnia, quæ appellantur animalia: illa nimirum quæ contingunt ex prius in vigilia sensatis, & maxime ex ijs circa quæ fuimus in vigilia solliciti, siue anxie diligenterque occupari. Hinc fit, ut avarus somniet de pecunijs, de negotiationibus, emptionibus atque venditionibus: gulosus, de epulis & conuiuijs: luxuriosus, de mulierum conuictu & colloquijs, alijsque huiusmodi. Homo autem misericors somniet de pauperum necessitatibus, de miserorum patrocínio. Qui zelat pro iustitia, somniet iniustitiæ punitiōnem, oppressorum suspensionem, atque huiusmodi. Nauta de ventorum prosperitate, & de nauigando somniet, & literis studens de suo studio. Et vniuersaliter, circa qualia occupatur homo in vigilia, circa talia versatur in somnio. Offert enim sese species illæ dormienti quæ solent vigilantibus. Ex huiusmodi autem somnijs potest utcumque coniectare homo, quid potissimum ipsius effectui inhæreat. Ut si quis frequenter de honoribus & laudibus humanis somniet, merito sibi metuere potest, ne fortè sit ipse homo ambitiosus: item si de epulis ac lautitijs, ne fortè sit homo delicatus, & gulosus, atque ita in cæteris. Sunt alia somnia naturalia, quæ

*Somnia animalia.*

*Nota diligenter.*

secun-



Secundum complexionis humanæ conditionem caussantur in phantasia, ipso videlicet quod in complexione hominis dominatur immutante cerebrum, atque speciem sibi conformem imprimente in phantasiam, aut speciem seruata in ea nouente. Sic homines sanguinei, in quibus dominatur sanguis, de rebus rubeis, pulchris, & letis somniant frequenter ex-  
 Quomodo naturaliter diuersa in hominibus complexionibus diuersa faciunt somnia.  
 ultimāt se volare, eò quod sanguis conueniat cum aëre: estq; hæc complexio lata & aërea, propter quod lata & aëreæ somniant naturaliter. Illi autem in quibus cholera dominatur, multum somniant de igne, cum quo conuenit cholera item de bellis, iurgiis, & contentionibus, ad quæ cholera ex-  
 mulat. Flegmatici (in quibus dominatur aqua) solent de aqua somniare, utpote iuxta aquas se ambulare, aut in aquas incidisse aut submergi, hisque similia, quæ plurimum solent pueri (in quibus adhuc humidum dominatur) accidere: somniant etiam de glacie, niue, & huiusmodi, ut quod per uem ambulant, aut super glaciem labant. Melancholici uero (in quibus dominatur terra) frequenter somniant se in ter defossos, aut terra oppressos, aut de sepulchris mortuorum quæ alijs huiusmodi, potissimum quæ ad oppressionem continent: maximè autem de rebus grauib; & tristibus, ut de inferno, de morte, de persecutione ab alijs illata, & quæ similibus, quoniam maximè grauis est & tristis illa complexio. Naturaliter etiam somniat homo de illo quod ei deest, & quod appetit, ut esuriens somniat de cibo, sitis de potu, micturiens de pariete, aut loco aliquo separato, ubi liceat secundum honestatem mingere: cacaturiens uero de cloaca. Vnde etiam interdum huiusmodi somnia contingit homines decipi, ut lectum impleant pro firmitate, & condormientium latera humectent pro pariete. Ad eundem modum cum natura se oneratam senserit alimentum superfluum, quod ad generationem pertinet, dum se exonerare se liberare cupit, per somnium in æstiuatiua imagine arere facit talium rerum ad quarum præsentiam solet fieri perflui talis eiectio, eò quod non aliter (nisi fortè ex actu virtutis retentiue) contingat eiusmodi emissio. Natura ergo de salute uiuentis, sollicita, id ita procurat, æstiuatiuam sic mouet: ne si non fiat superflui illius exortio, varijs morbis & miserijs miserè consumat, id quod uenter solet accidere. Atque ita contingit etiam castissimi



mos viros, nocturnis illusionibus sollicitari atque vexari, illos maximè in quib<sup>9</sup> valida est vis generatiua. Quòd si quis interroget, quónam pacto fieri id possit in imaginatiua, vt talis fiat imaginum effictio, cùm praxiæ non antecesserint cogitationes, ex quibus videantur posse oriri. Dicimus, sicut in animalibus irrationabilibus æstimatiua potentia naturaliter mouetur, quantum ad ea quæ sunt naturæ opera, vt ad nidum struendum tali materia, tali forma, tali tempore, ad coeundum cum animãte sui generis diuersi sexus, & c, ita æstimatiuã hominis in hac parte moueri naturaliter, & imprimi in eam quandam impressionem, per quam exciterur ad tales efformandas imagines, ad quarũ in æstimatiua præsentiam solet tale naturæ opus fieri. Neque verò mirum, si dicamus naturaliter aliqua ex parte hanc æstimatiuam moueri, quandoquidem opus istud quod quæritur (nempe superflui corruptiui animalis expulsio) omnino naturale est, ad viuentis salutem conferuandam.

CAP. XXV. *Quod boni & studiosi virtutem possent subinde mala perpeti somnia.*

*Totũ hoc  
caput dis-  
genter ex-  
pende.*

EX qua somniorum distinctione non modica sumi potest consolationis materia aduersus quorundam nimium pauidorum inordinatum & scrupulosum timorem, qui grauiter tristantur, si quando per somnium aliquid eis contigerit, quod virtuti videatur contrarium, atque ita se affligunt, quasi talibus sint virijs apud Deum coinquinati: cùm tamen secundum rationem viuant, & pro virili secundum spiritum aduersus talia vitia vigiles decertent, neque ex eo quod per somnium ita contigit, vllam apud Deum habeant culpam. Omnino enim contingere potest, & contingit non raro, eum qui secundum rationem & voluntatem verè castus est, somnijs rerum venerearum illudi, & cum qui secundum rationem verè sobrius est ac tēperans, gulositatis somnia perpeti. Iterumque qui secundum rationem mitis, ac placidus est, atque longanimus somnijs iracundiæ & ferocitatis vexari. Sit enim quis (exempli gratia) à naturali complexionem ad rem veneream vehementer inclinatus, propter virtutis generatiuæ in ipso fortitudinem: hic quantumuis, secundũ firmũ castitatis propositũ viriliter resistat, & nequaquam cõsentiat, ita vt propositi firmitate & cõtinua resistentia, maxime autem desuper veniente Dei gratia (sine qua  
iuxta

iuxta Sapientis sententiam, nemo castus fieri potest) habi- *Sapient. 8.*  
um castitatis sit adeptus, continget nihilominus hunc in-  
terdum somnijs malæ concupiscentiæ illudi. Et qui vigilans  
præsentē ratione, neque pro vita, neque pro morte in mu-  
liere consentiret appetitum, nec ullum ferret familiare col-  
loquium aut commercium, dormiens subinde etiam ample-  
tus & oscula acceptat & quæritat. Ad eundem modum qui  
naturalī est complexione vehementer pronus ad iracun-  
diam, plenus flauente cholera, hic quantumvis multo labo-  
re & multa Dei gratia sit adeptus mansuetudinis patientiam,  
deò ut vigilans, neque in pilo, neque in obulo velit nocere  
quantumvis in ipsum delinquenti, hunc tamen contingit  
per somnium pugnare, interficere, dilaniare, discerpere ho-  
tem, eius domum ac segetem succendere, & cuncta eius bo-  
na diripere. Ita melancholicū qui Dei gratia multo labore  
secundum rationem atque voluntatem pusillanimi-  
tatis vitium debellauit, & timorem pepulit inordinatum, contingit  
per somnia graui concuti timore. Et qui in vigilia de Dei  
misericordia optimè confidit se consequuturum æterna gau-  
dia, per somnium pati sibi videtur inferni tormenta: qui que  
per vigiliam confidit se circumdatum latantium angelorum  
interua, per somnium interdum sibi videtur in medio ter-  
ribilium dæmonum iacere oppressus. Ita purè sanguineus  
iuvēnis, quamvis verè secundum rationem & voluntatis af-  
fectum ex Dei gratia omnes auerfetur mundi voluptates,  
subinde tamen per somnium videtur sibi in medio delitia-  
rum iucundari. Imò verò si diligentius aduertamus, com-  
periemus ista omnia etiam in vigilia ita accidere. Hinc enim  
tentationes sunt quæ à carne exurgunt etiam in bonis & san-  
ctis viris, videlicet vel gulæ, vel luxuriæ, vel iracundiæ, & cæ-  
terorum malorum: quomodo de seipso narrat beatus Hiero- *Hierony-*  
nymus, quod cum in vasta eremi solitudine exelo esset cor- *mus ad Ene-*  
porum, & arctissima seipsum stringeret inedia, Romanis ta- *stochum.*  
men se putabat interesse delitij. Qui ergo huiusmodi se-  
ntit somnijs rerum non bonarum tangi, aut etiam in vigi-  
eiusmodi vexari motibus, non statim deiiciatur animo,  
n se mox Dei existimet inimicum. Veruntamen exami-  
t seipsum diligenter, an non ex præuijs in vigilia volun-  
rijs cogitatibus, aut effectibus, ista sic exurgant, an non  
orta fuerint à causa aliqua voluntarij subministrata, vn-

*Examinan-  
da somnia  
vnde profi-  
siscantur.*

de eiusmodi somnia per se nata sunt sequi. Et quidem si post diligens examen nullius huiusmodi mali sibi est conscius, nihil est quod metuat, non est quur multū anxietur animo: hoc tamen discat & consideret, in sua carne adhuc viuere concupiscentiam, discat non debere se esse securum, discat nondum perfectè deuictum esse siue subactum domesticum hostem, discat sibi adhuc standum super custodiam: & humilitatis ac prouidentiae sibi sumat occasionem, ne mox ubi aliquem virtutis habitum aut donum aliquod acceperit, omnia in tuto puret, seque in portu nauigare securum. Agat quoque gratias Deo, cuius gratia ita sibi aduersissimum hūc hostem subiugauit, subiectumque fecit (carnem dico & sanguinem) ut non nisi in somno absente ratione, vel in vigilia per surreptionem, velut à tergo aut à longe audeat accedere, & non in vigilia apertè prodire in aciem. Est enim hoc signum euidentis infirmati hostis, cum iam non palàm, sed velut per surreptionem tantum ex abdito, audet aduersarium imperere. Caterum, de somnis quatenus ex eis pronosticari aliquid liceat aut non, item quomodo ea obseruare & non obseruare, praesentis non est negotij. Ad moralem enim spectat doctrinam, tametsi non minima ex parte ex praecedentium hæreant cognitione. Nos ergo de plurimis paucula quaedam dixisse contenti ( quoniam profectò etiam si velimus multa, non valemus, ob ignorantiam rerum intus latentium ) fessum nunc calamus abditarum rerum curiosa inspectione atque perscrutatione, ad quietem reponimus, quo deinde ad id, quod totius considerationis nostrae erit supremum, reparatis viribus alacriores redeamus: si tamen prius ( iuxta hactenus in libris omnibus seruaram consuetudinem ) inagni Dei gloriam cantico celebrauerimus, cuius sunt omnia hæc mirabilia, hisque infinito maiora, quæ nostri sterilitas calami minimè valet explicare, qui in Trinitate & vnitae perpetuò beatus viuit, regnat, & gloriatur in secula seculorum. Amen.

FINIT LIBER X.

PSAL-



PSALMVS MAGNO ARTIFICI, QVI  
est fabricator humani cerebri.

Videbam ego nuper anatomiam, incisionemq; humani corporis: aderat qui secabat chirurgus: aderat qui demonstrabat omnia medicus.

Ille quidem diuidebat subtilissimè, & vsque ad venulas minimas tenuissimosq; nervulos incidebat omnia: hic verò digitis sollicitissimè cuncta monstrabat, verbisq; declarabat quantum poterat.

Super membris singulis quantumvis paruulis, faciebat sermones prolixissimos, & post finita verba omnia adijciebat, nondum se membri naturam explicuisse vel vsq; ad dimidium.

Tantum (inquit) quæ magis sunt cognita utilia, quæ magis exposita proferimus: & tamen protraherebat dies multos prolixis sermonibus.

Admiratus sum vehementer in pluribus sagacis naturæ operibus, cum ita mirandum conspicerem in cuncto ordine, ita stupendam in singulis virtutem, & usum necessarium.

Nihil erat superfluum, inordinatum nihil, nihil indecorum, nullum erat membrum, à cuius contemplatione post inspecta auditaq; omnia, cum stupore non abscederem.

At verò posteaquam ad verticem peruentum est, ad anatomiam cerebri, ibi videlicet quæ prius videram, iudicabam nihil esse omnia.

Secabat ille summa solitudine, incisionibus subtilissimis: iste de rebus minimis nescio quæ declarabat maxima.

Papè, quàm stupenda, quàm admiranda, quàm spectatu dignissima illic erant demonstranda: vix tota oculorum intentæ acie sufficere iam intueri, de quibus iste tractabat mirabilia.

Ibi cranium & pericranium, ibi pia mater & dura mater, miranda maior & miringa minor: ibi nescio quæ nimium miranda connexiones & immissura, quibus ista neclebantur adhærebantq; inuicem.

Ibi ventriculorum distinctiones variæ, & cellula distincta distinctione visibiles: ibi rete mirabile, verè mirabile, de cuius inuolutionibus narrabat ille miranda, cum vix præ tenuitate ipsum posset conspiceret oculorum meorum.

Ibi nervorum à cerebro exeuntium spectatu dignissima colligatio: à anteriori parte molliorum, duriorum à posterioribus.

Naturæ providentiam miris efferebat præconijs, singulorum adincentem providam dispositionem ostendens, ad salutem & commoditatem animalium.

Pergebat ille his commonſtratis plura oſtendere, ego verò longius non valebam progredi, neq; praeuntem valebam inſequi, quoniam me ſtupor inuaſerat.

Et nunc, artifex magne, nulli arte ſecundus praeſcellentior omnibus, quid dicam ego, quid loquar de operibus artis tuae?

O utinam contingerent tibi ſpectatores, artiſices periti operis: ab his enim poſſet tibi dari gloria.

Qui inter homines, magna artis fabricauerint opus, nihil aequè operant ac peritos artis ad ſpectandum illud.

Si magna artis opus in poſſeſſionem venerit hominibus rudibus, qui artis ſunt ignari: perdis artiſex gloriam artis ſuae, quantumuis ſis praeſcellens artiſcium.

Ita proſpecto nobiſcum res habet, quantum ad praeſtantiſſima opera tua: ſabalibus ſtipulis groſſiores ſumus, quantumlibet nobis videamur ſubtiliſſimi.

Sapientia & artiſcium operis tui nequaquam contemplari ſufficiamus, neq; milleſimam partem artis quam oſtendiſti in capite noſtro, vel doctiſſimus pernouit medicus.

Attamen etiam ſi nemo miretur, ſi nemo laudet, ſemper manet in opere ipſo gloria artiſcis, ita & tibi magne Deus ſemper tua manet gloria in cunctis operibus tuis.

Sis benediſtus in aeterna maiestate tua: ſis benediſtus, ſis laudatus & glorioſus in ſecula, pro inaeſtimabili ſapientia, & bonitate tua.


Gloria patri, & filio, & ſpiritu ſancto.

Sicut erat in principio, & nunc & ſemper, & in ſecula ſeculorum. Amen.

FINIT PSALMVS.

IN LI-

# IN LIBRVM XI. CONSIDERATIONIS PHYSICAE DE INTELLECTV ET EIVS OFFICIIS PRAEFATIO.



Væ hætenus à nobis libris præcedentibus determinata sunt, non homini sunt peculiariora, sed vel rebus naturalibus omnibus generaliter conueniunt: cuiusmodi sunt, quæ in primo libro de principijs diximus, & in secundo de causis, in tertio de motu, in quarto de loco & tempore, in quinto de generatione atque corruptione: vel homini sunt cum cæteris viuentibus (vtpote plantis & animalibus brutis) communia, nempe ea quæ in prioribus tribus libris de potentijs vegetantibus, & sensibus tam exterioribus, quam interioribus diximus. Neque hætenus vllò librorum præcedentium de ijs quæ homini peculiariter competunt, quidquam egimus. At verò hominis egregia præcellentia, quæ cæteris omnibus præstat naturalibus rebus, & admirabiles illæ virtutes quas in nobis peculiariter aduertimus, meritò specialem exigunt tractatum. Si enim cælestia corpora, propter suam quam in hæc habent inferiora potentem actionem specialem meruerunt determinationem, si denique etiam meteorologicæ impressiones (quæ & mista imperfecta dicimus) propter suam tantum incertam & subitam generationem singularem nobis extorserunt tractatum: humanæ naturæ præcellentia, an non multò iustius id ipsum exposcit ac exigit? Videlicet vt illas speciali opere discutiamus, declaremusque nobilissimas virtutes & operationes, quæ homini sic propriè peculiariterque conueniunt, vt in nullis rebus naturalibus possint eadem vel similes reperiiri? Quæ enim hæc foret inordinatio discipline, post exactam de rebus naturalibus omnibus determinationem, ipsum quod est, omnium præcipuum negligere, & ad quod cætera omnia tanquam ad finem ordinantur, in tractum pertransire. Iustum est ergo semel nobis in manum susceptus calamus tantisper nobis inferuiat, donec pro nostra virili secundum bonum Dei



DE INTELLECTU ET  
auxilium, & hæc verè maxima vel balbutientes explicaue-  
rimus.

CAP. I. De hominis præcellentia, & quomodo intellectus per  
sensum cognoscitur.

*Intellectus  
& voluntas  
quanta ho-  
mini præ-  
stent.*

**H**ominis super alias res naturales præcellentia in intel-  
lectu atque voluntate consistit, potentijs duabus utique  
nobilissimis, quibus Dei in nobis imaginem & similitudi-  
nem gerimus & secundum quas Deiformes Dei que capaces  
soli homines sumus, secundum quas immortales sumus in-  
corruptibiles, & impassibiles (passione quacunque violenta  
vel ad corruptionem deducente) ab vlla rerum naturalium  
quantumvis potentissimæ fuerit actionis: secundum quas  
item soli homini conuenit in suis actionibus libertas, meri-  
tum vel demeritum, præmium atque pœna, saluatio atque  
damnatio æterna, felicitas æterna, vel æterna miseria. Nulla  
enim irrationalis creatura intellectu & voluntate carens im-  
mortalis esse potest, nulla Dei imaginem in se gerit, nulla  
Deiformis vel Deicapax dicitur, nulla meretur vel demere-  
tur, nulla præmio æterno remunerabitur, vel æterna pœna  
puniatur. Hæc enim omnia solius sunt hominis, quemadmo-  
dum in posterioribus latius declarabimus. Quoniam verò  
secundum rectum ordinem prius est, rem intellectu percipere,  
posteriorius autem velle vel nolle: intellectus enim est præsen-  
tale voluntatis acceptare vel refutare: idcirco prius de intel-  
lectu quàm de voluntate est dicendum. Est autem in disci-  
plinis ordo valde conueniens, incognita per notà, & minus  
notà per notiora (quantum fieri potest) declarare, quemad-  
modum ex principijs per se cognitis venit ad scientiam  
conclusionis, & ex corporalibus exemplis manu ducimur ad  
intelligenda spiritualia. Erit ergo modus conuenientissimus  
naturam intellectus declarandi per comparisonem ad sen-  
sum (quia iam ex suprà determinatis præsupponitur cogni-  
tus) partim quidem secundum similitudinem, partim vero se-  
cundum dissimilitudinem. In quibusdam enim conueniunt,  
& in quibusdam differunt. Primum itaque omnium aduer-  
tendum est, quòd sicut sensus est potentia quædam apprehen-  
siva rerum foris existentium absque reali susceptione ipsarum  
per solam receptionem specierum: ita & intellectus talis quæ-  
dam est potentia, per quam homo ea etiam quæ extra ipsum  
sunt intus apprehendit, non rem ipsam, vel eius partem, vel  
vllam

villam corporalem eius qualitatem, sed tantum rei quam apprehendit speciem intrā suscipiendo. Non enim in anima (vt Aristoteles ait) lapis, sed lapidis est species. Est tamen manifesta eius in hoc differentia à sensibus exterioribus, quòd singuli solum sui proprii sensibilis suscipiunt speciem, vt visus solam speciem coloris. Intellectus autem indifferenter omnium simul est susceptiuus, & omnium apprehensiuus. Transcendit etiam potentiam primam interiorem, quam supra nominauimus sensum communem: quoniam ille licet communiter species suscipiat ab omnibus exterioribus sensibus, non tamen potest nisi illas suscipere quæ ei ab exterioribus transmittuntur. Nulla enim species est in sensu communi, præter eas quæ à sensibus exterioribus ad ipsum transmittuntur. Amplius verò etiam à vi æstimatiua siue phantastica differt intellectus (tamen si quibusdam antiquorum ita visum non fuit) quoniam intellectus, est potentia vltior, & multò superior ipsa æstimatiua, sicut æstimatiua superior est in sensu communi aut imaginatiua. Cuius rei habita declaratione, magna ex parte quid intellectus sit, & quomodo homo cæteris præstet hac in parte animantibus, erit manifestum.

*Arist. 3. lib.  
de anim.*

CAP. II. *Quomodo intellectus sit potentia superior, quam æstimatiua.*

**P**RO cuius intellectu notandum est, quòd illa potètia merito superior dicitur, cui altera subleruit & subministrat, & quam illa transcendit ac superat virtute actionis, quemadmodum videlicet sensus communis singulis exterioribus sensibus est superior, eò quòd singulis subministrent illi, transmittentes ad ipsum suorum sensibilium species. Hic autem operationis nobilitate excedit exteriores sensus, quoniam diuersorum sensuum sensibilia simul conferre potest, atq; inter ea diiudicare, itè & actus sensuum exteriorum percipere, quæ duo nullus potest sensuum exteriorum. Rursum æstimatiua idcirco superior reputatur & est sensu communi, quoniā hic illi subministrat species susceptas ab exterioribus mox ad imaginatiuam transmittens, & ibi recondens, nō utiq; pro semetipso (quoniam ipse illis speciebus in absentia sensibilium nō vtitur) sed pro æstimatiua, siue phantastica, nimirum vt ex speciebus huiusmodi ipsa eliciat intentiones nō sensatas, componatque & diuidat, & excitata his speciebus

*Quomodo  
potentia  
vna est al-  
tera supe-  
rior.*

suum exerceat officium. Ipsa autem æstimatiua operationes  
 habet excellentiores, quàm sensus communis, vel imagina-  
 tio; eò qđ species illas possit adinuicem componere & diui-  
 dere, atq; ita cogitationem tali compositioni, vel diuisioni  
 specierum respondentem in se ipsa efficere, ac talis inten-  
 tionis speciem nunquam à sensu communi habitam in me-  
 moria reponere. Item potest non sensatas intentiones elice-  
 re, easq; similiter reponere, quæ neq; sensus communis, neq;  
 imaginatiua possunt. Ideirco iure superior dicitur. Eadem  
 quoq; ratione æstimatiua etiam memoria superior est, quo-  
 niam ipsius vitur seruitio, quomodo arca & horreũ deseruit  
 possessori, & habet æstimatiua multò nobiliores operatio-  
 nes. Ad eundem sanè modum comperimus intellectum in  
 homine ipsa æstimatiua vi, siue phantastica multò superio-  
 rem, videlicet quia æstimatiua intellectui deseruit, phanta-  
 smata (id est intentiones in phantasia operatas) præsentan-  
 do, ipsi intellectui ad fabricandum ex eis species rerum solo  
 intellectu perceptibilem, & omnem sensum transcendentiũ,  
 quæ nullus sensus, neq; interior, neq; exterior potest com-  
 prehendere. Atq; hæc est operatio illa qua intellectus supe-  
 rat æstimatiuam. Sic enim se habet intellectus ad phanta-  
 smata (id est, ad species vel intentiones quæ sunt in phanta-  
 sia siue æstimatiua) quomodo se habet æstimatiua ipsa ad  
 species à sensu communi transmissas, & in imaginatiua ser-  
 uatas. Quomodo enim per æstimatiuam apprehendit & per-  
 cipit animal brutum, quod per sensum communem non po-  
 test, videlicet amicitiam, vel inimicitiam, voluptatem, & do-  
 lorem, conueniens & disconueniens secundum sensum: ita  
 per intellectũ homo plurima intelligit, quæ per æstimatiuam  
 solam impossibile foret percipere. Tamen enim æstimati-  
 ua possit elicere intentiones non sensatas à speciebus serua-  
 tis in imaginatiua: sunt tamen illæ perpaucae, & huiusmodi,  
 quæ conducunt ad animalis vitæ conseruationem atq; direc-  
 tionem, secundum quod animal est, utpote amicitia vel ini-  
 micitia conuenientis vel disconuenientis secundũ sensum:  
 quam æstimatiuæ operationem in pueris videmus nondum  
 ratione vtentibus, item & in amētib; atq; morionib; grā-  
 dioris ætatis, in quibus perparum cernitur differentia ab ir-  
 rationalibus, nisi quod propter excellentiam æstimatiuæ in  
 hominibus videatur in quibusdam eminare. At verò intel-  
 lectus

*Intellectus  
 æstimatiua  
 nobilior.*



lectus cōuertendo sese ad eas quæ in phantasia siue æstima-  
tiua sunt intentiones, plurimarum rerum elicit cognitionē,  
quas sensitua potentia nulla siue exterior, siue interior, po-  
test percipere. Intellect⁹ enim virtute mirabili intelligit for-  
mas separatas, naturas vniuersales, angelicas mentes, imò &  
ipsum Deum: quæ nequaquā ab æstimaatiua possunt cogno-  
sci. Item & alias habet intellectus operationes mirabiles, af-  
firmando & negando, tam in vniuersalibus quàm in parti-  
cularibus, tam in abstracto quàm in concreto, & multipli-  
ter ratiocinando: de quibus omnibus suo loco dicitur po-  
sterius. Nunc verò (priusquam extra propositum abduca-  
mur) illud tota virtute qua possumus declarare, quomodo  
intellectui in sua operatione æstimaatiua subministrat, id est,  
quomodo ex phantasinatibus intellectus rerum cogniti-  
onē in se possit acquirere, quæ non in æstimaatiua præfuerunt.  
Sic enim & mirabilis ordo potentiarum adinuicem ita in ho-  
mine ab optimo Deo pulchrè dispositarum clarescet, & ni-  
hilominus (quod quærimus) ipsius intellectus natura fiet  
manifesta.

CAP. III. De Platonis opinione existimantis omnium intel-  
ligibilium species esse intellectui concreatas.

**A**D prædictorum autem determinationem, ante omnia  
hic pertractanda videtur Platonis quondam celebris o-  
pinio: qui existimauit rerum omnium intelligibilium spe-  
cies fuisse intellectui à principio concreatas, & animam ra-  
tionalem à principio suæ conditionis omnium rerum ha-  
buisse cognitionem per species proprias sibi cōcreatas, quā  
cognitionem dicebat per immersionem in hoc corpus ani-  
mam perdere, species tamen manere: quomodo homo mul-  
to obrutus potu, aut somno pressus nihil eorum actu intelli-  
git, quæ tamen secundum habitum & species tenet. Atq; ita  
(iuxta positionis huius consequentiam) assererat, hominis  
scire vel addiscere, non aliud esse quàm reminisci. Dicebat  
enim, cum quis de nouo quippiam videretur addiscere, spe-  
ciem in anima existentem (utpote ipsi concretam, solum ex-  
citari, sicque tantum recordationem fieri quasi oblitę rei per  
crassi corporis immersionem, non autem speciem vllam de  
nouo in intellectu fieri. Atq; ita nihil dicebat hominem iam  
addiscere, quod non prius aliquando cognouerit. Iuxta quā  
positionem dicendum foret, intellectum non posse vti mini-

*Platonis  
opinio.*

sterio æstimationæ ad aliquam speciem de nouo in se acqui-  
rendam, sed tantum ad exercitationem specierum: ita videli-  
cet, ut per phantasinata excitarentur species, quæ in intelle-  
ctu præexistunt, ad efficiendam in intellectu rei cuius sunt  
species cognitionem. Verum hæc positio primum quidem  
Christianæ fidei non consonat, quæ tenet animas hominum  
non simul fuisse creatas, neque etiam præfuisse ante corporis  
informationem, sed unà cum infusione corporis sigillatim  
singulas à Deo creari, & eo ipso momento quo in corpus in-  
funduntur simul, & creari. Deinde etiam philosophis melio-  
ra sentientibus, eadem positio displicet. Reprobat enim eam

*Aristoteles  
et Platone  
dissentit.*

CAP. II II. De distinctione intellectus agentis, & patientis.

**A**D cognoscendum ergo quomodo intellectus in sua o-  
peratione phantasiae utitur ministerio, nota, quod iuxta Ari-  
stotelis, cæterorumque eius in hac parte sequacium traditio-  
nem) intellectus diuiditur in agentem & patientem. Intelle-  
ctus agens dicitur, cuius est species rerum intelligibilium ef-  
formare, atque efficere, quibus mediantibus fieri possint re-  
rum intellectiones. Intellectus autem patiens vel passibilis  
dicitur, cuius est species virtute intellectus agentis efforma-  
tas in se suscipere. Quomodo enim in rebus naturalibus cõ-  
positionem ponimus ex forma substantiali omnium acciden-  
tium atque dispositionum effectiua, & materia omnium su-  
sceptiua: ita intellectus totam substantiam ex duabus hisce  
potentijs velut partibus duabus dicunt constare: quarum alte-  
ra se habet secundum rationem materie, videlicet intellectus  
passibilis, nullo modo actius, sed tantum passiuus atque su-  
sceptiuus specierum: altera verò habet rationem formæ so-  
lum actius, & nullo modo passiuus. Intellectus agens (ut in-  
quit Aristoteles) est, in omnia facere, hoc est, omnium intel-  
ligibilium species potest in intellectu passibili efformare,

*Intellectus  
agens, &  
patiens.*

comparaturque luminī in ordine ad colores: quoniam sicut lumen cadens super colorem facit ipsum suam speciem organo visus imprimere, sicque ipsum cuius est color, à sensu facit cognoscitur per hunc agentem intellectum suam virtutem convertentem super phantasmata efformatur in intellectu species intelligibilis, per quam fit in intellectu eius rei cuius est species intellectio, siue intellectiva cognitio. Neque ullum est ens quantumlibet à sensu remotum, quantumlibet vniuersale, quantumlibet abstractum, cuius non possit intellectus agens ex aliquo sibi oblato phantasmate (id est, ex aliqua intentione phantastica) in intellectu passibili speciem efformare. Quid enim magis à sensu elongatum quam Deus? Atamen intellectus agens in homine tantæ est virtutis, ut aliquam speciem possit in intellectu efformare, mediante qua Deum utcumque cognoscat, quamvis nondum secundum essentiam sicuti est. Est ergo intellectus agentis (iuxta Aristotelis sententiam) in omnia agere, id est, specierum omnium intelligibilium rerum effectiuum. Qui enim potest in id, quod remotissimum est, multò facilius poterit in illud quoque, quod est minus elongatum. Intellectus autem passiuus est in omnia fieri, id est, omnium rerum potest in se suscipere speciem, potestque rerum omnium similitudine formari. Vnde fit, ut nonnunquam etiam possibilis à potentia suscipiendi nominetur. Quod quidem manifestè ex precedenti consequitur. Si enim intellectus agens potens est omnium species efformare, & in seipso non possit quidquam recipere, sed quæcunque ipse operatur suscipit intellectus passibilis: manifesto ergo consequitio infertur, quod passibilis intellectus sit omnium specierum intelligibilium rerum susceptiuus. Quemadmodum si forma substantialis lapidis esset omnium operationum effectiua, materia lapidis utique omnium esset susceptiua. Est enim intellectus agens (ut supra diximus) tanquam forma, patiens verò ut materia. Atque hoc modo intellectus passibilis quodammodo dicitur esse omnia, id est, omniformis, quatenus omnium similitudine potest formari, indui & ornari, quemadmodum pulchrè beatus Hieronymus in epistola ad Paulam de omnibus sacrae scripturae libris de cera ait, his verbis: Mollis cera, & ad formandum facilis, etiam si artificis & plastæ cessent manus, tamen virtute totum est, quidquid esse potest.

*Arist. 5. lib.  
de anima.*

*Hieronym.*



**Q**uemadmodū autem in corporalibus nullus est color, qui non per lumen possit illustrari, vt suam speciem organum infundat, sicque visionem in ipso efficiat: ita nulla res est, cuius non possit ( per huius intellectus agentis ad se conuersionem ) intelligibilis species imprimi in intellectu possibilem, & cuius nō possit in eo notitia efformari per virtutem agentis intellectus. Quemadmodum enim color est obiectum visus, & ideo quidquid sub colore comprehenditur, luminis illustratione æque potest in visum imprimere suam speciem: ita ens siue verum ( quæ ad inuicem conuertuntur ) obiectum est adæquatum intellectus: atque ob hoc, per lumen intellectus agentis potest in intellectum passibilem imprimi species omnis eius, quod sub ente cōtinetur. Rursum quemadmodum nullus color quantumvis lucidus, quantumvis nobilis, potest à visu percipi, si defuerit lumen, quod super ipsum cadat, ipsumque illustret: ita nullum ens est intelligibile, nisi ratione huius intellectus agentis, videlicet nisi hic suo fulgore ad rem illam sese conuertat. Et quemadmodum iuxta virtutem luminis fit color melius visu perceptibilis, ita vt lumine splendidius super colorem cadente, ipse sit melius visu distinguibilis, quàm si lumine tenui & obscuro illustraretur, eò quòd in organum species perfectius imprimatur: sic etiam iuxta huius agentis intellectus virtutem res eadem ab vno melius perfectiusque intelligitur, quàm ab altero, iuxta quod intellectus agens perfectius, vel imperfectius rei supra quam cadit, & ad quam se conuertit speciem intellectus imprimi passibili. Patet ergo, quæ-

*Ergo sensum  
verum intellectu  
et obiectum  
lumen.*

*Intellectus* admodum huius intellectus agentis natura, mirum in modum ex luminis naturalis cognitione ostenditur. Est enim *agens verum* & ipse verum lumen spirituale, & vtrique veriùs illo quod à Sole diffunditur in aërem. Hoc enim lumē est de quo Psalmista loquitur, dicens: Signatum est super nos lumen vultus tui domine, dedisti lætitiā in corde meo. Sicque enim plerique sanctorum patrum locum istum interpretantur de naturali lumine intellectus, quod in nobis Deus ab initio velut signauit, dum nobis in apice supremoque vertice animæ speciali prærogatiua dignitatis impressit. Et est plane intellectus hic agens in homine quoddam diuinitatis vestigium

ac participium aliquod infinitæ immensæque lucis, quæ est ipse Deus. Quomodo enim ab igne permaximo scintillæ multæ exeunt, aliquid claritatis illius & luciditatis ignis primarij referentes, ita ab illa immenta ineffabiliq; divina luce (de qua scriptum est. Erat lux vera, quæ illuminat omnem hominem venientem in hunc mūdum) in animas singulorum hominum velut scintilla quædam deriuatur, eisque infidet inextinguibilis: si tamen iustum est, modicum istud in nobis lumen respectu diuinæ lucis comparare scintillæ, respectu ignis magni: quandoquidem alias in scriptura sancta legimus ipsos quoque in gloria plenissimè refulgentes beatos, non nisi scintillis fulgentibus comparari. Sic enim quodam loco legimus, Fulgebunt iusti, & tanquam scintillæ in arundinetis discurrent. Nos tamen scintillæ comparare cogimur hoc diuinæ lucis in nobis participium: quandoquidem minus aliquid igneum, aut lucidum in humana appellatione nequimus inuenire

Ioan. 3.

Sapiens. 1.

CAP. VI. *Ex differentia intellectus & sensus, ostenditur necessariò ponendum intellectum agentem.*

**E**st autem notanda differentia inter sensum & eius obiectum ex parte vna, & inter intellectum, & eius obiectum ex parte altera. Nam sensibile obiectum (si adsit requisita conditio) sua actione imprimit suam speciem in organum sensus, vt color præsentem lumine agit in organum visus, agendoque imprimit in ipsum suam speciem. Lumen enim non est causa effectiua speciei, neque in oculum agit per hoc quod colorem illustrat, sed est tantum quædam conditio requisita ad hoc vt color possit agere in visum. Quantum verò ad intellectum, contrario modo se res habet. Cum enim rem aliquam quæ est extra nos intelligimus, ipsa res non agit in intellectum per se imprimendo suam speciem. Nulla enim res corporalis potest agere in intellectum, cum sit potentia spiritalis, & nullum habens organum corporeum. Neque imaginandum est, sic ab æstimatoria transmitti ad intellectum species corporales, quomodo ab exterioribus sensibus transmittuntur ad sensum communem. Cum enim intellectus nullum habeat corporeum organum in quo inhabitet, nullus potest esse transitus per quem species talis sensibilibus possit transmitti ad intellectum. Sed neque intellectus ipse (propter suam nobilitatē) capax foret ulli speciei sensibilis.

Intellectum  
in sensu  
differentia.

Atque

Atque hinc patet ratio, quare magis oporteat duplicem ponere intellectum, quàm duplicem sensum. Non enim solum let sensus diuidi in agentem & patientem: sed sensum dicunt simpliciter esse potentiam passiuam, quantum ad speciem. Et<sup>9</sup> ponitur eo quòd speciem in se se non debeat neque possit efformare & non du vllus sensus, sed ipsius obiecti actione in ipsum imprimatur, plex sensus & in speciem acquirendo se habeat purè passiuè, tamen si in ordine ad actum suum proprium, quodammodo sit potentia actiua vel propriè operatiua. Operationem enim tuam, sensus in seipso efficit: speciem autem (mediante qua vt instrumento suam operatur sensationem) nequaquam. Atque hac ratione, quantum ex parte obiecti tota substantia sensus passiuam dicitur: neq; in agentem & patientem secundum suas partes secatur. Contrà verò quia obiectum intellectus per se non sufficit sua actione imprimere suam speciem, omnino tamen eget specie, si debeat intelligere: necesse est intellectum ponere, non merè passiuum, respectu suæ speciei, sed partim effectiuum. Alioqui impossibile esset speciem in intellectu formari, & per consequens neque vlla posset fieri intellectio, cum sine specie ipsa nequeat fieri visio in oculo, si nec potentia ipsa visiva haberet virtutem efformandi in speciem coloris, nec etiam ipsi colori talis competeret actio. Vnde enim acciperet visus speciem coloris, si neque à se ipso, neque ab obiecto acciperet? Hæc ergo necessitas est ponendi intellectum agentem, ad cuius positionem necessario consequitur intellectus passibilis positio: nisi enim species intelligibilis in intellectu susciperetur, non posset intellectus intelligere. Caterū, an intellectus hi duo, ponendæ sint potentie realiter distinctæ, an solum secundum rationem diuersam distinguantur (videlicet vt idem numero intellectus dicatur agens, quatenus hoc illi competit officium, efformare & efficere speciem intelligibilem, idemque patiens quatenus non in alio aliquo, sed in seipso hanc speciem per se effectam recipit) nolumus impræsentiatum curiosius peruestigare. Perparum enim refert, an re, an ratione sola dicatur distinguui: si hoc modo rectè intelligatur, duplex hoc officium intellectui competere.

CAP. V-11. *Quomodo omnis cognitio intellectiua oriatur ex sensu.*



**A**D cognoscendum autem modum, quo intellectus agens efficit species in intellectu, notandum est, quod pro statu isto mortalis vitæ talis est colligatio animæ in corpore isto crasso & misero, ut nulli rei cognitio possit venire in intellectum, quæ non primordialiter ex aliquo sensuum exteriorum sumperit initium: neque vlla possit species intelligibilis ab intellectu agente formari in intellectu passibili, quam non originaliter ex aliqua specie sensibili quinque exteriorum sensuum emedicauerit. Propter quod dixit Aristoteles.

*Omnem nostram cognitionem debere à sensu habere exordium.*

*Arist. I. lib.*

*Poster.*

Quod tamen non ita est intelligendum, quasi intellectus agens immediatè à sensibilibus exteriorum sensuum accipiat suas species intelligibiles: sed mediatè, ratione videlicet phantasmatum, id est, intentionem in phantasia siue æstimatoria existentium, quæ omnia à sensuum exteriorum cognitione primordialiter oriuntur. Est enim talis habitudo intellectus agentis ad phantasmata in phantasia, qualis est sensus exterioris ad obiectum existens in re sensibili. Nam sicut sensus non potest accipere suam speciem nisi conuertèdo se ad sensibile, vel nisi ipsi præsentetur offeraturque præsens sensibile, ita intellectus agens ad comparandum sibi intelligibiles species, conuertere se debet ad phantasmata, id est, ad aliquas imagines vel intentiones in æstimatoria sibi præsentatas. Et quemadmodum sensibile ipsum cum sit corporea qualitas, acquiritur tamen & formatur in sensu, quæ est potentia utcumque spiritualis secundum suam similitudinem, modo quodam spirituali: ita phantasma quanquam res sit materialis & imago crassior, quàm ut secundum talem conditionem possit recipi in intellectu, abstrahitur tamen ab ipso species intelligibilis multò spiritualior & intellectui benè proportionata, idque per virtutem agentis intellectus: sese super phantasma conuertentis, cuius est tanta virtus, ut à phantasmatibus impuris & materialibus possit sua nobilissima inexplicabilique virtutis efficacia speciem immaterialem educere, atque abstrahere, ac velut efformare, quæ intellectui conueniat pro sua operatione exercenda: quemadmodum corporalis luminis est tanta excellentia, ut super colorem ipso cadente in visu gignatur species, quæ absque ipso

Ipsa non potuisset in oculo produci. Nō sunt tamen prædicta sic intelligenda, quali asserere velimus, omnem intellectus cognitionem debere immediate ex sensu etiam phantasia accipi. Nam intellectus vna habita notitia ex ea format aliam, atque ita consequenter, quemadmodū ex notitia præmissarum efficit in se notitiam cōclusionis, & ex notitia intellectuali singularium efficit cognitionem vniuersalium. Atque in his non immediate sumitur cognitio intellectus à sensu. Mediatè tamen omnis intellectiua notitia à sensu est, quoniam prima intellectiua cognitio (ex qua aliæ gignuntur) à sensu debet accipi. Cū enim intellectus de se nihil habeat, omnia de foris acquirat necesse est. Attamen cū vel modicum aliquid habuerit, plurima ex illis paucis potest mirabili suæ fecunditatis virtute progignere.

CAP. VIII. De modo quo intellectus agens conuertit se super phantasmata.

Modus autem quo intellectus agens se conuertit super phantasmata ad formandum sibi species intelligibiles est ipsa phantasmata illustrando, eaque à conditionibus materialibus depurando. Phantasmata enim in phantasia rem non nisi crasso modo & sensibiliter (vt videlicet sensu perceptibilis est) repræsentat, sub conditionibus materialibus & indiuiduantibus, videlicet sub loco determinato & tempore determinato, & cæteris conditionibus indiuidualibus determinatis, quomodo à sensu exteriori cognoscitur. Intellectus autem sua nobilitate omnes has materiales & singulares condiciones separat, & speciem talem in intellectu passibili format, quæ rem absque eiusmodi imperfectionibus representet. Vnde hoc modo intellectus hominis ex phantasmatibus materialibus, & cognitione rei materialis, quam intellectui exhibet phantasia, pertingere potest ad cognitionem rerum immaterialium, & prorsus absque materia separatarum. Verbi gratia, ex his quæ sensibus exterioribus percipimus, rebus istis visibilibus & materialibus, quæ vt habentia actum cum potentia (id est formam cum materia) in phantasia cognoscimus, intellectus agens super phantasmata huiusmodi se conuertens, separat, & abstrahit id quod materiale est & imperfectum, formatque sibi speciem, quæ solum actum nudamque formam absque potentia materiæ per se subsistentem representat, per quam angelicas substantias

*Intellectus  
immaterialis  
intelligit  
ex sensibilibus.*

apprehendit, quæ sunt formæ separatæ absque materia. Sic ex cogitatione creaturæ, quam phantasia apprehendit, sub determinatis conditionibus (utpote substantia, qualitate, sub tali materia, sub talibus dispositionibus accidentalibus, sub tali colore, in tali tempore, in tali loco, &c) intellectus agens ab omnibus his conditionibus materialibus abstrahens, format sibi speciem quandam atque similitudinem in intellectu passibili repræsentantem ens immateriale, absque magnitudine, absque omni accidente, absque omni mutatione & motu, absque omni generatione, corruptione, & passibilitate, absque initio & fine durationis, absque omni tempore & loco, absque omni compositione & permixtione, absque ullo ente simpliciter priori, & ita in cæteris, sic abstrahendo ab omnibus imperfectionibus quæ inuoluuntur in phantasmatibus: sicque in nobis Dei speciem formamus ex vilissimis creaturis, quas in phantasia cognoscimus, & quarum cognitionem primam hausimus ex sensibus.

*CAP. IX. Quomodo Dei cognitionem duobus modis potest intellectus agens in nobis efformare.*

**F**ACIT autem intellectus agens duobus modis in nobis Dei, eorumque quæ ad Deum spectant cognitionem. Primo quidem, per abnegationem, ad eum modum quo supra dictum est: cum videlicet omnes materiales conditiones & imperfectiones quas cernimus in creaturis (circa quas phantasiamur) abnegamus atque abijcimus, ita ut ex ipso quod in phantasmate est solum entis conceptum seruantes, reliquum omne quicquid adiunctum est imperfectionis, quicquid crassum, quicquid imperfectum per abnegationem abijcimus, imaginantes videlicet non generabile, non corruptibile, non compræhensum loco, non accidentibus varium, non mobile secundum locum, non vlla ratione mutabile, non compositum vlla compositione, non habens initium durationis neque terminum, non visibile, non ullo sensu sensibile, atque ita in cæteris omne quod imperfectum est abnegando. Dicimus signanter abnegando omne quod imperfectum est. Non enim omnia debent à Deo abnegari, quæcunque possunt in rebus corporalibus inueniri, sed ea quæ aliquam includunt imperfectionem. Non enim dicimus Deum non ens, neque non intelligibilem, neque non amabilem,

*Deus cognoscitur per abnegationem.*



cū hęc nullā includant imperfectionē. Perfectionis nāq;  
est, esse intelligibile & esse amabile: quoniam quod non est  
intelligibile, non est ens: & quod non est amabile, non est bo-  
num. Sed per abnegationem Deo attribuimus, quod sit nō  
sensibile: quoniam sensibile esse includit imperfectionem.  
Non enim sunt sensibilia per se, nisi accidentia, neque per ac-  
cidents nisi quæ accidentia in se suscipiunt. Atq; hic modus,  
per omnis imperfectionis abnegationem sic Deum cognos-  
cendi, pro hoc statu nobis est facilis & familiarissimus:  
quemadmodum pulcrē id declarat diuinus ille Theologo-  
rum facili Princeps Dionysius Areopagita in ijs quæ super  
Diuinis nominationibus descripsit. Alius est modus, quo  
Deum cognoscimus secundum superexcellētiā, vt cum  
ex re quam conspiciamus oculis, & vt pulcrā atque amabi-  
lem æstimamus per virtutem intellectus agentis, se super  
huiusmodi phantasia & æstimationem conuertentis, effor-  
mamus in nobis speciem talis cuiusdam rei quæ sit summe  
pulcra, summe iucunda, summe amabilis, summe desidera-  
bilis, ita vt non possit res cogitari pulcrior, neque iucun-  
dior, &c. Ita cū videntes ignem fortiter agere, & Solem po-  
tenter in his inferioribus & mirabiliter operari ex phantaf-  
mate huiusmodi, per virtutem agentis intellectus efforma-  
mus in nobis speciem alicuius rei maximē actiue, ita quod  
nulla res possit esse æque actiua, & ipsa sit omnibus magis  
actiua. Sic ex re modicæ durationis intelligimus eus maxi-  
mā & longissimā durationis, ex re modicæ perfectionis  
rem maximæ perfectionis, cui nulla dari possit res æquē per-  
fecta, & quæ omnibus alijs est perfectior: sicque in omnibus  
alijs conditionibus, quas in creaturis cognoscimus aliquid  
perfectionis habentibus. Et horum ferē modorum altero cō-  
paratur in nobis omnis quæ de Deo naturaliter contingere  
potest cognitio.

CAP. X. *Quomodo Deus cū secundum se maximē sit in-  
telligibilis, a nobis tamen difficilimē cognoscatur.*

**N**Orandum tamen quod huiusmodi cognitiones nō sunt  
intellectui humano secundum suam excellentiam sim-  
pliciter naturales, sed tantū propter colligationem cū hoc  
corpore, pro statu isto, in quo nihil potest intelligere nisi ex  
sensibilibus & phantasmatibus. Alioqui ipse Deus per se-  
metipsum est maximē ab intellectu perceptibilis, & post  
Deum

*Dionysius  
Areopagi-  
ta.*

*Cognitio  
Dei per ex-  
cellētiā.*

Deum Angelicæ creaturæ magis sunt quam corporeæ intel-  
lectu perceptibiles. Cum enim ens siue verum (quæ adinui- *Deus per se*  
cem conuertuntur) obiectum sit intellectus, quemadmodum *maximè co-*  
color visus consequitur, quo vnumquodque habet perfectio- *gnoscibilis*  
nem entis naturam & perfectiorem entitatem, eo magis esse *est ab intel-*  
ipsum perceptibile intellectu, quemadmodum id quod ma- *lectu.*  
ximè habet coloris naturam ( id est, perfectissimus color)  
per se est maximè visu perceptibile : item & maxima perfe-  
ctissimaque lux, quantum est ex parte sui, maximè est visi-  
bilis. Verum sicut in his sensibilibus non semper id quod ex  
se maximè visibile est, potest maximè à sensu videri, propter  
imperfectionem organi, vel debilitatem sensuum, vt maxi-  
ma & fulgidissima lux Solis minimè potest ab homine vi-  
deri, non quidem ex parte ipsius huius lucis, qua nihil est  
magis per se visibile, sed ex imperfectione visus nostri, qui  
tam excellens sensibile non potest ferre. Ita profectò nobis-  
cum quantum ad intellectū res habet, donec sumus in cor-  
pore mortis huius. Corpus enim hoc quod corrumpitur (iux-  
ta Sapientis verbum) aggrauat animam, & deprimat terrena  
inhabitiō sensum multa cogitantem. Tamen enim Deus  
ipse per se maximè sit intelligibilis à nobis, corporeæ au-  
tem creaturæ per se minimè: nos tamen econtrariò, quod  
maximè per se est intelligibile, ægerrime, difficilimeque  
intelligimus, quæ verò minime, multò facilius. Similes e-  
nim sumus noctuis & vespertilionibus, quæ lumen præ-  
clarum diei ægerrimè conspiciunt, noctis autem tenuissi-  
mo lumine gaudent. Et quemadmodum humanus visus me-  
lius faciliusque Solis imaginem contuetur in aqua relucen-  
tem, quàm Solem ipsum in sua substantia, eò quod tam luci-  
dos radios directè in se reflexos non ferat oculus: ita lucem  
illam beatissimam primò ex se intelligibilem, melius in spe-  
culo & in sua imagine (id est, in creaturis) aliquo modo re-  
præsentatam, quàm in se ipsa cognoscimus. Hoc enim est,  
quod de sapientibus quibusdam Romanis scribens ait Apo-  
stolus: Quod notum est (inquiens) Dei, id est, de Deo, ma- *Rom. i.*  
nifestum est in illis. Deus enim illis manifestauit. Volens  
autem explicare quomodo illis Deus sui manifestasset co-  
gnitionem, subiungit: Inuisibilia enim Dei, à creatura  
mundi, per ea quæ facta sunt intellecta conspiciuntur: sem-  
piterna quoque eius virtus & diuinitas. Hæc enim sensu ne-

*Quantū in  
intellectui  
proficiat  
aduenient  
gratia spiri-  
tus sancti:*

quaquam perceptibilia, per creaturas & in creaturis velut in quibusdam speculis, intellectus eorum perspicax & admodum exercitatus in depurandis phantasmatibus & abstrahendis materialibus conditionibus, quantum opus erat cognouerat, vt non esset eis relictus excusationis locus. Cū vero huic lumen naturali intellectus agentis, additum fuerit lumen aliud spiritualis gratiæ, missum desuper, tum verè mirabilis efficitur intellectus ipsius agentis perspicacitas, ita vt iam non solum in speculo creaturarum, verum etiam aliqua ex parte incipiat in semetipso Deus ab homine cognosci. Est enim sancti spiritus gratia intellectui agenti in adiutorum, propter nimiam ipsius solius debilitatem: quemadmodum si in oculum aliquem infirmum aquam infundas rosaceam, vel aliam magnæ virtutis, quæ oculum prius Solis lumen non ferentem nisi in imagine (vt in aqua vel speculo) ita confortet, vt cum iam possit in sua rota contueri. Cū autem tali lumine superno adiutus fuerit intellectus agens, poterit in intellectu passibili efformare Dei similitudinem, absque conuersione ad phantasmata: conuertendo scilicet sese ad ipsum Deum: quod alioqui tali non adiutus lumine, minime valeret: quemadmodum oculus sic aliquo auxilio confortatus, non per conuersionem ad Solis imaginem ultra acciperet speciem eius, sed per conuersionem ad ipsummet Solem in sua substantia & fulgore. Et in futuro, quando olim perficeretur in nobis lumen istud supernaturale, quod nunc per spiritum diffunditur in electorum cordibus, fidei ænigmatica obscuritate conuersa in claritatem apertæ visionis, perfectissimæ tunc Deum absque mentis reuerberatione contuebimur, facie ad faciem sicuti est: tanquam si vsque adeò hominis confirmetur oculus, vt directissimè possit aciem vilius in rotam Solis, in tota sua virtute per meridiei tempus relucens intendere absque vlla reuerberatione. Et commutabitur tunc quidem in nobis ordo intellectus modo mirabili, vt quomodo nunc primum intelligibile, Solem æternum & incorporeum, in corporeis imaginibus tenuiter cognoscimus, ita tunc econtrario corporea omnia in illa corporea luce contueamur. Omnia nanque in eo vt in speculo perfectissimo uidebimus, & multò perfectius videbimus, quàm ea in semetipsis valeamus cognoscere, quemadmodum etiā omnia in Deo perfectius existunt, quàm in semetip-



sis. Sed nos iam ab hac profundissima Theologia pedem retrahentes, ad reliqua intellectus agentis describenda officia stylum reducamus.

CAP. XI. *Quomodo intellectus aliquando singulariter aliquando vniuersaliter intelligit.*

**H**abet autem intellectus varias in sese operationes. Intelligit enim singulariter aliquando, aliquando vniuersaliter, aliquando concretè, aliquando abstractè. Et secundum hæc.

*Diuiditur cognitio intellectiva in singularem & vniuersalem, concretam & abstractam. Et si membra ista adinuicem voluerimus commiscere, quedam est cognitio abstracta singularis, quedam abstracta vniuersalis, quedam concreta singularis, quedam concreta vniuersalis.*

Cognoscit intellectus singulariter, quando notitiam format in seipso, vnius alicuius rei singularis tantum representationem, & non alicuius rei communis neque plurium singularium simul: et est notitia qua hunc hominem singulariter intelligo, quæ in voce respondet huic dictioni, hic homo, vel Ioannes. Vno enim conceptu, vnaque notitia singulari non potest nisi vna res singularis representari. Videntur autem dicere nonnulli, quod intellectus talem operationem in se non habeat singularem, existimantes hoc ad sensum tantum pertinere, cognoscere singularia singulariter, intellectum autem non cognoscere singularia singulariter, id est, cognitione singulari, sed vniuersaliter tantum, id est, in cognitione vniuersali. Probabilius tamen est & verisimilius intellectum etiam singulariter (vt diximus) posse singularia intelligere, & primam intellectus cognitionem esse singularem. Differentia autem inter sensum & intellectum hæc est, quod sensus solum singulariter apprehendit. Intellectus verò non dico non singulariter, sed non solum singulariter, verum etiam vniuersaliter cognoscit. Tamen hoc notandum, est, quod licet notitia singularis pro statu huius vitæ sit in intellectu prior tempore, secundum tamen intellectus naturam, infima est. Multo enim digniori fungitur officio intellectus, quando efficit in seipso operationem qua superat sensum, quam tunc cum efficit eam in qua cum inferiori potentia sensitiva communicat. Vnicuique enim rei

*Cognitio intellectiva singularis.*

*Discrimen inter sensum & intellectum.*

Cognitio in  
intellectiva  
vniuersalis

illa actio magis secundum suam naturam competit, quæ ei est peculiaris, & per quam distinguitur ab alijs. Quapropter magis propriè dicitur operatio intellectus cognitio vniuersalis, in qua sensum excedit, quàm singularis, in qua cum eodem communicat. Et secundum hunc modum rectè salua veritate intelligi possit prædicta positio, dicentium intellectum non cognoscere singulariter, intelligendo intellectum secundum suam naturam & propriam conditionem non singulariter cognoscere. Veluti si dicamus hominem non sentire, aut sentire non esse humanam operationem, intelligendo de operatione hominis secundum quod homo est, & cætera animalia superat. Hanc autem notitiam singularem facillimè intellectus in se efformat, propter similitudinem maximam phantasmatis & talis notitiæ. Cognoscit autem intellectus vniuersaliter, quando in se ipse efformat notitiam non vnius alicuius individui, sed plurium simul representatiuam, vel vnius alicuius rei communis, in qua plura singularia conueniunt. Talem autem cognitionem intellectus agens format in intellectu passibili, per abstractionem à conditionibus materialibus, depurando videlicet speciem, qua sit notitia singularis, à conditionibus huiusmodi indiuiduantibus: quæ species sic depurata & abstracta representat intellectui, non rem vnam singularem, sed rem aliquam communem, in qua multa conueniunt singularia, & simul omnia singularia quæ in comuni illo conueniunt. Quod vt fiat clariùs, subiiciemus manifestum exemplum. Cum enim hunc hominem (vt potest Ioannem) singulariter intelligo, non simpliciter in eo naturam humanam considero, sed tale indiuiduum sub conditionibus singularibus indiuiduantibus, quod hic est, & nunc, & talis coloris, ac tali dispositione dispositum, intelligo: & in quocunque hæc eadem conditiones indiuiduantes non reperiuntur, id non simul eadem notitia intelligo. Et cum conditiones indiuiduantes non nisi in illo singulari inueniantur, ideo hoc solum indiuiduum tali notitia singulari intelligo. At verò cum intellectus agens super hanc notitiam eiusq; speciem se conuertens, incipit speciem illam atque notitiam depurare ab eiusmodi conditionibus particularibus, abiiciens quidquid est singulare, & solum ipsam spectans quæ est in indiuiduo, naturam huma-

nam,

nam, ita efformat speciem intelligibile cognitionis vniuersalis effectiuam, quæ ipsam humanam naturam representat, & generaliter omnia quæ in hac natura conueniunt. Exprimur autem hoc manifestè in nobis, frequenter ex singulari notitia formari cogitatum vniuersalem, singulari ommissa: quemadmodum si ambulantes nobis per plateam contingat videre in fenestra sedentem simiam, primum quidem indubie notitiam singularem huius simiæ quam videmus accipimus: mox verò abstrahentes à conditionibus indiuiduapribus, de simia generaliter cogitare & loqui incipimus, mirabile animal esse simiam, & simiam esse imitatricem humanorum operum, simiam vultum habere vultui humano persimilem, & in multis gestibus admodum videri rationi propinquam, atque alia huiusmodi cogitamus ac dicimus, nihil tamen ultra in particulari huius conspectæ simiæ mentionem facientes.

CAP. XII. De notitia concretius & abstractius.

**I**nterdum vero intellectus in seipso format notitiam concretiuam, cum videlicet simul & subiectum & formam vel indiuiduum, & naturam, vna notitia apprehendit.

Notitia cō  
cretiua.

Vt cū intelligimus hoc albū, hoc dulce, hunc hominem, hanc simiam, &c. In his enim non aliqua forma, vel natura sola, sed pariter subiectum cum forma, & indiuiduū cum natura, vna notitia apprehenditur. Nam hoc album si explicetur, tantum valet, quantum hæc res habens albedinem, vel hanc albedinem: & hoc dulce, hæc res habens dulcedinem, vel hanc dulcedinem: hic homo, hæc res habens naturā humanam: atque huiusmodi sunt notitiæ concretivæ singulares.

Talis autem est, omnis apprehensio sensus. Non enim visus hunc colorem separatim apprehendit, absque subiecto in quo est: sed ipsum subiectum vt album intelligit, id est, hoc album. Visus enim seipm habentem colorem apprehendit, non separatim colorem: tamen si non nisi ratione coloris ipsum videat: sicque color id quod per se & sui ipsius gratia percipitur. Quod autem sensus ita singulariter concretivè cognoscat, argumētū est, quoniā animalia de coloratis reb' iudicāt, nō de coloribus. Neq; de sono, sed de rebus sonantibus. Vnde plerique hominū nesciunt omnino, an sit color, vel sonus, vel odor. Et si quæras ab homine solo sensu

Sensus notitia est con-  
cretiua.



utentē, quid videat, responsione promptissima mox respon-  
debit, se hanc rem, aut illā videre, utpote arborē, aut domū,  
aut similem aliquā substantiam, nō autē ipsum assignabit co-  
lorem. Nisi forte subtiliores aliqui, non ex sensu, sed ex in-  
tellectu colorem à subiecto abstrahentes, respondeāt se co-  
lorem huius aut illius rei videre. Verū hac responsio mani-  
festē ex intellectu procedit, non ex sensus iudicio. Ex quo  
patet, quòd cognitio singularis concretiva, omnium iussima  
est intellectus operatio, quoniam in ea (ut suprā diximus) cū  
sensu communicat.

*Cognitio autem abstractiva est, qua intellectus sepa-  
ratim ipsam formam intelligit absque materia, vel  
sine subiecto in quo secundum rem existit, aut natu-  
ram absque individuo in quo est.*

Cognitio  
abstracti-  
ua.

Habet enī hanc vim intellectus agens, ut ex cognitio-  
ne concretiva representante subiectum simul & formam pos-  
sit formare speciem solius formę representatiuam, per quam  
distinctē ac separatim formam possit intelligere absque su-  
biecto. Talis est cognitio qua cognosco hanc albedinem,  
hunc sonum, hunc odorem. Et in hac notitia exceditur sen-  
sus ab intellectu, quoniam sensus nequit à materia abstrahe-  
re, sed solius est intellectus hoc officium. Et licet superiùs  
dictum sit phantasticę virtuti couenire compositionem &  
diuisionē, nō tamē diximus illi omnē diuisionē couenire.  
Potest enim (ut diximus) species in imaginatiua seruatas re-  
rum in exterioribus sensibus perceptarum simul compone-  
re adinuicem & diuidere, ut humano capiti seruicem equi-  
nam iungere, & varias coniungere formas, item hominem  
sine collo, & sine ventre effingere. Nō potest tamē formā  
à materia, aut accidens à suo subiecto diuidere, quoniā vna  
eademque specie subiectum & accidens, simul vna sensati-  
one percipiuntur. Sicut autem exemplis iam declarauimus  
cognitiones intellectiuas singulares, quasdam esse concre-  
tiuas, quasdam abstractas: ita & de vniuersalibus est intelle-  
ctionibus dicendum.

Cognitio  
secretæ vni-  
uersalis.

*Interdum enim vniuersaliter & concrete intelli-  
mus, quando videlicet non ipsam communem nata-  
ram seorsum & diuisum, sed pariter cū illis in quibus  
inexistit, intelligimus.*

Ut cū intellectus in se ipso generalem hominis facit nō

nitiam, cogitando non de aliquo particulari homine singulariter, neque etiam de ipsa in se humana natura, sed generaliter de eo quod in se habet humanam naturam. Homo enim si resoluatur, valet habens humanam naturā, vel indiuiduum humanæ naturæ. Item cū generaliter albi formam notitiam, non huius albi particulariter, neque albedinis ipsius abstractæ, sed generaliter albi huiusmodi notitiæ vniuersales sunt & concretivæ.

*Vniuersaliter verò & abstracte intelligimus, cū ipsum illud commune, in quo multa particularia conueniunt cognoscimus, absq; cointellectione eorū in quibus communis talis natura existit.*

*Cognitio  
vniuersalis  
abstracta.*

Vt cū absolutē humanam naturam cogitamus, de nullo homine cogitantes, sed tantum ipsam naturam illam omnibus hominibus communem (in qua omnes particulares homines conueniunt) in semetipsa consideramus, huiusmodi cognitio vtrique abstracta est. Similiter cū in generali albedinem intelligo, non facta comparatione ad aliquid cuius in se, abstracta quodammodo cognitio est, quantum ab subiectum, quoniam videlicet nullum subiectum cointelligitur. Signanter dicimus talem cognitionem esse quodammodo abstractam, videlicet, quantum ad subiectum. Nam albedinis conceptus generalis non penitus abstractus est, sed est partim concretus, comparatione videlicet ad sua indiuidua, id est, ad particulares albedines. Quomodo enim omnes particulares homines in vna natura conueniunt, quæ dicitur natura hominis vel humana, sic omnes particulares albedines conueniunt in vna communi natura specifica, quam appellamus naturam albedinis. Quapropter, sicut se habet homo ad sua indiuidua, ita se habet albedo ad particulares albedines. Sicut ergo vniuersalis notitia hominis est concreta, eò quod simul naturam & ea in quibus natura illa inuenitur, particularia indiuidua repræsentat: ita & notitia communis albedinis simpliciter concreta est quantum ad indiuidua, id est, hanc & illam albedinem, non autem quantum ad subiectum. Illas enim simul cum natura communi albedinis repræsentat, à subiecto autem abstractit.

CAP. XIII. *Quare dicantur abstracta concreta, & de duplicibus abstractis.*

**Q**uare autem huiusmodi notitię dicuntur abstractę seu concretę, aut abstractiue, vel concretiue, non admodum obscura ratio est: quoniā videlicet notitia illa quę abstracta dicitur vel abstractiua, abstrahitur, & auellitur à subiecto, ita vt formam repręsentans non simul repręsenter subiectum: vel naturam communem repręsentans, non simul repręsenter singularia, quę in ea communicant. Concretā autem notitia dicitur, à concernendo: quòd simul respiciat siue concernat subiectum & formam, vel indiuiduum & naturam.

*Cum autem sit omnimoda abstractio, tam scilicet ab indi-*  
*duum quā à subiecto, talem notitiam appellant ab-*  
*stractam vltima abstractione.*

**Abstractio  
vltima ab-  
stractione.**

**Quid nō vl-  
tima.**

Cuiusmodi est notitia humanitatis, quę magis nō potest abstrahi, & post quam notitiam non potest fieri vltior abstractio. Aliā dicunt notitiā abstractam abstractione nō vltima, cuiusmodi est notitia communis albedinis, quę licet à subiecto sit abstracta, nondum tamen à singularibus: & ideo potest fieri vltior abstractio, dicendo, natura albedinis: quam proprio homine efficto non male appellant (ad rei significationem commodus exprimendam) albedineitatem. Hęc autem abstractio est vltima, post quam nequit fieri vltior. Secundum prædictam verò considerationem etiam dialectici abstracta aut concreta appellant sua vocabula, iuxta quod abstractiuam vel concretiuam habent significationem: vt nomen albus concretum appellant, albedinem verò abstractum, sed abstractione non vltima: humanitatem autē vel albedineitatem abstractione vltima. Quo verò modo & qua ratione id fieri possit, vt intellectus agēs circa idem phantasma operans, & ad idem penitus phantasmate conuertens, possit in se formare ita diuersas notitias (videlicet modo abstractiuam, modo concretiuam, modo vniuersalem, modo particularem) tamen si difficile capri videatur, per exemplum tamen sensibile luminis super colorem cadentis, vtcunque poterit fieri manifestum. Quemadmodum enim in splendidis columbę pennis, diuersas contingit apparere colorum differentias, iuxta quod lumen super ipsis diuersimode cadit, & iuxta quod oculi ad ipsum respectus siue conuersio variatur: ita existente in phantasia eodem phantasmate, intellectus potest variomodo se ad ipsum



conuertere, & velut modis varijs ipsum illustrare, iuxta quod intelligere vult, vniuersaliter vel particulariter, abstracte vel concrete: atque ita secundum variam hanc conuersionem, varias producit species in intellectu passibili, variasque notitias efformat.

CAP. XIII. De memoria intellectiua.

**Q**uemadmodum autem in rebus naturalibus videmus, id quod à forma in materia efficitur, à materia & in ea conseruari: itemque in sensibus iam supra ostendimus, species sensibiliū exterioribus sensibus perceptorum, in imaginatiua seruari, & intentiones phantasticæ virtutis in memoria sensitiua: ita de intellectu passibili dicendum est, quod non solum specierum sit ab intellectu agente productarum susceptiuus, verum etiam susceptarum conseruatiuus: ita vt possit species intelligibiles (etiā cū actu non sit intellectio) in se reseruare, ad quas cum intellectus agens se voluerit conuertere, sit intellectus in actu, per eiusmodi species non de nouo formatas, sed in ipso seruatas, tantum per nouam conuersionem intellectus agentis super ipsas, ad eum modū quo phantasia cum se conuertit super species vel intentiones seruatas in memoria, efficitur in ipsa phantasia: atque æstimatio, absque nouæ speciei vel intentionis productione, tantum per veteris resumptionem & nouam sui conuersionē. Et hæc est intellectiua memoria, quæ in homine ponitur. Omnino enim necessitas cogit fateri nos, quod sit in homine præter memoriā illam sensitiuā (de qua supradictū est priori libro, quæ suā sedē habet in organo corporeo, videlicet in posteriori ventriculo cerebri) alia memoria, tanto superior, quanto intellectus superior est phantasia, pro conseruatione videlicet specierum intelligibiliū ab agente in intellectu efformatarum, sicut illa est conseruatiua intentionum phantasticarum, & sensibiliū ab æstimatione siue phantastica virtute elicitarum. Impossibile enim foret, species intelligibiles (quibus mediantibus fiunt intellectus operationes) seruari in organo corporeo, sicut foret impossibile, species sensibiles siue intentiones cōseruari in intellectu. Sunt enim hæc crassiores, quàm vt altissimā intellectus potentiā possint ingredi: & illæ nobiliores sunt, quàm vt in corporea crassa & materiali possint seruari. Et quoniā hæc memoria secunda nobilior intellectui seruit, intelligi-

*Memoria  
intellecti-  
ua.*

gibi-

gibiles species & intentiones conseruando, idcirco ad differentiam alterius memoratiuæ virtutis appellari solet memoria intellectiua, vt illa à sensu (cui seruit, & cui species intentiones quæ retinet) dicitur memoria sensitiua, vel corporea. Est quæ inter has duas memorias differentias tanta, vt possit altera à corpore separari, altera non possit. Quæ enim corporeum habet organum, & sensitiua memoria dicitur deficiente corpore, & ipsa deficit quemadmodum ceteræ illæ omnes potentie quæ organa habent corporea, simul cū corpore creduntur interire. Intellectiua autem memorie corpore moriente, in anima permanet, & ea quæ seruat non perdit, sed retinet: eo quod immaterialis sit potentia, & nulli corporeo organo alligata. Neutra autem harum duarum memoratiuarum virium sola homini sufficeret, pro statu huius vitæ, propter duplicem in homine cognoscitiuam virtutem, sensitiuam scilicet & intellectiuam. Propter quod, duplici etiam memoratiua opus erat. Neque enim memoria sensitiua posset intelligibiles species conseruare, neque intellectiuas species intentionesq; sensibiles.

C A P. XV. *An memoria intellectiua distinguatur ab intellectu.*

**Dubitatio** **C**Aeterum an hæc potentia, de qua nunc loquimur, intellectiua videlicet memoria, verè realiter distinguatur ab intellectu passibili, id profecto difficultate non caret. Sunt enim in ytrâque partem probabiles rationes. Pro distinctione enim reali facere videtur, quod conseruare & suscipere in sensibus nusquam videtur ad eandem potentiâ pertinere. Sensus enim exteriores recipiunt primò, & ab illis sensus communis, non autem conseruant: sed habent imaginatiuam conseruatem. Item æstimatiua (quæ recipit in se ipsâ intentiones, quas elicit ex speciebus imaginatiuæ) adiunctam habet conseruatiuam memoriâ. Et certum est in sensitiuis potentijs, memoriâ conseruantem realiter distingui ab æstimatiua. Videtur ergo (nisi ratio possit dissimilitudinis debita assignari) etiam ita de intellectu & intellectiua memoria dicendū. Præterea, si species intelligibiles conseruantur in ipsomet intellectu, non indistincta potentia: quæ esset causa, quare non semper intellectus intelligeret actu omnia quorū haberet species? Tunc enim sit sensus in actu, quando habet in se speciẽ sensibilem. Itẽ, quomodo non impediretur intellectus

à recipiendis nouis speciebus & comparādis notitijs nouis  
 rerum non antè cognitarum, cum plenius esset speciebus a-  
 pud se contentis? Nam intus existēs prohibet extraneū. Itē,  
 quomodo saluabitur in homine ratio imaginis, quæ secun-  
 dum tres istas potentias, memoriam, & intellectū, & volunta-  
 tem, solet in homine ab orthodoxis patribus assignari, si ea-  
 dem est memoria cum intellectu? Hæc ferè sunt quæ pro di-  
 uersitate solent adduci. In contrariam autem partem, pro idē-  
 titate reali multum cōsiderationem nostrā mouet nobilitas  
 intellectus humani, qui per se videtur sufficiens ex sua natu-  
 ra ad fungendum officio illo, cuius gratia alij volunt nouā  
 ponere potentiā. Et quia nō est absque necessitate vel utilita-  
 ti euidenti cōstituenda pluralitas si omnia commodè saluari  
 possint absque reali distinctione, videbitur id magis ad no-  
 bilitatem humani intellectus pertinere, quod talis interima-  
 tur distinctio. Suprà enim ostendimus, quantò paucioribus  
 potentijs, & formis res quælibet attingit maiorem perfectio-  
 nem, tantò eam esse nobiliorem. Vnde si eadem omnino &  
 tota perfectio dicatur homini conuenire per duas has tan-  
 tum potentias, quam alij per tres illas realiter distinctas di-  
 cunt conuenire, aliquo gradu eleuatur dignitas animæ rati-  
 onalis. Illa verò quæ pro reali diuersitate obiecta sunt, fa-  
 cile videntur congruis responsionibus dissolubilia. Facile  
 enim qui pro identitate loqui volueris, respondebit intelle-  
 ctum ob suam perfectionem id habere peculiare (quomodo  
 multa alia habet etiam maiora) vt simul & suscipere in se  
 & conseruare in semetipso possit, tametsi id in sensitiuis vi-  
 ribus minime inueniatur. Itemque perfectioni ascribi  
 poterit intellectus, quod species priores conseruare possit  
 absque prohibitione aduenientium. Nam intus existēs pro-  
 hibere extraneum, manifestum est de corporeis intelligi. In  
 spiritualibus namque, mille angeli in loco aliquo existētes,  
 non impediunt quin & alij mille adueniant in eodem peni-  
 tus loco. Item quod obijciunt, intellectum semper fore in a-  
 ctu per illas species, quòd semper eas haberet præsentēs, res-  
 pōdebunt alij, malo inferri consequio. Nō enim sufficit spe-  
 ciei inexistētia, nisi fiat intellectus ad ipsam speciem cōuer-  
 versio. Imò & in sensu exteriori cōtingere potest, vt specie  
 in oculo recepta, non fiat actu visio. Ratio quoque imaginis  
 per distinctionē rationis satis potest saluari, vt illa rationis  
 diuer-

*Opinio con-  
 traria.*

*Solutio ob-  
 iectionū  
 priorū opī-  
 monū.*



diuersitas quæ est inter memoriam & intellectum absque differetia reali, similitudo quædam sit diuersitatis personalis, quæ est inter patrē & filiū absque distinctione essentiali. Vel assignabitur trinitatis imago in memoria, intelligentia (id est, actu intellectus qui ex memoria gignitur) & amore ad intelligentiā ex memoria consequente. Nos verò impræsentiarum nihil super hac re firma asseueratione definire volumus, cōtenti, dubium & dubij causas proposuisse: itā etsi ex præcedenti capite nos identitati magis fauere indicauerimus. Hoc tantum certum relinquimus, intellectiua memoriam esse ponendam.

CAP. XVI. *De multis in quibus, ratione intellectus, homo cætera excellit animalia.*

**Q** Vanquam ex prædictis liqueant quædam præcellētie, quibus superat homo ratione intellectus cætera animalia, utpote quod intellectus in seipso possit efficere species omnium rerum intelligibilium, cum non possit sensus efficere in se species rerū sensibiliū: itē quod possit vniuersales & abstractiuas notitias in seipso formare, quod non potest sensus, & alia quædam huiusmodi: ad pleniorē tamē intellectus nature cognitionem, volumus & alias quædam hominis excellentias super animalia cætera distinctius aperire, quæ illi ratione intellectus conueniunt. Inter quas vna non minima est, quod homo nō solū voces audire potest, sed vocū etiā significationē percipere, resque significatas per ipsas voces apprehendere. Id enim nulli aliorum animalium præterquā homini datum est. Brutā namque animalia voces quidam audire possunt, ut sunt quidam soni (nimirū quomodo alios sonos rerum audiunt in animatarum) significationes autem vocum non percipiunt, vocum dico ad placitum significantium. Et licet vocū quarūdam videantur significationem percipere: ut gallinæ, cū certa acclamatione ad pastum vocantur: equi, cū in curru certis aurigæ vocibus, vel procedūt, vel sūt gradum: item canes, cum suis nominibus, quibus appellari solent, à suis domesticis vocati accurrunt, non est quod significationē intellectu percipiant, sed quia per consuetudinē hoc ita est illorū phantasia impressum, ut cū talia audiāt nomina, debeant vel accurrere, vel fugere, vel procedere, vel figere pedem. Quod autē nō percipiant hæc animalia significationē vocū huiusmodi, mani-

*Solutio homo  
vocū signi-  
ficationis  
percipit.*

fecto probatur indicio in canibus illis, quos sic edoctos videmus, ut nihil accipiant cibi, nisi quod nomine certæ personæ, aut certarum personarum eis porrigitur: quemadmodum sub nomine Cæsaris, aut Regis, aut alterius alicuius, cuius nomē fuerit ipsorum impressum phantasiæ. Cū enim cibū ablatum (audito nomine Cæsaris, vel Regis illius in cuius nomine institutus est) acceptat, ac manducat caniculus, nō hoc inde est quod intelligat quid nomine Cæsaris aut Regis significetur. Neque enim quid Cæsar sit, neq; quid Rex, nouit, neque minus sub trunci aut vesperilionis nomine faceret, si sic esset institutus. Sed propter cōsuetudinē multis verberibus & multa ieiunij maceratione acquisitā in estimatiua ita naturaliter monetur ad certas actiones ad quas fuerit edoctus, siue verius assuefactus: non autem, quod vllam vocis significationem percipiat. Et quomodo per assuefactionem fieri potest, ut irrationalia quædam certas voces pronūciare discant, nequaquam autem ut quod proferunt intelligant, aut significationem vocis percipiant: ita in proposito licet per assuefactionē instituantur ad certarum vocum auditum hoc vel illud agere, non tamen possunt ita edoceri, ut significationem vocis intelligant. Hæc ergo est hominis præcellentia (ratione intellectus) ut solus possit vocum ad placitum, significantium percipere significationem. Quod autem de voce dicitur, idē & de scriptura intelligitur. Imò & de nutibus certis ad placitum significantibus, quibus homines mutos, vel linguam ad verbera laxare nolentes videmus sui animi conceptum exprimere, eisdem loco vocum aut scripturarum videntes. Hæc enim omnia, scilicet voces, scripturæ, nutus, ad placitum significantes, non nisi illis conueniunt in usu quæ intellectū sunt prædita. Quæ autem sensum tantum habent, non nisi illarum vocum significationes percipiunt, quæ naturaliter sunt significaturæ, aut quæ ex consuetudine (quæ altera est natura) aliquo modo eis significant.

*Nota de canibus edoctis.*

CAP. XVII. Quòd solus homo docere vel doceri possit,

*deq; duplici Magisterio*

*Quomodo homo hominē docet.*

**E**X quo deinde alia consequitur hominis præcellentia, solum videlicet hominem esse capacem disciplinæ, solumque hominem inter omnia animalia posse docere vel doceri. Omnis enim instructio fieri debet per signa aliqua

ad

ad placitum significantia, quæ dum ex parte vna docēs proponit discipulo, & ex parte altera discipulus accipit à docente, percipitque significationes signorum quæ ille proponit, ita in intellectu comparat sibi rei quam docetur notitiam: Vnde nisi signa aliqua communia habeant doctor & discipulus, quæ ab utroque intelligantur, impossibile est fieri doctrinationem. Veluti si doctor vtatur sermone Indico, aut Arabica scriptura, cum docendus non nisi Latine nouerit, impossibile erit sic doceri discipulum: De modo tamen docendi notandum est, quod cum homo vnus alterum docet, ipse docens non format in discipulo speciem intelligibilem rei quam ipsum docet. Est enim id homini pro hoc statu impossibile, vt per suam actionem imprimat speciem, vel cognitionem in intellectu alterius. Sed docens tantum ministrat discipulo, vnde sibi formet speciem rei quam ipsum docet, & vnde intellectus ipse agens in passibili efformet notitiam eius rei quam docet doctor. Volumus autem hæc intelligi de instructione illa, qua homo hominem docet, nimirum quod homo docens non possit in intellectu discipuli speciem imprimere, neque notitiam efficere, signisque egeat quibuldam, vt per illorum ministerium docere possit (veluti mediate) discipulum. Deus enim benedictus cum intellectui nostro infederit, per fidem (iuxta Apostoli vocem) in corde nostro inhabitans, verè efficere potest in nobis cognitionem omnium eorum quæ ipse nos docere voluerit, absque vllis signis vocum aut scripturarum. Quæ in re patentissima est hominis foris verbo vel scripto docentis diuersitas, ab eo qui menti insidens hominem docet interiorius. Ille enim tantum vt minister laborat, intellectui subministrando vnde sua virtute possit in se formare rerum cognitionem. Hic vero non vt minister, sed vt principalis effector, operatur in nobis rerum cognitionem. Vnde de eo scriptum est, Qui docet hominem scientiam. Et iterum, vñctio eius docebit nos de omnibus. Ac rursus ex ore veritatis, Cum venerit paracletus, quem ego mittam vobis, docebit vos omnem veritatem, docebitque vos omnia quæcunque dixerò vobis. Nam iuxta beati Gregorij sententiã) mox vt tetigerit mentem spiritus, docet: solumque tetigisse, docuisse est. Neque vllis eget doctor iste signis, quibus hominem doceat: cū homo hominẽ docēs egeat vocibus, vel

scri

Dei quomodo docet.

Ephē. 3.

Psal. 93.

1. Ioan. 2.

Ioan. 16.

et 14.

Gregorius.



scripturis, vel vt minimum nutibus. Cuius quidem diuersitatis causa oritur ex prædictis. Quia enim Deus interior docens, per semetipsum efficit cognitionem veritatis, idcirco signis non eget ministerialibus. Homo verò qui per se non potest agere in intellectū alterius, signis eiusmodi indiget, quibus velut ministerialiter in altero cognitionem aliquius veritatis inducat. Propter quod, verius dixerimus discipulum seipsum docere, quàm doceri ab alio, veriusque seipsum efficere scientem, quàm ab alio scientem fieri, cum ipse intellectus principalis sit effector talis cognitionis quæ in ipso acquiritur, doctōr autem exterior tantum ministerialiter cooperetur. Cuius etiam est evidens indicium, quod illos qui boni sunt ingenij & vivacis intellectus, ex paucissima magistri instructione videamus multò maiorem cognitionem rei de qua erudiuntur acquirere, quàm alios minus ingenio pollentes ex instructione multo copiosiori. Et in quibusdam frustra omnis impenditur labor, peritque omnis præceptorum opera, cum videlicet tam est hebes discipulorum intellectus, vt nō possint ex vllis vel vocibus, vel scripturis ad scientiam in selegnendam peringere. Atque hinc rursus inter docentem extrinsecus hominem, & interior docentem Deum, alia differentia est, quod illi docenti obstat discipuli hebetudo, huic autem non obstat. Tam enim facile est sancto Spiritui, rudissimum maximeque hebetem hominem docere scientiam sua vñctione, suoque interno magisterio, quàm hominem ex naturali dono felicissimo ingenio præcellentem: id quod in piscatoribus & telonearijs Apostolis apertissime ille omnium artifex demonstravit. Videlicet in promptu diuersitatis ratio est, quia docens homo principale gignendæ scientiæ operationem, intellectui discipuli committit: propter quod si ille impotens fuerit ad formandum in se scientiam ex oblati per instructionem, nihil ultra valet præceptor, impediturque fructus instructionis eius. Deus autem per se intellectui hominis cognitionem imprimat, & in eo efficit per seipsum, cui nihil est difficile, & cui nulla res potest esse impedimento in sua actione, cum sit eius infinita virtus. Per accidens tamen peccata dicuntur impedire hanc interiorē hominis à Deo instructionē, quatenus videlicet non dignatur Deus in illis operari qui sunt peccatis subiecti, iuxta illud Sapientiæ, In maleuolam animā non introibit sa-

Sapient. 1.

piencia, neque habitabit in corpore subdito peccatis. Quapropter huius internū magisterium super omnia nobis semper optandum est desiderandum, & votis omnibus incessanter postulandum. Et multò melius sibi consilunt, qui per vitam Deo dignam & precam assiduam internum istud libitudent comparare magisterium, quàm ij qui maria enauiant & terras perambulant, ad audiēdos doctissimos præceptores, vel qui noctes atq; dies legendis libris quantumuis eruditissimorum hominū insiliūt. Tamen si enim (Hieronymo teste) aliquid habeat latentis energiae viua vox, & de præceptoris ore in discipuli aures transfusa fortius sonet, quamuis etiam plurima doceant attentum lectorē scripta doctorum hominum (quibus velut mutis quibusdā præceptoribus in subsidium vel defectum viuētiū doctorum vtimur) attamen tam illis viuis quantumuis eloquentissimis, quàm his mutis quantumuis doctissimis longe fortius, longe efficacius, longe celerius, longe facilius, longe planius ille doctor interius operatur in intellectu hominis, cui infuderit cognitionem omnis veritatis: id quod in pluribus tam veteris quàm noui Testamenti patribus euidentissimè monstratum est, atq; etiam nunc quotidie ante oculos cernimus, dum homines non paucos idiotas & simplices, humanæ literaturæ nihil habentes, multò limpidiorem, multò solidiorem, multoq; perfectiorem experimur habere veritatis cognitionem, ex interius vnctionis magisterio, quam habeant ij, qui inter homines doctrina habentur celeberrimi. Meritò proinde cum paruulo illo ouiculacum pastore canentes dicamus, Bonita-

*Psalms. 118.*

*Psalms. 24.*

tem, & disciplinam & scientiam doce me, quia mandatis tuis credidi. Et iterum, Reuela oculos meos, & considerabo mirabilia de lege tua. Dirige me in veritate tua, & doce me. Vias tuas Domine demonstra mihi, & semitas tuas edoce me.

CAP. XVIII. Quòd solus homo componat & diuidat, secundum affirmationem & negationem.

**E**St præterea homini ex intellectu hæc præcellentia super animalia cetera, quòd solus ipse componat ac diuidat secundum affirmationem atque negationem, vnā videlicet notitiā alteri vniendo per verbalem copulam, cognoscendo hoc aut illud esse tale vel tale, vt hominem esse animal, animal esse substantiam, Deum esse diligendum, hominem non esse equum. Neque hoc tantum, verum etiam hu-

inmodi affirmationes plures aut negationes potestatem habet pariter coniungendi per signa aliqua ad coniungendum apta, varijs modis, iuxta quod ille plures affirmationes, aut negationes natae sunt adinuicem connecti atque coniungi, & iuxta quod certam connexionem ille voluerit significare. Cognosco enim per intellectum, quod homo sit animal, & non sit lapis; cognosco Deum esse summe bonum & summe honorandum atque diligendum. Item cognosco quod homo sit mortalis, vel quod non sit mortalis, cognosco quod si homo sit animal, sit etiam substantia; & quod si non sit substantia, non sit animal. Item cogitando plures huiusmodi affirmationes vel negationes, eam quae consequitur infero ex illis ad quos cōsequitur, formoque talem apud me cogitationem. Omnis homo disciplinae capax est: hic homo *Nota* deride, homo est: ergo est & disciplinae capax. Et haec omnia quaecunque homo sic cogitat, potest similiter per intellectum apte exprimere, vocibus ad ea significanda apte effectis, ita & scriptura correspondente. Neque vllus potest esse in intellectu cogitandi modus, qualiscunque connexionis, vel copulationis, quam non valeat voce ad hoc aptata aut respondente scriptura exprimere. Si enim cogitat indicando, habet verba modi indicativi, quibus exprimat quod intendit verum aut falsum manifestare: si imperando cogitet, velitque fieri aliquid ab altero, habet modum imperandi: si optando cogitet, habet modum optandi. Si de tempore praesenti aliquid facere aut fieri cogitet, habet praesentis temporis verba, quibus cogitatum exprimat. Si tempus praeteritum cogitet, habet verba temporis praeteriti: si de futuro, futuri. Si de pluribus cogitet, exprimet per numerum pluralem: si de vnicō, per numerum singularem. Sic in personis verborum, in casibus nominum, in significationibus adverbiorum, potestatibus conjunctionum, & in ceteris omnibus vocibus quomocunque significantibus, est dicendum.

CAP. XIX. *Quomodo intellectui ratione compositionis & diuisionis inest veritas & falsitas.*

**P**ER hanc autem compositionem, inest intellectui veritas & falsitas, quae nulli inest alteri inferiori potentiae. Cum enim intellectus format sibi affirmationem vel negationem veram, est in intellectu veritas: cum falsam, falsitas.



*Est autem affirmatio vel negatio vera, quando ita in intellectu representatur, sicut est in rebus.*

Quod tunc quidem est, cum ea secundum affirmationem coniunguntur in intellectu, quæ secundum rerum naturam conueniunt, & eo modo quo conueniunt. Vt cum cogito hominem esse animal, vera est intellectus hæc affirmatio, quoniam ita cogito ut res habet. Coniungo enim per intellectum ea quæ secundum rei naturam conueniunt. Genus enim iungo speciei, quæ secundum naturam ad idem spectant. Signanter verò adiectum est, & eo modo quo conueniunt. Cum enim cogito, omne animal esse hominem, non est in cogitatione illa veritas, quoniam ea quæ conueniunt non eo modo compono quo conueniunt. Non enim secundum totam suppositorum vniuersitatem genus cum specie conuenit, atque ideo ita species non debet componi cum ipso secundum vniuersalem denotationem, cum signo vniuersali, sed tantum particulari. Vera tamen est cogitatio, omnem hominem esse animal: quoniam hic eo modo componuntur, quo secundum rem iuncta sunt, genus & species. Genus enim speciei conuenit, secundum totam vniuersitatem suppositorum siue singularium. Per oppositum facile liquet, quando sit falsitas in intellectu affirmatione.

*Est siquidem cum non ita est in re, quomodo in intellectu operatione esse representatur.*

Vt cum hominem esse asinum intelligo, falsitas inest intellectui, eo quod cogitatio, rei non respondet. Non enim ita se res habet. Item cum cogito, omne animal esse hominem. Aliter enim se res habet. Fit autem hoc, cum illa iunguntur per affirmationem in intellectu, quæ secundum rem non conueniunt, vel cum ea quæ conueniunt, non secundum eum modum iunguntur quo conueniunt, ut est videre in exemplis mox adductis.

*Secundum negationem intellectui inest veritas, quando negando ab inuicem disiungit, diuidit ac separat, quæ secundum rem ab inuicem sunt disiuncta, & eo modo quo disiuncta sunt.*

Vt cum intelligo hominem non esse asinum, veritas inest intellectui: quoniam diuido per intellectum, quæ ab inuicem secundum rem sunt distincta, & eo modo quo sunt diuisa. Itæ, cum intelligo quædam animalia non esse homines. Sic enim di-

diuido speciem à genere, quomodo secundum rem diuisa est, videlicet secundum aliquam partem suppositorum generis quæ à prædicata specie omnino sunt separata.

*Cum verò diuido intellectu, quæ secundum rem non sunt diuisa, aut aliter diuido quàm sint secundum rem diuisa, falsitas inest intellectui.*

Veluti cum cogitauero hominem non esse substantiam, aut nullum animal esse hominem. Ex prædictis patet, quod veritas & falsitas per se non sunt nisi in intellectu. Quod autem affirmationes vel negationes vocales aut scriptas dicimus veras aut falsas, non nisi per accidens est, quoniam videlicet expressiue sunt vel significatiue intellectiōis veræ aut falsæ: dicunturq; propositiones vocales aut scriptæ veræ aut falsæ, tantum extrinsecè. Ipsa autem affirmatio atque negatio intellectus intrinsecè est vera aut falsa. Quod verò nec vocali propositioni, nec scriptæ realiter insit veritas vel falsitas, manifeste patet. quoniam potest vocalis ista affirmatiua, quæ affirmo hominem esse alinum, ex falsa fieri vera, absque vlla reali mutatione circa ipsam facta, si tantum mutetur significatio, & impositio alia fiat, quæ asinus idem iubeatur significare quod animal. Nam talis noua impositio fieri potest, per voluntatem hominis, absque vlla mutatione reali vocis vel scripturæ illius, homo est asinus.

CAP. XX. *Quod bruta non componant vel diuidant, nec ratiocinentur.*

**Q**UOD autem nonnulli putant æstimationem potentiam posse in particularibus aliquam affirmationem, vel negationem facere, aut etiam aliquo modo ratiocinari, id ex ignorantia venit philosophiæ. Quod etiam vulgè dicimus canem iudicare hunc cibum esse sibi conuenientem aut disconuenientem, non ita debet intelligi, quasi talem in se faciat compositionem, in qua rationem appetibilis & cōuenientis componat per verbalem compositionem cum ratione huius cibi. Est enim hoc planè excedens facultatem sensus. Sed hoc significare volumus, quod cibum illum apprehendat sub ratione conuenientis. Neque enim aliud est quod dicimus, Canis iudicat hunc cibum conuenientem & prosequendum: quàm si dicamus, Canis hunc cibum apprehendit secundum rationem vel æstimationem conuenientis, vel prosequendi. Ita cum in biuio canem quiddam iudicant ratiocina-

ri: ex mera est ignorantia Philosophiæ, quòd naturam sensus ignorent. Non enim ratiocinatur canis, quali plures affirmationes adinuicem componat per coniunctionem inferentem, hoc modo: Hic odor est relictus à lepore, transijt ergo hac lepus qui odorem reliquit. Item, hic vestigium est impressum leporis, ergo hac lepus fugit. Est enim id existimare, planè ridiculum. Dicitur tamen interdum canis id argumentari vel colligere ex odore seu vestigio, loquutione nimis impropria: quatenus videlicet odoris vel vestigij imaginatio phantasiarum mouet ad prosequendū leporem, & quia admodum hominis ratiocinantis se habere videtur. Relinquitur ergo, in solo homine esse compositionem & diuisionem secundum affirmationem vel negationem, item secundum quamcunq; conjunctionalem vnionem. Et quandoque quidem componit homo ac diuidit de ijs quæ tantum ad speculationem faciunt, nō autem ad actionem: & secundum hoc dicitur intellectus speculatiuus, vt cū intelligo hominem esse animal, scienciam esse habitum, Deum esse primum ens, & similia. Quandoque verò intellectus componit, & diuidit in his quæ ad actionem pertinent, & dicitur intellectus practicus, à Græco vocabulo praxis, quod significat actionem vel operationem. Vt cū intelligo Deum esse super omnia diligendum, proximis faciendum quod nobis velimus fieri, iusticiam in omnibus esse tenendam vel singulariter, nunc dandam esse eleemosynam, hunc hominem debere consilio iuuari, hoc opus nunc faciendum esse, &c.

*Intellectus  
præclicus  
& specu-  
latus.*

CAP. XXI. *Solum hominem per intellectū cognoscere propriam excellentiam & quomodo intellectus seipsum intelligat:*

**H**abet præterea ratione intellectus homo, vt omnem suā excellentiam quæ in ipso ab optimo creatore posita est, suamq; nobilitatem & dignitatem in qua magnifice admodum exaltatus est, valeat agnoscere, & pro dignitate æstimare atque ponderare. In quo manifestè ab alijs rebus naturalibus omnibus distinguitur. Cælum enim quanquam sit admodum nobile, habeatq; incorruptibilitatem & impassibilitatem & summam actiuitatem, nō tamen horum quidquam cognoscit se habere. Item Sol quanquam ita est formosus in stola sua, ita gloriosus in splendore suo, ita efficacissimus in virtute sua, nihil tamen horum se habere cognoscit. Sed neq; bruta animalia perfectionem virium in ipsis po-



starum intelligunt. Et quia solus homo potest cognoscere bona quæ habet, soli etiam homini conuenit gaudere & lætari pro ijs quæ habet, cæterarum autem creaturarum naturalium omnino nulla de sua perfectione & nobilitate potest lætari vel gaudere. Gaudium enim & lætitia consurgit, cum quis cognoscit se habere aliquod bonum. Si autem habeat & non cognoscat, tamen nequaquam inde gaudebit. Vnde cum nulla alia res naturalis præter hominem sua bona cognoscat, gaudere inde non poterit, nisi homo solus, quantumuis magna sint bona, quantumlibet admirandæ perfectiones, quæ in alijs inueniuntur. Quod enim gaudium esse potest Soli (qui tamen est pulcherrima, formosissima, virtuteque efficacissima creatura) de omni sua pulcritudine, virtute & præcellentia super astra cætera, cum nihil horum ipse cognoscat? Quale gaudium est herbis & plantis, quod secundum suam naturam digniores sunt & altioris gradus quam lapides & cætera mineralia? Quale gaudium est bestiis irrationalibus, quod præcellat nobilitate sensus arbores atque plantas? Non enim suam excellentiam cognoscunt. Atque ideo omnes creature quasi in tenebris sunt. Quale verò gaudium habere possunt, quæ in tenebris sunt, & lumen cæli non habent? Solus homo in lumine est, per lumen naturale intellectus omnia discernens, omnia diiudicans, suam excellentiam super omnia alia per intellectum cognoscens. Neque omnino aliquid est in homine quod non ipse per intellectum possit cognoscere, adeo ut etiam seipsum intelligat, ac super seipsum reflectatur & super actum proprium: quod nulla alia inferior potentia facere potest. Visus enim non potest se videre, neque sensus communis, neque æstimatoria, neque phantasia seipsam cogitare potest. Item visus non cognoscit se videre, neque sensus communis se sentire, neque phantasia potest se phantasiari. Vnde nullum brutum potest cognoscere se phantasiari aut æstimare, quoniam deest illi potentia superior per quam id posset. Solus est intellectus, qui seipsum potest cognoscere & cognoscit, qui que solus super suum actum reflectitur, dum intelligit se intelligere. Imò amplius adhuc, intelligit intellectus intelligere se, quod intelligat se intelligere. Denique quotiescunque reflectat intellectum super suum actum, poterit semper à seipso apprehendi. Ipse namque intellectus agens, cum sit potens omnia efficere (ut supra diximus) id est, omnium rerum speciem in intellectu possibili

*Solus homo de suo bono gaudet.*

producere sua virtute, etiam substantiarum immaterialium, etiam entis primi & felicissimi, quod est Deus, potest & sui ipsius speciem in intellectu possibili efformare, ut sic & ipse cognoscatur secundum propriam suam speciem. Et cum (ut supra diximus) ens vel verum sit obiectum intellectus, quidquid sub hoc obiecto comprehenditur, illius potest in intellectu species efformari: quemadmodum omnis eius quod sub colore (qui est obiectum visus) comprehenditur, potest in oculo species produci: sicque necesse est omne quod sub ente comprehenditur, posse ab intellectu apprehendi atque intelligi. Ac proinde ipsemet intellectus, cum sit res aliqua, potest ab intellectu intelligi, id est, à semetipso. Ipse quoque actus eius, simili ratione, ab ipso est intelligibilis. Omnis quoque bonitas & perfectio rerum (cum sit ens quoddam) sub intellectu cadit iudicio, & ita cum omnia quæ sub ente comprehenduntur cognoscat, potest ipse diiudicare quid excellentius, conferendo bonitates illas & perfectiones adinuicem, quemadmodum visus inter colores discernit, & sensus communis inter omnia exteriora sensibilia. Vbi dum nihil inuenit homo seipso præcellentius, nullam perfectionem tantam in vlla creatura quàm in seipso, ita cognoscit homo seipsum (intellectus ratione) cæteris animatibus præstare, atque cæteras omnes res naturales longo interuallo post se se relinquere.

CAP. XXII. *Quomodo intellectus ex semetipso Deum potest cognoscere.*

**N**on solum autem intellectus potest quæ sunt inferiora se creata cognoscere, verumetiam, quæ supra se sunt angelicas substantias, atque ipsas etiam præsentem Deum (ut supra declarauimus) per duos modos, scilicet per abnegationem, & per excellentiam. Quibus tamen nunc etiam tertium adiicimus modum, dicentes, quod intellectus agens per semetipsum & ex semetipso potest sibi formare aliquam speciem, per quam Deum intelligat. Cum enim intellectus se cognoscens discernit suam perfectionem (quæ in hoc consistit quod omnia quodammodo potest in se efficere & omnibus assimilari, sicque omnia potest cognoscere) à sua imperfectiōe (quæ in hoc est, quod sit in potentiâ omnia, non autem omnia actu) ac deinde similitudinem aliquā in semetipso efformare cœperit superioris alicuius intellectus, qui

Vide quomodo intellectus ex seipso potest Deum cognoscere.

actu semper est omnia, omnium in se rationes & similitudines semper actu habens, & ab æterno sic habens, vt non in-  
sit in potentia, neque esse possit in potentia ad alicuius spe-  
ciei de nouo susceptionem, sicque ab æterno semper actu in-  
telligentis omnia, quæcunque intelligibilia sunt, vt non pos-  
sit aliquando intellectiōem alicuius rei, acquirere vel per-  
dere, neque crescere, neq; minui in intelligendo talem pro-  
fectō similitudinem talis intellectus admirabilis, in seipso ef-  
formans noster intellectus agens, proculdubio speciem ha-  
bet & similitudinem, in qua intelligat Deum. Nimirum eius-  
modi intellectus perfectissimus & nobilissimus est Deus, qui  
purus actus est, & non in eo quidquam potentia, actuque  
omnem in se habet similitudinem, & ab æterno habuit: ne-  
que quidquam non dico erit, non dico fuit, non dico est, sed  
esse potest, cuius non ipse ab æterno præsentem habeat co-  
gnitionem, ita exactam, ita distinctam, vt meus modo intel-  
lectus illud intelligit, cuius actu specie tangitur. Propter  
quod etiā omnia nuda sunt, & aperta oculis eius, iuxta Apo-  
stoli sancti testimonium: neque quidquam potest esse illi  
perfectissimo intellectui occultum, neque præteritum potest  
obliuisci, neque futura potest non cognoscere, tanquam si  
oculum aliquem fingamus esse qui in se congenitas habeat  
omnium rerum species & similitudines, multò perfectius q̃  
possint ab obiecto in ipsum imprimi, & has species à seipso  
sic habeat, vt non egeat obiectorum præsentia corporali, hic  
oculus indubiè omnia cerneret, etiam absentia: imò etiam  
res præteritas & futuras per species in ipso seruatas videret,  
insuper etiam abditissima contueretur. Ita sanè ex semetipso  
intellectus agens formare potest speciem & cognitionem  
summi Dei: ita vestigium potest aliquo modo in semetipso  
primarium fontem agnoscere, ita scintilla lucem immen-  
sam aliquatenus contemplari.

Hebr. 4.

CAP. XXIII. *Quomodo ratione intellectus homo de perfe-  
ctione omnium aliarum creaturarum letari potest.*

**H**abet quoque per intellectum homo, vt nō solū (quem-  
admodum suprā declaratum est) possit de ipso propria  
perfectione, & de ijs quæ sunt in bonis gaudere, verum etiam  
de perfectione & bonitate omnium aliarum rerum. Gaudiū  
enim non solū consurgit ex hoc quod in nobis ipsis bo-  
num cernimus, sed etiam eūdem aliquam perfectionem in aliis



aduertimus, maximè si ad nos spectet ille in quo cernimus, si nobis sit aliqua ratione coniunctus, videlicet amicitia familiaritate, consanguinitate, affinitate, ordine, gradu, vel alio quolibet conlimili modo. Gaudemus enim in amicorum, fratrum, vicinorum, consanguineorum civiumque prosperitatibus. Cum ergo omnis creatura corporalis non minimo vinculo sit homini coniuncta, neque vna ratione ad humanam speciem attineat, meritò debet homo in omni perfectione quam cognoscit in creatura, oblectari. Est enim omnis corporalis creatura, homini multis modis coniunctissima. Primum quidem, ratione eiusdem opificis, qui ipsam & hominem idem ipse condidit & creauit, quoniam ab auctore Deo, tanquam ab eodem patre, cuncta procedunt. Qua consideratione, sancti Dei homines etiam creaturas vilissimas dignabantur fratres atque sorores appellare: primarij videlicet fontis, vnde effluerant, spectantes originem. Inferiores quoque istæ, creaturæ viuentes, ex eadem terra (tanquam ex eadem communi omnium matre) procedunt. Quod si consideremus cætera omnia corporalia propter nos esse facta, & propter nostrum seruitium, nostramque vtilitatem & omnem illarum perfectionem, attendamus ad nostrum commodum, nostrumque ministerium, esse ab optimo & nimium nobis benefico Deo ordinatam: quomodo non maximè in illorum perfectionibus gaudere debemus? Quis enim paterfamiliàs non gaudet de suæ familiæ bono? Quis Dominus non lætatur in seruorum prosperitate? Est autem homo velut paterfamiliàs & Dominus in magna domo mundi huius quam ædificauit illi Deus, vt ipse ex omnibus seruitium capiat, iucunditatem, & vtilitatem tam corporis quam spiritus. Quod enim Sol tantum habet decorem, tam gloriosum ornatum, mihi habet, non sibi. Mihi habet, vt me sua claritate latificet, vt mihi lumen gratissimum per dies singulos adducat. Mihi habet, vt terram faciat germinare ac de se producere abundanter omnia, quibus ego ad corporis ego sustentationem. Denique mihi habet omnem suam gloriam, vt me moneat pulcritudinis creatoris mei: qui cum meo aspectui sese monstrat tam mirabiliter pulcrum & fortem, vtrique hoc me docet luce clarius, habere se creatorem incomparabiliter pulchriorem, & magis validum ac robustissimum. Quod etiam arbores fructus producant, non sibi,

sibi, sed mihi producant: herbæ odoriferæ odorem fundunt, non sibi, sed mihi: flores pulcherrimos producant, non sibi, sed mihi. Et (ut insignis ille Poëta ait): Sic vos non vobis vellera fertis oues. Sic vos non vobis mellificatis apes. Sic vos non vobis, fertis aratra boues. Sic vos non vobis nidificatis aues. Scilicet ego ille sum, cui hæc omnia ex Dei præcepto inseruiunt, ut mihi in omnibus (tam quæ ad necessitatem, quàm quæ ad castam voluptatem) abundè sit prospectum. Vnde Propheta, Non pauidisti solum, inquit, sed delectasti me Domine in factura tua. Hæc ergo omnia cum per intellectum homo cognoscat propter se ita in suis perfectionibus disposita, vnumquodq; in genere suo iustum est, ut diligenter naturales eorum perfectiones consideret, inque eis seipsum oblectet, ad gloriam eius qui omnia mirabilia condidit.

CAP. XXIIII. *Quòd ratione intellectus solus homo possit & debeat agere gratias Deo, pro se & omnibus creaturis.*

Consequitur ex prædictis, quòd solus homo ratione intellectus Deo potest & debet agere gratias, & non vlla creatura alia corporalis: quodque non pro se solo & bonis quæ in seipso sunt, verumetiam pro omnibus bonis quæ in alijs creaturis inveniuntur, possit homo & debeat agere gratias omnium creatori omnipotenti Deo. Gratiarum actio nanque requirit primo susceptionem beneficij, deinde beneficij accepti cognitionem, eius quoque cognitionem qui beneficium præstat, ac postremò gratitudinis declarationem pro accepto & agnito beneficio. Beneficij susceptio communis est homini cum omni creatura. Omnis nanque creatura particeps est beneficiorum creatoris sui. Cætera verò nō nisi solius hominis sunt. Solus enim homo beneficia cognoscit (ut declarauimus) tam ea quæ in se ipso accipit, quàm quæ in alijs creaturis. Solus etiam homo per intellectum cognoscit bona ista quæ in se habet, atque etiam quæ in alijs creaturis conspicit, non ab ipso esse: neque creaturas à seipsis habere, sed ab vno omnium benefactore Deo. Denique solus homo potest pro suscepto beneficio bonum & gratum animum declarare, & signis congruis ad benefactoris gloriam id protestari. Potest enim homo voce testari & eloqui magnalia Dei sui, eiusq; beneficia (quæ tam ipse quàm aliæ creaturæ accipiunt) ad Dei gloriam prædicare. Potest etiam alia quæ-

quædam exteriora opera exhibere, ad hoc ipsum demonstrandum, videlicet cantare, laudare, sacrificia offerre, vota facere in instrumentis musicis personare: quæ omnia ad gratiarum actionem spectant, & soli conueniunt homini. Potest ergo solus homo gratias agere, & cum possit, utique & debet. Nam id ratio naturalis dicitur, etiam homini benefico pro minimo aliquo beneficiolo, ut minimum, gratias agere, ut ne dicam gratiam referre: quanto magis illi cuius beneficium est quidquid sumus? Et cum in omnibus creaturis homo accipiat beneficium (eò quod propter ipsum facta sunt omnia) utique pro omnibus ipse debet gratias agere Deo. Cum enim seruo aliquid impenditur beneficii in vilitatem domini, indubie dominus magis quam seruus tenetur gratias agere beneficienti. Et cum puero adhuc infanti & ratione carenti impenditur beneficium, utique parentum est beneficienti gratias agere pueri loco per ætatem fari adhuc & gratias dicere impotentis. Debet ergo homo gratias agere Deo, non modo pro se, verumetiam pro omni creatura, maxime corporali, duplici consideratione: tum quia solus potest, & præ omnibus potest: tum quia in omnibus ipse accepit beneficium. Vnde gratias agere debet homo Deo suo, quod Soli tantam dederit claritatem, tantam virtutis efficaciam & nobilitatem. Item quod terræ & aquis talem dederit fecunditatem, quod aërem repleuerit volatilibus, quod aues ita plurimum ornatu decorauerit, quod arbores, ac herbas ita fructiferas odoriferasque fecerit, & ita in singulis. Illæ enim creaturæ excusabiles sunt, si gratias non agant, tum quia minime id possunt, tum quia quidquid acceperunt, potius homo in ipsis accepit, quam ipsæ in seipsis, vel pro seipsis, quemadmodum id quod seruo impenditur in vilitatem domini, domino potius quam seruo impenditur. Hinc considera o homo, quanta tibi incumbit seruiendi domino Deo tuo necessitas. Attende, quanta tenearis erga Deum obligatione: qui non pro vno teipso, verumetiam pro omnibus creaturis Deo tuo seruire ad gratiarum actionem obligaris. Vide quanto vinculo te sibi colligauit, dum te super omnia constituit. Magnum (fateor) te creauit, & sublimi admodum loco posuit altissimus conditor tuus, dum te paulominus ab Angelis minorem fecit, gloria & honore coronauit super omnem corporalem creaturam, constituitque super cuncta



manuum suarum opera, omnia subiciens sub pedibus tuis, *Psalm. 8.*  
 non solum oues & boues, pecora campi, volucres cæli, & pisces maris, qui perambulant semitas maris, verum etiam Solem, Lunam, & stellas nobilissima illa perpetuè incorruptio-  
 nis corpora, quæ dominus Deus tuus creauit in ministerium cunctis gentibus. Ita quidem magnum & excelsum nimis altissimus te conditor tuus constituit, pro omnibus. Verum quanto tu altior es Dei speciali beneficio & superemines omnibus, tanto magis te agnosce Deo tuo obnoxium, qui sic te magnificauit & eleuauit super omnia. Agnosce (quod verum est) nullam creaturam aliam æquè Deo esse obnoxiam, æquè forti vinculo Deo esse colligatam, agnoscensque obligationem, modis omnibus satagè iustum iuste persolvere debitum, ut quibus possis modis Deo tuo studeas vel gratias agere, quandoquidem referèdi neque necessitas est, neque possibilitas. Bonorum enim nostrorum ille non indiget *Psalm. 118.*  
*Coloss. 2.* in quo omnes diuitiarum thesauri sunt absconditi. Grati tamen animi declarationem, & protestationem per signa congrua utique à nobis expolcit, gratiarum seuere exigit actionem, non utique propter suam voluntatem, sed ob nostram utilitatem, ut cum pro acceptis beneficijs temporalibus non sibi gratos comprobauerit, maioribus aliquando afficiat in conspectu vultus tui, cuius in nobis imprefsit similitudinem Deus ipse Trinus & vnus, in secula benedictus. Amen.

## FINIT LIBER XI.

## PSALMVS PATRI SPIRITVVM

vniversæ carnis, in iubilatione mentis, & alacritate animi.

**P**aratum cor meum Deus, & iterum paratum cor meum: paratum corpus meum: parate vires omnes ad laudem tuam, quacunque siue corpus, siue animam inhabitant.

Et exurgam diluculo, & psallam magno nomini tuo, medijs noctibus consurgam de lectulo quietis meæ, ut personem cantica ante thronum amantissimum tui amabilis thalami.

Date mihi tympana, lyram, citharam, nablum, & cymbala benè tibi uidentia: edent in illis articuli manuum mearum melodiam benè reso-

nantem in auribus Domini sabaoth.

Turbas afferte huc mihi: & clangam in eis: os meum late aperiam, atrahamq; spiritus flatus, ut buccis valeam concrepare plenissimis.

Non cessabit oblectari in Deo meo animus quem creavit, quem posedit ab initio, in quem impressit admirabilem similitudinem, imaginemq; nobilitatis suae.

Videbo ego calos opera manuum ac digitorum tuorum quae fundasti in fortitudine tua: insuper Solem, Lunam & stellas cuncta impudissima.

Contemplans video totum iucundissimum decorem, potentissimum vigorem, & ordinem verè admirabilem non sufficio pro dignitate cõtemplari vel totis conatibus, quae tu nullo perfecisti negotio.

At verò ubi ad memetipsum in intima reflecto oculos meos, cessant videri mirabilia, quaecunq; foris conspicio.

Domine, domine, domine quid est homo, quia sic manifestasti eum? homo quid est ut tanti illum feceris?

Vere paululum est ac modicum quo minuiisti genus nostrum ab angelicis Principibus tuis: omnis corporalis creatura Regem & Dominum (dato in manibus eius sceptro potentiae, & in capite corona gloria) constituiisti hominem.

Propter hunc enim creasti omnia, & cuncta subieciisti pedibus eius, præcellentissima caelestium corporum creasti in ministerium cunctis gentibus.

Sol accede huc nobis magna moles, & lata substantia: vide an possis in tota tua virtute atque pulcritudine nobiscum contendere.

Esto sis gloriosus in fortitudine tua, formosus sis in fulgidissima stola tua, comas tui splendoris de tanta spargens altitudine in una terra viscera.

Sed nunquid vides ipse, aut intelligis decorem pulcritudinis tuae? nūquid cognoscis perfectionem virtutis tuae, quae antecellis subiecta oīa?

Dic, si nosti illum, qui cuncta in te posuit quae habet mirabilia: responde muta substantia, si quidquam horum intelligis.

Magne Deus non illi contulisti splendidissimo corpori, quod mihi donasti stercorelenta & feculenta creaturula: verè multa mihi, & magna nimis contulisti in re ruica.

Etiā si in millecuplum augmentetur tibi Soli rationalis pulcritudo decoris, & fortitudo roboris tui: quantumvis pauper & humilis ego semper immenso te superabo intervallo, hoc solum tenens quod nunc possideo.

Intel-

Intellectu & ratione tu donasti dominator genus nostrum: à se  
præcessit nobis hac tanta præcellentia.

O utinam pro dignitate gratiarum actiones tibi valeamus persol-  
uere: nimis magna enim sunt quæ nos accepimus, & nimis pauca, imò  
nimis nulla sunt quæ valeamus reddere.

Tu nos scientiarum Domine iustas tibi fac reddere gratiarum ac-  
tiones, doce nos Doctor optime in spiritu & veritate famulatum si  
be exhibere decentem.

Tu das velle, tu das perficere pro tuo beneplacito: magne Deus sem-  
per nos tantis fac gratos esse beneficiis.


Gloria patri, & filio, & spiritui sancto.

Sicut erat in principio, & nunc & semper, & in secula seculor-  
um. Amen.

FINIT PSALMVS:

## IN LIBRVM XII. CONSI- DERATIONIS PHYSICAE, DE APPETITV SENSITIVO, ET VO- LUNTATIS PRÆCELLENTIA,

P R A E P A T I O.



Mnium creator perfectissimus Deus, cu-  
ius (iuxta Prophetæ confessionem) perfe-  
cta sunt opera, cum animalium genus sensi-  
tius virtutis nobilitate cæteris omnibus  
insensibilibus creaturis vellet præferre,  
voluit & appetitiuam virtutem adiungere  
qua valerent per sensitiuam apprehensa  
amare vel odire, prosequi aut fugere, itemque de præsentibus  
gaudere vel tristari. Quorsum enim conduceret res  
obiectas apprehensione mirabili percipere, si non talis es-  
set adiuncta virtus, qua erga res perceptas possent iuxta ra-  
tionem obiecti apprehensi moueri & affici? Ad eundem pla-  
nè modum, humanum genus cum benignissimum conditor  
voluisset super naturam brutorum animalium constituere: vt  
nò solum crassa ista & corporalia sensibus subiecta, verum etiam  
spiritualia & insensibilia, posset apprehensione intellectiua  
cogno-



cognoscere, voluit item & huic nobiliori potentie cognoscitiue correspondentem nobilitate adijcere vim appetitiuam, id est, intellectui voluntatem, per quam ad ea posset inclinari amanda, odienda, prosequenda, & fugienda, ad quæ nequaquam sufficeret appetitus brutalis ille sensitiuus, nimium ad spiritualia innobilis. Quomodo autem in homine non solus est intellectus, sed est simul cum sensu & super sensum intellectus, sic & hic appetitus superior in eo non solus non est, sed cum inferiore simul exiit. Duorum autem horum appetituum consideratio, maximam homini ad cognitionem sui ipsius adfert utilitatem. In his ergo duabus appetitiuis potentijs finem accipiat hæc Phytica consideratio. Post eam namque absolutam non erit in rebus naturalibus quò longius proficiscamur, nisi naturam penitus relinquentes in supernaturalia toti transeamus: quòd impræsentiarum nostro instituto minimè conuenit, qui non nisi considerationem rerum naturalium, earumque ad creatorem reductionem, præsentì determinatione intendimus.

CAP. I. *Ostenditur quid sit in homine voluntas, per comparisonem ad appetitum sensitium.*

**E**St ergo in homine altera quædam potentia ab intellectu distincta, solis etiam hominibus peculiariter conueniens potentia admodum nobilis & excedens: vnde plurima singularia homo habet, quæ cum nulla altera specie habet communia. Ad perfectam ergo hominis considerationem, necesse erit post intellectum hanc etiam virtutem diligenter considerare, & quomodo in brutis inueniri non possit, quouè indicio peculiariter speciei humanæ cognoscatur inesse, & quomodo ad appetitum sensitium se habeat, & quæ homini donet eximia distinctè determinare. Vocatur autem voluntas nomine composito, potentia volitiua, siue appetitus intellectiuus. Est enim potentia talis per quam homo appetit, vult, & non vult, ea quæ secundum intellectum iudicat bona vel mala. Id autem in se homo quilibet experitur, talem aliquam vim sibi inesse, per quam possit ea quæ per intellectus iudicium vt bona vel mala cognoscit aut velle aut nolle. Quemadmodum autem rectè non potest cognosci natura intellectiue potentie, nisi per comparisonem ad sensum secundum similitudinem & dissimilitudinem, videlicet nisi ostendatur

datur in quo sensus cum intellectu conueniat, & in quibus differant abinuicem: ita non potest exactè cognosci naturā potentiæ volitiuæ, nisi secundum comparationem ad appetitum sensitium. Sicut enim in homine duplex est potentia apprehensiuā rerum extra existentium, ita est & duplex vis appetitiua, altera videlicet quæ sensui coniuncta est, & ad sensus iudicium mouetur: ea quæ sensus iudicat conuenientia amando & prosequendo, quæ disconuenientia odiendo & fugiendo. Atque hæc vocatur appetitus sensitius. Et conuenit hac in parte homo cum cæteris animalibus brutis, quæ admodum & in sensu. Altera verò superior est coniuncta intellectui, & corpori nullo modo (sicut neque intellectus) immersa, per quam homo, id quod intellectus iudicat bonum, amat & prosequitur, quod malum, odit & fugit. Et hæc quia sic intellectui coniungitur, vocatur appetitus intellectiuius. Cognoscitur autem huius duplicis appetitus differentia ad eum modum quo deprehenditur differentia sensus & intellectus, videlicet quoniam experimur hominem ea posse velle aut nolle, ea amare vel odire, quæ nequaquam sensus apprehendit, & quæ ad iudicium sensus nullo modo videntur sic amari vel odio haberi. Quemadmodum (exempli gratia) virtutes amamus, & probitatem amatam prosequimur: vitia autem odimus & fugimus atque auersamur, quæ tamen manifestissimum est sensu non apprehendi, ac proinde de sensituo appetitu sic non appeti: cum ille tantum prosequatur quæ sensus iudicat conuenientia. Oportet ergo esse in homine alium quendam superiorem appetitum, per quem homo ad illa quæ sensus iudicium excedunt, & quæ sensus nec conuenientia nec disconuenientia iudicare potest, inclinetur & propellatur, ea vel prosequendo vel fugiendo. Ad cuius intellectiui appetitus meliorem cognitionem obtinendam, pauca quædam de sensituo appetitu volumus præmittere, quoniam sine cognitione sensitui appetitus plenè intellectiuius cognosci non potest.

CAP. II. De appetitu sensituo quomodo mouetur ab obiecto secundum phantasiam proposita.

**I**nuenitur autem appetitus sensituius generaliter in omnibus animantibus, neque potest non esse, vbiunque fuerit sensus vel vnicus. Nam & imperfectissima animalia, etiam quæ (iuxta probabiliorem sententiam) solum tactum

*Arist. 3. li.  
de anima  
cap. 8.*

possident, appetitui isto non carent. Inest uanque eis appetitus quidam convenientis nutrimenti, quem etiam indicant, dum se huius graua dilatant, vel constringunt. Omnis enim motus animalis quantumcunque imperfectus indicium est inexistentis appetitus sensitiui. Ad hoc enim se mouent, ut quod appetunt consequantur. Vnde Aristoteles, de animalibus imperfectis (ut vermibus & muscis) aut ea habere vagam imaginationem & appetitum, id est phantasiam vagam siue imperfectam & consimilem appetitum. Perfectam tamen phantasiam negat illis adesse, atque ita & appetitum perfectum consequitur ab eis abnegandum. Ex quo patet, quod æstimatorum siue phantasie adiuncta est vis appetitiua, eò quod hæc ita se inuicem consequantur secundum naturam. Non enim statim ubi sensus exterior perceperit aliquid sensibile, mouetur appetitus ad prosequendum vel fugiendum, neque item mox ubi sensus communis apprehenderit, sed neque cum imaginatiua nuda illud imaginata fuerit. Verum cum ad æstimatoriam usque fuerit peruentum, ut per eam iudicetur tale obiectum amicum vel inimicum, conueniens vel disconueniens, tum demum animal ipsum per appetitum mouetur ad concupiscendum vel odiendum, ad prosequendum vel fugiendum, ad lætandum vel contristandum. Nam id manifestè monstrat experientia. Cum enim appetitus moueatur secundum rationem conuenientie vel disconuenientie, nullus autem exterior sensus conuenientiam vel disconuenientiam apprehendat, neque ullus interior præter æstimatoriam (quæ intentiones conuenientie vel disconuenientie elicit ex rebus sensatis) consequitur ad solam æstimatorie operationem ipsiusque iudicium, appetitum moueri. Et notandum, quod appetitus iste mouet & mouetur. Mouet enim ipsum animal, & immediatè vim motiuam quæ est in membris ad quærendum id quod prosequitur. Mouetur verò ipse à phantasia, quatenus ipsum obiectum præsentat & offert appetitui, sub ea ratione sub qua appetitus moueri potest ad odium vel ad amorem, ad prosequutionem vel ad fugam. Obiectum enim præsentatum & ablatum virtuti appetitiuæ sub ratione conuenientie, mouet ad sui prosequutionem: sub ratione autem disconuenientie, mouet ad fugam. Ut cum canis videt cibum, eumque sibi conuenientem iudicat, mouetur ad prosequendum ipsius appetitus



ab æstimatiua: quatenus videlicet ipsa obiectum illud præsentat sub ratione conuenientis: & cum baculum videt eleuatum ad verbera, mouetur ad fugiendum appetitus, ab obiecto sub ratione disconuenientis proposito, per æstimatiuam.

Mouetur autem appetitus ab obiecto sic sub ratione conuenientis aut disconuenientis præsentato naturaliter, absque vlla libertate vel deliberatione. Canis enim cibum conuenientem videns, cumque æstimans sibi conuenientem, naturaliter amat atque prosequitur & accurrit ad illum, & videns baculum eleuatum ad verbera, æstimando sibi hoc disconueniens, & inde male sibi futurum, ita naturaliter fugam petit, qua malum euadat, quod sibi æstimat imminere. Cum verò plura simul fuerint obiecta proposita, quod fortius mouet secundum suam rationem, id naturaliter præualet & mouet appetitum. Vt cum duplex cani cibus est propositus, ille qui magis conueniens ab æstimatiua iudicatur, appetitum naturaliter mouet. Ita cum ex vna parte delectabile proponitur, & ex altera contristabile (vt ex hac parte cibus conueniens cani, & simul baculus eleuatus ad verbera) solet plerumque verberum terror præuallere, vt cibo relicto fugiat. Est enim hæc appetitus natura, vt magis vehementer magisque cito ad fugiendum à terribilibus moueatur, quam à delectabilibus ad prosequendum. Facilius enim & vehementius contristabilia, siue Notas terribilia operantur in appetitu sensitiuo fugam, quam delectabilia siue concupiscibilia, efficiant in ipso prosequutionem. Vnde ad oculum videmus moueri homines multo amplius timore mortis, quam amore vitæ, & multo vehementius dolere de infirmitate, quam gaudere de sanitate.

CAP. III. *Quomodo appetitus sensitiuus semper naturaliter moueatur absque libertate.*

Contingit verò interdum duobus appetitui propositis obiectis, ambobus delectabilibus, ad neutrum statim moueri, sed interdum ad tempus gradum sistere, eò quod ex vtraque parte æque fortis sit motio & operatio obiecti, & æstimatiua ad vtranque partem æque sit propensa, neque plus ad hoc quam ad illud ferat suum iudicium. Atque ita nunc accidit, vt quasi deliberare videatur irratio-

nale animal : cùm tamen reuera nulla in eo sit deliberatio, quæ est solius rationis, sitque vt postquam tandem alterum acceptauerit, quasi eligere videatur, cùm tamen electio nequaquam competat brutis, sitque solius hominis. Vnde hoc sciendum est, quòd canis ille sic quasi dubitabundus consistens, dum & huc & illuc vocatur, nequaquam consulit, neque villo deliberat : sed habet se appetitus ille admodum lingue siue examinis in libra, siue bilance, cùm lanx vtraque pondus penitus æquale in se habuerit. Quemadmodum enim ista neque in hanc partem deorsum trahitur, cùm tamē sit pondus sufficiens ad eam pertrahendam, neque in partem alteram, cùm sit & ibi pondus sufficiens, sed (propter ponderis æqualitatem vtrinque æquali fortitudine trahentem) cōsistit in medio : sic & appetitus irrationalis animalis existente ab vtraque parte pondere æquali & obiecto æquē ad mouendum valido fixus consistit, & neque huc neque illuc mouetur, cùm vtroque tamen trahatur. Fitque illa immobilitas penitus naturaliter, nec vllius est deliberationis indicium. Alioqui, cur non & linguam in trutina dixeris deliberare, cùm ita hæret in medio? Et cùm tandem contingit in alterā partem rapi animalis appetitum, nequaquam electionis est iudicium, non amplius quam lingua illa modico flatu adiuta in vnā partem tandem vergens, dici debet elegisse hanc partem ad quā flectitur. Quòd si interrogas, qui ergo fieri potest, vt tandem ad vnā partem moueatur appetitus, si nō per electionē id fiat, & ex libertate eligendi? Dicimus quòd ad eum modum animalis appetitus tandem in alteram partem trahitur, quomodo lingua illa modico vento adiuta in partem alteram mouetur, etiam si pondus maneat vt antè. Si enim contigerit æstimatoriam aliquantò magis vni obiecto & fixius intendere quā alteri (etiam si non æstimet illud magis conueniens) solum ex hoc quòd fixius intendat iudicio vnus conuenientis quā alterius, & ad illud fortius se conuertat, ipse appetitus rapietur adueniente impetuoso flatu in illam partem, in quam æstimatoriam contigerit fixius intendere. Ac tunc quidem ita se habebit illa definitio fortior æstimatoriæ in alterum obiectum, ad faciendum vnus illius prosequutionem, quomodo se habet adueniens in vnā lancem flatus venti, ad mouendum linguam in partem alteram. Vnde non videretur aliqua ratione verisimile, quòd vulgò

per iocum solet iactari de asino quem vocant Buridani, habente pabulum vtrinque, æquè conueniens, æquè multum in eadem distantia sibi appositum, quòd fame esset moriturus in medio pabuli. Profectò qui id asserunt, naturam appetitus & æstimatorum virtutis non rectè cognoscunt. Et qui hoc ita asserunt, ne cogantur in animali deliberationem ponere, aut electionem, aut facultatem liberi arbitrij, ij sanè timore timent, vbi timor non est. Sola enim (vt diximus) conuersio maior atque attentio, defixioq; phantasie in alterum obiectum propositum efficere potest, vt altero relicto in hoc moueatur. Relinquitur ergo appetitum naturaliter moueri ab ipso obiecto appetibili, ita secundum rationem appetibilis propositi, per æstimatorum. Neque quidquā refert, siue dicas appetitum moueri ab obiecto appetibili sub ea ratione sub qua appetibile est, siue ipsam æstimatorum proponente appetibile, sub ratione appetibilis. Non enim ipsum obiectum per se mouet appetitum eo modo, quo obiectum sensus exterioris agit in sensum (vt videlicet per se aliquid imprimat obiectum exterius in appetitum) sed tantum quatenus per æstimatorum proponitur: ad cuius iudicium ipsius appetitus passio consequitur. Vocantur enim omnes ipsius appetitus inclinationes siue motus vulgato nomine passionēs, eò quòd appetitus ab obiecto pertrahitur ad concupiscendū vel odiendū, &c. propter quod ab obiecto quodammodo pati dicitur.

CAP. II. De varijs passionibus in appetitu sensitivo.

**E**T quia (vt diximus) appetitus mouetur ab obiecto per æstimatorum secundum rationem appetibilis proposito, hinc fit vt multiplex passio & varius appetendi mod⁹ possit in appetitu sensitivo inueniri secundū quod obiectū sub diuersis rationib⁹ potest per æstimatorum proponi. Cū enim proponit obiectū æstimatorum sub ratione cōuenientis, appetitus statim mouetur, & inclinatur ad illud, efficiturq; in ipso passio quæ appellatur amor vel concupiscentia talis rei: per quā videlicet inclinatur ad talem rem sub ratione conuenientis propositam. Et hæc est prima passio, quæ in appetitu exoritur. Si verò præsentetur hoc idem obiectum tanquam cōueniens & tanquam potens acquiri, ac tanquam propinquū ad habendum, ita vt nullum iudicetur obstaculum, quin possit illud consequi, ita fit progressus appetitus ab amore nu-

Amor.



*Prosequu-  
tis.*

*Voluptas.*

do ad prosequutionem. Incipit enim prosequi & iam tendo-  
re ad illud quod prius amabat. Nam amor est quasi prima in-  
clinatio ad rem propositam, prosequutio autem velut tendē-  
tia in rem amatam. Vnde manifestū est, prosequutionem istā  
nasci ex amore, quasi ex radice, Nihil enim prosequitur ap-  
petitus, nisi quod amat & cōcupiscit. Cum verò obiectū iam  
æstimatur vt præsens & consequutum, fit in appetitu passio  
lætitiæ, vel gaudij siue voluptatis: per quam in re primum a-  
mata, & per prosequutionem postmodum consequuta tan-  
dem conquiescit. Et non refert ad passionem gaudij in appe-  
ritu faciendam, vtrum iam actu sit præsens obiectum, vel  
propinquum, & certum quod iam iam habebitur. Quòd  
enim propè est (iuxta Aristotelis vulgatam sententiam) ni-  
hil distare videtur. Vnde gaudium etiam est de eis quæ pro-  
pinqua sunt, & iam iam ventura, quasi pro præsentibus ex-  
istimantur. Et hæc passio manifestè à prioribus distin-  
guitur, tanquam quies ab inclinatione & tendentiā, & ad  
prioribus duas consequitur, amoremque & prosequutionem  
præsupponit. Prius enim est rem amare, postmodum prose-  
qui, postmodum lætari. Vt (verbi gratia) brutum animal vi-  
dens pabulum conueniens, afficitur illi, & inclinatur ad illud  
pabulum, ipsumque amat: & si assequi potest, prosequitur, ac  
tendit ad ipsum consequendum. Vbi autem fuerit assequutū  
quod amauit & prosequutum est, tum deum oblectatur &  
conquiescit in eo. At verò amor solus esse potest absque po-  
sterioribus. Cum enim obiectum conueniens proponitur  
aspectui, sed non vt possibile adipisci, non fit adhuc prose-  
quutio. Veluti cum canis cibus conueniens proponitur, sed  
astat iuxta cibum qui baculum ad verbera eleuatum tenet, il-  
lic sanè amor est ad cibum, quem tam conuenientē æstimat,  
sed quoniam non proponitur, vt acquisibilis, neque vt propin-  
quus haberi, propter astans malum, amorem non sequitur  
prosequutio. Nonnunquam verò prosequutio est, & vno  
subsequitur lætitiā: quoniam videlicet non contingit asse-  
qui rem amatam & prosequutam. Nonnunquā etiam res iā  
acquisita non talis inuenitur, qualis antè indicabatur secun-  
dum æstimatiuam, atque ideo non consequitur gaudiū in ea  
iam habita & adepta. Frequenter enim æstimatiua decipi-  
tur iudicans, esse conueniens, quod verè non est conueniens.

Nihil autem refert ad passionum harum effectiōem in

appe-

appetitu, an res verè talis sit an non. Non enim obiectum appetibile secundum seipsum, vel secundum quod in se est mouet appetitum, sed secundum quod in phantasia proponitur, siue ita sit in re, siue aliter res habeat. Vnde cum æstimationa decepta iudicat hanc rem esse conuenientem, quæ secundum veritatem non est conueniens, nihilominus fit in appetitu amor & prosequutio, quàm si secundum veritatem talis esset. Cùm vero iã habita præsens fuerit, etiã gaudiũ de re præsentis habetur, donec deceptio æstimationis nō fuerit deprehensa. At vero mox ubi per sensum exteriorem æstimationa perceperit se errore delusũ in iudicando de re absente, cessat passio gaudij, cessante nimirum æstimatione conuenientis. Deponit enim errorem quo se comperit fuisse illusam. Itaque tres istæ passiones, amor vel concupiscentia, prosequutio vel desiderium, voluptas siue letitia sunt, quibus aspicitur circa obiectum conueniens.

## CAPVT V.

**H**is vero tribus passionibus prædictis correspondēt tres alia, quæ sunt circa obiectum contrarium, id est, circa obiectum discōueniens: odiũ videlicet, fuga, & tristitia vel dolor. Cùm enim primũ appetitui præsentatur obiectum discōueniens, mouetur appetitus displicentia, & quadam velut auersione opposita conuersioni concupiscentiæ vel amoris. Nā sicut obiectum appetibile efficit in appetitu primo conuersionē quandam & inclinationē ad ipsum, sic obiectum discōueniēs auersionē quandā & retractionem. Et hæc passio odium nominatur, estque amoris opposita. Et sunt duæ istæ radices omnium aliarum passionũ. Cum vero discōueniēs illud malũ æstimationa proponit vt iam imminēs animali, & tanquam propinquũ vt veniat, alia passio gignitur in appetitu, per quã querit elongari ab illo malo, ipsumque euadere & effugere. Et hæc passio appellatur fuga, & est quasi recessio quædam ab obiecto malo imminenti vel propinquo, per quam animal mouetur ad fugiendam, quod est discōueniens, sicut prosequutio (cui opponitur) tendentia quædam est ad cōueniens. Sed cum obiectum discōueniens iam præsens & habitũ fuerit, efficitur in appetitu passio doloris vel tristitiæ, qua affligitur in præsentia adepti mali, sicut per voluptatē (cui opponitur) quiescit in præsentis bono. Ita enim canis videns tinētem flagellũ ad verbera eleuatum

Odiũ.

Fuga.

Dolor.

primo aspectu odit & aueritur, & si ut sibi imminetia hæc verbera considerat, fuga mouetur, ad effugiendum imminens & propinquum malum. Cum autem in ipsius corp<sup>o</sup> flagellum fuerit incussum & verbera iam suscipit, dolore & tristitia affligitur: propter quod etiam exclamat, eiulando lamentans. Contingit autem interdum (quomodo de amore per contrarium diximus) ad odium non sequi fugam. Cum enim videt canis tenentem flagellum, odit quidē & aueritur, sed nisi videat sibi imminere aut sibi propinquum esse malum, non sequitur fuga, ut cum multum distat ab eo, qui flagellum tenet. Neq; item semper ad odium & fugā sequitur tristitia, vel quia malum illud non sit præsens, vel quia cum præsens fuerit, sensus nonnunquam monstrat non esse disconueniens, quod secundum æstimationem errantem prius disconueniens iudicabatur. Nihil enim refert ad odiendum, fugiendum, vel tristidum, an res disconueniens existat, modo ab æstimatione talis iudicetur. Vnde videmus homines quosdam morosus tristiari pro rebus quæ secundum veritatem eis non disconueniunt, neque in aliquo mala sunt, tantū propter firmam æstimationem, quod æstimēt sibi disconueniens, quod tale non est, quam æstimationem vel nolūt vel non possunt deponere. Atque ad hunc modum tristatur canis aliquo modo, dum irascitur ex hoc solum, quod domum quis ingreditur, aut fimarium, in quo iacet, non ad mali aliquid faciendū, aut quod per plateam aliquis transeat, cum id ei nullo modo sit disconueniens.

CAP. VI. De appetitu concupiscibili, & irascibili & de passionibus irascibilis.

**I**Nueniuntur autem & aliæ passionēs in appetitu sensitivo diuersæ à prædictis, originem tamē ex eis habentes. Pro cuius intellectu sciendum est, quod appetitus sensitivus apud Philosophos (tam physicos quā morales) diuiditur in duas partes, videlicet in concupiscibilem, & irascibilem.

Quid appetitus concupiscibilis.

*Appetitus concupiscibilis dicitur, quo res erga obiectum conueniens, vel disconueniens, erga bonum vel malum simpliciter afficitur, secundum rationem sub qua proponitur ab æstimatione.*

Atque hanc partem spectant passionēs illæ omnes, quas supra iam distinximus, videlicet amor, prosequutio & gaudium circa obiectum conueniens; odium autē, fuga & tristitia



circa obiectum disconueniens & malum. Considerant enim hæc passionēs simpliciter bonū aut malum secundū simplicem aliquam rationem, vt timor & odiū conueniens vel disconueniens, vnde propositum: prosequutio & fuga bonum vel malum imminens: gaudium & tristitia, iam præsens. Denominatur autem hæc pars concupiscibilis à primo & præcipuo suo actu, qui est amare vel concupiscere.

*Irascibilis verò appetitus dicitur qui mouetur à bono vel malo proposito, non simpliciter sed sub conditione alicuius arduitatis vel difficultatis.*

*Irascibilis appetitus.*

In hac parte sunt spes & desperatio, audacia & timor & ira: à qua (vt magis manifesta) pars ista irascibilis nominatur.

Hæc enim passionēs omnes pro obiecto habent arduum. Vnde Spes est quasi amor boni ardui. Audacia est, quasi prosequutio boni ardui. Desperatio est, quasi odium & auersio ardui, propter arduitatem. Timor est, quasi fuga ardui mali: & Ira, quasi tristitia mali ardui, cū iam præsens fuerit. Quarū passionū ab inuicem distinctio, non parū ad cognitionē appetitus sensitiui conducet. Passio nāque spei in appetitu oritur, quādo ab æstimatoria proponitur obiectū aliquod cōueniens, tamen sub ratione ardui: quatenus videlicet difficultatem habet ipsum obiectum in acquirendo. Vt cū proponitur canis cibus cōueniens, sed astat, qui flagellum tenet, atque ita arduitas & difficultas simul opponitur, illo tamē arduo non obstāte, adhuc inclinatur canis, & mouetur amore ad ipsum cibū cōuenientem, æstimans arduitatem illā se posse superare, & propter arduitatem non desinit ad rem illam inclinari tanquam sibi possibilem adipisci, hic sperare dicitur. Spes enim est de rebus arduis & difficilibus.

*Spes.*

Quæ enim arduitatem & difficultatem non habent, sperare non dicimus. Econtrariò autē desperatio est cum ratione ardui propositi, aut præsentatæ difficultatis, appetit⁹ auer titur ac desinit ab obiecto aliās, appetibili & conuenienti, vt amplius ad ipsum non moueatur, neque inclinetur, vt pote nō possibile adipisci. Veluti cū canis cibum appetit vehementer: sed videt flagellū tam terribile, & tam terribiliter vibrantem flagellum, qui astat cibo, vt nō æstimet se posse arduitatē superare, & verbera talia euadere posse vel perferre, hic certe desperat, quia ab eiusmodi appetitu desinit obiecti cōuenientis propter arduitatem & difficultatē, quam æstimat

*Desperatio.*

in-

insuperabilem. Respondent autem spes & desperatio in irascibili, amoris & odio in concupiscibili: estque spes velut amor quidam boni ardui, secundum rationem ardui. Nam quatenus bonum obiectum amatur, quatenus verò arduum speratur. Desperatio autem est, quasi odium ardui secundum rationem ardui: id est, auersio ab arduo ut arduum est. Videntur autem spes & desperatio non solum respicere bonum, sed etiam malum. Spes enim est de bono arduo consequendo, vel de malo arduo superando. Unde sperare dicitur, qui bonum aliquod, quod amat non desinit, sed pergit appetere, nihil obstante consideratione ardui. Sperat etiam qui amat mali alicuius, quod odit euersionem, & superationem, tametsi arduum habeat adiunctam, malum illud euadere vel superare. Item desperat de bono arduo consequendo, propter arduum, vel de malo euadendo, aut superando propter arduum. Ut (verbi gratia) brutum animal sperat consequi pabulum, quod videt, etiam si aliquid difficultatis sit adiunctum, & sperat effugere periculum sibi imminens, etiam si sit arduum ad effugiendum. Aut econtrario desperat de consequendo pabulo propter nimiam arduum, aut de superando euadendoque periculo propter nimiam arduum quam sibi putat insuperabilem. Itaque tam boni consequutionem, quam mali superationem, atque euersionem respiciunt spes & desperatio. Atque ita in sequentibus passionibus est dicendum. Audacia verò & timor differre videntur, sicut prosequutio & fuga. Audacia enim est quasi prosequutio quædam boni ardui, ut arduum est, nihil videlicet obstante arduitate. Timor vero fuga est ardui propter arduum, cum scilicet arduitas retrahit & fugam facit in appetitu. Et oritur audacia ex spe, quemadmodum ex amore oritur prosequutio, & ex desperatione timor, quemadmodum ex odio fuga. Cum enim proposito bono arduo, appetitus propter arduum non auertitur, ut desperet, sed manet cōuersus ut speret, neque spem abiecit illius boni consequendi, quanquam sit arduum ad consequendum, tum deinde mouetur ad arduum illius prosequutionem, non obstante arduitate: atque hæc est passio audaciæ. Item, cum per desperationem quis à malo superando auertitur, spe superationis abiecta, propter arduum quam æstimat insuperabilem, ex hoc consequenter mo-

uetur ad fugiendum hoc ipsum propter suam arduitatē, & est timor oppositus audaciæ. Est enim timor fuga à malo arduo, propter ipsius arduitatē, vel à consequutione boni ardui, item propter arduitatē. Quemadmodū enim spem & desperationem diximus esse de bono arduo assequendo, aut non assequendo nihil obstante arduitate, aut malo similiter superando: ita audacia prosequitur bonum arduum consequendum, vel malum arduum superandum. Timor vero deiecto, & fuga quædam est, vel à bono arduo consequendo, vel à malo superando.

CAP. VII. *Quod ira nullam habet passionem contrariam.*

**D**E ira verò hoc singulare est, quod nullā habeat passionem sibi contrariā, vt in prædictis apparuit, sed est penitus absque contrario. Cuius ratio est, quoniam ira respondet tristitiæ, estque tristitia quædam de malo arduo præsentis, quatenus arduū est ad ferendum, vel de boni ablatione, quatenus arduum est, & difficile tali bono carere: quæ tristitia, propter arduitatē, consurgit ad ipsum malum superandum per vindictā. Vnde ira est, quando propter malum arduum illatū, appetitus vehementer mouetur ad malū illud superandum, per illationē vindictæ. Existimat enim hoc modo malum proprium superare, cum æqualem vel maius illi intulerit, à quo accepit malum. Huic autem tristitiæ de malo arduo præsentis, nō potest in bono aliquod inueniri contrarium. Contrarium enim tristitiæ est gaudiū, quod est de bono præsentis: bonum autē præsens non potest sub ratione ardui considerari. Omne enim bonum, quantūcunque ad acquirendum sit arduū, quantūlibet habeat in sui prosequutione & acquisitione difficultatē, cum iā habitum fuerit, nullam omnino habet difficultatē. Quapropter bonum præsens non potest nisi passionem simplicis gaudij in appetitu efficere. Nam tantū vt præsens bonum mouet appetitum, non iam ultra vt arduū bonum, cum nullum præsens bonum sit arduum bonum. Et licet hoc experientia doceat, quanto bonum aliquod in prosequutione magis arduum fuit, tātō gaudium vehementius (cum iam adeptum fuerit) in affectu causari, quemadmodum ea quæ cum periculo vitæ adepti sumus vehementius diligimus, & gaudio maiori afficimur de illorum possessione, non tamen aliud quàm gaudium inde enascitur, ex adeptione videlicet talis boni, cum iam præsens ardui



ardui rationem perdit. Quod enim maius gaudium sit ex huius consequutione nō est, quia vt præsens arduum est, sed quia in prosequutione arduum fuit, & ad consequendum difficile. Atque hac de causa fit, vt ira in appetitu irascibili non possit habere contrarium, quoniam videlicet obiectum iræ (quod est malum arduum præsens) non potest habere contrarium. Nam bonum arduum præsens & habitum, appetitus nequaquam respicit: neque vllum obiectum sub tali consideratione ipsum mouere est potens. Includit enim repugnantiam: quia si bonum præsens est, arduū nō est: & si bonū arduū est, præsens nō est. Præsentia enim excludit in bono arduitatē. Secus est de malo, quod simul præsens & arduum esse potest. Secus etiam de bono absente. Nam bonum absens potest esse arduum, priusquam habeatur, secundum quod in acquirēdo habet difficultatem. Omnes ergo passionēs quæ in appetitu sensitivo inueniuntur, in sex iuga possunt reduci: quorū tria prima perfectā in paritate sua sunt ipsius concupiscibilis, concupiscentia & odium, prosequutio & fuga, voluptas & dolor. Tria autē posteriora iuga, quorum nouissimum imperfectum est in imparitate (quod vnum deficiat) sunt ipsius irascibilis appetitus: videlicet spes & desperatio, audacia & timor, & ira non habens contrariū. Opponitur tamen ei priuatiue ipsa iræ carentia, quam ini-rascentiam possumus appellare. Et ad harum passionum aliquam necesse est reduci omnem passionem sensitiui appetitus, siue irascibilis, siue concupiscibilis. Quod autē omnes istæ passionēs sint appetitus sensitiui, manifestissimum est, ex eo quod singulas videamus etiam in irrationabilibus animalibus, in quibus nullus est intellectiui appetitus. An verò appetitus irascibilis, & concupiscibilis, dux sint potentia realiter distinctæ, an tantum vna secundum rem potentia, sed diuersa habens officia, nolumus impræsentiarum inuestigare profundius.

CAP. VIII. *Quomodo passionēs irascibilis oriuntur ex passionibus concupiscibilis.*

**I**llud autem notandum est, quod passionēs irascibilis oriuntur ex passionibus concupiscibilis, & terminantur in easdem. Nam ex amore alicuius rei conuenientis quæ est in concupiscibili, ex oriente aliquo quod arduitatē adducit illi rei amatae, consurgit in appetitu irascibili spes ad illam

*Sex passionēs concupiscibilis.*

*Sex quorū irascibilis.*

arduitatem superandam, & audacia qua prosequitur superationem talis arduitis. Et cum per audaciam contigerit arduum superari, terminatur spes illa & prosequutio in gaudio, quod inde nascitur: atque ita in passionē concupiscibilis terminantur passionēs illæ irascibilis. Ita timor de malo imminēti & arduo, cum iam malū ipsum aduenerit & vicerit, ita ut superari nō possit, in purā tristitiā terminatur. Nō enim est ira, donec mali præsentis arduitas æstimatur per vindictam superabilis, quemadmodum audacia, prosequutio est superandi mali ardui imminētis, cuius mali arduitas æstimatur superabilis. At verò, cum æstimatio talis (videlicet superandi præsentis mali) defecerit, iam non amplius ira, sed tristitia mera est, quæ ex malo arduo præsentī procedit, quæadmodū in ijs qui rebus desperatis post timorem, tandē in illud incidūt quod antē timuerāt, nec æstiment mali ardui tatem se vlla vindicta posse superare. In his enim ira vertitur in puram tristitiam. Talis ergo qui iam præsentē malo sic premitur, desinit desperare, desinit & timere: & post desperationem ac timorem, finem occupat dolor. Terminantur ergo (ut diximus) passionēs irascibilis in passionēs concupiscibilis. Et licet terminentur nunc in gaudiū, nunc in tristitiam, simpliciter tamen amor in concupiscibili est prima radix omnium aliarum passionum: nec potest vlla passio in concupiscibili, vel in irascibili oriri, nisi ex radice amoris, siue concupiscentiæ. Non enim est aliquod odium, quod non oriatur ex aliquo primo amore. Quicquid enim odit appetitus, ideo odit, quia contrarium est allicui, quod ut bonum & conueniens amat. Ut si amat canis cibum, odit quicquid ab huius consequutione prohibet vel impedit, & quicquid hoc, quod ut conueniens appetit expellit ac fugat: sic qui amat vitam ac sanitatē, odit quæcunque apprehenduntur ut sanitati aut vitæ contraria. Nihil enim odit appetitus, nisi sub ratione disconuenientis. Disconueniens autem dicitur disconueniens in ordine ad aliquid. Indicatur ergo in odio disconuenientis, pravius amor alterius rei, illius cui hoc est disconueniens, nempe vitæ & boni ipsius animalis, cuius est appetitus. Est enim appetitus naturaliter insitus quidam amor vitæ & boni ipsius animalis cuius est: ex quo amore procedit odium generale disconuenientis, ac deinde particularia odia omnium earum

*Amor est  
prima radix  
passionum  
in aliam.*

## DE APPETITV SENSITI.

earum rerum, quæ æstimantur vt contrariæ aut repugnantes vitæ ac bono ipsius animalis. Sicut e contrariis ex vno illo amore, oriuntur particulares amores omnium earum rerum quæcunque æstimantur, vt conuenientes vitæ vel bono animalis.

CAP. IX. *Gaudium siue voluptatem esse aliarum passionum finem.*

**P**ROFUNDIUS autem considerantes, inuenimus gaudium siue voluptatem, omnium passionum aliarum esse finem, quem appetitus finaliter quærit, & ad quem naturaliter omnes aliarum passionum ordinantur: ita vt quemadmodum ex amore omnia proficiscuntur, sic ad gaudium & voluptatem omnia ordinantur. Ad hoc enim appetitus concupiscit & prosequitur, quod conueniens est, vt cum assequutum fuerit, gaudeat in illo: estque gaudium velut fructus, ad quem appetitu concupiscendo & prosequendo tendit. Et sicut omne odium, & omnis fuga ex amore proficiscitur, ita omne odium omnisque fuga finaliter tandem ad gaudium ordinatur. Ad hoc enim id, quod animali disconueniens est, odit & fugit appetitus, vt non per aduentum disconuenientis animalis veniat tristitia, sed malo depulso gaudium acquirat, vel in habito gaudio conquietescat. Vnde sicut perturbatio belli ordinatur ad tranquillitatem pacis, sic odium & fuga ordinantur ad quietem gaudij. Et prouide admodum Deus animalibus dedit non solum amare & prosequi, sed odire etiam & fugere. Nam si non aliud noscet appetitus quam amare, quam prosequi, non esset quod se à contrariis & disconuenientibus præferuaret. Nam ad præseruationem huiusmodi à disconuenienti, requiritur odium & fuga, quibus à disconuenienti appetitus, ipsum animal potest se elongare & abstrahere. Ex prædictis patet, quod gaudium per se est secundum naturam animalis, tristitia vero contra naturam. Nam gaudium est per se finis ipsius appetitus, quæ finaliter quærit. Vnde oportet tristitiam contrariam esse contra naturam. Atque hinc est, quod naturaliter omne animal quærit delectationem, voluptatem, & gaudium: abhorret autem à tristitia & dolore, conatur item modis omnibus se in gaudio conseruare, & in delectatione continere, à tristitia autem & dolore diligentissime & quam ocysimè potest, se conatur liberare. Hinc etiam est, quod tristitia (vt pote naturæ animalis contraria consumit & cor-  
rum

*Gaudium est  
secundum  
naturam.*



sumpit ipsum animal, atque ad mortem deducit: Vnde per *Prover. 17.*  
 Sapientem dicitur: Spiritus tristis excccat ossa. Et Iacob ad *Genes. 42.*  
 filios suos volentes secum Benjamin adducere in Aegyptum: Si quid ei aduersitatis (inquit) acciderit in terra ad quam pergitis, de ducetis canos meos cum dolore ad inferos. Contra verò gaudium, & lætitia sanitatis est effectiua, & vitæ cōseruatiua.

CAP. X. *Quare Deus irascibile addidit concupiscibili, & quòd etiā timor & desperatio animalis fuerint necessaria.*

**O**Mnes etiam pāsiones quæ sunt in irascibili, sicut ab amore radicaliter oriuntur, ita ad gaudium naturaliter pergunt, & ad ipsum vt suum finē ordinantur. Spes enim & audacia ad hoc ordinantur, vt tandem bono arduo, non obstāte arduitate, consequuto, vel malo arduo superato, appetitus per gaudium quiescat in bono acquisito. Imò desperatio & timor ad gaudium ordinantur. Desperando enim animal mouetur vt timeat ac fugiat, sicque euadat tristitiam quæ imminet, & gaudium habeat malo per fugā declinato.

Vbi notandum, quòd appetitus irascibilis datus est ani- *Appetitus*  
 mali propter concupiscibilem, & est velut propugnator ap- *irascibilis,*  
 petitus concupiscibilis. Sine appetitu nanq; irascibili, concu- *propugna-*  
 piscibilis esset velut inermis, & absque defensione, Neque *tor est com-*  
 sufficiebat appetitus concupiscibilis ad bene esse animalis, *cupiscibilis*  
 nisi fuisset adiunctus etiam irascibilis. Frequenter enim con-  
 tingit circa id quod animali est cōueniens, occurrere arduitate & difficultatem, per quam affectus concupiscibilis statim retraheretur, vel remoraretur, nisi esset adiunctus appetitus irascibilis, qui confirmaret concupiscibilem, & velut animaret in suo amore & prosequutione, ne statim concupiscibilis occurrente arduitate se retrahat, atque à prosequutione desistat. Quomodo enim armatus aliquis per viam ambulans cum inermi, facit ipsum inermen non desistere ab itinere, etiam si videatur aliquid occurrere aduersi, qui alioqui solus & inermis existens statim ab itinere suo cessaret, vel desisteret: sic appetitus cōcupiscibilis statim à cōuenientis prosequutione cessaret, arduitate occurrente deterritus, nisi haberet irascibilē velut propugnatorem, qui illum teneret in prosequutione sui appetibilis. Ita ergo irascibilem appetitum Deus animali cū concupiscibili dedit, vt etiam occurrente arduo à prosequutione cōuenientis

## DE APPETITV SENSITI.

non cessaret, neque statim malo succumberet, sed contra ipsum sese erigere posset, & ad arduum superandum conari. Item, cum forte à disconuenienti malo teneretur, vt non perpetuo sub illo permaneret, sed ad euadendum malum sese possit erigere, & velut ad superandum animare. Ita enim per spem & audaciã animal non obstare arduitate pergit prosequi quod amat, & vnde quærit gaudium. Per iram verò, etiam cum præsens fuerit malum, superare conatur & euincere malitiam, atque ex eà sese extricare. Per desperationem quoque & timorem sibi consulit animal, cum ipsum malum arduum imminens tantum videt, vt superare se non posse existimet. Conducit enim animali ad euasione malum, desperatio & timor: cum tam arduum fuerit malum, vt existimet se non posse superare. Nam tunc per desperationem & timorem fugit animal, sicque suæ salutis consulit. Si enim oblato arduo quod animal ipsum superare non potest, adhuc pergat sperare & audere, periculum est vitæ ipsius, dum se opponere tentat malo excedenti suas vires, & se fortius oppugnare: vnde cum deuictum fuerit, malè habebit. Et frequentissimè hoc modo animal in perditionem venit.

Itaque etiam desperatio & timor in animali vtiliter posita sunt ad salutem animalis, occurrente malo quod existimatur non posse superari: sicut e contrario spes & audacia ibi conducunt ad esse animalis, vbi existimatur malum posse superari. Atque hoc pacto manifestè patet, quomodo (vt supra diximus) etiam desperatio & timor ad gaudium ordinantur, sicut ex amore profisciscuntur. Amor autem ille primus ex quo oriuntur omnes istæ passionibus tam concupiscibilis quam irascibilis (vt iam ostensum est) & gaudium istud ad quod passionibus omnes ordinantur, vt ad finem, de eadem re sunt. Est enim primus amor appetitus, quo appetit & amat salutem ipsius animalis cuius est appetitus. Et gaudium vltimum ad quod ordinantur omnes passionibus aliæ, est similiter de salute & bono ipsius animalis, ad quod ordinantur quæcunque in ipso sunt omnia. His autem de appetitu sensitivo determinatis, rursus ad intellectiui appetitus considerationem (vnde digressi sumus) reuertamur.

CAP. XI. *Prædicta omnia etiam in intellectiui appetitus inueniri.*

**H**As autem passionēs omnes quas iam explicauimus, manifestum est sic in homine, sicut & in alijs irrationalibus inueniri. Nam & homo quæ secundum sensum percipit corpori conuenientia, amat, atq; prosequitur, & cū adeptus fuerit, voluptate in eis afficitur: cū percipit disconuenientia corpori, hæc odit, fugit, & de his tristatur, si ea aduenire sibi contingat. Sperat item, & audet, & occurrenti difficultati se opponit, vt euincat. Desperat quoque interdum, & timet cū arduitatem æstimat suas vires superare. Insuper & irascitur, cū præsens malum fuerit, quod putat per vindictam posse se superare. Et in his omnibus (quantum ad corpus attinet) manifestè homo cum cæteris animalibus irrationalibus conuenit, ita in appetitu sensitivo sicut in sensu. Verū quantum ad appetitum intellectuū, considerandum est, quod licet nulla talis passio corporalis posset in eo inueniri, ipse tamen dicitur amare, odire, prosequi, fugere, delectari, tristari, sperare, desperare, audere, timere, & irasci. Et hæc omnia quæ iam prius appetitui sensitivo diximus conuenire, nō sunt omnino ab intellectuū appetitu aliena. Quomodo enim in appetitu sensitivo sunt amor corporalis, gaudium corporale, odium corporale, tristitia corporalis, ira corporalis, & ita in cæteris: sic in appetitu intellectuū est amor spiritualis, quo voluntas id quod secundum rationem bonū iudicatur, amat: est desiderium spirituale, quo ad acquirendum id quod secundum rationem bonum iudicatur, tendit: & est gaudiū spirituale, quo in eo iam adepto oblectatur. Vt cū intellectus iudicat virtutem esse bonam, & rem utilem homini, appetitus intellectuū amore afficitur erga illam, & incipit eam prosequi, siue ad eam tendere desiderio: atque vbi adeptus fuerit, in ea gaudet. Et cū intellectus æternam vitam (quæ Deus est) vt bonam & summe bonam cognoscit, voluntas amore afficitur, & desiderio tendit ad illam consequendam. Atque vbi desiderium hoc suum adimpleri contigerit, summo gaudebit gaudio. Est quoque odium spirituale, eius quod secundum intellectum iudicatur disconueniens & malum, & fuga eiusdem, atque vbi præsens adesse contigerit, tristitia. Vt cū intellectus iudicat vitia esse hominis nobilitati contraria, & naturam deformantia, afficitur voluntas auersione & odio contra illa, fugitque & abominatur ea: ac si quando in ea per fragilitatem contigerit incide-



Psal. 138.

Aristoteles

Psaln. 138.

Ioh. 2.

2. Cor. 7.

Ier. 15.

re, tristatur de talis mali præsentia. De quali odio per Psalmistam dicitur: Nonne qui oderunt te Domine oderam, & super inimicos tuos tabescebam? Perfecto odio oderam illos, inimici facti sunt mihi. Item spes & audacia in appetitu intellectiuo inueniuntur. Cum enim intellectus virtutem vt arduam & difficilem considerat (quippe virtus & ars, iuxta Aristotelis sententiam versantur circa difficile) voluntas nihilominus firma & stabilis non deterrita arduitate, eamque putans posse euinci & superari, pergit amare virtutem, pergit etiam desiderare & ad eam tendere, hic certè sperat & audet. Sin e contrariò arduitate victus humanus appetitus resiliat deiiciaturque ac fugiat à virtutis proposito (quemadmodum pro dolor cernere est in maxima parte hominum) hic desperatio & timor est. Iram quoque in intellectu appetitu spiritualem experimur, cum illud quod secundum intellectum malum & disconueniens iudicamus, adesse contingerit: voluntas tamen aduersus ipsum consurgit, & querit ipsum malum superare atque euincere. Vt cum homo in peccatum se aduertit cecidisse, grauiter irascitur aduersus illud, si non sibi complacet in eo, neque perseuerare eligit in eo, consurgitque ad ipsum expellendum, ac se ab illo emundandum. Ita cum quis in se vel in proximis videt contemptum diuini honoris, ira spiritali aduersus malum hoc secundum intellectum appetitum consurgit, ad superandum & destruendum contemptum honoris Dei. Ac de huiusmodi ira intelligendum est, quod in Psalmis scribitur, & apud Euangelistam Iohannem adducitur de Christo Domino: Zelus domus tue comedit me. Et Paulus Apostolus gaudet per suam epistolam se commouisse discipulos ad iram & indignationem, contra peccatum, ad poenitentiam, ira ergo manifestum est, omnia ista quæ in appetitu sensitiuo inesse supra diximus, etiam in intellectu appetitui inexistere. Est tamen hoc aduertendum, quod ista vt sunt in sensitiuo appetitu, dicuntur passionēs, non autem vt sunt in appetitu intellectu. Vnde & angelice mentes amant salutem hominum, amant Deum, prosequuntur & desiderant electorum salutem, gaudent super peccatoribus poenitentiam agentibus, & super iustis proficientibus, tristantur super conuersis, reuertentibus ad pristina vitia, aut iustis suam iustitiam relinquentibus, irascuntur aduersus eos qui scandalizant pusillos, qui Dei nomen blasphemant, sperant

rant de peccatoris conuersione donec in mundo est, desperant de eorum reditu ad bonum qui in peccato mortali iam condemnationem acceperunt, & ita id alijs. Nequaquam tamen in angelis sunt ponenda passionēs, amoris, gaudij, odij, tristiū, & huiusmodi: atque ira nec in homine secundum appetitum intellectiuum; secundum quem similis est Angelis. Hæc enim omnia intellectiuus appetitus absque passione in se habet, quæ sensitiuus habet cum passione, & affectiones tantum, non passionēs appellantur. Passio enim corporalem aliquam immutationem designat, & imperfectionem includit. Vnde plerunque inualeſcentibus passionibus corporalibus istis, cernimus hominis corpus secundum eas disponi. Vt qui vehementer irascuntur, cernuntur oculos habere scintillantes, & faciem velut fumantem atque ardentem, propter quod in scripturis nonnunquam ira per fumum faciei designatur. Veluti cum de Deo dicitur: Ascendit fumus in ira eius, & ignis à facie eius exarsit. Et alibi: Domine Deus quousque irasceris super orationem serui tui? Vbi in Hebræo habetur, fumabis, pro irasceris. Qui vehementer timent, pallidi fiunt: item qui desperant, vultu fiunt deiecto. Vnde ad Cain desperantem ob non acceptata munera, Dominus: Quare (inquit) concidit facies tua? Ita qui gaudent, multum rubescunt, & grato colore perfunduntur in vultu: qui verò tristantur, vultum habent tetricum & toruum. At verò affectiones istæ vt sunt in appetitu intellectiuo, non sunt cum tali immutatione corporali, neque per se eiusmodi passionem in corpore efficiunt, nisi simul & in appetitu sensitiuo passio existat affectioni voluntatis correspondens. Ita enim solet ex redundantia affectionis, quæ in appetitu intellectiuo est, etiam in sensitiuo passio correspondens generari. Quemadmodum videlicet ad oculum cernimus, eos qui interno lætantur gaudio, ex bonæ conscientiæ testimonio, ex redundantia gaudij spiritualis gaudere etiam corporaliter, & serenitate ac placiditate quadam vultus illud internum gaudium demonstrare. Et cum quis secundum Deum irascitur, secundum voluntatem simul etiam corporis ira accenditur, quæ velut ministret vltionem.

*Psalm. 17.*  
*Psalm. 79.*

*Genes. 4.*

CAP. XII. Differentia inter passionēs appetitus sensitivi, & affectiones appetitus intellectivi.

Cc 2

Est

*Appetitus  
intellectus,  
differt à  
sensitivo.*

**E**st etiam hæc differentia inter passionès appetitus sensitiui, & affectiones voluntatis, quòd appetitus sensitivus secundum eas merè patitur, quia naturaliter ab obiecto ei imprimuntur, ita vt non possit non recipere, quemadmodum sensus merè passiva potentia est. Vnde præsentato per sensum obiecto conuenienti, & per æstimatiuam vt tali iudicato, appetitus sensitivus necessariò & naturaliter afficitur & amat illud, & cùm obiectum aliquod vt conueniens & præsens per sensum præsentatur, naturaliter patitur appetitus sensitivus, & afficitur gaudio ex ratione talis obiecti, habetque se merè passiuè, quemadmodum sensus cùm à sensibili oblato speciem recipit. Atque hinc fit, vt brutum animal proposito cibo quem secundum æstimatiuam iudicat conuenientem, naturaliter erga ipsum amore afficiatur, ipsumque prosequatur, neque potest non amare, aut non prosequi, nisi adsit impedimentum aliud quod præualendo naturaliter operetur fugam vel odium, vt supra declarauimus. At verò in appetitu intellectiuo multò aliter se res habet. Est enim voluntas, potentia multò nobilior, non vtique merè naturaliter patiens ab obiecto, etiam sub ratione sua proposito, sed mouens seipsam ad obiecti propositionem potius, quàm ab obiecto moueatur. Nam si naturaliter ab obiecto moueretur, semper obiecto proposito deberet secundum rationem obiecti moueri, cùm nullum esset ab extra impedimentum. Atqui experientia aliud manifestat, videlicet hominis voluntatem nulla necessitate ab obiecto proposito moueri: sed propria libertate ipsam sese mouere. Potest enim contingere, & contingit per singula momenta in plurimis, vt intellectus & ratio iudicet hoc esse bonum, aut conueniens, cùm tamen ipsa voluntas illud non prosequatur, nec amet: iteni vt intellectus iudicet hoc esse malum, cùm tamen voluntas non odiat illud, nec fugiat. Vnde in incontinentibus manifestè hoc cernimus: iudicant enim secundum intellectum, malum esse adulterio coquinare vxorem alienam, malum esse in tali statu permanere: attamen secundum voluntatem non tristantur de tali malo præsentis, neque odiunt, neque fugiunt. Item omnes secundum intellectum iudicant peccatum esse malum, & deformans humanam naturam: attamen secundum voluntatem non omnes odiunt peccatum, neque fugiunt. Est ergo voluntas potentia nò merè passiva naturaliter patiens ab obiecto,



iecto, ita vt non possit non pati ab eo quemadmodum est appetitus sensituius: sed libera est, & actus sui in seipsa liberè effectiua, ad propositionem tamen obiecti. Intellectus enim & rationis est voluntati obiectum proponere, vtpote sub ratione boni aut mali: & voluntas non trahitur ad obiecti prosecutionem, neque ulla necessitate in ea fit affectio secundum rationem obiecti, sed libertate sua se mouet cum voluerit, secundum affectionem tali obiecto convenientem: ita vt etiam cum mouetur, liberè possit non moueri. Vt cum intellectus virtutem vt bonam & convenientem humane nobilitati proponit, voluntas non trahitur naturaliter ad eius amorem & eius prosecutionem, sed liberè se mouet. Nam obiecto eodem similiter oblato, & nullo existente alio impedimento, potest nunc moueri ad amorem virtutis, aliàs non moueri: potest nunc prosequi, aliàs non prosequi.

CAP. XIII. De libertate voluntatis super affectiones proprias & passionem appetitus sensitui.

EX prædictis videtur manifesta libertas ipsius appetitus intellectui, quo ad proprios actus, & affectiones. Vnde etiam fit vt propriè nominentur voluntatis actus vel operationes, nequaquam autem passionem, tametsi vt in appetitu sensitui, passionem verius quàm actus vel operationes appellentur: videlicet quod in appetitu sensitui fiant ab obiecto potius quàm efficiantur ab ipso appetitu: in intellectu autem contrariò, non ab obiecto in ipsum imprimantur, sed ab ipsiusmet libertate efficiantur. Non solum tamen hanc libertatem habet voluntas super actus proprios, verum etiam *Voluntatis libertas.* super passionem, quæ sunt in appetitu sensitui, magnum habet dominium, & magnam libertatem. Quia enim appetitus sensituius, secundum naturam subiectus est voluntati vt inferior superiori: & quia voluntas potentia libera est, hinc fit, vt non solum imperium & libertatem habeat supra proprios suos actus, verum etiam supra passionem appetitus sensitui. Imò verò ex Dei ordinatione, hoc ipso quod voluntatem liberam homini dedit, inferiorem appetitum non liberum voluit huic superiori libro esse subiectum, voluitque huius passionem naturales & non liberas ab huius libertate regi & moderari. Vnde ex ore Domini ad Cain exardescentem mala

Genes. 4.

iracundia (propterea quòd non quæ ipsius mala munera, igne celi absumpta essent, vt bona sacrificia fratris) ita dictum legimus, Subter te erit appetitus tuus, & tu dominaberis illius. Quasi dicat, Tu quidem nunc subita exardescis iracundia, quasi grandi malo tibi illato, ex eo quòd tibi frater prælatus est signo diuino. Attamen scito, inordinatum hunc iracundiæ furorem qui in tuo sensitiuo appetitu exoritur, debere te comprimere & moderari, per superiorem quæ in te est liberam voluntatem, ne propter hunc iræ furorem, impium aliquid operæ committas, quod in proximo futurum est, si

Genes. 4.

insurgentem appetitum primum non comprimas. Si autem verum est quod ait Dominus, sub homine esse ipsius appetitum, & ipsum dominari debere suo appetitui, manifestè consequitur supra hunc appetitum debere poni aliam aliquam potentiam superiorem cui subdatur, & cuius imperio atque dominio subijciatur. Quod autem dominatur alteri, & sub se habet subiectum vt possit reprimere, moderare, ac regere, libertatem habere debet qua id possit. Hæc autem potentia superior voluntas est & appetitus intellectiuis. Patet ergo ex verbis illis Domini, appetitum sensitiuum subiectum esse intellectiuis, item & voluntatem habere libertatem, & imperium, non solum super actus proprios, sed etiam super passionem sensitiui appetitus. Quomodo enim sub ipso esset appetitus sensitiuis, & quomodo ipse huius dominaretur, si super suos tantum proprios actus diceretur habere libertatem? Quomodo enim regem dicemus imperare populo, si ipsum fateamur solum habere libertatem in proprijs rebus agendi quod voluerit, & non etiam in negotijs populi? Sed & si ea quæ antecedunt prædicta Domini verba, diligentius considerauerimus, inueniemus libertatem voluntatis causam esse, ob quam illi subijcitur sensitiuis appetitus. Sic enim Dominus præmittit, Quare iratus es, & quare concidit facies tua? Nonne si bene egeris, recipies: sin autem malè, statim in foribus peccatum tuum aderit? Ac demùm subiungit quòd iam diximus: Sed sub te erit appetitus tuus, & tu dominaberis illius. Vbi dum propriæ actionis libertatem præmittit, mox subiungens seruitutem & subiectionem appetitus, indicat appetitum homini subiectum esse ratione eius quod est in eo liberum, & à quo suam habet libertatem. Et hæc est sola potentia voluntatis. Per voluntatem enim ho-

mo habet libertatem. Est ergo voluntas in homine, quæ ex diuina ordinatione habet libertatem & imperium super appetitum sensitium.

CAP. XIII. De dominio voluntatis supra appetitum sensitium.

**A**D cognoscendum autem quomodo voluntas dominatur super appetitum sensitium, notandum est (iuxta Aristotelis distinctionem) duplex esse dominium: alterum quo Dominus dominatur in seruum, ita vt nihil possit facere à seipso seruus, nisi quod Dominus imperauerit, cuiusmodi dominium Græca appellatione vocat despoticum, quod nos latinè dicere possumus herile, id est, quo herus dominatur seruo. Siquidem despotes, herus, vel dominus interpretatur. Alterum est dominium liberū, quo rex dominatur suis subditis liberis: qui licet subiecti sint suo domino, non sit tamen (quemadmodum priores) vt non possint nisi quæ ille iubet facere, sed ita vt pareant quidem illi in ijs quæ imperauerit, possint nihilominus etiam illo non requisito agere quæ sibi videntur commoda. Manifestum est autem, appetitum sensitium pro hoc statu potius posteriori hoc modo quàm priori, esse voluntati subiectum. Non enim sic ei subijcitur, vt nihil possit nisi quod ille iusserit. Nam potest per se absque voluntatis imperio sensituius appetitus, mouere ipsum hominem ad obiectum, ad quod fuerit pertractus, etiam non requisita voluntate, neq; accepto à voluntate imperio. Quamquam enim in homine appetitus sensituius subiectus est voluntati, non tamen ob hoc est ignobilior neque impotentior in homine quàm sit in animali bruto, vbi alium non habet superiorem. Vnde sicut in bruto appetitus motus ab obiecto, per se sufficiens est animal mouere ad obiectum à quo ipse prior mouetur prosequendū vel fugiendū, ita potest & in homine moueri per semetipsum. Secundo autem modo subiectus est voluntati, & voluntas ei dominatur, quoniam videlicet vbi voluntas iusserit, potest appetitum inferiorem cōpescere, eiusq; passionēs mitigare, vel comprimere, vel prorsus suppressere, potestq; eū cohibere, ne animal moueat ad obiectū à quo ipse mouetur. Ad eandem rem tertio libro de anima adducit Aristoteles cōparationē sphaeræ superioris & inferioris, quarū superior mouet ad inferiorem suo raptu, eā seorsum circūgyrando: inferior nihilominus proprio motu con-

*Duplex do-  
minium.*

*Comparatio  
Aristo.*



tramouetur. Sic enim voluntas (vt sphaera superior) suæ iussionis imperio sibi parere facit appetitum sensitium, & vi quadam cogit suum sequi imperium. Atamen habet etiam sensitivus appetitus potestatem motu proprio mouendi, quā non accepit à potentia superiori. Quod si quis huius rei requiratur experientiam, mirabor ego an lapis sit absque sensu qui id requisierit. Quis enim non experitur in sese per singulos dies, imò per singulas horas (ah quid horas dico? potius per singula momenta dicere debueram) multis se inordinatis passionibus & motibus mirum in modum molestari, quæ absque voluntatis imperio ex parte inferiori à sensitiuo appetitu exorsuntur? Quis non statim visa re pulchra percipit intra se amorem rei illius, & quandam prosecutionem antequam voluntas adsit, quæ compescat sensualem passionem? Quis non circa res sensibiles sentit frequentissimè sese brutorum more statim affici, subitis passionibus in sensitivum appetitum nascentibus, concupiscentiæ, prosecutionis, desiderij, odij, fugæ, timoris, spei, audaciæ, iræ, & similium ante omne voluntatis imperium? Hanc ergo non perfectam subiectionem sensitivi appetitus ad voluntatem, euidentissimè sic in nobis probat experientia.

CAP. XV. *Quomodo sensitivus appetitus voluntati contrariatur.*

**N**Eque verò hanc solam habet facultatem appetitus sensitivus, vt possit absque voluntatis imperio moveri à suo obiecto, ac deinde ipsum animal etiā mouere: sed (quod magis dolendum atque desolandum est) secundum eam conditionem in qua nunc est, plerunque etiam ad ea quæ voluntati sunt contraria, inclinatur & mouetur. Appetitus namque intellectivus secundum suam naturam ea amat ac prosequitur, & de illis gaudet, quæ secundum intellectum atque rationem bona sunt: ea verò quæ ratio malè indicat, odit, ac fugit, & de illis tristatur. De huiusmodi etiam bonis sperat, mala contraria timet, & aduersum mala huiusmodi irascitur. Appetitus autem sensitivus amat & prosequitur ea quæ sensus bona iudicat, & de his gaudet: ea verò quæ sensus disconuenientia iudicat, odit ac fugit, & de his tristatur. Atqui non eadem sunt quæ sensus bona aestimat, & quæ ratio vel intellectus: item quæ sensus mala, & quæ intellectus. Aestimatio namque sensus illa iudicat bona, quæ carni sunt grata, bona

*Contrarietas appetitus sensitivi & intellectivi.*

videlicet corporalia, & temporalia, delicias, diuitias, amplam suppellectilem, pompas magnificas, & gloriosos titulos, amplum famulitium, abūdantiam ciborum, ferculorum, potuū, musicorum instrumentorum concentum; & cetera huiusmodi, quæcunq; sensui carnis sunt grata, & quæcūq; sensum oblectant, & hæc omnia inordinate & secundum excessum cōsiderata, sensus æstimationi bona videntur, & sic ea sensualis appetitus prosequitur. Ratio verò siue intellectus vera bona iudicat illa, quæ incorruptibilia sunt atq; æterna, & ea quibus ad æternitatem pertingitur, cuiusmodi sunt bona cœlestia, itē virtutes, & virtutū opera, virtutum etiam occasiones, & quidquid nouit ad vera atq; æterna bona consequenda idoneum. Quæ autem sensus vt sibi grata & conuenientia iudicat, secundum eum vsum, nempe superfluum & excessiuum, nequaquam intellectus vt verè bona iudicat, sed potius vt mala & noxia ad ea bona consequenda quæ ipse verè bona iudicat. Non enim hæc temporalia iudicat vtilia, nisi quatenus ad vera spiritualia & æterna bona conducunt, quod est secundum vsum moderatum & sufficientem. Propter quod, appetitus sensitiuus contrarius est voluntati, non simpliciter in hoc, quòd ipse temporalia & corporalia appetat, voluntas autem supernaturalia & æterna: sed quia ille corporalia secundum excessum & inordinationem appetit, ista vera non nisi secundum debitam moderationem: nec ea quidem per se, sed vt ad aliud cōducentia. Atque hoc est quod sanctus Apostolus ait, carnem concupiscere aduersus spiritum, & spiritum aduersus carnem, & adinuicem hæc sibi aduersari, vt non quæcunque velint homines faciāt. Carnem nanque intelligit partem infimam appetitus sensitiui, & spiritū appellat superiorem partem in anima hominis, ratione voluntatis: significans videlicet appetitum sensitiuū & intellectiuum adinuicem pugnare, vt caro, id est, carnis appetitus, concupiscat contraria appetitui intellectiuo. Hinc & in alio loco multa verborum replicatione conqueritur, non habitare in carne sua bonum, sed malum sibi adiacere, ita vt legem Dei facere volēs, & secundum spiritum quæ verè bona sunt diligere, inueniat in carne sua aliam legem, legi mentis repugnantem, seque captiuantem in lege peccati, & alia huiusmodi multa dicit, quæ non nisi sensualitatis perversitatem indicant voluntati repugnantis: quæ illi vsque aded est molesta repugnando, vt in vocem

Galat. 5.

Rom. 7.

*Ibidem*

tandem exclamationis miserabiliter eiulans terminet querimoniam, dicens: Infelix ego homo, quis me liberabit de corpore mortis huius?

CAP. XVI. Vnde procedat rebellio appetitus sensitivi contra voluntatem.

*Eccles. 7.*

Sciendum tamen est, quòd appetitus sensitivus licet ex sua natura appetat bonum corporis ut corporis, non tamen ex sua natura habet sic appetere bona corporis extra modum & ordinem, etiam contra rationis dictamen, & suprà quam ratio dicteret, quomodo nunc manifestissimè experimur in nobisipsis. Verùm id ex corruptione provenit humanæ naturæ, quam sacræ scripturæ auctoritas & sanctorum patrū testimonia nobis astruunt, ex primi peccati inobedientia evenisse. Nam (ut Sapiens attestatur) fecerat Deus hominem rectū ab initio, & abiq; vlla contētionē: princeps pacis, o for dissensionis, duos hos appetitus in homine sine vlla contrarietate coniunxerat, sicque appetitum inferiorem subiecerat superiori, ut nihil posset contra eius imperium & contra regulæ ipsius directionem (id est contra dictamen rationis) appetere, ut nō posset amare aut prosequi cibum, vel potum, vel aliud quodcunq; sensui gratū, contra volūtatis imperiū, neque contra rectæ rationis dictamen. Nam ante primi peccati inobedientiam, nunquam appetitus sensitivus appetisset cibum, nisi quantum & quomodo & quando corpori fuisset bonum pro sua sustentatione, & sicut voluntas voluisset appeti, ipsaque rationis regula dictasset appetendum, neque unquam fuisset imperium voluntatis egressus appetitus inferior, neque limites excessisset rationis. Mox enim ut voluntas iussisset cessare inferiorem appetitum à sui obiecti prosecutione, dicto statim fuisset obediens, nec progressus fuisset ulterius. Atque ita dulcissima omnino fuit ab initio duorum horum appetituum harmonia, & iucundissima concordia, inferiore in nullo superioris prætergrediente imperium, eratque tum ab homine in eò statu procul omne dissidium. Et perdurabat quidem hæc suavisissima pacis concordia, donec diuinæ voluntati paruit voluntas humana, & donec præcepti diuini regulā voluntas hominis non fuit transgressa. At verò posteaquam suam voluntatem homo per inobedientiam subduxit, imò verius suffuratus est diuinæ voluntati, eiūque cœpit per suam voluntatem velle contrariari,

Vnde profecta carnis rebellio.

diui.



diuinique præcepti regulam transgredi (heu sortem nostram miserandam) iusto Dei iudicio, harmonia illa & pax suauissima in homine dissoluta est, ex tunc sunt in homine confusa atque perturbata omnia, ita vt obedientiam iam negare inciperet appetitus inferior superiori (cui vsque tunc optimè fuerat subiectus) mox vt hic superiori voluntati diuinæ multò magis debitam denegasset obedientiam. Qui enim superiori suo iustæ negat subiectionis obedientiam, hunc non potest iustior vltio subsequi, quàm vt sui quoque subditi patiantur rebellionem. Et qui initium cum superiori Domino fœdus violat, dignus est cui nec alij fidem seruent. Ita ergo per primi peccati inobedientiam, dum se voluntas humana à diuina seiunxit, atque separauit, eligens & appetens, quod illa nolebat, factum est, vt mox in carne inferior appetitus similem nobis ludum ludere inchoaret, inciperetque statim appetere superiori appetitui contraria, vt ille ià amauerat quod diuinæ omnium supremæ voluntati repugnabat. Atque hoc malum in posteros omnes propagatum, ex vno homine, nemo non sentit grauissimè in se desuere, nisi quem fortè Deus speciali dignationis priuilegio ad pristinum illum innocentie dulcissimum statum reduxerit, per gratiæ suæ superabundantis præuentionem restituens, quod per primi parentis inobedientiam semel perditum amplius natura non potest restituere. Id quod iuxta consonam catholicorum doctorum sententiam, de beatissima Dei genitrice virgine Maria est confitendum: in qua non est verisimile fuisse vnuquam inordinatum aliquem in appetitu sensitiuo motum, qui in vltio voluntatis repugnasset imperio, aut à rectæ rationis regula dissonasset. Nam de benedicto filio eius Domino nostro Iesu Christo, hac in re (vbi de inordinatione loquimur) opus non est verba facere, quem vt verum Deum ordinatissimum omnium ordinatorem, firmissimè credimus nulla prorsus inordinatione posse, vel potuisse coinquinari. Patet ergo, quomodo sensitiuus appetitus non secundum primariam suæ naturæ conditionem id habet, vt contra voluntatem concupiscat, sed secundum corruptionem illam quæ in humanam naturam ex primi peccati inobedientia processit, & hanc contrarietatem quæ in homine cernitur, non debere Deo creatori imputari (nō est enim Deus dissensionis, sed pacis, vt sanctus ait Apostolus.) sed homini præuicatori, qui seipsum à Deo voluntariè sepa-

*Virgo Maria à carnis rebellionē immunis.*

separando, sui inferioris appetitus perdidit perfectum dominium. Hic autem appetitus inferior, secundum hanc corruptionem: appropriato vocabulo sensualitas solet nominari. Nam quoties sensualitatem nominamus, inordinationem istam in tali nominatione intelligimus. Nominationo autem appetitus sensitiui corruptionem non includit, sed ipsam tantum potentiam inferiorem appetendi.

CAP. XVII. *Quanta miseria homini oriatur ex rebellionē appetitus sensitiui contra voluntatem.*

*Genes. 3.*

**E**X hac autem humani generis corruptione ex illius pulcherrimę harmonię miserabili dissolutione multiplex in hominibus procedit incommodum. Inter quę illud non minimum est, quod homo ad omne bonum admodum est difficilis ac tardus, & quod non nisi cum difficultate multa operatur bonum; ad malū verò promptus est & facilis, ipsumquę sine multa difficultate operatur: quemadmodum in Genesi scribitur, sensum & cogitationem humani cordis prona esse ad malum ab adolescentia sua. Ex eo enim, quod sensualitas semper transire quærīt rationis limites ( quę est regula voluntatis ) semper homo in se habere cognoscitur, quod virtuti studentibus reluctetur. Nam virtus & bonum intra limites rectę rationis consistit, quos sensualitas exire semper appetit, sicquę virtutis studentibus sua importunitate facessit negotium, & non modicam ingerit difficultatem, suis passionibus continuo pulsans, & velut impetum faciens in voluntatem ad meliora conantem. Atque hinc est, quod Aristoteles in libris Ethicorum asserit, virtutem ( sicut & artem ) versari circa difficile. Profecto enim difficile non foret homini operari bonum, si non hanc in se haberet corruptam sensualitatem, sic semper ad mala sollicitantem, & bono semper repugnantem. Impossibile est autem non fieri difficultatem in re quantumvis facili, ubi sit qui retrahat, & qui impediat. Quemadmodum in se quidem est facillimum in altum de terra hunc eleuare baculum. Si tamen sit qui toto pondere calcet super eius extremum, at si sit qui mihi sursum trahere volenti quomodocunque contranitur, difficultas mihi erit in eleuando: non quidem ex re ipsa, sed ex parte retrahentis atque contrahitantis. Atque ita scilicet, virtus non circa ipsum quod in se est difficile versatur, neque per se difficile est voluntati appetere & mouere ad bonum

*Arist. 2. li.  
Ethicorū.*

num: sed propter hanc sensualitatem, retrahentem semper à bono, & ad malum sollicitantem, provenit difficultas. Neque aliud quàm sensualitatem istam rebellem respicit Saluator, cum in Euangelio viam vitæ facit angustam, & angustā por- Luc. 13. tam dicit per quam intratur ad vitam. Videlicet significare volens, plerisque mortalium sensuum appetitum insequētes per vias malas ad mortem pergere, paucissimos verò appetitui huic resistentes per vias bonas ad vitam proficisci. Qua in re illud maxime descendendum est, quòd non solum re-  
luctari in nobis potest sensualitas voluntati, & in bono prosequendo ei facere negotium, verumetiam penitus eam possit ad se allicere, imò sibi subijcere, & pertrahere quòd ipsa voluerit: sicut pertrahere solet ancillam conductitiam domina quò voluerit. Nam si tantam difficultatem posset inferre voluntati in operando bonum, foret id quidem tolerandum. Nunc verò tantam habet potestatem, ut etiam supra voluntatem possit scēdissimè conscendere, eamque sibi serviliter subijcere. Quod sanè spectaculum tam scēdum est, tam sordidum, tam inamœnum, tam Deo & sanctis Angelis, atque spirituali animæ abominandum, ut verbis explicare non queat: tolerabiliusque foret totam mundi machinam perturbari, sursum ac deorsum committis omnibus infimis ad suprema, & supremis ad infima commutatis, quam ita inferiorem illum appetitum superiori tanto nobiliori Nota dominari. Narrat apud Esdram secundus ille nobilium 3. Esdr. 4. adolescentum, qui de mulierum fortitudine differebat, rem scēdissimam, de muliere meretricula, concubina magnifici Regis: quæ sedens ad Regis dexteram, auferbat diademæ regni eius, imponensque sibi, palmis Regem cedebat cum sinistra manu: cum ille super hæc omnia aperto ore intueretur meretriculam, & arrideret ridenti, indignanti verò blandiretur donec reconciliaretur in gratiam. Atque hoc tam scēdum spectaculum referens ille adolescens purpuratorum omnium præ narrationis novitate in se conuertit oculos, & Principum animos commouit in vehementem admirationem. At verò iis qui inter nos habent oculos, qui scēditatem internam valent conspicere, multò scēdius, multò sordidius, longè magis execrabile videbitur, sensualitatem vilissimam & sordidam de terra prodeuntem, & semper in luto volutari, quærentem dominari voluntati de cælo progē-  
nitæ.



nitæ, ac de clarissimo Diuino stemmate prognatæ nobilissimæ utique ac liberrimæ Imperatrici, & Regni diadema (quod huic donauit altissimus) ab ea auferre, sibi que imponere. O vilissimam meretriculam, ô scortum putidissimum, prauam sensualitatem, quæ tam multorum hominum voluntates tibi vilissimè subijcit, quæ hominum voluntates facis quæ bona sunt relinquere, & tuis pessimis desiderijs acquiescere.

CAP. XVIII. *Quòd voluntas ob suam libertatem non possit cogi ab appetitu sensitivo.*

**H**oc tamen sciendum est, quòd nulla voluntas à sensualitate superatur merè violenter, sed tantum sua permissione & libertate. Propter quod, nequaquam voluntas excusatur à grauissimo scelere, Deumque in infinitum offendit, cum se ita permittit à vilissimo scorto superari. Quanquam enim sensualitas rupto scedere potest suis passionibus facere negotium & molestiam exhibere voluntati rationis rectæ regulam insequi cupienti, si tamen voluntas obistere voluerit, & nisi vitro consenserit sollicitanti, nisi cedat insultanti sensualitati, impossibile erit ipsam ab hac superari: ita ut impossibile sit voluntatem subijci violenter à sensualitate, neque possit vnquam ab ea expugnari, quantumuis oppugnetur, nisi ipsa se dedat in manus meretriculæ. Quapropter omni excusatione caret voluntas, quantumuis grauibus impulsibus passionum sollicitata, si sceptrum & diadema regni à Deo optimo sibi datum permisserit à se tolli, & in manus meretriculæ fuerit deuenire. Non enim potest à voluntate tolli sceptrum, nisi ipsa dederit, & verius ipsa se subijcit sensualitati, quàm à sensualitate subijciatur. Qui enim omnem oppugnantis apparatus & insultum sua virtute potest repellere, hic si se superari ab hoste permittat, manifestum est quòd seipsum dederit in manu victoris. Atque ita cum voluntas in homine possit sua libertate depellere omnes passionum impulsus, quibus ab appetitu sensitivo potest impugnari, siue blandiendo, siue quancunque molestiam exhibendo, manifestum est, non posse ipsam manu violenta expugnari, sed à semptipsa sponte dedi in manus expugnantis. Atque hinc æstimet homo, quàm grauiter illa à iusto iudice Rege Regum & Domino dominantium punienda sit voluntas, quæ ita præter necessitatem, absque omni pe-

*Nota diligenter.*

ni periculo commissum sibi Regnum & Imperium, ad modicam oppugnationem vel molestiam resignet & tradit alteri inferiori, cui Deus nequaquam regnum vult esse in homine id est, infimæ & corruptæ sensualitati, quam ipse voluit omnimodis esse subiectam. Proinde omni diligentia quisque debet sibi attendere, ne ipsam in naturalem dominationem, ministræ super dominam, seruæ super liberam, ancillæ super heram, mulierculæ super virum, in semetipso admittat. Attendat voluntas nobilitatem suæ originis, quoniam de excelsa cælo est, non de terra progenita, & quantumuis importuna se exhibuerit coniuncta eadem in carne meretricula quantumlibet sibi facessat negotium: caueat tamen ne vnquam tam vilissimo scorto ipsa tam nobilis Dei propago se subiciat: maximè cum nulla sit illi necessitas, atque hoc certissimo sciat, non posse se nisi volentem ab illa superari, imò verò suo conatu & suæ libertatis virtute illam quantumcunque repugnantem posse nihilominus quò voluerit pertrahere. Tanta enim est voluntatis humanæ pro hoc etiã, statu libertas, vt non possit ab vllis passionibus appetitus sensitui pertrahi violenter ab eo quod ipsa elegit, ipsa verò possit sensualitatem violenter pertrahere quò voluerit, quantumlibet reclamet, quantumlibet recalcitret ac reluctetur. Et licet voluntas hominis impedire non possit quin à sensualitate oppugnetur, quin illa recalcitret, remurmuret, repugnet, quia prauæ in illa passionibus exurgant, à quibus magnam difficultatem ipsa patiatur, & multam sustineat perpetuamque molestiam, potest tamen si diligenter aduigilaauerit & viriliter se gesserit, omnes illius passionibus edomare atque compescere, ita omnem difficultatem euincere, vt non possit vnquam expugnari, neque in subiectionem venire oppugnantis, vt manifestum sit, quoties voluntatem deuinci cõtigerit, non ex impotentia esse, sed ex socordia atque segnitie: quandoquidem viriliter decertando, omnem potuisset oppugnationem superare.

CAP. XIX. *Quatenus passionibus sensitui appetitum in homine dentur vitio.*

**E**t quoniam impedire non potest, nec prohibere voluntas pro statu huius miseræ dissensionis, quin sensualitas suis motibus & passionibus insurgant, vt autem nõ dominetur & non præualeat omnino, potest sua vigilantia prohibere

*Caput is-* bere: hinc est quòd ad culpam à iusto iudice imputatur *tud pariter* luntati, & districta ab ea requiritur ultio, si se ab illa per-  
*et proximè* mittat superari, & sub pedibus concutiri. Non autem impu-  
*subsequens* tatur ei, quòd passionum in sensualitate exorientium patia-  
*diligenter* tur insultus, nisi quantum ipsa per negligentiam illas per-  
*expende.* mittit exurgere & inualescere. Quæ verò suæ rebellionis

impetu sensualis affectus voluntatem præueniendo agit, pro his culpa non ascribitur voluntati. Non enim exigitur ab ea quod supra facultatem ipsius est, & quod prohibere ipsa haudquaquam potest, quomodo ergo ei iustè imputabitur? Quapropter non illi tantùm laudandi sunt, neque boni viri censendi, qui nullis passionibus molestantur, in quibus nullæ sensualitatis malæ affectiones exurgunt (hoc enim vix paucissimis datur, & non nisi singulari contingit Dei beneficio: & vix interdum post multos labores, post luctum annorum multorum à Deo hoc obtinetur) sed ille laudandus est, qui mox ubi persenserit in se malas oriri passionnes, occurrit ex aduerso, per imperium voluntatis, ut eas antequam crescant, succidat, & antequam inualescant, supprimat. Quemadmodum non ille solùm Agricola laudandus est, in cuius agro nullum crescit lolium, nulla vnquam exurgunt zizania: sed qui diligenter prospicit, ne ita exurgant zizania, ut triticum supprimant, quiq; mox ut enasci viderit diligenti sollicitudine euellit ac succidit, antequam in altum exurgant. Neque ille tantùm equi sessor laudatur, cuius equus non reluctatur, non calcitrat, non in altum proiecit posteriora, non exercet vllam petulantiam: sed qui petulantem atque saltantem equum ita nouit fræno gubernare, calcari-  
 busque comprimere, ut non ipse pessundet, & equum cogat eam quam ipse voluerit viam, quantumuis reluctantem incedere.

C A P. XX. *Per similitudinem petulantis equi ostenditur quomodo debeat appetitus sensitiuus subingari voluntati.*

*Frano indi* **Q**uam similitudinem equi petulantis & sessoris eius si  
*get appeti* diligentius considerauerimus, inueniemus, quomo-  
*tus sensiti-* do voluntas in domanda sensualitate sese habere debeat,  
*uus.* ut non solùm non pessundet, verumetiam ad quæcunque  
 voluerit, eâ cogat sibi cogat subseruire. Videmus autem equo-  
 rum sesses ad equorum petulantium gubernationem du-  
 plicibus uti adminiculis: videlicet frænorum gubernaculis,  
 & sti-



& stimulis calcarium: quibus equum quantumcunque petulantem diligens fessor, & equitandi gnarus sub se retiner, & quoscunque voluerit, potest agitare. Ita ergo & sensitivus appetitus frænis eget & calcaribus, quibus constringatur, ut sub obedientia debita permaneat. Sunt autem fræni isti habitus boni & bonæ assuefactiones: quibus illum voluntas quodammodo induit, dum frequenter illius passionibus frangendo, & secundum rationem moderando, ita quandam assuefactionem bonam in eo generat, per quam facilius ipsum regat ac sub se teneat: habitus enim morales, id est, bonæ assuefactiones per multum laborem passionibus malis resistendo, easque moderando in appetitum sensitivum introductæ, hoc ei sunt, quod fræna equis. Quemadmodum enim fræna equis affixa & firmiter copulata, fessori dant quo se teneat, & quo equum subiectum moderetur: ita habitus illi atque assuefactiones in appetitu sensitivo ex multis actibus relictæ, sunt aliquid ei inexistent, quo potest teneri & moderari. Generatur autem huiusmodi habitus vel assuefactiones in appetitu sensitivo, ex continuo exercitio. Cum enim frequenter voluntas suo imperio resistit passionibus sensu litatis, & eas cohibet intra limites rectæ rationis, facitque non rem aliter appetere quàm oportet, ex hoc relinquuntur in ea habitus quidam & quædam assuefactiones, & quantò amplius & frequentius id factum fuerit, tantò firmiores habitus & maiora fræna iniiciuntur in appetitum. Atque hinc fit, ut rebellio ista appetitus sensitivi ad voluntatem in studiosis & diligentibus hominibus continuo mitigetur, fiatque indices mitior ille bestialis appetitus, & facilius se gubernari permittat. Fit etiam, ut illis qui primum à vitijs ad virtutes se convertunt, difficillimum sit continere appetitum, ne currat in pristina objecta. Sunt enim hi fessoribus imperitis similes, equo indomito absque frænis insidentibus. Vbi verò paulatim assueverint, fit eis studium virtutum multò facilius. Calcarium autem stimuli quibus equi sunt subiecti, afflictiones sunt & pœnalitates, quibus affectus sensitivus afficitur à vitijs spiritualibus, quo facilius illum sibi subiectum reddant, & minus rebellantem, faciliusque dicto faciant audiëntem. Huiusmodi sunt ieiunia, vigiliæ, lacrimæ, labores manuum, nuditas, frigus, fames, sitis, egestas, vilis, contemptus, & huiusmodi: quibus omnibus velut quibusdam stimulis, calcarium

*Calcaribus  
indiget sen  
sitivus ap  
petitus.*

I. Cor. 9.

I. Cor. 12.

Genes. 11.

pungitur affectus sensitivus, afficiturque dolore & affligitur, ut minus sit voluntati bona molienti molestus, & facilius sequatur quocunque illa duxerit. Atque hæc ratio est, quare sancti viri quibus omnis cura est rota voluntate domino suo deseruire, sedulo huiusmodi afflictionibus insistant, ieiunantes, vigilantes, laborantes manibus, verberibus seipsos afficientes, siti & algore seipsos torquentes, atque ita de alijs huiusmodi afflictionibus. Hinc illa Pauli Apostoli vox est: Castigo corpus meum, & in servitutem redigo, ne forte cum alijs prædicauero, ipse reprobus efficiat. Et alibi in infirmitatibus gloriatur, in ieiunijs, plagis, famæ, siti, nuditate, frigore, & huiusmodi: asserens quod virtus in infirmitate perficitur, & quod tunc fortior sit, cum infirmatur. Videlicet hæc omnia ad effectus sensitivi edomationem ille referebat, non audens super indomitum equum absque calcaribus insidere. Et quanto quisque magis lasciuientem & magis rebellem hunc subiectum equum persequitur, tanto magis illum stimulis huiusmodi pungere debet atque urgere, nec cessare, donec præ dolore subulientem & clamitantem cogat cessare à petulantia. Atque ob hoc, in principio conversionis (cum maximè ferocire videtur appetitus contradictio nem à voluntate præter consuetudinem patientis) illis maxime exercitijs corporis afflictivis insistendum est, ijs qui facile volunt ac breuem reportare victoriæ triumphum. Postea verò quàm subijci ceperit, iam utcunque didicit pristinis stimulis humiliatus minus lasciuire, mitius quoque tractari potest, & stimulis calcarum prædictorum minus urgeri, sic tamen, ut non nimia remissione rursus redeat ad lasciuiam. Nulla enim re melius quàm afflictione contumax servorum genus in subiectionem redigitur, & in subiectione retinetur: quemadmodum Agar ancillam præ lasciuiam dominam suam spernentem, prudens Sara dura afflictione sibi subijcere curauit: quod consilium à Deo non est improbatum, ut fugientem eam etiam Angelus domini reduxerit, & consilium Saræ probavit, dicens, Reuertere ad dominam tuam, & humiliare sub manu illius. Quomodo verò habitibus moralibus appetitus frænctur, & an in ipso tales sint habitus, & quot sint, & qui, aliaque huiusmodi particularia, ad præsentem tractatum non pertinent. Ad moralem nanque doctrinam, atque ad Theologorum determinationem spectant. Nobis

suf.

sufficiat duos istos appetitus secundum naturalem considerationem distinxisse, & quemadmodum se adinuicem habeant indicasse. Nunc verò ad considerandum ipsam in se voluntatem pergamus, & quæ per illam homini proueniât eximia contemplantur.

CAP. XXI. *De libertate voluntatis in omnibus operationibus.* *Voluntas*

**A** Voluntas habet homo hoc sibi peculiare, vt solus animalium suorum actuum sit dominus, hoc est, vt quæcunque homo operatur, liberè operetur, possitque pro sua libertate quod operatur, non operari. Subiecit enim Deus voluntati omnes alias vires quæ sunt siue in corpore, siue in anima, ita vt ad voluntatis imperium omnes possint moueri, possitque eis voluntas imperare sui actus executionem, & ipsæ ei obediunt. Loquimur autem non simpliciter de omnibus operationibus, neque de omnibus viribus quæ sunt in hominæ, sed de viribus animalibus, & de operationibus animalibus, quæ videlicet homini, secundum quod est animal, conueniunt. Nam potentiæ vegetatiuæ non subiiciuntur imperio voluntatis. Non enim ad imperium voluntatis nutritur homo, vel augetur. Alioqui non verum esset, quod ait Saluator, non posse nos ad staturam nostram adijcere cubitum vnum. Si enim augmentatiua potentia esset subiecta hominis voluntati, indubiè plurimi statura pusilli (qui ob hoc contemnuntur ab hominibus) etiam ultra cubitum sibi adijcerent. Illæ autem vires omnes quæ homini conueniunt, vt animal est, subiacent voluntatis imperio: non ita vt absque voluntatis imperio non possint moueri, sed quia ad imperium voluntatis sic nata sunt moueri. Visus enim naturaliter ab obiecto mouetur, cum fuerit præsentatum: sed voluntas ipsi potest imperare, vt ad hoc vel illud videndum se conuertat, & potest auribus præcipere, vt ad sonum illud attendant, quanquam oblatum sonum absque omni voluntatis imperio possint audire. Ita potentiæ motiuæ imperat voluntas, vt corpus moueat huc aut illuc, quò scilicet voluerit. Sed & intellectus à voluntate moueri natus est. Potest enim imperare intellectui, vt ad hoc aut illud intelligibile contemplandum se conuertat. Et omnes hæ potentiæ secundum quod voluntati sunt subiectæ, aliquo modo per participationem liberæ dicuntur, eo quod à voluntate liberè moueantur. Soli tamen voluntas per

*Luc. 12.*

*Voluntas  
liberrima.*



## DE APPETITV SENSITI.

seipsam libera est, & veram habet libertatem. Omnes enim aliae tametsi à voluntate liberè possint moueri: proposito nihilominus obiecto naturaliter ab illo mouentur, quemadmodum de sensitiuis potentijs supra declarauimus, & de appetitu sensitiuo. Voluntas verò omnino libera est, quia proposito sibi bono & appetibili, nulla cogitur necessitate illud amare, sed potest liberè non amare, & non prosequi: & proposito malo, liberè potest non odire & non fugere. Neque possibile est, vt quis voluntatem cogat ad aliquid amandum, vel prosequendum, odiendum vel fugiendum, ad gaudendum de aliquo aut tristandum: atque ita in cæteris actibus voluntatis. Neque solum in proprijs actibus ipsius voluntatis id verum est, sed in omnibus actibus potentialium sibi subiectarum. Nemo enim potest cogere voluntatem, vt imperet alicui inferiorum virium exercitium actus sui: videlicet vt imperet potentiæ motiuae vllum motum, vt vllum membrum moueat, aut vt per vllam potentiam animalem quidquã fieri debeat. Sed neque ipsa corpora cælestia neque omnes quæ sunt in superioribus constellationes, ad aliquid possunt voluntatem liberrimam compellere, quantumvis sint constellationum vehementes operationes, quãlibet efficax sit virtus astrorum. Quanquam non est negandum astrorum & constellationum influxus posse agere in corpus, sicquæ appetitum sensitiuum vt corpori immersum posse immutari ab effectu astrorum impresso in corpus, & inclinari ad aliquid appetendum vel fugiendum secundum qualitatem impressi effectus. Verùm vltra appetitum sensitiuum non potest protendi virtus astrorum. Non enim possunt nisi in corpora vel corporalia suos effectus producere. Voluntas ergo neque corpus neque corporale aliquid existens, sed potentia superior, nec immersa corpori, nullius est effectus ab astrorum virtute susceptiua. Et licet serè contingat (propter insipientiam) bonam partem hominum astrorum inclinationem etiam secundum voluntatem sequi, id tamen argumentum nullum est, quòd astrorum influxus cogat voluntatem, aut quòd astrorum virtus per se immutet & inclinet voluntatem: sed inde hoc procedit, quia maxima pars hominum, per damnandam socordiam permittunt voluntatem à sensualitate superari: & quia paucissimi sunt, qui non secundum carnem viuunt, & car-

*Corpora  
cælestia nō  
possunt vo-  
luntatem  
cogere.*

nis concupiscentiam spiritu contempto insequuntur. Propter quod rectè Sapiens ille dixit Ecclesiastes, stultorum esse infinitum numerum, At verò Sapiens si quis inuenitur è millibus vnus, hic per voluntatis libertatem, omnem superabit astrorum operationem, omnia sensualis appetitus blandimenta pro nihilo pender, atque ex alto despiciet. Vnde illa Ptholemei vulgò iactata sententia, syllabarum quidem numero modica, sed veritatis pondere grauissima: Sapiens dominabitur astris. Qui enim astris non dominatur, profectò stultus est & insipiens, vt pote qui absque necessitate in perditionem abduci sese permiserit. Nemo ergo cum tentatur dicat, quoniam à Deo tentatur, aut ab astrorum influxibus (quæ sunt creature Dei) ad malum vrgeatur, non creaturam Dei bonam, & bonam valde incuset, sed suam potiùs stultitiam & insipientiam condemnet. Vnquisque enim (vt ait Iacobus Apostolus) tentatur à propria concupiscentia abstractus & illectus: cuius meretricijs blandimentis dum voluntate consentit, ipse se propria culpa filium mortis gehennæ constituit, ac propria sponte damnabilem facit.

Iacob. I.

Ibidem.

CAP. XXII. *Quod ratione voluntatis homo mereatur vel demereatur.*

**E**X hac autem libertate quam iam ostendemus inesse hominis voluntati, consequitur hominem ratione voluntatis posse mereri vel demereri, dignumque fieri præmio bono siue malo, iuxta quod per voluntatem bona vel mala facere elegerit. Cæterorum verò animalium nullum mereri potest aut demereri, aut retributione bona vel mala dignum fieri.

Meritum enim & demeritum, præmium & punitio illic locum Meritum, & demeritum habent, vbi est actuum liberum dominium, vbi quod fit, libere fit, ita vt possit qui facit hoc ipsum, si velit, non facere: ite præsupponit vbi quod non fit siue omittitur, libere non fit, libereque omittuntur libertatem, vt potuisset si voluisset, non omittere. Vbi verò libertas non est, ita vt non possit agens non agere quod agit, vel vt non possit agere quod non agit, ibi constat nullam esse meriti vel demeriti, præmij vel retributionis rationem. Propter quod ignis si hominem innocentem comburat, nullam meretur punitiorem. Quod enim egit, libere non egit, sed naturali necessitate. Similiter lapis, cum hominem de super cadens interficit. Imo & lupus cum hominem fame

# DE APPETITV SENSITI.

excitatus vorat, vel etiam cū sola phantasia ductus id facit. In his enim omnibus sicut nulla libertas, ita nullum est demeritum. Sic infanti dum parentes manu cædunt, dum per noctis tempus molesti sunt parentibus & multū illis faciunt laborem, vociferantes & clamantes contra illorum voluntatem, in nullo demerentur, neque punitione sunt digni, ob defectum libertatis. Necdum enim vsum habent sue libertatis, sicut necdum habent vsum rationis. Ita quoque moriones, qui penitus velut pueri aut bruta absque libero vfu sunt ipsius volūtaris & rectæ rationis. Et licet secūdu ciuiles leges puniri decernantur animalia bruta, vbi homicidium fecerint, non hoc arguit, illa punitionem huiusmodi meruisse suo actu. Nam talis punitio potius ad dominoꝝ ipsorum damnum ad quos attinent spectat, quā ad ipsa animalia bruta: vt sit cū bos interfector hominis securi cæditur, capite rotæ supraposito: videlicet vt discant possessores illorum diligentius sua iumenta obseruare. Vel siunt huiusmodi punitiones ad hominum commotionem, vt magis ab huiusmodi ipsi absterreantur animalia rationalia, cū & in irrationalibus bestiis talem vident capitalis sententiæ seueram exerceri vindictā. Interdum etiā in sceleris detestationem, veluti cū is qui cū iumento coijt, simul cum ipso iumento exuritur, si possit cōprehendi. Cōsequitur ex prædictis, quod non in omnibus suis actibus homo meretur vel demeretur, sed in ijs tantū, quæ voluntariē operatur. Primum quidē in ijs actibus quæ propriē sunt ipsius voluntatis, & deinde in omnibus quæcūq; à voluntate imperātur, non autē in illis quæ nec propriē ipsius sunt voluntatis, nec ipsius subsunt imperio. Idq; intelligendū est tā de ipsis actibus, quā de actū omissionibus. Potest enim homo mereri, & bono præmio dignus fieri, non solū tale aliquid faciendo quod bonum est fieri, sed etiam omittendo quod bonū est non fieri, & malum est fieri. Sed demereri potest, non solū faciendo quod malum est fieri, sed etiam omittendo quod bonum est fieri, & non malum est non fieri.

CAP. XXIII. *Quomodo actus humani, de voluntatis libertate participant.*

**E**St etiam circa præsentem locum aduertendum, non requiri ad hoc vt in actu aliquo mereatur homo vel demeretur, quod sit actualiter & formaliter imperatus à

*Bruta cur  
secundum  
leges puni  
antur.*

*Participa  
tio volun  
tatis liber  
tatis.*



voluntate, sed sufficit quod voluntas super ipsum habuerit dominium & imperium: ita ut impedire potuisset, si tantum voluisset. Quod enim voluntate permittente fit voluntarium est, & ut libertatem voluntatis participans meritum vel demeritum facit. Non enim solum peccat voluntas, dum ipsa et eligit actum malum, sub etiam quando appetitus sensitivus malam passionem excitat: quam voluntas non suppressens dum potest, ita acceptat atque permittit. Hac enim acceptatione vel permissione, actus ille de voluntatis libertate participat. Ex quo patet causa, ob quam in illis actibus homo non mereatur vel demereatur, quos habet à potentijs non subiectis voluntati, videlicet nutritione & augmentatione, item in illis quæ ei ut corpori naturali conveniunt: ut cum subito cadens homo alium opprimit, vel interficit. Hic enim non aliter homo se habet, quam truncus, aut lapis, neque ut homo agit. Item in ijs quæ homo dormiens per phantasiam agit, ratione ligata. Item in ijs quæ homo in furia existens agit, non compos mentis, nec suæ voluntatis vrens libertate. Consequitur etiam, non demereri hominem ex solo aspectu rei illicitæ oblata, ad quam non se per voluntatem convertit, neque in auditu rerum obscenarum subito, cum non advertit voluntariè auditum ad huiusmodi, & ita in cæteris. Non enim in potestate voluntatis erat talem actum compescere, neque aliquid de libertate voluntatis participat. Qui autem voluntariè convertit oculos suos ad aspiciendum vana, aures accommodat ad mala audiendum, & ita in alijs: aut etiam non avertit oculos, non obturat aures, cum possit & debeat, hic in operationibus sensuum peccat ex libertate voluntatis, cuius ibi fit participatio. Consequitur insuper (quod supra diximus) primos illos passionum motus, qui ab appetitu sensitivo exurgunt in homine, præveniendo voluntatis imperium, non imputari homini ad demeritum, si nulla sit acceptatio voluntatis, si voluntas mox ut senserit, sese opponens incipiat eosdem compescere. Hoc tamen sciendū est quāto magis diu tales motus sustinet, postquam advertit & repellere potuit, tantò magis ipsi imputari ad demeritum: quoniam continuò magis & de libertate participat, quāto magis voluntas in eis quiescit. Et vniuersaliter ita in omnibus iudicandum est, quanto unusquisque actus, vel unaquæque omisio magis est voluntaria, & quāto.

magis de voluntatis libertate participat, tanto maioris esse meriti vel demeriti. Circa quod etiam notandū est, posse in aliquo actu esse participationē voluntariæ libertatis, etiā tūc cum voluntas omnino nihil operatur & prorsus est ligata, videlicet cum aliquid ~~pro~~ voluntariè homo eligit, & liberè operatur vel admittit, ad quod alterum illud per se consequi est natum. Vt qui per tempus vigiliæ illicita varia cogitat, neque antequam somno se dat, agit pœnitentiam suæ vanitatis, huic si per noctem de præteritis vanæ occurrant imagines, inordinationes huiusmodi & illusiones nocturnæ non prorsus culpa vacant. Voluntariæ namque libertatis aliquid habent, quatenus vigilans illa admittit in sese, vnde in somno plerunque solent consequi. Sic qui se voluntariè inebriat, si postea ebrietate obrutus delinquat, vel committendo quæ committere non debet, vel omittendo quæ facere debuit, hunc certò à peccato non excuset ebrietas. Atque hac in re quantum ad ea quæ in somno fiunt, multum confert illa somniorum naturalium ab animalibus distinctio, quam in libro præcedenti posuimus. Naturalia enim somnia absque voluntatis participatione sunt, eò quòd causam habeant naturalem. Animalia verò aliquid de voluntaria libertate participant, Quid autem sit voluntarium, & quod modis dicatur, & alia plura quæ de voluntario subtilius solent differi, ad mortalem doctrinam pertinent. Nobis sufficit generaliter hominis istam prærogatiuam in merendo vel demerendo descripsisse.

CAP. XXIIII. *Homini quomodo ratione voluntatis præcepta fiunt & promissiones.*

*Præcepta  
solis ratio-  
nalibus dā-  
tur.*

**H**abet quoque à voluntate homo, vt solus ipse inter cætera omnia naturalia creata possit accipere præcepta & prohibitiones, promissiones item & comminationes. Hæc enim illic locum habent, vbi est actionem libertas. Frustra namque præceptum fieret illi à quo non posset fieri quod nõ præcipitur, vel à quo non posset non fieri, vt pote illi quod naturaliter quippiam facit vt non possit in oppositum. Quem admodum vanè præciperet, qui igni præciperet calefacere, aut materiam appositam inflammare. Neque illic est præmia proponere, vbi non est libertas ad faciendum vel omittendum. Ad hoc enim præmia proponuntur (siue bona promittendo, siue mala comminando) vt ad ea quæ bona sunt

agen-

agenda extimulentur, vel ab ijs quæ mala sunt amoveantur, ij qui libertatem habent siue bonum siue malum faciendi, aut committendi, pro sua libertate. Est autem promissio & comminatio de re non præfente sensibus, sed quæ tanquam futura proponitur. Sunt enim promissiones de futuris, item & comminationes. Vnde cum solus homo propositione futurorum moueatur, cætera verò omnia tantum ad præfentiam obiecti sensibilis per sentituum appetitum mouentur naturaliter, hinc fit vt non possint nisi homini promissiones fieri & comminationes. Et licet aliquando appellemus ostentationem ipsius appetibilis promissionem, & ostentationem rei terribilis, nonnunquam vocemus comminationem (velut cum canibaculum ostendimus, eundem vibrantes tanquam indicantes accepturum illum verbera, si ad carnem hanc accedat) id tamen manifestum est potius allicere vel abstergere esse, quàm promittere vel comminari. Quod etiã in scripturis legitur, Deus præceptum posuisse irrationabilibus creaturis: quemadmodum de cælestibus corporibus non solum irrationabilibus, sed etiam in animatis dicitur Psal. 148. quòd illis Deus posuerit præceptum quod nunquam præteribit: hoc certum est dici methaphoricè, videlicet ad significandum diuinam institutionem, qua illis motum suum ab initio instituit & definiuit, quem ipsa inuiolabili lege obseruant. Propriè ergo solis hominibus præcepta, & prohibitiones, promissiones, & comminationes constituuntur. Maximè autem illæ promissiones secundum dignitatem hominis sunt, quibus bona æterna promittuntur.

CAP. XXV. *Quòd homo ratione voluntatis capax sit infiniti boni.*

**H**abet insuper homo à voluntate, vt solus sit capax infiniti boni, vulloque possit bono creato repleti, nullo possit temporali bono satiari. Est enim ipsa capacitatis infinitæ, & durationis æternæ: cum sit potentia non immersa materiæ, & à corpore separabilis, atque in æternum permanens. Omnia autem alia creata præter Deum solum, finita bona sunt. Solus Deus est bonum infinitum & incomprehensibile. Ac proinde non potest hominis voluntas vullo bono creato quantumlibet præcellenti satiari, nisi solo Deo. Nam finiti ad infinitum nulla est proportio. Vnde sicut si vas aliquod imaginaremur infinitæ capacitatis corporalis, nullo

*Voluntas  
nullo crea-  
to satiabi-  
lis.*



# DE APPETITIV SENSITIV

posset creato liquore impleri, etiam si omnia flumina in illud infunderentur, omnesque aquarum fontes, & putei ita sane voluntas hominis infinitae capacitatis existens, nullis potest bonis creatis, etiam si universa simul influant, satiari. Quantumcumque enim boni finiti in voluntatem immiseris, nihil aliud agis, quam si in immensum vas, aquae guttulam infuderis. Verum infinitum aliquod flumen infinitum vas posset replere, minus autem infinito non posset replere infinitum. Infinita enim capacitas requirit infinitum replens si debeat repleri. Vnde impossibile est voluntatem villo creato satiari. Appetitus autem sensitivus non est capacitatis infinitae, sed admodum modicae: propter quod facile impletur, & impletus cessat concupiscere, donec rursum illo, quo plenus fuerit euacuetur. Atque hinc manifesta est differentia inter animalia bruta & homines brutaliter siue bestialiter viuentes. Animalia enim bruta quoniam non nisi appetitum sensitivum habent, cito satiantur & replentur, modo cibo vel potu. Homines autem eiusmodi, verè non homines, equis & mulis minus rationabiles, qui voluntatem habent sensualitati subseruientem, & similiter ut appetitus sensitivus inordinate absque regula rationis sensibilia appetentem, nunquam possunt temporalibus rebus satiari, quantum ad effectum, ut gulosi cibos atque potus absque termino concupiscunt, nec ingurgitare desistunt, donec usque ad guttur ab imo pleni prohibeantur ulterius ingurgitare, non defectu desiderij, sed defectu corporis, quod omnino nequit amplius recipere, propter nimiam impletionem. Ea verò sensibilia bona quae non intra nos suscipimus (ut sunt pecuniae & possessiones, & huiusmodi) absque villo termino & fine semper appetuntur. Videlicet hoc ipso cognoscere potest & debet homo, per illud quo supereminet ceteris animantibus, se esse capacitatis infinitae, & nullo finito bono satiabilem. Propter quod vanè laborat ac frustra seipsum deivixat homo, dum temporalibus, ac finitis huiusmodi bonis quae in hoc mundo sunt, suum cupit infinitum desiderium adimplere: non minus quam si vas infinitum (ut diximus) modico aquae cyatho quis laboret implere. Illud autem bonum requirere debet, & toto conatu investigare, quod solum est suo infinito appetitui proportionarum, quod solum potest hominis desiderium penitus implere & satiare perfectissime. Bonum au-

*Appetitus  
sensitive  
facile im-  
pletur.*

*Christiane  
lector at-  
tende.*

tem hoc vnicum est, non temporale, sed æternum, non creatum, sed creator dominus deus super omnia benedictus, qui ad hoc nos sic creauit capacitate infinitos, vt ipsum qui solos in infinitum potest adimplere requireremus, & ad eum omne nostrum dirigeremus desiderium. Cum enim nihil ipse frustra fecerit, qui est sapientissimus omnium conditor, nunquam vtrique hominis voluntatē infinitā fecisset esse capacitatis, nisi aliquo modo voluisset bono infinito eā adimplere. Vnde cum solus ipse tale bonum infinitum sit, constat ad hoc illum fecisse nos capacitatis infinitā, vt ab eo plenissimè impleremur. Hæc philosophiā non ignorabat ille qui de post forantes assumptus fuit ad regnum, cum diceret. Satiabor cum apparuerit gloria tua. Sic & in alio loco exclamās? Quid enim mihi (inquit) est in cælo, & à te quid volui super terrā? Quasi dicat, Omnino nihil est, quod meam infinitam capacitatem valeat implere. Et subiungens quid sit quo credat posse se adimpleri, ita prosequitur, Defecit cor meum, & caro mea. Deus cordis mei, pars mea, Deus meus in æternum. Et rursum alio loco. Credo videri bona Domini in terra viuentium. Manifestè videlicet significans, non hic in terra exilij & morientium esse vlla bona quibus possit satiari. Sic enim loquitur, quasi nulla hic bona viderit: Hinc & saluator in Euangelio toties mouet thesaurizare non thesauros in terra, sed thesauros in cælo deficientes.

Psalm. 16.

Psalm. 27.

Psalm. 26.

Luc. 12.

18.

## CAP. XXV. Quomodo per voluntatem Deum amare.

Deoq; vniri potest homo.

**H**Abet insuper homo ex voluntate, vt inter omnes creaturas solus possit Deum diligere, eique per voluntatem adherere perpetua adhesionē. Nam animalia bruta per sensitiuum appetitum non possunt nisi quæ sensibilia bona sunt, & quæ sensus iudicat conuenientia diligere. Deus autem nullo sensu sentiri potest, homo verò sicut per intellectum sensui supereminentem, potest Deum cognoscere, ita per voluntatem Deum potest amare. Amor vero facit rem amantem adhærere rei amatæ. Hæc enim est natura amoris vt vniat amantem cum re amata: faciatque vnum ex duobus. Est enim vinculum & quasi viscus siue glutinum, quo conuiscantur, conueniuntur, & conglutinantur ad inuicem amans & amatum: ita vt etiam vulgo qui se multum amant, vnā animam in diuersis corporibus dicantur habere?

Et

1. Corin. 6

Et sicut Paulus de meretricio amore ait, quòd duos cò-  
iungat in vnum corpus: ( Qui adhæret, inquit, meretrici,  
vnum corpus efficitur ) ita de amore spirituali voluntatis  
dicendum est, quòd vnum spiritum efficiat. Vnde & sub-  
sequenter de amore diuino loquens adiecit, Qui autem ad-  
hæret domino, vnus spiritus est. Hæc enim adhæseo de qua  
loquitur, non nisi per amorè est. Potest ergo homo per vo-  
luntatem Deum infinitum amare, & sic cum illo vnum fieri.  
Per voluntatem quoque potest homo donec abest à Deo ip-  
sū prosequi & desiderare, infinito & infatigabili desiderio,  
& in eo iam habito potest gaudere: & quantò perfectius ha-  
buerit, tantò perfectius gaudere: & cùm perfectissimè ip-  
sum habuerit, in futura scilicet patria, tūc perfectissime gau-  
debit, eritque vbi vnio perfectissima, suprà quàm humani  
ingenij valeat caligo nunc apprehendere. Ecce quanta, quā  
admiranda sunt, quàm eximia, quàm præcellentia, quæ huma-  
na soboles vere cælo demissa ab alto, præ cæteris omnibus  
creaturis possidet, quibus creatis omnibus præstat & præfer-  
tur in immensum. Vide ô homo & attende, quā nobilem te  
nobilissimus creauit conditor tuus. Ecce qui cunctas res  
naturales creauit finitas, te solum infinitum creauit: & talem  
te creauit, vt ab ipso posses inhabitari, & ab ipso infinite bo-  
no, infinite beatificari.

Conclusio  
libri.

Sed nos iam ab infimis rerum naturalium elementis at-  
que principijs, ad id quod in creaturarum ordine dignissi-  
mum est atque omnium supremum Dei adiutoris (qui nostrū  
sic direxit calamum) subuecti, quo iam auolabimus longi-  
us? quo proficissemur vltierus? Per materiam & formam re-  
rum naturalium, per earum causas, per motus & accidentia  
cætera per generationes & corruptiones iam peruolauimus,  
supernas impressiones sub nobis reliquimus, viuentium na-  
turam & sentientium dignitatem (tam quòd ad externos sen-  
sus, quàm quòd ad internos) proposuimus ante oculos om-  
nium. Insuper & hominis intima introgressi, nobilissi-  
mas illas vires (intellectum & voluntatem) quantum dedit  
altissimus, vtcunque lallantes puerorum more & balbo-  
rum instar magna fari gestientium expressimus. Quò verò  
super hæc conscendamus altius, in ordine rerum naturali-  
um nequaquam poterimus inuenire. Ipse igitur qui no-  
strè fuit considerationis initium, qui ad sui gloriam nostrū  
hæc-



hactenus calamum direxit atque prouexit, nunc quoque nostri laboris finem accipiat: & cuius gloriam in cunctis praecedentibus spectauimus, tandem in operis conclusione cantum laudis idem ipse accipiat: qui in Trinitate & unitate uiuit & regnat in aeterna secula benedictus. Amen.

FINIT LIBER XII.

PSALMVS ILLI, QVI SOLVS IM-  
plere potens est humanum desiderium.

**Q**uemadmodum desiderat fatigata cerna ad fontes aquarum, ut refociletur in eis: ita desiderant ad te Deus animae nostra, aere facta pra'inopia, & fatigata carnis molestia.

Apud te nanque solus est fons uiae & torrentes voluptatis apud te sunt: uena tu es aquarum uiuentium, quibus soli satiari possunt, & inebriari rationales animae nostra.

Quaecunque in hoc creato mundo sensibus subiecta percipimus, nequaquam implere possunt, vel secundum partem minimam, desideria nostra: etiam si agglomerentur quaecunque orbis iste continet superna, & infima, non ualebunt nec unius hominis implere desiderium.

Talem enim tu Deus piissime creasti rationalem creaturam tuam: ita magne Deus & mirabilis, magnum & mirabilem creasti hominem.

Ut tui capax esset, nec ullo posses satiari bono nisi te, ut solo uno quod te possit impleri, suaque capacitatis te ipsum accipere plenitudinem.

Irrationalium ceterorum animantium appetitus, rebus impletur per modicis: pro nihilo est eorum satiare desideria.

Lupus fama insaniens oue una satiatur aut altera: Leo rugiens praedam adeptus modicam, cessat a venatione sua.

At uero hominis uoluntatem nimia donasti amplitudine: latitudo capacitatis eius atque profunditas non habent terminum.

Quantumcunque fuerit ieiectum creati boni, non implebitur immensitas eius nihilo amplius quam si in ollam mensura infinitam iniiciatur paruula aquae guttula.

Infinitatem tamen istam non afflictione contulisti homini, ut semper egenus torqueretur atque famelicus: multo magis, ut uere beatitudinis & supernae felicitatis solus ipse capax foret, talem creasti eum.

Ita magne Deus nos uoluisti capaces facere amplitudinis tuae: saltem enim tibi complacuit creaturam condere, in qua posses inhabitare ipse secundum plenitudinem gloriae atque felicitatis tuae.

Quomodo autem te caperamus infinitum, immensum, & immensurabi-

rabi

rabile, nisi & nos tu creasses capacitate infinitos: nequit enim, ratio-  
ne monstrante, infinitum à infinito concludi.

Magnum mare magnum requirit alveum: nec posset mare infinitum  
finito contineri alveo.

Nequaquam ergo ad malum nobis est infinita capacitas ista: quo-  
niam quidem ad infiniti boni possessionem felicissimè nobis proficit.

O quàm dulcis est Domine spiritus tuus: & quàm benivellus erit qui  
dignas nunc tibi faciunt suas animas, ut ad eam tandem aliquando  
pertingant beatitudinem.

Bonum est homini cum portaverit iugum tuum Domine ab adoles-  
centia sua: quia in tuis mandatorum tuorum ambulans, perfectam es-  
sodiaverit animam suam.

Et quàm magna multitudo dulcedinis tue Domine, quàm preparasti  
filijs hominum: quam nō vidit oculus, non audiuit auris, lingua non g-  
stavit, imò neq; cor hominis valuit comprehendere.

Ibi conglutinabitur spiritus Domini cum spiritibus servorum suo-  
rum: indissolubili glutino charitatis perpetua erunt conglutinati ab-  
sque dissolutione, in eternitate perpetua.

Eia Domine, quando veniet dies illa ut impleatur nobis beata v-  
nio ista: ut tu nobiscum, nos tecum, tu in nobis & nos in te simus vni  
suaviter?

Ibi erit absq; defectu satietas plena, ibi erit absque siti, perfecta, &  
dulcis ebrietas: cum sese nobis manifestaverit reuelata facie fulgidissi-  
ma illa gloriatur.

In beata vniōe implebitur voluntas bonis omnibus quaecunque de-  
siderauerit: infiniti namque boni talis possessio statum reddit totius bo-  
ni accumulatione perfectissimum.

Expectabo te Domine, stabo super speculam & custodiam meā, ut  
vigilem: donec tu mihi aduenias, plenitudo omnis desiderij mei.


Absque hesitatione tibi fidens, credo videre bona omnia in terra  
viventium, ad vitæ fontes aquarum, in te sperans non confundar in  
perpetuum.

Gloria patri, & filio, & spiritui sancto.

Sicut erat in principio, & nunc & semper, & in secula seculorū  
Amen.

FINIT PSALMVS:

DIO LAVS, ET GLORIA.



## INDEX ALPHABETICVS

EORVM, QVAE IN PRAECEDEN-  
TIBVS TRACTANTVR.

- A**bstracta & concreta vnde dicantur, & duplex abstractū describitur. Folio. : 181.
- Actus primus & secundus quid sit 113.
- Actus quomodo libertatem participant tamen si volūtas actu non imperat 211.
- Actus qui non mereantur ibid.
- Actus voluntatis participes sunt, etiam dum voluntas ligata est. ibidem.
- Actus in ebrietate ad admissi nō excusantur à peccato 112.
- Ad aliquid excessione, defectiōne actiui, passiui, motiui, & mobilis, quid 36.
- Aequinoctialis circulus cur dicitur, & cur æquator cingulum 110.
- Aequinoctium vernum & autumnale, quid 102.
- Aestimatiuæ officiū & ipsam esse motus principium 154.
- Aestimatiuæ duplex operatio 154.
- Aestimatiuæ ab imaginatiua differentia 155.
- Aestimatiua an eadem sit cū phantasia dubitatur 156.
- Aestimatiua diuidit, & componit quod quidam phantasiæ tribuunt ibidem.
- Aestimatiua in homine quam in cæteris animalibus nobilior est, & quomodo hæc ab illa differat. ibidem.
- Aestimatiuæ seu phantasiæ locus, & despectio, & officia 156.
- Aestimatiua somnia naturalia operatur 169.
- Aestimatiua mouet obiectū 194.
- Affectiōnes, amor, gaudiū, & cætera, spirituales in intellectu appetitu inueniuntur, quemadmodum corporales in *sensitiuo* sunt 195.
- Affectiōnes cur dicantur, & non passiones 196.
- Agens naturale non potest seipsum secundum vtranque partē mouere, neque à seipso moueri 36.
- Agens & patiens, similia & dissimilia cur esse debeant 63.
- Alteratio quid, & quomodo ab alijs motus speciebus differat. 61.
- Amor omnium passionum radix 198.
- Anima rationalis à corpore separata corpori iungi cupit, quod angelis non competit 15.
- Anima rationalis corporis corruptionem nō corpus detestatur. 16.
- Anima rationalis seipsam mouet 36.
- Anima vegetatiua nutritionis est causa, & augmentationis naturalis 16.
- Antiperastasis quid 73.



- Antiperistasis duobus fit modis 74.  
 Anima rationalis ab intelligentijs differt 91.  
 Annus bissextilis quis, & quare hoc nomine appelletur 94.  
 Angelus ille primus cur lucifer dictus sit 97.  
 Anima quid. 113.  
 Animæ alæ duæ definitiones ibidem.  
 Anima in tres species diuiditur ibidem.  
 Animæ tres, tantum ratione differunt, & in singulis corporis partibus simul sunt 114.  
 Animarum, sola rationalis à corpore separata non perit nec de potètia materiæ educitur 114.  
 Anima rationalis à corpore separata, quomodo seruet allegatas potètias organo corporeo 114. 115.  
 Angeli paucis operationibus, hominibus plura assequuntur 116.  
 Animalia quædam ex corruptione nascuntur, alia indifferenter ex hac, & ex semine, alia ex cōmitione specierū, quorum prima & postrema generationem nesciunt 118.  
 Animalia quædam cur citius homine ambulent, aliasque vitales operationes exerceant 123.  
 Animalia quædam cur respiratio ne odorentur, alia verò minime. 141.  
 Animalia quædam cur odoratus organum habeant rectum, alia verò non: 145.  
 Animalia quædam cur gustum non habeant. ibidem.  
 Animal omne, & solum animal dormit, & quare. 164. 165.  
 Apprehendentes facile, male seruant 107 157.  
 Appetitus sensituius in omnibus animalibus reperitur, & ab æstimariua naturaliter mouetur, & mouet. 193.  
 Appetitus concupiscibilis, & irascibilis quid, & quæ eorum passionibus 198.  
 Appetitus intellectuius, qui à sensituiuo deflerat 108 202.  
 Appetitus intellectuius ab obiecto non patitur, nec cogitur prosequi. ibidem.  
 Appetitus sensituius quomodo voluntati repugnat. 108 204.  
 Appetitus sensituius quomodo ad modū petulantis equi refrenari, & subijci debeat 208: 209  
 A proportionē maioris inæqualitatis fit actio 45.  
 Aqua quem habeat situm 84.  
 Asinus buridani inter duas auenas. 195.  
 Astrum quid 95.  
 Augmentatio multis dicitur modis. 60.  
 Augmentatio à nutritione differt 61.  
 Augmentatio quomodo fiat & ex quo. ibidem  
 Augmentatio fit sine vacuipositione, aut penetratione dimensionum, quemadmodum & motus localis. 108 62.  
 Au-

- Augeri quid p̄priè dicatur ibi.  
 Audit' I quodā aqueo cōsistit 134.  
 Aures cur tortuolæ 135.  
 Aures nullū propriū habēt soni-  
 tum, vt nec oculus colorē, & vn-  
 de sonitus ille qui intra aures  
 percipitur & ipsum esse boni  
 auditus argumentum ibid.  
 Audacia quid 201.  
 Axes mundi, seu poli, arcticus &  
 antarcticus, qui dicantur 76.  
**B** Ruta animalia hominibus, tū  
 cibo, & potu, tum venere,  
 temperantiora sunt 128.  
 Bruta nō reminiscuntur 162.  
 Bruta non cōponunt aut diuidūt  
 mediante copula verbali 187.  
 Bruta licet oblati duobus obie-  
 ctis deliberare videantur, non  
 deliberant tamen 194.  
 Bruta cur interdū per sententiā iu-  
 diciariā morte plectantur 205.  
**C** Aussa quid sit, & quomodo ab  
 occasione distinguatur 12.  
 Causæ altera definitio, eius qua-  
 tuor species explicans 22.  
 Causa materialis quid ibid.  
 Causa efficiens quid 23.  
 Causa finalis quid ibid.  
 Causa formalis quid 24.  
 Causa finalis & efficiēs quomo-  
 do primæ dicantur 23.  
 Causarū proprietates tres 24.  
 Causæ plures sunt eiusdem rei di-  
 uersarū specierū & eiusdē ibi.  
 Causæ sunt sibi mutuo causæ, &  
 in eodē & in diuerso genere 25.  
 Causa eadem contrarios produ-  
 cit effectus, pro varia passi affe-  
 ctione ibid.  
 Causarum quedam vniuersalis, a-  
 lia particularis, alia propinqua,  
 alia remota, & quæ sint ibid.  
 Causarum, alia per se, alia per ac-  
 cidens, secundum rem, & appel-  
 lationem 166.  
 Causa per se, & per accidēs secū-  
 dū appellationē, quid ibid.  
 Causa per se & per accidens se-  
 cundum rem, quid 27.  
 Causa potentialis, quid ibid.  
 Causa actualis, quid ibid.  
 Causa secundū esse, quid 28.  
 Causa secundū fieri, quid ibid.  
 Causæ velocitatis & tarditatis mo-  
 tus sunt variæ 40.  
 Causa longitudinis & breuitatis  
 vitæ procedit ex caloris natu-  
 ralis, & humidi radicalis pro-  
 portione adinuicem 121.  
 Causa breuitatis vitæ hominis tri-  
 plex est, brutorum duplex, plan-  
 tarum vnica 125.  
 Casus & fortuna quibus effectib'  
 conueniunt 31.  
 Casus quid 32.  
 Casus à fortuna distinctio ibid.  
 Calor naturalis augmētationis &  
 nutritionis instrumentum, quo  
 deficiēte augmētatio cessat 61.  
 Calidum segregat partes diuersæ  
 rationis in misto 69.  
 Capra saltans quid 74.  
 Caligo vel nebula quid, & quo-  
 modo dissipata serenitatē diei  
 prænuntiet 76.  
 Calor Solis à martis calore dif-  
 fert. 98.  
 Caput & cauda draconis, quid 105.  
 Calor naturalis vitæ necessarius,  
 & c. humi-

- humido radicali nutritur 120.  
 Calor & humiditas qualitates bonæ sunt, & quas inter cæteras expedit dominari 122.  
 Canes vocū significationē ignorant, tamen ad auditū quarundā quasdā operationes exercent. 183  
 Cælū cur nihil corrumpat 89.  
 Cælum vnicam eamq; nobilissimam habet qualitatem, lucem videlicet, qua mediante suas operationes exercet ibid.  
 Cælestis natura mistum non ingreditur ibidem.  
 Cælum cur quinta essentia vocetur 90.  
 Cælestia corpora animata nō sunt. ibidem.  
 Cælum empyreum quid & an in inferioribus quid operetur 90.  
 Cæli xi. & quo ordine siti 92.  
 Cælū nouū cur aqueū dicatur. ibi.  
 Cæli aquei frequens in sacris literis fit mentio ibidem.  
 Cælum stellarum & firmamentū idem est, vtriusque nominis ratio 91.  
 Circulus maior quid, & quot sint. 100. 103.  
 Circulus minor quid 101.  
 Circuli minores quatuor sunt. 103  
 Circulus arcticus & antarcticus quid ibidem.  
 Contra naturam quid dicatur 7.  
 Conscriptio in Deum ex naturalibus 11.  
 Cōuersio in Deū ex creaturis 32.  
 Continua quæ dicantur 40.  
 Contigua quæ dicantur ibid.  
 Consequenter se habentia quæ dicantur ibidem.  
 Cōparatio debita tria requirit 41.  
 Corpus simplex quid 64.  
 Combinationes qualitatum primarum vnde quatuor elementa consurgunt ibidem.  
 Complexiones in mistis quæ sunt. 121.  
 Cometa futurorum malorum indicium 75.  
 Cometa qua cæli parte generetur, & quem habeat motum ibid.  
 Continuum quid 82.  
 Corpus, quantitas, quid ibid.  
 Corpus simplex, & compositum siue mistum quid 83.  
 Corporis simplicis diuissio, & eorū corporū situs explicatur ibi.  
 Corpora simplicia in quinque gradibus in vniuersum coguntur 84.  
 Contemplatio pia, ex planetarum ordine cōgrua 96.  
 Colurus solstitiorum quis circulus dicatur 102.  
 Colurus æquinoctiorum, & puncta duo in eo æquinoctia distinguuntur ibidem.  
 Coniunctio diametralis quid 104.  
 Corpus opacum luminoso obiectum, si eo minus fuerit, pyramidalem facit umbram ibid.  
 Corpus physicum & organicum quid 113.  
 Corporum quædam multa, alia pauciora habent organa, alia nulla ibidem.  
 Contēplatio de cōgruentia corporis ad animā, & ediuerso 116.  
 Complexionum quæ sit maximè diuturna 121.  
 Com-



Comparatio viuentiū quoad vitæ lō  
 gitudinē fit multis modis 123.  
 Color luminis alieni illustratio-  
 ne eget vt videatur, non autem  
 lux quæ etiam per maius lumē  
 impeditur 132.  
 Color quibus conueniat corpori-  
 bus ibidem.  
 Color actu sensū faciēs quid. ibi.  
 Color quid 133.  
 Corpora quædam, cur ab odoratu  
 non percipiuntur 141.  
 Coqui cur ex cibis quib⁹ parando  
 adsunt exaturētur, similiter is qui  
 penariū vino repletū intrat 142.  
 Cognitio nostra intellectualis  
 quomodo à sensu proficiscit-  
 ur 176.  
 Cognitio Dei in nobis duobus  
 formatur modis 177.  
 Cognit. intellect⁹ quadruplex. 178  
 Cognitio intellectualis singula-  
 ris quid 179.  
 Cognitio vniuersalis intellectuā  
 quid ibidem.  
 Cognitio coneretiua quid & ip-  
 sam esse infimam operatio-  
 num intellectus 180.  
 Cognitio abstractiua quid, & ip-  
 sam sensui non cōpetere ibid.  
 Cognitio vniuersalis coneretiua,  
 & abstractiua quid ibidem.  
 Collatio pulcra sensualitatis cum  
 meretrice, ex literis sacris 210.  
 Constellationes & astrorum vir-  
 tutes voluntatem cogere non  
 posse, quātumuis vehementes,  
 sed solos stultos ipsas sequi. 210  
**D** Eo nihil est casuale aut for-  
 titum - 2.

Deo materia & forma non com-  
 petunt 9.  
 Deo competit esse causā finā-  
 lem & efficientem ibidem.  
 Deus multa mediātib⁹ causis  
 secundis agit, quæ tamen om-  
 nia per se potest 33.  
 Deus licet mediante causā secun-  
 da agat immediate tamē ad quē-  
 liber concurrat effectum 34.  
 Deus in omnibus rebus per suam  
 essentiam inexistens & præsen-  
 tiam, non mouetur 44.  
 De⁹ quāuis omnia instātaneē mo-  
 uere potest, nō facit tamen 47.  
 Deus seipsum mouere nō potest.  
 ibidem.  
 Deus solus essentia infinitus 49.  
 Definitio quid nominis, & quid  
 rei 51.  
 Deo solum esse conuenit, nō fuisse  
 aut fore 58.  
 Desperatio quid 197.  
 Deus nobiliori modo docet, q̄ ho-  
 mo 189.  
 Diuinitatis consideratio ex natu-  
 ra materiæ 9.  
 Differētia multiplex regionis cæ-  
 lestis & elementaris 89.  
 Dies quis naturalis, & quis artifi-  
 cialis dicatur 93.  
 Doctrina Spiritus sancti nullā per  
 se habet in docēdo resistētiā, &  
 quomodo peccatū obstat 178.  
 Dominium duplex est, & iuxta al-  
 terum eorum, appetitus sensiti-  
 uus voluntati subest 204.  
**E** Clypsis Lunæ quomodo fiat, 104.  
 Eclipsis Lunæ quando fiat 105.  
 Ec 2 Ecly-

- Eclypsis lunę quib' locis Sole & Luna existētib' fiat partialis ibi.  
 Eclipsis totalis, & vniuersalis quid differant 105.  
 Eclypsis Solis quid 106.  
 Eclypsis quando perfecta, & quādo partialis ibid.  
 Eclypsis Solis in nouilunio, & Lunę in plenilunio sit 106.  
 Eclypsis Solis vniuersalis esse nequit 107.  
 Eclypsis Solis à Lunę eclypsi multplex discrepantia ibid.  
 Eclypsum Solis tempore passionis Christi Dionysius in Aegypto vidit 108.  
 Eclypsum tēpore passionis Christi vniuersalē fuisse, partim Luna cōiūcta Soli, partim radijs retractis, aut nubib' obiectis. 109  
 Echo quid 139.  
 Echo semper fieri licet nō audiat, & cur non audiat priorū partium soni reflexio ibid.  
 Effectus quid sit 23.  
 Efficiens causa est, tum principalis, tum minus principalis 28.  
 Effectus secundum esse, & fieri, quid 29.  
 Effectū, quidā semper alius plerūq; ali' suā sequitur causam. 31.  
 Effectus quis dicatur fieri propter finem, & quis non. ibid.  
 Effectus casualis quid 32.  
 Effectū quidam per electionem fiunt, alij non ibidem  
 Elementa quatuor sunt quorum quodlibet habet duas primariū qualitatum 63.  
 Elementa symbolizantia quæ dicantur & quæ non 64.  
 Elementorum symbolizantiū, facilius est transitus 65.  
 Elementum superius sibi proximum inferius proportionē decupla excedit ibid.  
 Elementa quatuor, quomodo in mistis corporibus maneat 66.  
 Elementa quatuor ad quodlibet mistum & quamlibet eius partē concurrunt 67.  
 Elementorum aliquid in misto semper dominatur ibid.  
 Elementis puris nō vtimur ibid.  
 Elementa post iudicium in alium statum esse reuocanda 68.  
 Elementa cur rem ad interitum ducunt 89.  
 Entium quædam sunt a se tantū, alia & potentia sunt 36.  
 Ens, in decem prædicamenta diuiditur ibidem  
 Ens seu verum, intellectus obiectum 174.  
 Essentia mobiliū nō mouetur 44.  
 Experimenta docēt vacuum esse non posse 55.  
 Experimenta docēt quatuor elementa in misto manere 67.  
 Exhalatio quid 74.  
 Exhalatio causa materialis ignitorum, in aeris suprema regione potissimū, apparentiū ibid.  
 Exhalatio causa materialis est tonitruī, fulminis, ventorum, atq; terræ motus 78.  
 Ebriicantibus cur omnia sint insipida 144.  
 Finis vltimatus quid 30.  
 Finis non vltimatus quid ibid.  
 Finis

- Finis vltimatus vnicus, quippe  
 Deus ibidem  
 Finis non vltimatus cuiuslibet rei  
 vsus est ibidem  
 Finis prima causa est, & ad ipsum  
 effectus & media optantur 32.  
 Firmamentū nōnunq̃ totū aggre-  
 gatū ex orbibus planetarum, &  
 stellarū fixarū significat 93.  
 Fluij ex mari fluentes cur falsi  
 non sint 77.  
 Fluxus & reflux' maris vnde ibi.  
 Frigidū partes heterogenias cō-  
 iungit 69.  
 Frigidiora loca habitantes am-  
 pliori cibo egent 73.  
 Frigiditas & siccitas mortis initia  
 sunt 122.  
 Frōs cornuta & obtusa, cuius sint  
 indicium, & qua ratione 153.  
 Forma vt est principium rerum  
 naturalium quid 12.  
 Formæ vltimæ plures se nō cōpa-  
 tiuntur in eadem materia ibid.  
 Formam non id esse quod suo ad-  
 uentu composito dat ibid.  
 Forma Deo similis ostēditur 10.  
 Forma quo modo materiam appe-  
 tat 14.  
 Forma substantialis cælestia cor-  
 pora incorruptibilia reddit 18.  
 Formales causæ tres sunt substan-  
 tialis, artificialis, & accidenta-  
 ria. 27.  
 Forma accidentaria quid 28.  
 Fortuna minus commune est ca-  
 su. 33.  
 Fortuna quid ibidem.  
 Forma quomodo infinita 49.  
 Formę substantiales per se locum  
 non habent 51.  
 Fōtes & fluij vnde generētur. 77.  
 Fontes & fluij nō ex aqua ex plu-  
 uia collecta fluunt ibidem.  
 Fontes cur in locis mōtosis ibid.  
 Forma cadaueris anima nō est. 121.  
 Fulmen quid 78.  
 Fulmen exteriora sine nocumen-  
 to transit interioribus læsis 79.  
 Fumus iram in sacris literis signi-  
 ficat 201. 202.  
**G** Alaxia quid, & eam esse du-  
 plicem 76.  
 Gaudium & voluptatem, omnium  
 passionum esse finem 199.  
 Generatio verbi æterni, & procel-  
 sus Spiritus sancti explicatur,  
 per Solem generantem lumen  
 & ardorem 229.  
 Generatio quid & quomodo ab a-  
 lijs motus speciebus differt 60.  
 Generare sibi simile opus natura-  
 lissimū est, nec omnibus nec so-  
 lis animalibus cōueniens 118.  
 Generatur in quibusdā simile sine  
 semine, ramusculo inserto ibi.  
 Grando quid, & cur lapides in se  
 nonnunquā concludat, & ro-  
 tunda sit figura 76.  
 Grando cur aliquando animalis  
 referat speciem ibidem.  
 Grando cur potissimū in vere &  
 autumnō generetur ibid.  
 Graue dicitur dupliciter, vtpote  
 quod simpliciter graue est, &  
 id quod solum comparatione  
 alterius graue dicitur 83.  
 Grauissimū quid & vnicū esse 84.  
 Gustus quid, & quod mediū eius  
 & instrumentum 143.  
 Ec 3 Gu-



Gustus & tactus habent medium  
coniunctum 144.  
Gustus est quidam tactus ibid.  
**H** Alon quid & ubi generetur.  
79.  
Hemisphæriū qd, & duo esse. 103.  
Hiatus quid 74.  
Horizon quis dicatur 102.  
Horizon in rectum & obliquum  
distinguitur 76.  
Homo ferè cæteris animalibus  
uiuacior est 132.  
Homines studiosi macrescunt so-  
mniculosi pinguescunt 163.  
Homo multis animalia cætera ex-  
cellit, tum quod vocum signi-  
ficationes capiat 183.  
Homo solus animalium discipli-  
næ capax 184.  
Homo solus diuidit, & coniungit  
plura, copula verbali, & plures  
propositiones coniungit, atq;  
ratiocinatione conficit 185.  
Homo solus suam excellentiam  
nouit, & ea gaudet, idque per  
intellectum 187.  
Homo intellectus lumine omni  
perfectione cuiuslibet creatu-  
ræ gaudere potest 189.  
Homo solus omnium creaturarū  
tenetur gratias suo creatori a-  
gere, etiā p alijs creaturis. 190.  
Homo non in omnibus actibus  
meretur aut demeretur 208.  
Homo ratione volūtatis infinitæ  
est capacitatis, ratione verò ap-  
petitus sensitiui finitæ: vnde  
homo gula, cupiditate bruta  
longè excedit 126.  
Homo solus Deum amare potest

& ei vniri 213.  
Humidum est facilè terminabile  
termino alieno 69.  
Humidum veneris ab humore Lu-  
næ differt 99.  
Humidum radicale quid, & qua  
materia partim cōsumptum re-  
paretur 120.  
Hyeme maiori est opus cibo q̄ æ-  
state 74.  
Hyeme candelæ vehementius ar-  
dent quàm æstate 75.  
Hyeme media aëris regio minus  
est frigida, q̄ æstate ibidem  
**I** Dem zenith habentes eundem  
habent meridianum 103.  
Ignis perpendicularis quid 75.  
Ignis fatuus seu candela ardens  
quid ibidem.  
Ignis elementaris à quibusdam  
negatur, & oppositum ratione  
probat 84.  
Ignis elemētaris cur ita rarus ibi.  
Ignis elementaris nutrimento nō  
eget 85.  
Imaginatiua quæ, & locus eius &  
differentia à sensu cōmuni 153.  
Imaginatiua nunquam est motus  
principium ibid.  
Infinitū essentia & quātitate 48.  
Infinitas materiæ, imperfectionis  
est, formæ verò pfectionis ibi.  
Infinitum quantitate continua &  
discreta 49.  
Infinitum potentia & actu 49.  
Infinito nihil maius ibid.  
Infinitum successionē, non actus  
sed potētia tantū infinitū est. 50.  
Infinitum in actu, in rerum natu-  
ra non reperitur ibid.  
Infi-

## I N D E X.

Infinitum multitudine non reperi-  
 ritur 50.  
 Inclination rerum naturalium ge-  
 neralis & specialis 55.  
 Ingeniosi ferè memoria deficiunt,  
 & ediuerso 157.  
 Ingeniosi bene reminiscuntur, li-  
 cet non semper bene memoren-  
 tur 162.  
 Infōniavnde pcedāt, & cur ita es-  
 se puramus ut somniamus 168.  
 Intellectus quid sit, sensus compa-  
 ratione docetur 171.  
 Intellectus æstimatoria excellit. 172.  
 Intellectus agens & passibilis quid  
 & quod viriusq; officium 173.  
 Intellectus agēs lumini cōparatur  
 & lumen spirituale dicitur 174.  
 Intellectus à sensu differentia &  
 necessitatem esse ponendi intel-  
 lectū agentem & patientē 178.  
 Intellectus agens an realiter à pas-  
 sibili differat, dubitatur ibi.  
 Intellectus multa cognoscit quæ  
 nō immēdiatē à sensu habet 176.  
 Intellectus agens quomodo se su-  
 per phantasinata conuertit, &  
 ex corporalibus spiritualia in-  
 telligat 176.  
 Intellectus adiutus lumine Spiri-  
 tus sancti, Deū facie ad faciem  
 contemplabitur 178.  
 Intellectus Deū sibi maximè cog-  
 noscibilem ob corporis molē  
 contueri non valet ibid.  
 Intellectus quomodo singulari-  
 ter intelligat 179.  
 Intellectus eodem phantasmate  
 nunc abstractam, nunc concre-  
 tam habet notitiam ibid.

Intellectus practicus & speculati-  
 uus quis 187.  
 Intellectus sup suos actus reflecti-  
 tur, qd nulli sensui cōpetit 188.  
 Intellectus ex seipso Deum potest  
 cognoscere ibid.  
 Iris quomodo generetur, & quod  
 tricolor sit 79.  
 Iris & halōn quod differant ibi.  
 Irides duæ aut ad summum tres  
 apparent simul ibidem.  
 Iris secūda eisdem habet colores  
 cū prima, sed ordine cōtinuo, &  
 tertia eodē omnino ordine ibi.  
 Iris quo tempore appareat 80.  
 Ira passionem cur non habeat si-  
 bi contrariam 198.  
**L**ancea volans quid 75.  
**L**apis cū fulmine ex nube de-  
 cidēs, fulminis cuneus dicitur 78.  
 Languentes cur sæpenumero lon-  
 gam vitam degant 123.  
 Leue quid 83.  
 Leue quoddam tātum in respectu,  
 aliud simpliciter ibid.  
 Leuissimum quid ibidem.  
 Linea quid 82.  
 Linea simplex quid ibid.  
 Linea eclyptica quæ, & cur ita ap-  
 pellantur 102.  
 Linea eclyptica cur via Solis ap-  
 pellantur ibidem.  
 Lignum vitæ cuius fuerit virtutis.  
 124.  
 Lingux duplex officium, alterum  
 tantum necessarium 136.  
 Locus quid & potissimus locus  
 proprius 51.  
 Locus quis cōmunis & quis pro-  
 prius ibid.  
 Loci

Loci pprietas sunt quatuor 52.  
 Locus quis naturalis rei 52.  
 Locus quis violentus ibid.  
 Locum naturalē cur cūcta petūt & magno desiderio cōtendāt ibi.  
 Luna humidis dominatur, quę ple nilunio crescūt, nouilunio vero decrescunt 97.  
 Luna in bonam partem, & malam in scriptura applicatur 165.  
 Lunę varius ad Solem respectus mutationis eius est causa 106.  
 Lunę vnde sit varia figura 107.  
 Lumen omnium astrorum à Sole proficiscitur 98.  
 Lumen semper reflectitur 133.  
**M**ateria prima quid 9.  
 Materia secunda quid 8.  
 Materia prima tantum eius potentia 9.  
 Materia prima tantum passiva est, ideoq; Deo dissimillima 10.  
 Materię creator Deo non fuit indigna ibidem  
 Materia non nuda, sed sub forma est creata ibidem.  
 Materia an sine forma creari potuisset dubitatur ibidem.  
 Materia nulla creata virtute fieri potest ibidem.  
 Materia nulla creatura annihilari potest 11.  
 Materia inferiorum an specie à superiorum materia distinguatur 11. 12.  
 Materia & forma, cerę & sigillo comparantur 12.  
 Materia formam appetit, vt id à quo perficiatur 14.  
 Materia celestis, vim nullam pati-

tur, aliam formā accipere prohibita 20.  
 Materię ad alias formas appetitus, ex imperfectione est atque ideo pueris & cani assimilata Aescopico ibidem  
 Materia in beatis sub forma eadē manebit sine violentia quam in damnatis admittere non videtur inconueniens ibidem.  
 Materia comparatur ad formam & sic in qua dicitur, & formę correlatiuum est 27.  
 Materia ad compositū collata ex qua dicitur ibidem.  
 Materia quomodo infinita 49.  
 Mare duplici ex causa falsum. 77  
 Maris fluxus cur quotidie ferē vna hora tardius incipiat ibid.  
 Mare quādo crescat, decrescatue ibidem.  
 Mare cur nunc impetuosius, nunc mitius fluat ibidem  
 Mars non ita nocivus planeta, atque Saturnus, & quam operetur complexionem 96.  
 Medium motus quoque distinguere 38.  
 Mensura durationis triplex & discrimen eiusdem 59.  
 Mercurius ingeniū dat, Marti aut Saturno iunctus hereticū & tumultuariū, Ioui verō ppinqu⁹, tranquillū & cōmodum 97.  
 Meridianus circulus quis dicatur 102.  
 Medium visus quid, cur colore careat 147.  
 Mediū propter colorē, & nō propter visum, illuminari debet ibi.  
 Me-



Memoria quid & quod eius officium, pulcherrima docet similitudo 157.

Memorię ab imaginatiua differentia ibidem

Memorię nomen tripliciter accipitur 157.

Memorię locus & eius dispositio, & bonę memorię indicium. 157.

Memor. quę bona, quę mala. ibi.

Memoria eadem, cur vnum altero melius seruet ibid.

Memoria duplici ex ratione bona, & studia illi proportionanda. 151.

Medium quod sit ad reminiscendum aptum 160.

Memoria intellectuā, quid & quā sit necessaria eius à sensitua memoria differentia 182.

Mistio quid & quotuplex. 65.

Modi existendi in alio, octo. 51.

Mollicies carnis excellentis ingenij cur indicium sit 146.

Mollicies carnis, bonitas ingenij, bonitas tactus, eiusdem causa effectus ibidem.

Mollicies duplex 157.

Monstrum quid, & varijs ex causis contingere 34.

Motus omnis aut ad quantitatem, aut qualitatem, aut substantiam, aut locum dicitur esse 36.

Motus quis perfectus, & quis imperfectus ibidem.

Motus subitus instāaneus, & successiuus quid ibidem.

Motus nullo prædicamento continetur 37.

Motus extensionis non autem intensiōis habet partes ibid.

Motuum localium alius rectus, alius curuus 83.

Motus rectus, motus sursum, deorsum & circularis, quid ibid.

Motuū quis simplex, & quis mixtus dicatur *ibidem*.

Motus cælorum vnde, & an violent. post iudiciū quiescet. 91.

Motus raptus quis dicatur, & quare. 94.

Motus proprius orbium inferiorū aduersatur motui raptō ibid.

Motus cælorum quomodo contrarij dicantur, & quomodo cæli inferiores siue violentia à primo mobili rapiantur ibidem.

Motus cuiq; cælo proprius, quanto tempore absoluitur ibid.

Motus primi nec merentur nec demerentur 210.

Motus propriè dictus tēdit à termino positiuo, ad terminum positiuum contrarium 38.

Motus propriè dictus & mutatio differunt 39.

Motus, saltem ratione, à termino ad quem distinguitur ibid.

Motus, ab actione & passione differt, saltem ratione ibidem.

Motu eodem, mobile mouetur & mouens mouetur ibidem.

Motuū quis tardus, aut velox 40.

Motus frequens non idem quod velox 41.

Motuum, quis regularis & irregularis ibidem.

Motus irregularis vnde ibid.

Motus naturalis quē habeat processum,

cessum, item violentus, & progressiuus 42.  
**M**otus cælorum maximè regularis est, licet difformis ibid.  
**M**otuum quis naturalis, quis item violentus dicatur, & vtrunque in cunctis rebus reperiri 42.  
**M**otus eiusdem speciei inter se sunt comparandi ibidem.  
**M**otus cui quieti priuatiue opponatur ibidem.  
**M**obile & mouens per se mouent & mouentur ratione partis, & per accidens 45.  
**M**ouens & mobile quid dicatur dum proportionem agitur ibid.  
**M**undus vniuersus quibus cõstet. 83.  
**M**ultum humidi & ob id læguentes in iuuentute, sæpenumero longioris sunt vitæ 123.  
**N**atura quid & quotuplex 16.  
**N**aturam quæ habere dicantur 7.  
**N**adir quid 103.  
**N**ix quid, & quādo generetur. 76  
**N**oscere ipsum, quid sibi velit. 95.  
**N**umerus quis numerans & quis numeratus 56.  
**N**ubes in regione aëris suprema non generantur, sed ignea quædam 74.  
**N**utritio cur fiat, & eius augmentatione differentia, licet vtriusq; idem sit obiectū. 124.  
**N**utrirī necesse est, quandiu viuens existit ibidem.  
**O**biectionum quarundam contra eclypsim in tēpore mortis Christi factā, solutiones. 108.  
**O**biecta sensuum exteriorū quin-

que 131.  
**O**culus quomodo quandam lucē habere dicatur 174.  
**O**doratus quid, & cuius naturæ & quod instrumētū & obiectū, & quomodo odoratio fiat 141.  
**O**dorifera cur magis die quā nocte percipiantur ibid.  
**O**dorifera quædam non percipiuntur 142.  
**O**doratus cur in homine quā in cæteris animalibus imperfectior. 141  
**O**dores quidam propter soporem grati, alij propter se 142.  
**O**doratus hominis cæterorū animalium perfectior est odoratū ibi.  
**O**dores quomodo ab odoratu percipiantur 142.  
**O**mnē quod mouetur ab alio moueri, quomodo intelligendū sit. 44  
**O**piniones diuersæ de loci natura. 51.  
**O**piniones diuersæ de cælorum numero 92.  
**O**rdo quis sit in mouentibus subordinatis 44.  
**O**rdo essentialis, & accidentalis causarū subordinatarum ibid.  
**O**rdinem essentialē infinitum, sequeretur actu infinitum, accidentalem, non ita 45.  
**O**rdo in elementis vnde 89.  
**O**rdo planetarum ratione probatur. 93.  
**O**rdo Solis eadem ratione probari nequit ibidem.  
**O**ppositio diametralis quæ dicatur 105.  
**O**rgana sensuum exteriorū quinque 138.  
**P**ar-

**P**artes mobilium perfectius ipsas accidētibus mouentur. 43.  
 Partes heterogeniæ, homogeniæ quæ dicantur 74.  
 Parahelij quid 80.  
 Parahelius quid ab halone & iride differat ibidem.  
 Parahelij plures simul apparent, sub quibus tam Lunæ quàm Solis imago comprehenditur ibid.  
 Parahelij duo cum Sole apparuerunt tempore natiuitatis Christi ibidem.  
 Passiones tres sunt quibus animal circa obiectum conueniens afficitur 196.  
 Passiones tres quibus obiectū discōueniens, animal efficit 196.  
 Passiones irascibilis, quæ quibus passionibus concupiscibilis respondeant ibid.  
 Passionum quæ irascibilis, & quæ concupiscibilis vis, quarum ira tantum habet passionem priuatius oppositam 198.  
 Passiones irascibilis, ex passionibus cōcupiscibilis oriuntur, & in eadem terminantur ibid.  
 Passiones irascibilis ad gaudium terminantur, & cur vis irascibilis cōcupiscibilis sit addita 199.  
 Passiones cur dicantur, & corpus immutent ibi.  
 Passio Christi ob naturæ nobilitatem durior ei fuit 147.  
 Peccatum unde procedat 33.  
 Periodum seu terminum determinatum, natura omne viuens habet 125.  
 Periodū naturalem res raro attin-

gunt, & nunquā prætereunt ibi.  
 Periodū præscientiæ diuinæ omnia attingunt, non tamen prætereunt vnquam 126.  
 Periodus diuinæ præsciētiae quomodo præteriri possit quomodo minime, cum expositione auctoritatis Iob ibidem.  
 Perspicuū actu & potentia, quid. 133.  
 Peccatum intellectui nonnunquā displicet, dum intellectuuo appetitui placet 107.  
 Phātsiātes cur in tenebristerreātur nō autē presente lumine. 177.  
 Penetratio dimensionum impossibilis 53.  
 Pisces cur vocem non edant 136.  
 Pluuia quid, & quid imber, pluuia & labrocera differant 76.  
 Pluuiæ nomē, specificū est quāuis latius sæpenumero sumatur ibi.  
 Pluuia vbinam generetur ibid.  
 Pluuia cur rotunda & salsa ibid.  
 Pluuia ex vaporibus ex mari attractis generata cur salsa nō sit. ibidem.  
 Planetæ septem & eorū situs 95.  
 Planetæ soli stellarum, non scintillant ibidem.  
 Planetæ quomodo à stellis fixis differant 96.  
 Planeta variorum colorum apparatu ab inuicem differunt quēadmodum & varios producunt effectus ibidem.  
 Planetæ nunquā zodiacum exeunt, vnicus tamē Sol lineā cœlipticam semper tenet 102.  
 Plenilunium quid 108.  
 Poli



- Poli mūdi duo, quorū alter nūquā**  
 nos latet, alter verò perpetuo. 93  
**Poli mundi immobiles sunt, non**  
 autem poli zodiaci 96  
**Potentiarū animæ quædam in ani**  
 ma sunt, aliæ in cōposito, quarū  
 illæ tantū animam à corpore  
 separatam sequitur 114  
**Potentia animæ cōueniētes cūm**  
 sint quinque, cur trimembris sit  
 facta diuisio. ibid.  
**Potentiarum distinctio vnde su**  
 menda. 115  
**Potentiarum diuersitas partim per**  
 sectionis, partim imperfectio  
 nis est. 116  
**Potentia vegetatiuæ quæ & quor**  
 officia præcipua. 117  
**Potentia quatuor sunt necessariæ**  
 nutritioni, augmentationi, & ge  
 nerationi. 117  
**Potentia generatiua prima est ve**  
 getatiuæ animæ vis. 118  
**Potentius duabus homo cætera a**  
 nimalia excellit. ibid.  
**Præter naturam quid 7.**  
**Principium naturalis quid 8.**  
**Priuatione quomodo trāsmutationis**  
 rei naturalis principium 16.  
**Priuatione in corporibus celestibus**  
 est, quæ tamen non reddit ge  
 nerationi obnoxia 17.  
**Propter finē omnes res naturales**  
 agūt, siue viuentes siue non 30.  
**Præter hominem res omnes natu**  
 rales ad finem aguntur à Deo  
 potiùs quàm agunt 31.  
**Prouidis pauca casualia aut fortui**  
 ta contingunt, improuidis ve  
 rò plurima 32.  
**Proprietates tēporis quinque 38.**  
**Proprietates: augmentationis**  
 sex 62.  
**Primæ qualitates quatuor 64.**  
**Primum qualitātū calor & frigus**  
 etū maximè actiua sunt mini  
 mè tamen resistunt 65.  
**Proprietates elementorum sex**  
 sunt. ibid.  
**Pruina quid sit, & quādo fiat 76.**  
**Pruina cur fœteat 76.**  
**Pruina quando iudicium serenitæ**  
 tis, & quando effectus contra  
 rij ibidem  
**Proportio quatuor qualitātū pri**  
 marum causa est vitæ longæ,  
 aut brevis 122.  
**Proportio calidi & humidi cur**  
 causa vitæ longioris aut bre  
 uioris dicatur, cūm tamen qua  
 tuor qualitātū proportio sit ib.  
**Præcocia seu præmatura ingenia,**  
 cur breuioris sint vitæ 123.  
**Præcepta & prohibitiones cur so**  
 lis rationalibus dentur, & quo  
 modo irrationalibus dicantur  
 præcepta dari 120.  
**Pueri mense octauo nati aut cito**  
 moriūtur, aut miserè viuūt 95.  
**Pūcta solstitiorū duo, & vbi 102.**  
**Pueri cur infelices sint memo**  
 ria 159.  
**Q** Vinque ad motum requisi  
 ta 38.  
**Quies quid sit 43.**  
**Quantitas corporea sola ita occu**  
 pat, vt eodem loco aliam non  
 admittat 54.  
**Quinque modi sunt locum replē**  
 di ibi.

- Quædã replët, & nõ occupât ibi.  
 Quæstio, an quicquam simplici-  
 ter generetur, nec ne 48.  
 Quæstio, qua ratione ex cõtrarijs  
 quatuor aliquid generetur ibid.  
 Qualitates secũdæ horũ inferio-  
 rum, ex primis nascuntur 69.  
 Quæstio, an quãlibet corruptio-  
 nem sua sequatur generatio no-  
 ua 70.  
 Quæstio quænam sit caussa gene-  
 rationis aut corruptionis diuer-  
 sorum temporum 71.  
 Quæstio, vnde quorũdam tam fa-  
 cilis generatio, aliorum verò  
 tam tarda ac difficilis ibid.  
 Quæstio, an corruptum semel pos-  
 sit idem redire ibid.  
 Qui diutius vivant voluptatum  
 moderamine 124.  
 Quæstio cur indiuiduum nutri-  
 do nequeat perpetuari ibid.  
 Quinque concurrerunt miracula  
 tempore passionis Christi 109.  
**R**atx cũ pluuiæ descẽdũt 76.  
 Ratio, qua sensus, seu poten-  
 tia vna alteram excellere pro-  
 batur 171.  
 Res naturalis, quid 6.  
 Res spiritualis creatę tantũ ha-  
 bent finalem & efficientem cau-  
 ssas: corporales verò ad hæc ma-  
 terialem & formalem 12.  
 Res permanens & successiua quid  
 37.  
 Regulæ proportionũ septẽ Arist.  
 quibus duę adiunguntur 45.  
 Regularum proportionum exem-  
 pla 46.  
 Resistẽtia, motum in instanti sic  
 ri prohibet ibid.  
 Regiones aëris tres, & earũ qua-  
 litates 73.  
 Regiones quæ sint habitabiles &  
 quæ minimẽ, & quomodo id  
 sit accipiendum 104.  
 Respiratio duo habet officia quo-  
 rum alterũ necessitatis est, nec  
 omnib⁹ animalib⁹ cõuenit 137.  
 Reminisci quid, & qui à memora-  
 tione differat, & ad illud quàm  
 ad hoc plura requiri 161.  
 Reminiscẽtia quomodo memorię  
 discontinuatæ dicatur 161.  
 Res corporalis in intellectum nõ  
 agit 175.  
 Res quid & cur potissimũ ver-  
 nõ tempore generetur 76.  
**S**aturnus planeta noctiuus, &  
 cur cũ falce depingatur 96.  
 Salua licet non sit medium gu-  
 stus ad gustationem tamen re-  
 quirritur 144.  
 Saporum variæ sunt species 144.  
 Sapientes & Philosophi, quomo-  
 do Deum cognouerunt 178.  
 Scripturæ origo 133.  
 Secundũ naturã quę dicantur 6.  
 Seminis pulcherrima consideratio  
 119.  
 Sensus exteriores quinque 131.  
 Sensibile per se quid, & sensibi-  
 le per accidens ibi.  
 Sensibile propriũ, & sensibile  
 cõmune quid 131.  
 Sensus ois speciẽ absq; materia re-  
 cipit, & cur plãrũ nõ sentiũt 148.  
 Sensibile excellens, sensum cor-  
 rumpit, & quid dicatur 149.  
 Sensus, suum quisque habet obie-  
 ctum

# INDEX.

Actum, organum, & mediū ibi.  
 Sensus nullus, proprii obiecti alterius speciem in se recipit ibid.  
 Sensus debitam obiecti distantiam requirit ibi.  
 licet nō omnib<sup>9</sup>, sit æqualis ibi.  
 Sensus omnis obiecti sui priuationem percipit 150.  
 Sensus cōmunis vbi situs, & quod eius officium 152.  
 Sensus communis necessario ponitur ibidem  
 Sensus exterior super actum suū non reflectitur 153.  
 Sensus communis an obiectū præsens requirat, vt eius speciem in se seruet, dubitatur 154.  
 Sensuum interiorum nomina variantur 155.  
 Senes infelices sunt memoriæ q̄ tamen in iuuetute memorię mādauerūt tenacissimē seruāt 160.  
 Sēsualitas vnde in natura humana quantū voluntati resistat 206.  
 Sēsualitas quatenus vitio detur 113.  
 Siccū formam impressam optimē seruat 70.  
 Signa pluuię 76.  
 Signa terrę motus 80.  
 Signa borealis, seu septentrionalia autarctica sex sunt, rursū sex meridionalia, australia, seu antarctica & cur ita dicta 101.  
 Signū nullū æquali distātiā ab vtroq; polo distat, & quodlibet in longitudine gradus habet 31.  
 Sol cur Deorum & hominum pater sit dictus 134.  
 Sol cur neq; primo, neq; infimo

ponatur loco ibidem.  
 Solis in scriptura magnificamentio 99.  
 Solem vt coniugem comitatur, muliebrium est effectiua qualitatum vt Sol virilium. 98.  
 Sol diuino verbo comparatur. 16.  
 Solsticiū hyemale & æstiuale quid & quando sit, & quomodo Sol stare dicatur 102.  
 Sonus quid, & tria ad ipsum requiruntur 181.  
 Sonus in suo medio est, quod nullū illorū obiectorū cōiungit 135.  
 Sonus mediante locali motu ibi.  
 Sonus partim realiter, partim per solam speciem in aëre est ibid.  
 Sonus fortior cur non semper longius audiatur 136.  
 Sonus & in aqua & in aëre recipitur ibi.  
 Somnus quid, duplici de causa necessarius est 163.  
 Somnus vti cibus necessarius est, quatenus vnicuique vtendum ibidem.  
 Somno immodico dediti, cuius officio exequēdo inidonei ibidem.  
 Somnus quomodo fiat, vnde fortior aut debilior. 165.  
 Somnus potissimū ad vegetatiuas potentias ordinatur ibid.  
 Somnus postremo loco sensum reparat 166.  
 Somnus matutinus castitati, inimicus ibid.  
 Somnia naturalia, supernaturalia, animalia quæ 167.  
 Somnia mala, viris optimis sine cri-



- crimine contingunt 168.  
 Spiritus motiui, & sensitiui, vnde  
 oriuntur 165.  
 Species rerum non sunt animæ cō  
 creatæ, nec ipsæ quoque animæ  
 simul creatæ sunt 172.  
 Spes vnde oriatur 197.  
 Species viuientium corruptibiles  
 sunt 128.  
 Stipulæ ardentes quid 74.  
 Stellæ firmamenti in sex magni-  
 tudinis differētiās diuiduntur  
 87. 88.  
 Stellæ innumeræ sunt in firma-  
 mento, hinc visu non notabiles  
 ibidem.  
 Stellæ fixæ scintillant, & cur fixæ  
 dicantur 95.  
 Stellæ & luna, cur de die non vi-  
 deantur 132.  
 Superficies plures se simul per-  
 mittunt 51.  
 Successio impedit durationem vt  
 occupatio repletionem 58.  
 Superficies quæ conuexa dicatur  
 & quæ concava 51.  
 Superficies quid 82.  
 Sydus volans quid 74.  
**T** Angendi modi quatuor sunt,  
 63.  
 Tactus organum, medium, & ob-  
 iectum, quid. 144.  
 Tactus, solus omnium sensuum  
 animali est necessarius cur per  
 totum sit diffusus 145.  
 Tactus perfectio, aliorum sensuum  
 perfectionem non arguit, nec  
 ediuerso ibid.  
 Terminus à quo, ad quē, quid 38.  
 Terminus ad quem dignior est  
 termino à quo motum deno-  
 minat, motus distinguit specie,  
 genere, aut numero ibid.  
 Terminus à quo non distinguit  
 motum 39.  
 Terminus à quo, & ad quem dicū-  
 tur pro se primo, ratione partis  
 & per accidens 43.  
 Tempus quid & eius duplices par-  
 tes, & quomodo numerus dica-  
 tur 56.  
 Tempus omnia mensurat, sed so-  
 lū motū primi mobilis intrinse-  
 ce, cui & æquale est 56.  
 Terræ motus quid 78.  
 Terra mobilis est omni motu, &  
 quomodo punctum & centrū  
 dicatur mundi 86.  
 Terra vnde suam habeat immobi-  
 litatem 88.  
 Terram esse rotundam, quomo-  
 do intelligatur 88.  
 Terra cur montosa sit, & vallibus  
 plensque in locis distincta  
 ibidem.  
 Terræ quantitas ibi.  
 Tempus vitæ humanæ, pro diuer-  
 sis mundi ætatibus, aliud atque  
 aliud fuit 127.  
 Tempus exterorum viuientium  
 quoque diuersum fuit ibi.  
 Tenebræ quid 133.  
 Terribile plus mouet ad fugam  
 delectabiles ad prosecutionem  
 197.  
 Timor quid sit 200.  
 Tonitruum quid 78.  
 Tonitruum fulmine prius est, li-  
 cet posterius percipiatur ibi.  
 Torrida zona quid, & quā-  
 vincta-

- viuentibus præbeat habitatio-  
 nem 79.  
 Triplex significatio dictionum  
 motum significantium 40.  
 Tribus modis quippiam dicitur  
 esse in loco, 53.  
 Tropicus cancri, seu æstiu-  
 alis quid 103.  
 Tropici respectu quorum hiema-  
 les & æstiuales dicantur 104.  
 Tropicus capricorni seu hyema-  
 lis quid, & vnde tropicus dica-  
 tur ibidem:  
 Tremor & puls<sup>9</sup>, quid differat 78.  
**V**acuū impossibile est esse 55.  
 Vacuum quid sit 54.  
 Vapor quid 74.  
 Varietas figurarum in aëre appa-  
 rentium vnde proueniat ibid.  
 Vapor, quid 76.  
 Vapores qui somnium generant,  
 & qui impediunt 177.  
 Ventus quid, eorum qualitates, no-  
 mina quot sint 78.  
 Venus, nunc Lucifer, nunc Hesperus  
 dicitur 97.  
 Venus immoderata speciem hu-  
 manā miris modis debilitat 128.  
 Veritas & falsitas quomodo sunt  
 in intellectu 189.  
 Vituli cum pluuia descendunt 76.  
 Visio quomodo fiat 131.  
 Visiua potentia, oculus, & anima  
 diuersimodè videre dicuntur 132.  
 Visibilia quædam duplici ratione  
 videntur, nocte dieque, diuersa  
 tamen ratione: alia etiā eadem  
 ratione 133.  
 Vigilia quid 163.  
 Vigilia corpus exiccat, vt ieiuni-  
 um ibi.  
 Virgo beata ab omni motu inordi-  
 nato fuit immunis 202.  
 Vocabula actionem in anima ma-  
 nentem significātia, quadrupli-  
 cem habent significationē 38.  
 Vorago quid 74.  
 Vox quid, quibus conueniat ex na-  
 tura tam in brutis, quàm homi-  
 nibus aliquid significat 136.  
 Vocalis arteria, eius operculū ibi.  
 Vox articulata, & eius instrumen-  
 ta, vox nō semper significat 138.  
 Vox inarticulata, etiam naturali-  
 ter significat ibid.  
 Vocem formare & loqui differūt,  
 139.  
 Voluntas quid sit, comparatione  
 appetitus sensitiui docetur 192.  
 Voluntas dominium habet 204.  
 Voluntas à sensualitate vinci non  
 potest, nisi se dedat, licet ab ea  
 vexari possit 205.  
 Voluntas quomodo omnibus vi-  
 rib<sup>9</sup> animalib<sup>9</sup> dominatur 209.  
 Voluntas sola ræretur, & demere-  
 tur 205.  
**Z**enith capitis quid 102.  
 Zodiacus circulus omnium  
 circulorū solus longitudinem  
 habet 101.  
 Zodiacus iuxta longitudinem in  
 duodecim signa secatur ibi.  
 Zodiacus quid ibid.  
 Zone cæli quinque 103.





